

江蘇縣學務


總會文牘

~~163~~

上海图书馆藏书



A541 212 0012 4981B



江蘇總商會文牘

光緒丙午七月

陽湖汪洵書



上海商務印書館代印

江蘇學務總會文牘初編敘例目次

學會發起於乙巳九月同芳來海上凡有所建議輒操觚從諸君子後既而公推同芳駐會辦事兼任書記焦然瞿然自辰至酉手勿釋也今屆九月將復集大江南北人士於海上以討論明歲所謂改良者書記員因甄錄一歲中尤要之文牘彙爲一編供研究改良之資料編事歲乃對於大江南北我諸父老鄉先生生一感情夫江蘇學會發起至今日其所歷種種阻撓之情況我諸父老鄉先生知之卽我諸父老鄉先生在內地所歷種種阻撓之情況以白諸總會總會亦甯不知之顧有歷種種阻撓而立與歷種種阻撓而消滅其間固有別也且總會於種種阻撓之情況既身當其衝矣甯能使我諸父老鄉先生欲謀成立而不受阻撓耶夫阻撓一也何以或成立或消滅我必有可以成立之實在與無可消滅之質料然後人之阻撓聽之不阻撓亦聽之當今之世情勢萬變偶一議睽睽睢睢安得有完全不受阻撓之事而聽我自成立耶今 朝廷銳意更新將有事於地方自治夫發掘自治之原理者非學會之責而誰故記者以爲學會者地方自治之雛形江蘇學會者尤全國社會之雛形也海上交通便利

便似宜有全國學務之公會庶乎憲政預備之一端君子思不出位記者能力所未至蓋歆然也邦人君子儻有意乎丙午秋七月武進沈同芳

例言

一文牘分上下兩編關係全體者爲上編關係一方面者爲下編分類之中復以事相從其各處來牘及會員所建議與學務有關係者分別錄入但低一格以識別之

一各府廳州縣文牘本擬依據摺紳錄爲序今提學使已析爲甯蘇兩屬故亦分屬編次所屬州縣之次序仍照憲綱

一各處文牘或甫報告或經調查所指斥之事與所指斥之人照稿登錄編者無所責任

一各府廳州縣分會章程因地制宜本難一致近奉學部奏定教育會章程自應再事組織其從前暫定章程亦分別甄錄一二以志事之原起其章程相仿或不甚完密者但標其目文則從略

一各府廳州縣分會報告所舉之職員往往或稱總協理或稱正副會長或稱名譽幹

事殊未劃一是編悉仍來贖除揚府學會組織較爲完備全行登錄外餘僅錄各會領袖一二人作爲該會之代表

一各府廳州縣有至今尙無分會亦未報告隻字者則於縣名下注一無字以表希望將來之意并以覘進化之遲速

一總會致各處文牘自係書記之責然或因事離滬而會長委托他人主稿或會長自行主稿者茲舉目如下以紀實 致署江蘇按察使朱論盲啞學堂書 張先生書
主稿 上江蘇學政唐條陳學務書 復沈觀察桐論甯蘇省學會書 致沈觀察桐梅觀察光遠論甯府師範書 致沈觀察桐論桃源學務書 復揚州學務公所請禁私藏軍火書 致蘇撫陳請查侵佔校地書 白先生作霖主稿其餘公私文牘皆同芳主稿但必經會長簽字而後發布

一總會章程書記本有報告之職但不佞駐會辦事以一人兼攝公私文牘日力頗不給除緊要文字隨時登報外其內地或遠宦或游學在會諸君子實未能一一報告殊癡厥職今輯是編卽代報告以補余過

一 書記職務僅止於公私文牘其他調查專門普通應行編輯者及收支簿冊應造表宣示者照章另有擔任之人不在書記範圍之內

一 總會上半年所設之法政研究會下半年所設之法政講習所所有講義應由講員得暇編輯亦不在書記範圍之內

一 是編文牘錄自乙巳九月學會發起時訖丙午七月

一 末附會員姓名錄亦丙午七月以前者會中日行事件將來當參酌部定教育會章程第六節第十二條紀錄辦理

右例言十二條何君震彝頗助商榷且分任編纂匆匆出板設有譌誤幸諸子匡正之同芳再識

目次上

上學部設立江蘇學務總會呈 (江督蘇撫同) 江蘇學務總會暫定章程 蘇撫陸照會 致蘇省學務處設立學會存案書 兩江學務處照會 復兩江學務處論總學會應設上海書 學部奏定勸學所章程 學部奏定教育會章程 上

學部請明定各省學額並撤銷科舉名目呈 上學部設法政講習所呈 法政講習所章程 上江督周論甯垣學務書 江督周復書 再上江督周論甯垣學務書 三上江督周論甯垣學務書附柳詒徵學務芻議 附于右任論分省界書 上江督周論蕪湖蘇籍旅學書 上江蘇學政唐條陳學務書 江蘇學政唐咨文 江蘇學政唐查學榜示 復兩江學務處沈觀察桐論甯蘇分設省會書 兩江學務處沈觀察桐來書 復兩江學務處沈觀察桐論官紳辦學意見書 復兩江學務處論校員學生積習書 兩江學務處沈觀察桐來書 致三江師範學堂李觀察瑞清論各校罷課書 復甯垣十七省學會發起人書 致署江蘇按察使朱論盲啞學堂書 致蘇省學務處論裁汰乾修書 蘇州紳士論浙省存留書院書 復蘇松太道瑞論警察干涉演說書 復蘇松太道瑞協助中國公學書 蘇松太道瑞照會 復蘇松太道瑞寰球中國學生會並未開會書 蘇松太道瑞來書 復蘇松太道瑞論宋際清縱火被押自盡書 蘇松太道瑞照會 致蘇松太道瑞論妓女半日學堂書 何太守震彝上學務處書 復潘庶常浩論學務書 潘庶

常浩條陳 廣告各分會論校員學生積習書 奉天提學使張來書 復奉天提學使張論校員學生結團體書 復日本留學生論取締規則書 江督周札蘇松太道袁文 馬觀察良上江督稟 馬觀察良擬江甯省城設立出洋及專門預科說帖

目次下

(甯屬) 兩淮運使趙飭各場興學書

(江甯府) 江甯府學務公所意見書 江甯府調查員侯孝廉必昌報告書 致

兩江學務處沈觀察桐論甯府師範書 致梅觀察光遠論甯府師範書

(上元縣) (江甯縣) 學務公所公舉上元江甯代表公函

(溧水縣) (六合縣) 學務公所公舉溧水六合代表公函

(江浦縣) 無

(高淳縣) 無

(揚州府) 揚州學會章程 揚州學會職員 復揚州學務公所請禁私藏軍火

書 揚州學會判決仙鎮爭釐興學書 復揚州學會書 揚州學務公所查復廣陵學會書 揚州學務公所論張紳售穀興學被累書 致兩淮運使趙電 兩淮運使趙復電

(江都縣) 江都學會報告成立書 江都學會章程 (略) 江都學會職員

(甘泉縣) 甘泉學會章程 (略) 甘泉學會職員 留學生請查邵伯鎮造謠

毀學書 致兩江學務處書

(儀徵縣) 儀徵學會報告成立書 儀徵學會章程 (略) 儀徵學會職員

(高郵州) 高郵紳士公舉代表書 高郵學會職員 董增祿等報告權董誣控

書 致兩江學務處書

(寶應縣) 寶應學務公所章程 (略) 寶應紳士介紹入會書 王鼎彝請送

師範生書 寶應學會報告匪徒搶米毀學電 致兩江學務處電 復寶應學會

電 致兩淮運使趙電 兩江學務處復電 兩淮運使趙復電

(興化縣) 興化學會章程 (略) 興化學會職員 復興化學會因縣示退學

書 致兩江學務處電 揚州學務公所來書

(泰州) 泰州學會初次章程 (略) 泰州學會報告州官解散學會電 泰州

牧張報告撤銷總理字樣電 致兩江學務處電 兩江學務處復電 再致兩江

學務處電 致兩江學務處沈觀察桐書 沈觀察桐復書 致_{兩江}蘇省學務處請飭

查吏目爲學生窘罰書 蘇省學務處復書 兩江學務處復書 泰州王家樓僧

衆毀學電 致兩江學務處電 兩江學務處復電 泰州王家樓紳士報告僧衆

毀學書 泰州馬家莊報告州書煽衆毀學電 致揚州府榮並學務公所書 泰

州學會報告第二次組織成立書 泰州學會第二次章程 (略) 泰州學會第

二次舉定職員 泰州旅甯學會發起部改良章程 泰州旅甯學會招待所章程

(略) 復泰州學會書

(東臺縣) 東臺留學生意見書 東臺留學生書 致江督周請斥除留學劣生

書 夏編修寅官致張殿撰書 東臺縣高等小學及夏紳宅第被毀詳告

(淮安府) (山陽縣) 淮安學會報告成立書 淮安學會章程 (略) 淮安

學會職員 江北高等學堂學生論校事積弊書 江北學堂調查表

(阜甯縣) 無

(鹽城縣) 鹽城學會報告成立書 鹽城學會章程 (略) 鹽城學會職員

(清河縣) 清河學務公所報告書 清河學務公所章程 (略) 清河學務公

所職員

(安東縣) 無

(桃源縣) 桃源縣學會報告成立書 桃源學會章程 桃源評議員張訓導相

文報告書 致兩江學務處沈觀察桐論桃源學務書 沈觀察桐復書 致兩江

學務處桃源孫大令爲撥捐興學書

(徐州府) (銅山縣) 徐州學會章程 徐州學會職員 徐州學會公舉代表

書

(蕭縣) 蕭縣舉學會董介紹書

(碭山縣) 無

(豐縣) 無

(沛縣) 無

(邳州) 無

(宿遷縣) 致宿遷縣萬大令書 陸文椿臧增慶致張殿撰論宿遷學務書 再

致宿遷縣萬大令書

(睢甯縣) 無

(海州) 復板浦鎮吳鴻年等書 致兩淮運使趙論北巖公學書

(贛榆縣) 無

(沐陽縣) 無

(通州) 通州公舉代表書 公舉靜海鄉職員書 通海五屬送各校概覽表學

務員紳學生總錄書 張殿撰審正告五屬各學校教員及學務董事文

(如皋縣) 如皋暫舉代表書 如皋東區掘港場勸學所簡章 如皋豐利學會

簡章 (略)

(泰興縣) 泰興公舉代表書

(海門廳) 張殿撰對於海門之請問 致兩江學務處論海門學務書

(蘇屬) 復旅甯各府學會宗君嘉祿等論蘇州徵兵事書 蘇松常鎮太五屬京

官致江督蘇撫論積穀提款辦學書 江督周復京官電 蘇撫陳復京官電 裴孝廉

廷梁致任觀察逢辛論積穀提款辦學書

(蘇州府) 致蘇撫陳請查侵佔校地書 蘇府學務公所紳士請查侵佔校地公

呈 蘇府調查員汪中書鍾霖報告侵佔校地書 羅署正振玉辨明調查員報告

登報書 復羅署正振玉登報辨正書 蘇府調查員汪中書鍾霖復羅署正振玉

辯正書

(吳縣) (長洲縣) (元和縣) 長元吳三縣公舉代表書

(靖湖廳) 無

(崑山縣) (新陽縣) 崑新學會公舉代表書

(常熟縣) (昭文縣) 常昭學務公所公舉代表書 常熟學務公所及學會報

告在學諸過忿情形書 致蘇省學務書 常昭學界去秋迄今春始末報告書

常昭學會論辦學人員當由選舉之意見書

(吳江縣) (震澤縣) 江震學會公舉代表書 江震學會論選舉省學務公所

職員之意見書 江震學會預籌勸學所之意見書 江震高等小學經濟困難說

略

(松江府) (華亭縣) (婁縣) 華婁學界公舉代表書

(奉賢縣) 奉賢縣移送孫壽昌到會攷察學務文 奉賢學務公所簡章 (略)

奉賢學務公所職員

(金山縣) 金山各學堂公舉代表書 致蘇松太道瑞辯明沈嘉樹等被誣書

蘇松太道瑞復書 致蘇省學務處報告金山設立勸學所書 金山勸學所簡章

金山 學務公會
勸學所 職員

(川沙廳) 楊斯盛到會頌詞 黃炎培代答謝詞 楊斯盛復書

(上海縣) 上海學務公會草章 上海各學堂一覽表

(南匯縣) 南匯學界公舉代表書

(青浦縣) 青浦學界公舉代表書

(常州府) 蘇省學務處批常州府學務公所稟 盛孝廉平章等籌設甯垣常府

公學草議 甯垣常府學會初訂章程 (略)

(武進縣) (陽湖縣) 武陽學會報告書 冠英正則繩正驛西四學堂報告招

收斥退學生書 附楊廷棟調查記 溪山正則冠英繩正布業半日各學堂報告

粹化女學情形書 師範傳習所報告 朦稟被誣書 復師範傳習所書 再復師

範傳習所書 蘇省學務處照會 復蘇省學務處書 調查員白中書作霖至常

州調查事件清單及報告書 旅甯武陽學會存案稟並批 留歐武陽學生來書

(無錫縣) (金匱縣) 錫金學界公舉代表書

(江陰縣) 章庶常際治復書 南菁高等學堂自治簡章 (略)

(宜興縣) 荆溪縣 宜荆學會公舉代表書 宜荆同舟學會章程 (略) 靖

江縣靖江青年學報告書 靖江青年學會簡章 (略) 靖江青年學會職員

復靖江青年學會書 靖江學會來書

(鎮江府) (丹徒縣) 鎮江學會簡章 (略) 茅訓導謙請擴充鎮江蒙學堂

說帖 復兩江學務處延訂中學監督書 致常鎮道陶爲元壇宮地址書

(京口駐防) 京口學界公舉代表書 京口駐防學會章程 (略) 京口駐防

學會職員

(丹陽縣) 丹陽學會報告書 丹陽學會簡章 (略) 丹陽學會職員 復丹

陽學會書

(金壇縣) 金壇學會簡章 (略) 金壇學會職員 鎮屬評議員徐君高年金

壇學界衝突情形說帖 致金壇縣胡大令調查學務書 復蘇省學務處書 調

查員袁孝廉希濤報告金壇學務情形書 兩江學務處照會 摘兩江學務處詳

文

(溧陽縣) 溧陽學務公所暫定章程 (略) 致蘇省學務處論溧陽顧教諭設

立學會書 復溧陽縣劉大令書

(太倉州) (鎮洋縣) 太鎮學會公舉代表書 劉河學界公舉代表書 太屬

學務公會簡章 (略)

(崇明縣) 崇明會員王樹聲等報告學務情形書 王參議清穆復書 崇明會

員王樹聲第二次報告學務情形書 致崇明縣魏大令書 致蘇省學務處請飭

縣維持學務書 再致蘇學務處請嚴懲毀學書

(嘉定縣) 嘉定學會公舉代表書 嘉定會董廖君世經聲明北上辭任書

(寶山縣) 寶山學會公舉代表書

補編目次

海門龔世清諸君來書 復海門龔世清諸君書 張殿撰在通州師範學校簡易

科卒業演說 張殿撰正告通五屬辦學諸君文 張殿撰正告通五屬各小學校

教員 私塾改良總會書記員報告兩年會事概略

附江蘇學務總會會員姓名錄

江蘇學務總會文牘

初編敘例目次



十六

江蘇學務總會文牘初編上

上學部設立江蘇學務總會呈（江督蘇撫同）

呈爲上海設立江蘇學務總會懇乞據情代奏並咨行各省參酌舉辦推廣交通以維學界事竊維今之謀國是者必曰興學校儲人材似已紳等以爲造就人才之難而造就人格之尤汲汲也夫足以稱人才而無媿者殆百中之一二耳以百中一二僅有之人才而遇夫十有八九不完全之人格其關繫乎地方自治之影響爲何如也前者恭奉明詔停罷科舉褊僻之區尙斷斷一衿之榮要求考試思想之鄙悖誠不足齒稍稍開通以興學爲急務者大都藉口士子進身之階科第思想束縛固結其視學堂與科舉殆無以異至於教育應如何普及教科應如何畫一學費應如何補救學制應如何改良彼固茫然不知是科舉雖廢不數年後必又有議學堂之後而加之厲者上無以副朝廷孜孜興學之心下無以慰士民喁喁望治之想紳等集議以爲奏定學章及歷屆興學諭旨亦既責成地方官長與在籍紳士實心任事矣然數年以來成效鮮覩一郡縣之地彼此之辦法紛歧一學校之間前後之教科互異官非久於其任報

告視爲具文紳或任焉不專辦事率多觀望是非各省設立學會逐事研究無以收綱舉目張之效爲集思廣益之資查商界一途曾奉 部飭在上海設立商會而分會之

林立於各府廳州縣者比比皆是商民稱便耳目一新況學界爲造就人格之權輿學會爲地方自治之基礎全國人民無一人可以不學卽全國事業無一事可以無學古今得失之林危急存亡所繫紳等同受 國恩亟思補救爰於上海設立江蘇學務總

會援照商會辦法分別總理協理以次各職員擬參用投票選舉之法一俟公同舉定另行造冊呈請立案至此項總會設立上海原因滬濱一隅學堂林立利用交通與商會命意大致相同茲將紳等暫定學會簡章一併開具清摺呈請鑒核俯予立案再科舉旣廢 大部已設專官 諭旨諄諄以悉心攷核加意培養爲亟應否通飭各省迅

卽參酌開辦以便通力合作同濟時艱至設立學會以專事研究學務之得失不涉學界外事爲宗旨共奮一息尙存之能力冀赴萬弩待發之時機補偏救弊之交資邪說設行之必距此則紳等區區之忱所以紓 宵旰而仰贊 謨者也所有上海公立

江蘇學務總會緣由除呈

兩江督部堂
江蘇撫部院

外合詞瀝陳伏乞援情代奏並候批示祇遵

學界幸甚地方幸甚謹呈

江蘇學務總會暫定章程

一定名 本會由本省同志組織成立定名江蘇學務總會 此會成立後先將簡章呈請督撫奏咨立案與京師學部及省學務

處直
接

二宗旨 專事研究本省學務之得失以圖學界之進步不涉學界外事

甲注重師範 勸導各道或各府廳州縣建立師範學校養成教員管理員多設初級小學校以謀教育之普及

乙考求實業 勸設實業學校養成農工商實業之才

丙提倡尚武精神 各學校均宜注重體育現北洋已行就地徵兵之法南洋亦復踵行各府廳州縣之學生有卒業於高等小學校之程度而年齡身材合格志願在武備者隨時向本地

學會董事報明學務公所驗明注冊報告本會以便俟本省各水陸師學堂招考時由本會照章保送

丁預備地方自治 近日朝廷特遣大臣考求各國政法將來當以地方自治為行政之基礎宜辦政法警察等速成科養成地方裁判警察之資助

戊聯合本省學界 一調查出洋學生名籍學科並查年歲及出洋年月畢業期限 二每年二次春以三月秋以九月江南北各三人分赴各府廳州縣調查學務調查員舟車路費由總會

會支給凡到一處飲食住屋舟車等事由該處照料 三總會所調查或各處自陳意見及辦法於總會者分次彙告會員 四除接待本會會員及各處代表人外凡本省人就學於各省及外國者皆招待之

(招待另
設細則)

已交通各省學界

或通函簡或派參觀
聯絡情誼交換知識

三會所 因交通之便利設總會於上海(暫在新聞醬園街第一百八十六號)

四會期

常會 每年十一月下半月中擇定會期一月前登報并發信知照會員如有急要

之事由總理決行後布告會員

臨時會 一各處有關於學務重要之事須請總會協助者 一本省有關於學務

重要之事須請各地方公同集議者總會得開臨時會登報發信如常會例

五會員 各府廳州縣公舉赴會之代表人及志願入會由會員介紹者合於下開入

會之資格均得隨時入會爲會員既入會後均有選舉職員被選舉權及會場

指常
會臨

時會公決之權

代表人資格

甲學務董事

乙各地地方學會會長

丙地方總董

丁聲望素為衆所推服者

志願入會者資格

甲紳士於學務有關繫者

乙紳士實能擔任推廣扶助學務者

丙興辦工商實業著有成效者 以上均須年二十五歲以上者

入會費及年費

甲入會時繳入會費銀拾圓

乙會員每年繳年費六元於常會時預繳常會後入會者即於入會時繳清

六職員 總理一人 協理二人 評議員以各府各直隸州所轄廳州縣多寡之數為差

不拘何廳州縣之人

江甯府七人 蘇州府十人 松江府八人 常州府八人 鎮江府五人 揚州府八人 淮安府六人 徐州府八人 通州四人 海州三人 太倉州五人 海門廳一人 共七十三

人 會董每廳州縣各一人 幹事員全會共二十二

經濟部六人 調查部六人 普通部二人 專門部二人 庶務部六人 內分書記二

會計二 招待二 如對於本會不能盡相當之義務或有損本會之名譽者一經同會會員指

證確實可以辭退然仍須會員多數之公決

七職員之權限

總理 有總理全會事務之權有提議會中應辦事務以憑公決并執行公議可決

各事之權

若經會員多數兩次公議否決者本會期內即不得復提議執行

有以事由招集職員開職員會各項職員會

并決

行開臨時會之權有定閉會期之權

協理 有協助總理理事之權總理不能主持會務之時或疾病或遠出或開會時因特別之事不到有代行

總理完全之權

二人內自推一人代行

評議員

有照章評議凡會員欲提議事件須交意見書於評議員經評議員二人以上之贊成者得請總理交由全會評議員公決議決全會教育事

務及經濟問題之權然必須全體評議員到會三分之二

指常會臨時會

乃得決議若因

推廣教育而關於擴充經費之事

指本會全體經濟上問題

多數評議員議決當由總理轉交

經濟部幹事員覆議認可其有關於地方特別經濟之問題當由總理面商或函

商於其地之會董得其認可

會董 有駐本地方執行評議員所議決各事之權然因經濟上之困難亦得否決

評議員所議決之事但否決後當受經濟部幹事員之覆查且經總理及本屬評議員之認可

凡會董即由各廳州縣於所公舉之代表人內指定經總理及本屬評議員之認可未認可前但爲代表人
既認可後即爲會董

幹事員

經濟部幹事 籌畫全會經濟主持出納大綱有覆核評議員所議決及覆查會董所否決地方經濟問題之權

調查部幹事 (甲)調查江南北府廳州縣各學校之建築及教授管理法(乙)關於學務之經濟(建築經濟均用一覽表填注)(丙)調取各處編行之教科書以備檢查

普通部幹事 編集各府廳州縣關於普通教育一切所調查及報告之事并檢查各處編行之普通教科書

專門部幹事 編集各府廳州縣關於專門教育一切所調查及報告之事并檢

查各處編行之專門教科書

現在尚無專門學校凡關於實業教育之事即由此部幹事經理

庶務部書記員 一司會內外友人往來之書札并報告會員等事一司官場往來之文牘

庶務部會計員 經收捐費公款核算出納細數隨時登記

庶務部招待員 布置開會事宜接待各廳州縣之會員及本省就學於各省及外國者

以上庶務部幹事須有一二人常駐會所

八職員之任期 職員均一年一舉連舉者連任

九附款 此簡章暫行公決施行遇常會時得公議改良

蘇撫陸照會

爲照會事照得來牘所稱在上海設立江蘇學務總會諸紳集議擬參用投票選舉之法並於各府廳州縣設立分會用以收綱舉目張之效爲集思廣益之資具見熱心教育事屬正辦應准立案除札飭學務處知照外特此照復祈貴紳查照施行須

至照會者

致蘇省學務處設立學會存案書

敬啓者方今時事孔棘非廣興教育使人人有普通之知識則一切立法行政阻礙實多東西各國無一事非學卽無一人不學中國上流社會已不免知識參差又當科舉甫停墨守之徒羣疑環起 朝廷迭沛興學之 諭責成官紳協力籌辦不啻三令五申而成效未彰者蓋官則紛紜更調無由久道以化成紳則家學人師妄思閉門而合轍學務之不振大率由此紳等籌思至再謂商界一途尙奉部飭徧設商會何獨於學界而遺之爰就上海交通便利組織一江蘇學務總會呈請學部及本省督撫立案業奉批示茲將撫院照會先行抄送貴處存案所有詳細章程及選舉名單當再續布肅請 勛安 附抄照會一紙

兩江學務處照會

爲照會事奉署督部堂周札開光緒三十二年三月十七日准學部咨開江蘇紳士王參議清穆等呈稱在上海設立江蘇學務總會等情又據該參議等呈同前因先

後到部查學會關繫全國教育應由本部妥擬章程一俟議定後奏明通行各省再由貴督轉行該參議等查照辦理以歸劃一相應咨復查照可也等因到本署部堂准此查上海設立江蘇學務總會一事蘇紳早經議及茲准前因核閱王參議所陳仍本此意本署部堂以爲學會之設原爲研究學務起見郡縣皆應設立至總會名稱應在省會不應在上海一隅之地除咨復外札處照會學會查照等因到處奉此合就照會貴學會煩爲查照施行須至照會者

覆兩江學務處論總會應設上海書

逕復者接四月初九日照會內開奉督部堂周札開准學部咨開江蘇紳士王參議清穆等呈稱在上海設立江蘇學務總會云云等因到會准此以上各情經敝會同人分別研究學部以學會之設爲關繫全國教育與督帥郡縣皆應設立之意正同既設學會矣對於郡縣所設之支會則必有總會如商會之例其明證也學部所謂妥擬章程通行各省以歸劃一與督帥籌及總會名稱應在省會之意亦正相同由前之說則將來全國皆應有學會由後之說則將來全國皆有劃一學會之章程均爲正辦但江蘇

省會督帥駐甯撫帥駐蘇省分之名稱一而省會之地方則二督帥札文僅曰總會名稱應設省會亦未指明在甯在蘇若謂在甯乎則現在上海組織學會之人在學界則凡滬上一隅百數十之學堂或監督或校員罔弗與也在商界則又凡滬上一隅各自有其經營各自謀其實業凡聲望素著熱心贊助者又罔弗與也脫移至省會則凡以上之商界學界將羣棄其固有之業而奔走於省會之學會乎此不待智者而知其不可也若謂在蘇乎則近日自提學使之命下聞甯垣各校間持異議以爲甯蘇兩屬恐各自爲風氣而慮其扞格也然此尙非草莽所敢遽議也若學會而移至蘇則亦必嚴別夫甯屬蘇屬之人各自爲一區 朝廷旣於江蘇學使而別之爲甯爲蘇社會又於江蘇學會而別之爲甯爲蘇焉用此紛紛爲且蘇屬之在滬者其不能舍所業而羣焉之蘇也猶夫前一說也此亦不待智者而知其不可也況改設提學使之奏學務處又須改爲學務公所矣兩提學使必有兩學務公所此必然之事也顧以後者且勿論卽就以前之甯蘇兩學務處言之固皆轄全省之學務而不分畛域矣何以蘇學務處所褒者或爲甯學務處所貶何以甯學務處所批准者蘇學務處或并擲稟而不收故

吾。以。爲。中。國。事。事。皆。敗。壞。於。渙。散。欲。救。渙。散。利。在。合。羣。社。會。者。合。羣。之。起。點。也。江。蘇。學。會。者。尤。江。蘇。合。羣。之。起。點。也。由。社。會。之。合。羣。而。推。之。於。官。場。由。江。蘇。學。會。之。合。羣。而。推。之。於。各。省。方。今。朝。政。更。新。且。日。夕。盼。憲。法。之。成。立。若。并。此。區。區。預。備。而。尙。不。足。見。信。於。行。政。人。如。我。國。之。前。途。何。去。歲。學。額。之。說。且。不。爲。各。省。所。諒。而。疑。之。爲。分。省。界。半。載。以。來。心。苦。分。明。始。漸。融。化。設。一。旦。以。行。政。界。上。所。分。爲。甯。爲。蘇。者。社。會。亦。從。而。效。之。毋。乃。與。初。心。相。刺。謬。乎。總。之。江。蘇。一。省。既。有。兩。省。會。則。總。學。會。之。移。甯。移。蘇。轉。偏。舉。而。不。能。完。全。不。如。上。海。一。隅。交。通。便。利。甯。蘇。兩。屬。以。時。來。會。無。此。疆。彼。界。之。嫌。兼。敬。業。樂。羣。之。益。卽。如。敝。會。現。在。附。設。法。政。研。究。會。講。員。皆。滬。上。學。校。中。人。居。多。數。其。流。寓。此。間。及。往。返。東。西。各。國。於。法。政。素。有。心。得。者。隨。時。延。爲。名。譽。講。員。而。平。時。一。切。幹。事。評。議。皆。各。事。其。事。無。須。另。支。薪。水。若。移。至。省。垣。則。糜。費。多。而。生。計。轉。曠。一。切。研。究。學。理。之。事。亦。安。得。如。許。之。講。員。舍。事。半。功。倍。者。而。勿。爲。轉。爲。此。費。倍。功。半。者。而。尙。不。可。恃。又。不。待。智。者。而。知。其。不。可。也。春。間。致。鳳。樓。觀。察。書。論。此。事。甚。詳。總。會。名。詞。實。因。江。蘇。情。形。與。他。省。不。同。應。俟。提。學。使。及。部。章。到。時。當。分。別。籌。議。總。期。事。無。窒。礙。理。取。會。通。爲。辦。事。之。的。至。

學會之權限祇處於評議之地位學務處及將來之改設學務公所則處於裁判之地位立法行政界說既明權限自清尙盼盡籌宏攬全局學界昌明繫羣公是賴並希縷陳帥座曲諒辦事之難非故事膠執之比是否有當乞賜酌核合肅照復伏維垂鑒

按此函復後而學部奏定勸學所及教育會章程先後發布附錄於後

學部奏定勸學所章程

一總綱 各廳州縣應各於本城擇地特設公所一處爲全境學務之總匯卽名曰某處勸學所每星期研究教育卽附屬其中凡本所一切事宜由地方官監督之

一分定學區 各屬應就所轄境內畫分學區以本治城關附近爲中區以次推至所屬村坊市鎮約三四千家以上卽畫爲一區少則兩三村多則十餘村均無不可在本治東卽名東幾區在本治西卽名西幾區推之南北皆然由第一區至數十區可因所轄地之廣袤酌定

一選舉職員 勸學所以本地方官爲監督設總董一員綜核各區之事務每區設勸學員一人任一學區內勸學之責總董由縣視學兼充勸學員由總董選擇本區土

著之紳衿品行端正夙能留心學務者稟請地方官劄派其薪水公費多寡各就本地情形酌定

一 統合辦法 勸學員於本管區內調查籌款興學事項商承總董擬定辦法勸令各村董事切實舉辦此項學堂經費皆責成村董就地籌款官不經手勸學員但隨時稽查報告於勸學所每年兩學期之末由勸學所造具表冊彙報本地方官一面榜示各區以昭核實若提學使派遣省視學查驗時應由勸學所總董將各區學堂情形詳述以便省視學酌赴各區調查

一 講習教育 各區勸學員應先於本城勸學所會齊開一教育講習科研究學校管理法教育學奏定小學章程管理通則等類限兩個月畢業再赴本區任事以後每月赴本城勸學所會集一次（須預定日期如每月第一星期爲東鄉各區勸學員會集之期第二星期卽西鄉各區第三星期卽南鄉各區第四星期卽北鄉各區以此類推）呈交勸學日記由總董彙核有商訂改良各事卽於是日研究條記攜歸本區實行凡會集之期地方官及總董必須親到

一推廣學務 勸學員既係本區居住之人自於本地情形熟悉平時宜聯合各家及本村學董查有學齡兒童已屆入學年歲之子弟隨時冊記挨戶勸導並任介紹送入學堂之責使學務日見推廣每歲兩學期以勸募學生多寡定勸學員成績之優劣其辦法有五 一勸學 婉言勸導不可強迫 一次勸之不聽無妨至再至三說明學堂爲培養學童之道德並不得誤認新奇自生疑阻 宣講停科舉興學堂之 諭旨使知舍此則無進身之階 說入學於謀生治家大有裨益 說入學之兒童可以強健身體 遇貧寒之家可勸其子弟入半日學堂 遇私塾塾師課程較善者勸其改爲私立小學並代爲稟報 遇紳商之家勸其捐助興學裨益地方 對所勸之家勸其復向親友處輾轉相勸並於開學時引導各鄉父老參觀以上爲勸學員之責 二興學 計算學齡兒童之數須立若干初等小學 計各村人家遠近學堂須立於適中之地查明某地不在祀典之廟宇鄉社可租賃爲學堂之用 定明某地學童須入某學堂 籌畫某地學堂屋宇多寡可容若干人爲定分班之數頒行課程延聘教員選用司事 稽查功課及款項 設立半日學堂

每學期製學堂一覽表 以上爲本村學堂董事之責惟須與勸學員會議 三
籌款 考查迎神賽會演戲之存款 紳富出資建學爲稟請地方官獎勵 酌量
各地情形令學生交納學費 以上爲勸學所總董之責惟須據勸學員之報告聯
合村董辦理 四開風氣 訪有急公好義品行端方之紳耆請其襄助學務 擇
本區適中之地組織小學師範講習所或冬夏期講習所 組織宣講所閱報所
有好學之士可介紹於本府初級師範學堂或本城傳習所使肄業科學 以上由
勸學員隨時報知本城勸學所總董辦理 五去阻力 各地劣紳地棍之阻撓學
務者 各地愚民之造謠生事者 頑陋塾師禁阻學生入學堂者 娼寮煙館等
所之附近學堂有妨管理者 以上由勸學員查出通知本城勸學所稟明地方官
分別辦理

一實行宣講 各屬地方一律設立宣講所遵照從前宣講 聖諭廣訓章程延聘專
員隨時宣講其村鎮地方亦應按集市日期派員宣講一切章程規則統歸勸學所
總董經理而受地方官及巡警之監督

一宣講應首重 聖諭廣訓凡遇宣講 聖諭之時應肅立起敬不得懈怠一忠君尊孔尙公尙武尙實五條 諭旨爲教育宗旨所在宣講時應反覆推闡按條講說其學部頒行宣講各書及國民教育修身歷史地理格致等淺近事理以迄白話新聞概在應行宣講之列惟不得涉及政治演說一切偏激之談

一宣講員由勸學所總董延訪呈請地方官札派以師範畢業生及與師範生有同等之學力確係品行端方者爲合格如一時難得其人各地方小學堂教員亦可分任宣講之責其不合以上資格者概不派充

一宣講時無論何人均准聽講卽衣冠藍縷者亦不宜拒絕惟暫不准婦女聽講以防弊端

一宣講時限日期得由勸學所總董隨時酌定

一宣講員每期宣講事項應備簿存記目錄以備地方官及勸學所總董隨時稽查

一宣講附在勸學所或借用儒學明倫堂及城鄉地方公地或賃用廟宇或在通衢

一凡宣講時巡警官得派明白事理之巡警員旁聽遇有妨礙治安之演說可使之立

時停講

一詳繪圖表 勸學員應商同本區各村董事就所轄地方遵照學部頒行格式繪成總分各圖注明某地有學堂幾處每學堂若干齋室隨時報明本城勸學所存查其學生班次人數課程及出入款項分別造具表册分期報明本城勸學所勸學所彙齊另造表册交由地方官申報提學司衙門每半年一次

一定權限 各屬勸學所總董與勸學員及各村學堂董事均爲推廣學務而設不准於學務以外干涉他事如有包攬詞訟倚勢凌人者經地方官查實輕則立時斥退重則稟明提學司究辦

一明功過 勸學所各員如辦理合法著有成效應隨時記功其有特別勞動者記大功年終按記功之多寡由地方官稟明提學司予以獎勵其固陋怠惰或辦理不善者隨時稟撤另舉

學部奏定教育會章程

奏爲酌擬教育會章程恭摺具陳仰祈 聖鑒事竊維教育之道普及爲先中國疆域

廣遠人民繁庶僅恃地方官吏董率督催以謀教育普及憂憂乎其難之也勢必上下相維官紳相通藉紳之力以輔官之不足地方學務乃能發達現在學堂教育方見萌芽深明教育理法之人殆不數覲是非互相切磋互相研究不足盡勸導之責備顧問之選自科舉停止以來各省地方紳士熱心教育開會研究者不乏其人章程不一窒礙實多有完善周密毫無流弊者亦有權限義務尙欠分明者臣部職司所寄亟須明定章程整齊而畫一之權限既明義務自盡似於振興教育不無裨益臣等公同商酌謹擬教育會章程十五條繕具清單恭呈 御覽俟奉 旨後卽由臣部通行各省一體遵照辦理其已經開辦者應令改照臣部章程以歸畫一所有酌擬教育會章程緣由謹繕摺具陳伏乞 皇太后 皇上聖鑒謹 奏光緒三十二年六月初八日奉 旨依議欽此

謹將教育會章程恭呈 御覽

第一節 宗旨

第一條 教育會設立之宗旨期於補助教育行政圖教育之普及應與學務公所及

勸學所聯絡一氣

第二節 設立及名稱

第二條 教育會之設立在省會則議紳省視學各學堂監督堂長及學界素有聲譽者均有發起總會之責在府州縣則學務總董縣視學勸學員各學堂監督堂長及學界素有聲譽者均有發起分會之責

第三條 各地方紳民發起教育會者應化除私見集合同志遵守本章程之宗旨斟酌該地情形擬定詳細會規稟經該省提學司批准後並陳明地方官立案方爲成立

第四條 教育會爲全省所公立而設在學務公所所在地者稱某省教育總會爲府廳州縣所公設而設在本地方者（府有專轄之境地如貴陽安順之類得於州縣教育會之外另立府教育會其無專轄之境地者不必復設）稱某府廳州縣教育會凡一處地方只許設教育會一所但如省會之地既設總會復設同城某府某縣之會者不在此例

第五條 總會許用鈐記須呈明提學司並由提學司詳報督撫咨學部存案府縣教育會許用圖章須報明地方官詳提學司存案

第三節 總會與各會之關係

第六條 各省教育總會爲統籌全省教育而設各地方教育會爲籌一地方教育而設其範圍之廣狹雖異而宗旨則無不同各地方教育會自應互相維繫凡分會之於總會不爲隸屬惟須聯絡統合以圖擴充整理至如何聯絡統合之處應由總會與各分會商訂詳細辦法呈請提學司核准

第四節 會員

第七條 會員之名目 一會長一員 二副會長一員 三會員無定員 四書記與會計無定員 五名譽會員無定員

第八條 會員之資格 一會長副會長須品學兼優聲譽素著或於本地教育有功者由會中公舉稟請提學司審察確能勝任方可允准選充各以三年爲一期期滿復被推舉經提學司審察成績優者准其接充如期未滿而自請告退者聽但須將

事由報明提學司 二書記與會計卽由會長副會長於會員中擇人委派視事之繁簡酌定人數 三會員須品行端正有志教育者呈具入會願書由確實之介紹人加保證書請會長審察允許若會員屬本會發起人則無庸另具願書及保證書會員因有事故自行請退應將事由報明會長而後出會 四名譽會員以品學素優或以財力贊助該會而譽望素無虧損者充之 五外籍旅居該地之紳民依本條第三項辦法得爲會員 六現爲學堂之學生者不得爲會員 七凡學堂曾經黜退之學生及游學外國因事開除之學生均不得爲會員尤不得自與發起之列

第九條 會員之職務 一會長有採決衆議綜理會務之權 一副會長襄助會長辦理會務會長不能到會之時則爲之代 一書記司理文件會計經管帳目須常川在會分執各事 一會員應聽會長及副會長之指揮同心協力圖本會之發達 一名譽會員雖不能常川到會亦應隨時留心教育共助該會之發達

第十條 會員應歲出六元以上之會金

第十一條 會中應舉之事務列左

一 立教育研究會以求增進學識 選聘講師定期講演（教育史教育原理教授法管理法教育制度及他種學科）會員一律聽講

二 立師範傳習所 選聘講師至短以一年爲期傳授師範學科以地方舉貢生員之年在二十五以上四十五以下不能入各學堂肄業者充傳習生卒業時應稟請提學司派員檢定就其所學出題考試合格者卽予以憑照得任小學堂副教員設立時先須將教員姓名及課程表呈請提學司查核若所聘教員及一切課程不合須飭令更定方准設立

三 研究會傳習所講畢之後應否接續辦理屆時由會長體察地方情形酌定

四 調查境內官立私立各種學堂後開事項 一管理教授之實況 一教科用之圖書器具其種類程度是否完備合式 一校地及衛生之合否 一學生之行檢如何 地方各學堂管理教授一切課程如有不合之處於私立學堂應直接規勸助其改正於官立學堂則條陳於本管官吏或本省提學司聽候酌辦

五 作境內教育統計報告當詳記後開事項 一地方戶口與學齡兒童之數（此條應與勸學所會商辦理） 一官立私立小學堂若干所及建立年月 一各種學堂若干所及建立年月 一各學堂管理員教員之籍里姓名 一各學堂學生人數 一各學堂學科及教授時間 一各學堂經費數目及所自出 每年於四月十月編成表冊呈報提學司以備稽查

六 參考他處興學之法詳查本地風土所宜得隨時條陳於提學司並時應提學司及地方官之諮詢但止宜聽候采擇不得有要求之事

七 擇地開宣講所宣講 聖諭廣訓並明定教育宗旨之 上諭及原奏以正人心而厚風俗他如破迷信重衛生改正猥鄙之詞曲歌謠等事均應隨時注意設法勸戒並可採用影燈油畫之法以資觀感

八 籌設圖書館教育品陳列館及教育品製造所並搜集教育標本刊行有關教育之書報等以益學界

第六節 簿冊文件

第十二條 會中應備後開各項之簿冊文件

一 會籍 列記會員之姓名籍貫年齡職業及現在住所到會年月

二 入會願書及保證書

三 紀錄 凡會員全體或一人關於會務有所設施建議皆詳紀之又會中日行事件須有日記

四 講稿 凡講義宣講等類皆須存稿並錄呈提學司

五 函牘 凡內外往來私函公函均應依次檢存

六 帳簿 詳記各項收支帳目及現存財產目錄每年呈報提學司及地方官每四個月將帳目登報並榜示一次

第七節 解散及獎勵

第十三條 各學會應由提學司稽查若有犯後開各條者即令解散

一 徒襲用教育會之名並不設研究所以求學問

二 干涉教育範圍以外之事如（關於政治之演說等）

三 勒索捐款取圖私利

四 會員時起爭端不能融和

五 挾私聚衆阻礙行政機關

第十四條 各學會每屆三年由提學司考核一次成績優良者得詳請督撫酌給獎勵其會員中品學修明任事篤實者則選任本省學務議紳並擇其相宜之事酌予委任

第八節 附則

第十五條 此次章程凡以後各省及各地方設立教育會時一切遵行其章程未頒行以前所立之教育會亦當一律遵用不得歧異

上學部請明定各省學額並撤銷科舉名目呈

呈爲明定各省學額並撤銷學堂獎勵沿用科舉之名目懇乞代奏請 旨施行事竊維科舉既廢舉國士民咸注重學堂堂然推其注重學堂之故率本其獵取科第之心遂激爲競爭學額之漸此風起於湘閩流及於蘇皖而江南統轄三省故江甯省城所立

水陸師實業高等三江師範各學堂畛域既分競爭尤烈而安徽蕪湖學堂竟有驅逐蘇籍旅學之事相率效尤恐未有艾紳等竊查東西各國設校之意務使全國人民有普通之資格故入校以後科目必求其全而教法不嫌其淺與中國科舉時代童而習之自深衍之四書五經爲起綫者用意至不相侔中國舊有之教法祇有國文一門其目的全注射於科舉之出身父兄所責望於子弟者由生員而舉人進士以至授職斯已耳自童試以至朝殿試取進皆有常額讀書士子得列於生員者十人而一耳舉人進士則或一二百人而一耳其未讀書或讀書而不得與於士子之列者農耳商耳工耳兵耳視士子之地位也相去既遠視生員舉人進士出身之士子之地位也相去更遠故中國四百兆人除二百餘兆之女子更加以爲農爲工爲商爲兵與夫不農不工不商不兵均不與於士子之列外而所謂讀書之士子心中目中亦僅有此生員舉人進士之思想稍稍淹通者詞章訓詁各專一門大率占國文之一部分普通之教育亡斯普通之資格亦亡視近今東西各國校制既不相侔視上古三代黨庠術序小成大成秩然不紊者相去又何如也今者學堂之設既參酌古今之宜與夫東西各國之

制若仍以科舉時代之生員舉人進士之名目還以施之學堂之獎勵然則國家設校之命意將使人人有普通之資格耶吾意此後無論農工商兵無一非士安得有如許生員舉人進士之名目而一一獎勵之如仍以科第爲榮非是不足以歆動之耶恐科舉時代生員舉人進士之思想一變而爲學校時代生員舉人進士之思想然則所謂造就人格者非人格也生員舉人進士之格而已上是求下以是應此等特別獎勵爲環球各國所無卽中國未有科舉以前選士造士因時而定制茂材異等創格而求賢舊歷史中旣不因有生員舉人進士而人才始見其多新世界上更不因無生員舉人進士而人才復見其少紳等以爲不停科舉則無以作興學之氣僅停科舉而不撤銷生員舉人進士之名目則適以懈嚮學之心而學堂之爭額勢必如科舉時代之分疆劃界或一省而異府或一府而異縣斤於冒籍跨考同處於學界而攻同類如仇讎上旣著爲禁令下亦視爲固然紳等誠不忍再睹此紛紛擾擾而使學界無復放光明之一日也夫列強競爭猜忌素甚然學界餉遺來者不拒故俄皇大彼得之留學英京日本伊藤陸奧諸君之學成歸國其明效大驗遂至我國之學生負笈往遊於各國

者亦于于相屬設以省界之說例之又何從而爲之辭耶紳等爲全局計爲桑梓計竊以爲本省之財力培養本省之人才利權旣不可放棄斯學額卽不可不爭此卽各處學堂驅逐客籍之原因也然以湖南與江蘇兩省較之湘中各校由本省紳士主持外籍之學生無從闖入而江蘇之甯屬各學堂向係官辦其派湘人爲總辦者則湘籍學生占多數矣浸假而浙閩人爲總辦則浙閩學生占多數矣時易歲遷則江蘇學生將於何措足此近日蘇省學堂所以爭額之風潮益甚也欲救此弊應乞奏請明降 諭旨將學堂獎勵沿用科舉之生員舉人進士等名目一律裁撤各省學堂畢業者屆時考驗給予文憑其高等以上之學堂有專門學者卽就其所學之一門量除爲博士學士不得仍沿翰林主事中書知縣各職名以爲獎勵致名與實互歧學與用相悖再蹈科舉之積習再各省所設學堂無論高等中小各校每校除本籍定額外各留客籍名額若干除建築費各有擔承彼此不收外學費膳宿費則視其程度之若何仍取相當之費其各省願自設旅學者悉聽其便如是則官幕商各途旅居他處者子弟皆便於就學不至有離鄉背井之憂中國尙自爲一家不再爲伐異黨同之舉惟茲事體大應

乞奏請飭下大部及政務處禮部各衙門會議以維學界而弭隱患之處伏候鈞裁至蘇省甯屬各校與他省學堂性質不同惟舊習已深總應改歸紳辦紳士之膺是選者參用投票選舉之法且定一年任滿易人之例非連舉不得連任藉免把持盤踞之漸似此稍爲變通庶於各國學校規則略有貫輸而官場腐敗之積弊或有掃除更張之一日卽學界文明之進步或有顯豁呈露之一日應請咨行兩江督部堂江蘇撫部院會商本籍紳士力除偏倚斟酌會通將甯屬水陸師高等實業三江師範各學堂秉公定額所委辦事員紳亦當援公推之舉定任滿之期庶士論翕如羣情僉協以上數端一則明定學額以息紛爭一則核實獎勵以湔舊染皆爲目前必不容緩之圖欣逢大部創設伊始 諭旨諄諄以悉心考核加意培養爲亟所望提綱挈領耳目一新學界轉移胥由乎此敢乞代表奏請 旨施行芻蕘之見是否有當伏祈批示祇遵實爲公便 謹呈

上學部設法政講習所公呈(江督蘇撫學務處同)

呈爲遵設法政講習所擬章試辦乞俯賜核准立案事竊維各省學堂林立惟法政一

門僅恃官設然到省人員在已得差缺者固理煩治劇之不遑其未得差缺者仍衣食奔走之是計夫學優而仕古有明文用違其長今尤所忌況時艱愈亟任使需材泥古或不能通今知己或未必知彼是以紳等於上海所設之江蘇學務總會今年二月以後卽由在會同人公推前在日本早稻田法政卒業生雷奮爲講員藉資研究并延海上知名之士或流寓或出洋於法政有心得者爲名譽講員如湖北候補道宋育仁等皆先後蒞講正擬擴充試辦間讀報載大部咨各省督撫文略謂本年閏四月二十日准軍機處片交本日御史喬樹枏奏稱現在各省仕途均以擁擠爲患而明習法政之選實不多覲亟應及早預備以待任使科舉停止以來各省多就舊日書院改設存古學堂湘豫兩省首先創辦其餘各省亦次第舉辦意在體恤寒峻三年畢業一律給獎出身立意非不甚善但求疏通之路而不籌造就之才則受益甚淺此項舉貢生員中學皆有根柢若專占法政一門肄習則畢業之後才皆可用現在各省裁判課稅人員苦無專門之學請飭下各省添設法政學堂等語奉 旨允准又近讀報載大部致各省督撫電以後遊日速成生一律截止本國學堂更應趕緊廣設切實整頓法政學堂

當及時設立法政重要學科向多求之外國者尤應聘請專門教習加意講求毋得缺略以饜士民求學之望等語益見 朝廷於法政一途需才最亟查日本近年高等小學校以上卽添講法學通論師範及中學則法制經濟列爲專科今海上各校亦有仿行者凡所以陶鑄國民之性質扶掖文明之步趨非苟焉已也然中國研究法政者素鮮近日在東洋留學所習速成法政設不加以自修亦實不足以餉遺學者其不能膺教員之選可知故居今日而議廣設法政一科亦非多養成教員以爲預備不可抑更有進者學界風潮爲人詬病無意識之舉動出之下等社會者十之五六出之上等社會者亦十之三四也詰以中國之舊道德旣棄之如土飯塵羹語以西國之新法律又聞之而瞠目橋舌學界之羞政界之累紳等集議下半年卽在學會附設法政講習所仍延雷奮爲正講員其餘中西法政各科目卽在會員中公推數人分任以期互換知識俾宏造就此項經費除收學費外不敷卽由紳等籌助惟試辦伊始不敢自附於學堂暫擬講習所簡章抄呈鑒核乞俯准立案將來如辦理得宜或再圖擴充以副 朝廷注重法政之意伏希批示祇遵實爲公便再正在繕呈間讀報載大部於六月間奏

定教育會章程各省應設立總會惟江蘇係甯蘇分治向有兩省垣是以去冬在上海設立學務總會取交通之便利免畛域之攸分茲讀部章當再集議遵定名稱妥籌會所另行呈報合并聲明

法政講習所章程

第一 總則

第一條 本所爲江蘇學務總會所設以講習政法要義及本國現行法制以便未學法政者之補習而爲實行地方自治之預備爲宗旨

第二條 暫以新闢醬園一街江蘇學務總會會所爲講習之所

第二 學科 修業期限

第三條 本所所講科目爲國家學國法學比較憲法行政法本國官制地方自治制（以上政治）法學通論民法要論刑法汎論本國新舊律例國際公法國際私法（以上法律）經濟學財政學（以上理財）最近政治史各國憲法史最近外交史（以上史學）

第四條 每日修業三小時自下午一時起四時止以半年畢業

第三 課程表

第五條 半年以二十星期計今為分配學科與時間便利之故將二十星期分為四期(每五星期為一期)列表如左

法律		政治		學科	學期
國際公法	法學通論	本國官制	國家學	第一	期
二	四	二	三	每星期	時數
國際公法	民法要論	比較憲法	本國官制	第二	期
三	二	三	二	每星期	時數
國際私法	民法要論	比較憲法	本國官制	第三	期
二	四	三	二	每星期	時數
國際私法	本國新舊律例	地方自治制		第四	期
二	四	四		每星期	時數

理財	經濟學 二	經濟學 二	刑法汎論 三
史學	最近政治史 三	各國憲法史 三	最近外交史 一
	最近外交史 一	最近外交史 一	最近外交史 一
			最近外交史 一
			財政學 三

第四 額數

第六條 定額六十名先儘學務總會會員報名不足另招

第七條 本所按照各項科目另設旁聽簽名簿若干冊凡學務總會會員有願旁聽者可任擇一科目或數科目簽名簿上每科目以二十人爲限

第五 聽講者資格

第八條 凡願入聽講者除江蘇學務總會會員外無論本省外省均須有會員相當之資格並須得會員一人之介紹

第六 學費

第九條 報名時預繳學費十二元（會員減半）雜費二元旁聽者但繳雜費二元惟概不膳宿

第十條 報名後如有臨時不到或半途中止所有已繳之費概不交還

第七 講室規則

第十一條 上課散課均鳴號鐘先講員入後講員出

第十二條 講員宣講時概不攙問

第十三條 質問應答必起立

第十四條 同坐者無問答

第八 附參觀規則

第十五條 凡欲參觀講室者須得本會職員導引

第十六條 參觀講室時勿徘徊勿談笑吸煙吐痰

上江督周論甯垣學務書

敬啟者徐道來轉致鈞意仰見維持學界之苦衷比日面商少有端緒蒞道回甯計已

代達一切其中原委有不得不剖晰陳明者查教育普及之理本無畛域之可分卽中國以科舉掄才其試於禮部者初亦不分省分然風氣參差不齊往往東南數省中額獨多而偏僻之區舟車艱苦轉抱向隅於是不得不明定省分以限之是省界之說實科舉內容之一部分非文明學校之通例也學校省界之說起於湘浙閩粵諸省而江蘇本省之學校亦率爲此數省人占多數在校學生鑒於外省界限之嚴始瞿然翻悟厘喧賓奪主之患爲懲前毖後之計此江蘇省界之說實亦各省反動力有以激之非江蘇人創之也然屈指江甯城內各學堂其創建之性質既有不同卽額數之多寡自難一致而蘇皖統名江南則兩省分際自視他省爲異曾經蒯徐兩道詳細酌訂紳等但求事理之和平不復爲意氣之爭執謹一一條列於後庶眉目易分秩序不紊其辦法之應斟酌變通覈實整頓者亦附說於後以備采擇所有紳等參酌學額學務情形敢布愚臆伏乞鈞鑒紳謨本擬恭詣久病不克首途合并聲明肅請勛安外附節略兩件 按右函爲同芳主稿節略兩件係同人所擬

學校性質因名稱而殊名稱因地地位而殊此定理也準此可議江南省官立各學校之

分額總督爲兼控蘇皖形勢之便故駐江甯今凡名江南某學者皆總督權限內事皆官立也官立之中又宜從財政上區別多任少任之分數庶昭平允今先就官立之屬總督者言之

一陸師學堂現在徵兵之區以甯揚常鎮通海屬總督非特不及皖并不及蘇則此江南陸師學堂應改爲江甯陸師學堂名義方合蒯道言江蘇布政司屬如不再設立陸師學堂則皖人不分占江甯現設陸師學堂之名額是矣而未完全也江蘇巡撫實應另設一蘇松太陸師學堂江北提督亦應另設一徐淮海陸師學堂事理方合皖自一省更不必論此一說也若練兵處派定江南止一陸師學堂則此一學堂實兼受總督巡撫提督三處徵兵之區之人皖省則自分府徵兵亦自應建一陸師學堂不合再占江蘇之額而三處徵兵之區兼有八府三直隸州一廳凡十二屬每屬四十人則四百八十人五十人則六百人今之學額實覺不敷應請推廣此又一說也蒯道言江蘇不再設則皖省不分竊謂巡撫於蘇屬提督於江北卽各自特設皖省亦不必分額而可以合校譬如甯屬以甯揚常鎮通海爲徵兵之區每屬五十人爲六百人皖省合校按

此數另加四成或三成或二成均可聽便惟建築費須由皖省提撥款內支應即如外省人亦可酌附其建築費可於各省學生學費內分年攤扣其本省皖省人亦一例納適當之學費

一將備學堂既須裁撤以其校舍經費爲陸軍小學則學額及總辦均可遵照 欽定章程

一測繪學堂不盡關繫陸師凡警察農業商業地理之學無不以此爲根本名額不宜太少其建築及學費蘇皖二省按名額分任或四六或三七二八均可聽便

一水師學堂既屬南洋蒞道所議以二八分成八成歸江南二成歸外籍蘇皖二省於八成內仍照三七分成江蘇得七安徽得三可行惟亦須一例納適當之學費

一高等學堂目前學生尙不及適當高等之程度則高等之設特以爲科舉之替代大學之階梯而已既爲科舉之替代應仍照科舉蘇六皖四之舊蒞道所議均分之說未允其校舍須以貢院改造可名江南高等學堂其原就鍾山書院所建之高等學堂應請作爲甯屬公立高等學堂定額四百名前此建築費係由官籌以後建築費由甯屬

四府二直隸州一廳分任若原有之高等學堂難於擴充則須另建建築費由甯屬府州廳任十之三四官爲補助十之六七而原有之高等學堂可改爲江甯府初級師範學校其高等學生適當之學費由學生按名繳納（蘇屬已有高等學堂故止言甯屬惟蘇屬學額亦應擴充俟公議陳請撫院核辦）若各外省願附於本省高等學堂者校舍由各外省建築學費由各外省學生認納亦無不可

一實業學堂此係新政特設蒯道議蘇皖均分今亦擬照高等學堂例蘇六皖四建築費亦按四六由兩省分任學費按名由學生繳納若各外省願附者視高等學堂例建築費各外省任之學費由學生按名認納

一三江師範學堂應請釐正名稱爲兩江師範學堂名額暫不必增減以新章每縣三名計之則江蘇獨少喧賓奪主衆情未允應請另設江甯府初級師範學校一所可將算繪師範并入以期畫一而節經費（學期四年每年六十名共二百四十名七縣分攤每年每縣八名上江兩縣各加二名合六十名）仍飭揚州淮安徐州海州各設一初級師範學校或淮揚合設一所徐海合設一所先由四府選派紳士考察通州上海

蘇州各師範校舍課程及管理法再往日本考察歸後即行舉辦若皖省願就三江師範學堂增師範生百名亦無不可惟建築費與常年費應由皖省按額承認卽三江現有之名額其學費應按全校每年所用勻攤全校生合每名應費若干由各省官爲籌解查各國官立之師範學校生不納學費所以謀教育之普及也故學費應由官出至此校將來之辦法另議附呈 以上屬江南之官立學校學額

一學務處請參仿直隸學務司例官紳合任官紳皆由學界公舉請督撫於公舉中選任(學務處擬章另呈)

一三江師範總辦應由三省紳任易總辦之名爲總理以示區別總理一人協理二人三省按次輪年迭爲總協由三省學界公舉請督撫選任若公舉及安徽江西省人在江蘇候補者自州縣至府道一經選任卽作爲紳請給照會不預銜案

一各學校學生如派出洋留學其出洋學費學成之省與原籍之省各任一半歸後先在學成之省留盡義務三年若不須學成之省擔任半費則無應盡義務之責聽學生自便

三江師範應請變通辦法以期改良進步議

三江師範內容之腐敗幾於無人不知而其根原先在廓落無可互換之知識而有妄自夸大之命令乃有月糜六十元之中國疑似教員未有普通知識之補習而卽有完全師範之學科乃有月糜數千金之日本場面教員因此廓落生出遷就乃有種種不可思議之變相不可說不可說之浪費而腐敗之名四溢矣隱忍不改浪擲公家每歲竭蹶而來之貲財十餘萬兩可惜荼毒一省可造國民之青年尤可惜夫以浪擲公財爲荼毒國民之具不仁孰甚此而不思改良是一省人全無心肝矣謹擬變通之法如下

一請改官辦爲紳辦改總辦之名爲總理紳由三省學界公舉督撫於公舉中選任總理一人協理二人三省紳迭爲總協

一請汰中教員必實能教授一二門學科者乃留其有名無實者汰之

一請於本年東教員期滿時一例辭去另行延訂若從前之醫教員未嘗一日有用徒送俸金三年卽手工農業亦略具形式而已其病皆根於廓落失今不除則積腐未去

又從而加焉非獨敗事耗財而已教育之權亦恐倒持

一請另立甯屬初級師範以補蘇省占額不及贛皖之缺

一請按某省學生幾人每年每人應攤學費若干由各該省官爲按額擔任於每年開學前解到建築費同因此校乃官立與公立私立不同也

一請查照原奏認定現辦是初級此三年內將初級辦完至光緒三十四年春便可改爲優級師範優級師範常年一切費用較繁擬請定爲三省四布政司所轄每一布政使定額一百五十名共六百名庶通州蘇州上海各處初級師範一二年後畢業生有升學之途而三十七年以後每年常有一百五十名之畢業亦可敷各中學校初級師範教員之用經費又不必加籌上下互相貫注計無逾此 光緒三十一年九月

江督周覆書

季直仁兄大人閣下九月二十七日奉手書誦悉一是徐道蒞道回甯亦經面詢會議情形學校省界之說本非文明之通例洵如尊論至當不易然諸紳既經堅持且生爭競主者自當統籌兼顧設法調停查江甯城內各學堂歷來之辦法各有不同

現在之沿襲自難一致已進堂諸生不能擯退總當俟學期已滿始行更定以後續招添換自當照新定章程辦理耳節略兩件已詳閱其中仍有待商者如皖人不願出學費不願出建造費均須詳細斟酌至外籍收建造費原屬有詞但人數多寡不同省分肥瘠各異一律勻派既欠公允按名攤派亦覺參差隔省催費有名無實且外國修造之學堂不收華人建造費鄰省必收亦示人以不廣鄙意擬俟議定後通行各省商令於本省學堂內酌留江南名額以爲酬報較覺大方至以地方之財辦地方之事卽以本地之紳管本地之學名義旣正情意易孚亟應照辦所慮者此時程度猶有未足委員管理不善則大吏一檄撤去自易巨紳管理不善則瞻徇更多比肩共事之人憚於舉發此事不可不慮之於始耳尊恙如痊偕諸公來甯一行會商要務弟當掃徑以待專此布復敬請台安

再上江督周論甯垣學務書

敬啓者九月杪謹肅一函并附條陳各節嗣奉鈞諭並於報紙中誦公致京官論武學額一書具見蓋籌碩畫感佩勿緩復接外省及甯垣學界來函連篇累牘意見不無異

同今值台旌蒞滬爰將紳等重行籌議就鈞諭及各處函牘叅酌情形另摺繕呈以備採擇乞鑒核定議再紳等上學部公呈於爭競學額一層推原究竟請撤銷科第名目及明定各省學額以昭平允等情現在正候批示一并抄稿呈覽請卓裁敬頌勛安

三上江督周論甯垣學務書

昨誦手諭爭名額者爭學費耳現在爭省界與外籍齟齬恐省界定後而本籍又不免彼此爭論如蘇皖贛三省能定辦法亦好專候學部復文不知何時到等語蓋籌碩畫欽佩莫名紳等條議於本省額數悉按照各州縣勻攤卽預杜後來爭論地步至於蘇生與外籍人齟齬實外籍人之對待蘇人先有予以齟齬之處紳等不得不商一和平辦法耳部復恐一時難定倘蒙採納芻蕘迅賜卓斷尤爲跂幸至甯垣蘇學生所爭執與紳等意見本有異同卽如江甯省地位與蘇州省地位截然不同蘇州可置皖於外省之列江甯則不然蓋江甯爲總督所駐而江南二字兼轄蘇皖且皖省每年解項亦僅至甯而不至蘇也惟皖紳所議輒謂皖省每年所解之款在二百萬以外故於學額不肯少讓不知此項解款係政治界問題豈盡補助學費卽如江蘇每年協餉至新疆

甘肅等省豈能於各該省照攤學額乎況各國通例義務與權利爲對待之詞江蘇賦重於皖贛則所得之利益不更當稍優乎紳等不肯斷斷爭執者實於分明之中仍寓融洽之意並不稍存畛域之心至學費一層蘇籍生援照前章本不肯出紳等以爲欲謀教育之普及斷無不收學費之理無論公家籌款挹注爲難且文明校制學生納費亦正所以堅其向學之心至於貧寒子弟應由各地方法設法籌貼以上兩層紳等再三諄勸各校學生口瘖音嚶言已盡此吾帥於皖爲桑梓之區於蘇爲建節之地必能俯鑒下情俾學界中人歡然帖服也伏乞批賜備案遵行

一陸師學堂

帥批此本暫訂章程此學堂亦非久設等語 按既非久設則紳等所議應卽作爲暫行章程前議如下

帥覆江蘇京官函蘇得八外籍得二 按九月原議內蒯道言江蘇不再設則皖省不分今遵鈞函以表蘇省對於各省有分明融洽之心無畛域乖離之見惟蘇省人在各省者亦應在各省外籍二成之內此意紳等於上學部公呈內業經聲明俟部

議定時各省公共實行

一 將備學堂

帥批此本選營弁肄業將來必撤等語 按此學堂必撤前議已見及此仍錄前議如下

帥覆京官函此校一二年後卽裁撤仍如前議以其校舍經費爲陸軍小學其學額及總辦均遵定章辦理

一 陸軍小學

帥覆京官函每年徵收一百人以三年遞徵爲度所選皆由江蘇各州縣考送無外籍 按此條無須更改

一 甯屬初級師範

帥批現無房舍無學費難定額已有之小學堂皆蘇籍何止二百人等語 按此條與紳等所議情事未符紳等所議係擬以算繪師範擴充並非指已有之小學而言前議如下

擬請增設學科暫定額二百名（定名甯屬指建置之地言之蘇屬亦可來學猶蘇屬師範亦兼收甯屬之人）至江甯府初級師範能否同時並設或從緩議請隨時酌定

一 水師學堂

帥批云先無章程故姑照此訂等語仍照前議如下

帥致京官函江南七成外籍三成江南七成之中又定爲蘇六皖四擬仍照蒯道前議八成歸江南二成歸外籍八成之中可遵鈞意蘇六皖四

一 警察學校

帥批云俟現辦學堂規模大定然後再議推廣每縣三名可行恐無費耳若已收之人碍難剔退等語 按紳等前議北洋辦理警察著有成效甯省現已舉行擬請整頓擴充飭各屬考送每縣至少以三名爲率爲地方警政普及之基礎紳等覆議此項學堂目前祇須籌開辦費至常年費學生任納膳學費外其餘不足者請官補助此校就江甯省城建置卽定名爲江南警察學校定額五百名仍係蘇六皖四由兩

省所屬各州縣勻派如有此縣人數不足應由同屬之鄰邑酌量加派以足其數爲將來學成歸里便於地方自治張本已收學生無別退之議出額之時應先儘本省人補足如已足額應卽截止

一 高等學堂

前擬蘇六皖四今擬視水師例八成歸江南二成歸外籍八成之中蘇六皖四惟蘇省人在各省者亦應在該省高等二成之內此意在紳等業於學部公呈內聲明仍俟部飭到時各省公共實行

一 實業學堂

照水師江南八成外籍二成八成之中蘇六皖四蘇省人在外省者亦如前例帥批云以上兩學堂聞係劉前督任內訂爲蘇皖各半今可重訂章程但章程只能管以後事以前所收學生別退否等語鈞裁至當紳等覆議已收之學生自應俟其畢業未便中途別退但將來出額之時必須先儘本省人補足外籍人不得逾於前所定之額數已另附條議於後

一三江師範學堂

帥批云三江卽是兩江本無浙江在內皖贛每生學費百元原訂名額亦混似應分某州縣幾名爲是卽如張任訂蘇生五百名贛皖各二百名究竟每縣若干恐蘇籍又援秀才名額相爭矣且無此經費等語 按兩江總督兼轄江南江西故此項學堂應定名爲兩江師範庶幾名實相符仍照前議釐正名稱爲是前督部堂張原定蘇額五百名原因甯蘇分爲兩屬故額數稍寬帥意恐本籍自相爭論故定爲每縣三人具佩鈞裁但江蘇僅七十餘州縣每縣三人祇得二百一二十人視前督部堂所定額數幾減十之五六而江西州縣獨多額數驟增反在江蘇之上此學生視之所以疑爲喧賓奪主也紳等所以另議擴增甯屬初級師範以補蘇額不及贛皖之缺者在此倘擴增之議一時不能實行應請帥意酌定將蘇額量爲擴充不至有相形見絀之勢庶士望翕服矣紳等又議贛皖兩省奏定章程每年每生貼費一百元今仍其舊蘇省本不出費今亦擬定每生每年各納膳學費六十元其騰出之款項應請卽作爲實行擴增甯屬初級師範之用

又聞徐屬已設初級師範淮海二屬擬合設初級師範揚州府屬應請飭運司並揚州府籌設揚屬初級師範爲是三江師範俟此次畢業後應請升爲優級師範三省四布政司所轄每一布政司定額一百五十名卽在所屬之各州縣勻派共六百名如前議 以上學額

一 學務處

學務處請仿直隸學務司各職員官紳分任皆由學界公舉請督撫於公舉中選任蘇贛皖三省紳均得輪流被選 帥批可行

三江師範總辦應請由三省紳分年輪替易總辦爲總理總理一人協理二人三省公舉一年任滿連舉連任無定限若公舉贛皖人在蘇省候補者自道府至州縣一經選任卽作爲紳請給照會如前議 帥批可行

一 各校已進堂外籍諸學生

已進堂學生誠如鈞函無擯退之理紳等亦本無此議但出額之時應陸續儘本省人補足外籍人不得逾於前所定之額數以免紛競紳等覆議現在亟應調查各校

學生實數分別足額不足額或逾額列爲一覽表

一 各校建築費

紳等於學部公呈內請各省對於外籍學生均定名額概不收建築費以示平允應俟部議定時公共實行

一 各校學費

帥批云水陸師有定額應不收學費若師範尙待斟酌以學師範者太多常有求考之人等語具佩鈞裁紳等覆議擬除水陸師不收學膳費外師範則三江師範學堂贛皖每名原定百元本屬不敷今姑照舊其蘇籍照原章本不出費今亦議每名納費六十元其餘各處師範應一律照收膳費而不收學費以示區別高等實業各校外籍學生兼收學膳費本籍則視外籍收十成之六蘇省人在外者亦一律出相當之費此意亦經於學部公呈內聲明

一 各州縣送考日期

從前省垣各校調考各州縣學生僅憑公牘輾轉稽延往往各地方見州縣文告之

日已在省垣學堂考畢之後以後無論何等學堂調考應請函寄滬上各報館於一月前登報俾期週知 按此條無更改 以上學務

按前函及清摺在滬呈遞經玉帥於摺內逐條批答仍交蘇紳覆議蘇紳遂就帥批所及逐款聲敘故第二次摺內帥批云云卽指此前摺詞意亦隱括在內不再錄 柳詒徵學務芻議

凡事之起必有其因因有遠近非深識者莫能辨也近者學界之爭日益加厲書電旁午足爾舌焦旁觀警警之詞不日以科舉思想爭學額則曰以自私自義分省界其善者亦但知吾人之爭出於求學之盛心外此無他因矣詒徵素尙替未嘗究心教育與社會相關之理茲事緣起亦不深悉顧既厠身學界自不能無動於中竊睹邇日競爭激烈之狀私心憂之而得一研究茲事問題之法其法維何則注意於江蘇與他省不同之點而已省界之分始於各省江蘇乃起而步其後塵然他省分省界未有糾紛繳繞如江蘇之甚者可知今日之爭其因不在省界卽曰廢科舉而後爭然他省士子聞科舉之廢而爭思以就學爲出身之計者當亦不乏何以爭點不

集於他省而獨萃於江蘇詎江蘇人科舉思想獨出各省之右則謂廢科舉爲爭論之因者抑其近者也詒徵竊謂今日之爭之因其來蓋遠矣合中國十八行省而言有以一總督專轄一省者有以一總督兼轄兩省者若三省者獨兩江以一總督轄三省四布政使司此已異矣而鄉試之制又第合甯蘇皖三布政使司所轄之人而試之江西不與焉當日之定此制誠未嘗預料他日學堂之糾葛而今乃因此以生爭蘇人曰本省學堂宜教本省之學生他省不得占吾之正額而皖人贛人曰吾與若同受治於總督則其權利宜平均也藉令援科舉之例贛可分皖不可分也蘇人曰以本省之經費辦本省之學堂則宜專教本省之學生他省人曠就焉請以費畀我而皖人贛人曰此第甯人言之可矣蘇人言之蘇亦猶吾皖贛也積此衆因遂生諸果湘鄂閩浙諸客籍姑置不論而蘇甯皖贛先操同室之戈其始蘇與皖贛分其次蘇皖與贛分其繼蘇與皖分其既甯與蘇分至於北區淮徐海南析蘇松太以徵兵爲比例者則其說之尤幻者也詒徵以爲今日議定學額學費與其以總督所轄地方之名義而論莫若以總督所轄地方之面積人口與賦額之比例而論論名義則

江蘇與皖贛同屬於總督第宜享平等之權利論面積人口與賦額之比例則皖贛遜於江蘇當道雖右蘇人必有詞以謝皖贛中國統計之學未克精密然以近人編輯之書考之大致諒不相遠按安徽面積三十七萬方里有奇江西五十六萬方里有奇視江蘇之三十四萬方里有奇有過之無不及江西人口二千一百萬有奇安徽三千五百萬有奇視江蘇之二千四百萬有奇則贛殺而皖強而安徽地丁歲額一百四十餘萬江西一百九十餘萬皆不敵江蘇之二百三十餘萬江西地大而人少平均賦額人得九分安徽人多而地亦多平均賦額人得四分江蘇面積僅居十八省三十分之一一人人口居二十分之一而地丁之額乃居十分之一每人平均歲納銀九分五釐其輕重相懸遠矣江西以鄉試分場之故於吾蘇之學額舍三江師範外尙未多占獨安徽執江南之名義恆以四六分成多者乃至相等靜言思之殆有未允蓋就賦額一方面論皖之與蘇四與六之比例也就每人平均擔任賦額論蘇加皖一倍有餘則學堂名額雖蘇二而皖一猶非精確之比例也漢法舉孝廉以人口定多寡明代制府縣以糧額爲上下今之分省興學宜兼二者之長擬請嗣後凡

兩江總督治所學堂以江南名者經費學額均蘇十而皖三學生一律不繳學費其蘇皖之人欲於額外附學或蘇人而學於專屬安徽之學堂皖人而學於專屬江蘇之學堂則必徵其學費而不必爭學費於公家其學堂以兩江或三江名者學額經費江蘇居十之四江西十之三五安徽十之二五一省推廣其他二省亦必推廣皖贛既定徐議他省江蘇與他省互爲主客各有報償當亦不難片言而決此詒徵所謂研究茲事問題宜注意於江蘇與他省不同之點也難者或謂江蘇地處膏腴皖贛視之瘠焉河潤九里是江蘇責則請應之曰此蘇人所大願也異日者吾蘇學校如林教育普及就學之人靡不得所而其經濟尙恢然有餘微獨可以兼收皖贛卽湘鄂浙閩諸省何一非吾同胞畛域之見非蘇人所敢存今之要求學額爭論學費者出於不得已而施愛宜有差也或又謂皖贛賦額誠輕於蘇然以蘇甯論甯亦視蘇有差是泯皖贛爭而啟蘇甯爭也則請應之曰否皖贛與蘇截然三省也江蘇雖有兩布政使司曷嘗分爲二省（甯屬初隸蘇藩而皖藩駐甯乾隆廿六年始設甯藩移皖藩於安慶而蘇甯無分省之說故蘇皖猶可合而甯蘇必不可分）朝廷

念東南財賦之重特設兩布政使司顯示優異江蘇之意 朝廷優異之而吾民攜貳之可乎嗚呼江蘇之病重賦自明已然 國家深仁厚澤累減其賦以舒民困然猶重於皖贛今日世界各國通例有義務斯有權利江蘇納賦之義務重於皖贛則其應得之權利自宜視皖贛有加而今者蘇人求學往往見斥於外不得已而爲呼籲爲祈請冀幸多得名額於本省以養成子弟饜其求學之心而又蒙爭學額分省界之大詬是何蘇人之不幸也他省之人苟其息心易地必能察其情而代爲謀詒徵駑下初不以學人分省爲然尤不以學生停課要求爲然然爲蘇人目前求學計熟察其久爭不決之原因不得不竭其芻蕘之愚至於統籌各省教育之事擬別箸論上之學部不袒鄉人必合各省官紳學者而謀之蓋各省之爭欲就學於江蘇與蘇人之必與各省爭者又有他因非茲文所能罄也

附三省比較表

據近出屠氏地理教科書
劉氏光緒會計表合算

省名 面積

人口

江蘇 三四·六二七七方里

一二四五九·八九一五人

安徽 三七·七一·一四

三五八一·〇〇〇〇

江西 五六·二六一七

二二七九·四〇九八

賦額

平均

江蘇 二三四·四六四四兩

九分五釐

安徽 一四四·六〇三四

四分

江西 一九九·〇九四六

九分

于右任論分省界書

敬啟者吾曹雖不同省而皆同國土雖不同省而皆同宗教雖不同省而皆同種族同種族則同倫同宗教則同門同國土則當同患難舉目四萬萬皆骨肉也牽枝連葉有如此密切之關係故前攜後引齊上舞臺則分也而此擠彼排處處下逐客之令則竊有不敢謂然者乃者學界省分之爭日烈一日有謂起於浙閩者有謂起於湘湖者有謂起於蘇皖者總之其事徧長江上下游各省日出而未有已可斷言也夫東亞新發明一巨物非愛羣之理乎箸述家紙勞墨瘁教育家舌敝唇焦意謂可

浸入青年之腦矣不意數月間各省學堂中竟產出如此之一惡風潮始焉學生倡之繼焉紳士和之終焉官場中用術以抵制之其萌芽時已如此夫來日大難自來之種禍於隱微者皆非倡始之人所及料往往因一念之私有遺害至數十年而後來無可挽救者故諸君子欲結好鄉里何事非切要之圖但當顧全大局切勿爲天下種禍根也何則凡事中之最可畏者印不正當之道理於學生腦筋中耳公等不見今日學生之對付客籍乎竟有忍心害理驅逐同國同種之同學於校外者問其原因曰非我同鄉實逼處此也初發軔時有如此之激矣他日見之政界能無宿恨手段之辣更不待言太史公有言怨毒之於人甚矣哉報復之情有生同具其結果時之自相殘賊恐種因者雖欲補救悔無及矣且學生與學生爭猶其後也若紳士起而與紳士爭不佳之徵已現目前加以省與省或有歷史上之舊恩怨舉待時而發試問此後能披肝胆托情愫而艱危共濟戮力神州乎賤子妄據事實上論之不敢以臆測也況縉紳先生青年學子近來持議皆欲徧佈學生於寰球文物之邦試問有援省界之例執國界說以詰我其將何辭以對日本彈丸國耳近容吾國學生

數將及萬無論老者少者在吾國規則者不規則者一例海涵地負俾其成就公等聞其風得無慙顏於鄰厚君薄乎如曰日人取吾學費也然公等何不起而仗義爭客籍學費乎且一日本之比例猶其小也使公等辦理學堂果有成效能在寰球學界上佔一位置將距吾遠之歐美澳非距吾近之日高暹緬絡繹派遣學生而來試問謝乎收乎如援例不收何解於人之有今日如破例收之則不能薄同類而厚異類此猶得曰今日所有學堂本不完全也然果欲完全則此例當先破也或謂現在學制未劃一與幣制等此省之銅銀幣不能行於彼省亦與此省學生與彼省學堂有窒礙等不知吾國所謂此省彼省之界者非長城亦非鴻溝不過政治上區劃耳名目分矣而情誼未也是一家非鄰也是同胞非敵也吾曹本大國民何眼光之所及乃爾隘乎如曰律以物競之例弱者應有自衛權然自衛是矣而必擯斥人而爲之則物競恐又不行況夫吾國遺傳卽列國分立時學界中全無所謂國界舉聖門中來游最遠者言之子游是也使中原文學輸入東南至今彬彬稱盛有教旣無類矣有學獨可分省乎晉饑秦輸之粟秦饑晉閉其糶心理上未免有不安者在也又

況英日隔數萬里而結同盟吾曹一家一族而終其臂得不謂爲狹隘者乎旅學之設鄙人素不贊成以爲用其父兄而絕其子弟不義（各省之爭多因官場子弟故專就官界言商界幕界寥寥也）効力於此省而募貲於母省不仁然此皆無甚緊要者也學科之繁浩如淵海軍事也實業也理化也政法也總母分子宗子分支不勝枚舉普通也專門也高等也中等也小學也蒙學也男也女也學級之繁由幼稚園至成人所需之學堂亦不可枚舉舍其萬而事其一則流寓者向隅按其級而舉其事則集貲者不繼而常年經費與管理教員種種之轆轤更無論矣且也學堂不收外籍之論一倡各省勢必援爲定例在流寓人多之省分分途募捐劃客省之地如一租界而設一學堂也自易然每一都會而各省客寓者不能皆設學堂也更有距母省遠而流寓人少之地無力設學其遣子弟歸母省讀書也不便使子弟在客省荒學也又烏忍諸君子有心天下事恐他日身逢其境而受其苦應自悔作法自斃者矣而急不暇擇爲淵之毆更無論也若夫天下事當舉其大者遠者吾曹倘有所知所聞應再三思維分別黑白勿輕援自親者始之例而冒冒然嘗試之也夫歷

史上之惡感情豈少請諸君子稍斂其鋒無令外人笑也或者謂分省界爲自治起見不知自治者謀團體也非逐客也或又謂分省界爲爭權利起見果爾則學費可爭也名額可爭也何必不與共學堂而始甘心耶人亦有言所謂權利者非博士學士之問題而進士主事之問題也諸君子豈其然乎昔魯仲連以排患釋難解紛亂爲士之職鄙人黃河流域產也憫兄弟之鬩牆驚風雲之急變心所謂危不敢不告盡天職也如以鄙言有毫釐之價值存請從此修好如初偃旗息鼓可也否則斥之駁之拉雜而摧夷之皆惟命是從知我罪我委任之而已

按此書登在報紙卽以分省界爲詬病者也附於柳君書後閱者可以參觀得失編者識

上江督周論蕪湖蘇籍旅學書

玉帥大公祖大人閣下敬啓者昨接蕪湖來電(電文如上從略)查蕪湖之有中學堂始於劉前署道樹屏將中江書院改爲皖南中學堂定額一百名本籍八十名皖北各屬及各省客籍二十名先就中江舊址招考四十餘人於癸卯四月間開學其時本籍

客籍均相得甚懽毫無畛域蓋當時皖籍諸生方感劉道之開通風氣固無省界之可言也自童道德璋接辦皖紳蒯道光典等恐後難爲繼爰稟准月撥蕪湖江甯米捐銀七百兩作爲常年經費以皖南命名於義太狹客籍二十人皖北亦在內未免向隅因更名爲皖江中學堂本籍合皖南皖北共八十名客籍仍爲二十名此該學堂沿革之大略也今年照章擴充學額除皖省外其客籍之人自以蘇人爲最多一則交通便利一則月撥米捐藉蘇省爲挹注故蘇人士于于而往者亦居之不疑迥非喧賓奪主之比嗣因購操衣微故彼此齟齬紳等調查情形不敢盡謂蘇生之悉協事宜但以從前皖生相得甚懽之情形比之其對待蘇生亦不可同日語矣總之此項學堂旣經月撥米捐至七百兩之多設或撥回自辦實綽乎有餘紳等不敢拘拘爭執者蓋省界之說愈分明則愈戟刺此我不欲加諸人者也今旅蕪學生函電紛至仗乞帥裁如以分辦爲是則撥回此項米捐原不爲過如團結主義藉免畛域之分可否照常辦理但蘇省協費旣鉅則占額自應格外從寬以示優異而弭紛競芻蕘之見卽請鑒核再旅蕪學生不無言論失實之處如以皖江二字皖爲安徽江爲江蘇以及瑣瑣之談無關宏旨

不辨自明除由紳等馳函勸導外合詞肅陳卽請勛安

敬再啟者紳等議甯垣校事內有數校以二成歸外省八成之中蘇六皖四與蕪中校以二成歸外省情事相侷但八成之中似應如甯垣對待皖省辦法易地參觀作爲皖六蘇四方爲平允其餘各節業經晤商鳳樓觀察矣合再泐陳復頌勛安

上江蘇學政唐條陳學務書

政界之本在學下無學斯賊民興雖上有禮奚益然上誠有禮則有主義有秩序有敬事之精神有適宜之理論下何至無學今言學者紛紛矣殆無異適市而聽羣嘵之鬨也同志憂之上年集議立一學會期稍稍有所補救今荷公臨教學界非常慶幸惟私懷所蓄欲言至多不能一一臚瀆謹撮四要條列後方幸賜垂覽公巡視各府州縣學校事竟必將陳說得失以副 朝廷倚畀興學之重伏願采擇上告 聖明倘荷推行當不僅一省受無疆之福而已謇謹白

一興學會聚徒立會 本朝鑒前明之轍懸爲大禁久之其名遂爲奸宄豪猾所竊士夫益相戒動色以立會非美名不知不得其道則有聚衆干政之嫌倘得其道亦收羣

策羣力之效明之亡不亡於社會而亡於不辨社會黑白之人懲羹吹壘母乃太過泰西集會之風盛已日本法規以關於學術之社團爲法人而保護之其所謂町村學校組合即學會也今言教育者動曰改良曰普及是已然以一行省而論數十郡縣之錯處即有省學務處綜攬於上各地學務公所分設以從事於下而立法與行政併爲一權揆之法理已嫌不合況民事待理非止一端良否且無由知何從改革坐是愚者迷罔賢者竭蹶欲不爲空文塞責難矣故以勢言無學務公所者不能無學會以理言即有學務公所者亦不可無學會乃者茲事方始萌芽而地方官之與學會衝突者如秦州如金壇如海州已經數見聆其說不曰恐滋流弊即曰當由官主持夫謂一學會中皆一邑之賢誠不敢必然少數人不賢淘之汰之可也多數人不賢即并其會解散之封禁之亦可也若不平情督察於已立之後而徒負意氣摧抑於未立之先莫須有三字何以服天下乎至謂由官主持誠使有此萬能之長官猶將嫌其養成人民倚賴之習重其漠視羣益之心況官立學校有之矣官立學會未之聞也推厥元因要由於不解立法行政之界說誤認學會爲官對待之一羣因疑生忌遂同斷斷不思學會所儼

議待行者仍當受成於官官所籌慮不及者亦可取資於會交相益而不能互相非此事非得明詔宣示不能祛其惑而返積重之習也

一籌學費教育普及今士大夫口頭語矣試問教育何以能普及有價值價值在資本朝廷庶務更新地方百端待理事仰給官費力已不支況地方普通教育爲人民義務教育各國從無由官籌費者據美國憲法必新立之州加入合衆國聯邦者始由官撥與土地以爲校產其餘各州學校所謂產業及維持經費皆州內自任之日本則市町村之學校其設立與維持皆所自任實有不足則由府縣貸與教育基金然且限於十年內清償年利以百分之五爲率彼意以爲普通教育凡爲人民者所應受則興教育卽地方人民應盡之責非慈善事業可例無由官任其費也我國士夫瞽於外事科舉廢後視興學爲國家具文於己無關係貧者咨嗟富者坐視今學部方議強迫就學學之未設欲就何從強迫云者止是虛語竊謂宜師其意爲強迫興學法凡人權利與義務必相兼此東西各國法律家之恆語也其釋權利則曰如公權私權之類又曰私權卽人身權財產權之類其釋義務之例曰如享人民權利納稅卽爲義務以日本

法規言之則支辦區町村教育及輔助費皆入地方稅豫算數內是興學卽其所納之稅不可謂非義務法宜請朝廷明著爲令凡地方紳富於建設學事不肯與大衆均平任費者以不盡義務論除命盜案官爲受理外餘凡錢債戶婚田土等事概不許赴愬庶人人有保護權利之思不得不有愛惜義務之事不至置公益於度外而學部強迫之議可冀施行矣。

一廣學類學費籌矣而設備之事與階級之宜不能不審則學校之類別是也据定章學校統系小學以上爲中學其旁進者則爲農工商實業學校蓋以兒童畢小學業後聽其志願或進受中等教育或就業務研習農工商之知識其制實仿各國通例爲之

日本尙有技藝學校如醫術繪畫之類惟今時所設郡不過一中學而止中學者爲預備升入高等與進求專門之地非可率通國之民而悉經此途也如是則各種類於中學之農工商學校不可不設然患者必曰無師曰費絀不知此種亦普通而非專門不過其學科有出入課書有專習視普通中學有不同耳姑求師於日本略已足用至云無費則今各地恆派遊學矣歐美姑不論卽以日本言歲費約人四五百元爲率其他程費及附屬之

消耗尙不在是則以大判計移十人遊學之費延師就國內可教數百人殆非夸論夫。留學外國者必此學於本國無所有或有之而不能精深乃爲是求益於人之計試問。今之留學生其所入曰某某商工學校者何一非彼中之普通甚或耗其財力日力而。先從事於淺近之語言文字其躋高等入專門者固寥寥也且凡學科必先稔其國之。所固有如商工歷史地理農產商品工藝之物皆當就國內所素著求其詳稔而得研。究之力國際商業外國事物猶其輔也中國雖乏才奈何淺近之普通猶不能自擇教。材而取其程式致糜巨費求他國國人公共之學馴至自失其民不亦羞 朝廷辱當。世之甚耶然今之學子不能不趨於外國者則亦有故內地偏僻無論矣即通都大邑。求此等之校亦不一見間有名實業者其教授仍以彼國之課本從事主觀客觀毫不。別白或其規程不如彼中之善則毋甯就學國外之較得益而可博美名風氣所趨遂。成習慣良可唏也此外若政法若警察雖非普通學類然亦不能不由官廣設方今廷。議且主張立憲矣凡百士紳法律之觀念毫無素養他日地方自治之秩序何從而生。英美且議以日人干我警察權矣茲議一成勢必遍設警察學堂費仍我出而教育行。

之權則爲人操亦何爲而甘處此受動之地位將至於不可說不可說也。法宜於中學外各府州縣量設農工商各種學校或合數縣爲之或合數府爲之卽以重資聘外人爲師而旣聚此數千百學子於國中不特風習整齊受無形之益卽以附屬銷耗論仍在國中是就經濟學理言所實費者不過請教師之一部分而已何可不思。

一釐學額額者科舉時代之名詞也以言學校似爲不必然昔之言額防其以溢相爭今則慮其以不足相蔽東西各國初等教育畫爲學區各表其學齡兒童之數我國戶口統計向不精密警察未能遍設勢難仿行然地方興學之詔旣下官吏飭報以爲考成据去年蘇撫官牘且有某地已設小學若干區而五人或八人爲一學堂者核其每學所費且數百千以當今民人入學如此其殷籌畫學費如此其不易徒取一空名以爲觀美誠復何心法宜請明定程式凡生徒不滿四十人者按五年學期每年裁八人并此而不足不得爲之學堂日本凡市町村不立學校而以私立代用者其課程辦法非經監督官廳查察認可且不得代用非靳此名詞也事關人民教育雖其地方費爲之義必求其實益又何論徒費而襲空名者耶以上所陳僅確舉其犖犖大者要仍以

前二條爲入手之基蓋費易籌則諸事可集有學會則地方官有所參考從前因循搪塞之習或可稍稍免也

江蘇學政唐咨文

爲咨明事照得本部院有查察各府廳州縣學堂之責此次出轅周巡各屬曾經奏明在案所至之處均調查教員之講義管理員之規則各學生之程度以及學額班次鐘點之多寡圖書儀器之有無校舍之是否合宜經費之是否敷用亦既分門登記嚴加考核應分別等次以昭激勸其有獨具特色及未盡合宜之處除面加獎勵與指駁外應再咨會各處學務公所列榜通知庶幾短長互見新舊溝通冀有裨於學界以盡本部院勸勉學子之苦心除商部高等實業學堂製造局兵工學堂教會所設各學堂不列等次外特將查過之各學堂應列何等詳加批示咨請貴總學會處榜示并希傳知各學堂監督校長遵照辦理毋違須至咨者右咨計咨送榜一道上海江蘇總學會 光緒三十二年四月廿三日

答江蘇學政唐至滬查學書

逕覆者頃接大咨內開此次出轅調查各處亦既分門登記嚴加考核應分別等次以昭激勸除面加獎勵指駁外應有咨會榜示並傳知各學堂監督校長遵照辦理等因查學會設立之命意原爲研究學務力圖進步利便交通起見誠如來咨所云俾短長互見新舊溝通此次使旌蒞滬學界歡迎獎勵有加激揚備至樹中西會通之鵠爲提學前導之車來莫去思良深拳跂茲奉前因惟有知照各監督校長益加奮勉以仰副大宗師勸導之苦心此則敝會同人惓惓之意也合此肅復伏乞垂鑒

江蘇學政唐查學榜示

督學部院示今將本部院查過上海各學堂詳加批示分別等第列榜曉諭須至榜者

優等

龍門師範學堂 各科講義清新切近非尋常鈔胥可比教育修身算學地理化學物理尤佳此校官紳合籌規模略備已立造就師範之基礎再能設法擴充漸臻宏闊將來培養人才收效自遠 獎給匾額

私立澄衷中學堂 堂中所輯國文讀本國史教科書格致讀本外國地理教科書俱善教員所編小學本國地理中等本國史中等東洋史中等西洋史物理學講義化學講義均井井有條學生中文程度甚佳西學亦漸能深造此校爲葉紳獨力創建規制宏闊經費充裕學科完備教員衆多詢足爲私立各學校之冠 獎給匾額

公立南洋中學堂 各科教員完備選擇尤精教課書及各講義俱精美教員程度較高復善於引導學生於繙譯理化算術圖畫俱有特色頭班尤屬可愛以之充出洋預備科極屬合格 獎給匾額

敬業兩等小學堂 各教員所編課本俱秩然有條地理尤條分縷晰切實有用學生國文俱清暢圖畫有特色算術頗可觀生理繙譯均有門徑歷史地理亦有可探處

中等

公立師範第一傳習所 管理教授倫理心理論理歷史地理生理物理動物諸講義俱井井有條教員講授之法深合簡易科階級學生各科成績均有可觀教育圖

書國文間有特色此校半年畢業開辦兩年已屢收效深合造就師範之法 獎給
匾額

公立第二師範傳習所 各教員講義俱備地理講義有條理論理講義淺顯無影
響之談國文講義所選古文極佳文法講義有厚味教育講義條分縷晰學生於文
法科有會悟理科輿地有門徑圖畫有特色習字一科爲教授兒童設想最屬有用
此校一年畢業與第一師範傳習所稍異 獎給匾額

私立小學師範講習所附設小學堂 教員授課有條理師範生國文清暢歷史議
論頗可觀研究地理有心得算術亦有程度教育爲師範所重各生於教授法原理
教育史兩種頗知留心小學生尙無成績可觀 獎給匾額

廣明高等小學堂及附設師範學堂 此校爲楊紳斯盛獨力創設兼設師範班三
十名各教員講授有法學生程度亦均可觀該紳以鉅貲創興各校志願宏大爲海
內所罕覯可敬可重 獎給匾額

公立上海中學堂 各教員所編修身課本歷史課本地理課本官話課本行書課

本俱清新顯朗學生國文具見功力歷史地理用洋文知已漸能融會中西算術圖書英文於中學程度業已辦到再求變化以臻精妙研究理化亦能推闡其理議論間有新穎處此校由蘇紳創辦苦心籌款具有規模深堪嘉尙 獎給匾額

私立競業中學堂 校長吳紳治恭管理法度整肅嚴明該紳等苦心籌畫創成此校規模大有可觀開校業已四年洵屬難得尙宜保此基礎盡力設法爲持久之計 獎給匾額

公立中等商業學堂 教育所編講經修身歷史商業書法諸講義均條理明晰指授有法監督胡紳爾霖篤實嚴明管理有法爲商界開通風氣尤須注重商業二字不負立校之本意將來造就人才收效自遠勉之望之 奪給匾額

梅溪高等小學堂 此校由書院改辦有年學生已成材者不少國文課本簡明所選古文亦合法蒙學世界地理教科書明晰顯朗易於領悟學生百餘人雖程度不一均堪造就

官立養正兩等學堂 教員所編地理講義物理講義俱有條理其餘課本亦可用

學生頗知研究中外歷史地理亦有心得國文清暢圖畫亦佳

私立利濟小學堂 此校由校長顧紳獨力開設已五六年所擬章程宗旨正大識見開通頭班生國文清暢議論頗有通達處修身經學歷史地理格致俱可觀算學漸知理法所分生計商業兵學憲法諸門尙知逐項研求繙譯整飭圖畫可學 獎給匾額

私立三育兩等小學堂 校長黃紳慶瀾所定教室與寄宿舍規則知於學校制度實能用心考查故能照此辦理所用課本如讀本一新國文教授進階明白如話俱屬善本國文選讀亦佳學生程度雖淺亦尙有可觀 獎給匾額

公立義務小學堂 教員所編講義俱有條理修身講義親切有味地理講義亦見新穎周紳宗頤等與諸同志艱苦籌畫創成此校專收貧寒子弟俾知得沾教育用意可嘉 獎給匾額

公立西成小學堂 姚紳文枏等十人同心籌畫創設此校教習二十員均盡義務甚屬難得學生整齊尙堪造就 獎給匾額

公立二十三七鋪小學堂 管理法度整肅觀學級日誌及教案知此校查課甚嚴極爲得法文法課本明白如話甚佳學生俱有靜氣知能遵守規矩尙易造就 獎給匾額

龍門師範附屬小學堂 各科課本均平正手工科教法極新學生程度亦可觀手工尤有靈巧之致

公立羣學會附屬義務小學校 諸紳董同心集款專收貧寒子弟用意堪嘉以五教員課三班勞累殊甚學生程度雖不深亦尙可造就 獎給匾額

私立榛苓初等小學堂 此校由經辦人盡力籌款爲培養貧寒子弟起見查章程內學科一門所訂各科教法專爲引導兒童設想以淺近明晰爲合法 獎給匾額
私立時化初等小學堂 校長祁紳祖濠創設此校專收貧寒子弟不收學費用意可嘉學生俱幼尙有活潑之致 獎給匾額

文明小學堂 校長董紳瑞椿譯述之倫理教科範本淺近真切兒童教育鑑抉出種種惡德均足爲教育善本學生有靜穆之氣知守學規各教員勉盡義務開辦業

已三年洵屬難得 獎給匾額

公立滬學會附屬義務小學堂 此校由諸紳熱心義務不取學費筆墨書籍操衣

概由本會供給惠及貧寒子弟法良意美深堪嘉許教員講授及批改均尙合法學生亦能恪循禮法 獎給匾額

公立崇實商學會附設小學堂 管理規則詳明整飭此校已立商學之基礎所用

公司論錢業論商學總會洋貨論俱新穎足以啟發心思甲乙兩班學生程度亦有可觀 獎給匾額

私立淪智小學堂 校董金紳齊聲獨力擔任籌款培養沖齡兒童用意可嘉教法

記分數極詳挑選各生年歲俱合格亦多聰穎靜穆之氣將來自易成材 獎給匾額

私立正誼小學堂 校董顧紳鴻逵與朱紳啟新合力籌款創成此校培養貧家子

弟志甚可嘉蒙學世界地理蒙學地文條理明晰適合階級教員批改亦妥適學生國文算學畫稿頗多可採 獎給匾額

私立啟秀小學堂 此校開辦有年校長王紳銓達擔任經費年年賠墊補助有裨蒙養深堪嘉許學堂亦知恪守堂規 獎給匾額

私立東明小學堂 管理規條詳盡嚴密承辦人鍾紳浩志自行籌款實屬難得學科完備教員無缺將來可望收效 獎給匾額

衣業公立小學堂 此校開辦未久各生程度雖尙無足觀而俱有清氣教員改筆甚合各業能照此辦理學校自易推廣 獎給匾額

金業公立小學堂 此校去年開辦高級生國文可觀餘亦有可採處教員於發問諸條極得引導兒童之法同業熱心教育創成此舉爲各業之倡深堪嘉尙 獎給匾額

花業小學堂 校董程紳鼎苦心籌款創成此校俾同業子弟同受教育意甚可嘉教員講授頗得法學生俱有靜穆之氣 獎給匾額

水果業華實小學堂 此校考察品行甚屬切實將來學生品行必有可觀教員改筆妥適學生亦安靜程度雖淺尙可造就 獎給匾額

公立飛虹義務小學堂 教員改筆平安學生程度略有可採此校以地價四千元之息爲經費不敷尙鉅由經董籌墊不收學費可嘉之至 獎給匾額

公立七鋪小學堂 此校程度尙淺學生能守規矩上課時日稍久當有進步

私立十六鋪小學堂 管理合法教員改筆亦妥學生國文漸可成章地理略知五洲形勢算學有知開方者字可學 獎給匾額

私立二十鋪小學堂 教員講授頗肯盡心學生作文略有明機上課時日漸久當有可觀

公立第二義務小學堂 管理尙合法度學額宜增學科亦宜求完備

私立初級小學堂 此校雖名小學尙近幼稚教員管理隱寓家庭教育之義最屬得法兒童多聰慧甲班尤佳諸女士苦心籌款尤屬難得 獎給匾額

公立幼童學堂 中學兼蒙養院一切布置均合法學生聰穎居多手工靈巧體操唱歌漸能合拍 獎給匾額

公家警務學堂 警務爲當今要政諸紳董苦心經營以開風氣以培人才法良意

美所訂章程俱妥善學生年力壯盛頗有精神 獎給匾額

公立商餘學會 此會爲商團之起點開辦未久形式已漸有可觀來會者年力俱甚精壯照此辦法必能日見整齊 獎給匾額

又女學堂

女校無多未便分別等次
茲將評語宣示以爲鼓勵

私立務本女學堂附幼稚舍 此校開辦有年形式完備各科具見精神教員整齊教法詳密是女師範之基礎教員所編講義均合階級教育地理兩科尤勝學生程度頗有可觀幼稚生遊戲嫻熟豆工靈巧 獎給匾額

公立天足會女學堂 校長章蘭管理規則整肅嚴明此校科學固有特色尤重德育根柢於開通風氣之中寓保存國粹之意有志提倡女學者取法此校可也 獎給匾額

私立城東女學堂 校長楊士熙管理合法苦心提倡已開辦四年殊屬難得學生程度頗有出色者 獎給匾額

公立女子蠶業學堂 校長史家修管理規則謹肅指授蠶法昕夕勤勞學生進步

甚速課本教科均佳學生國文有清氣繡工精緻 獎給匾額

私立啟秀中西工藝女學堂 此校講求科學工藝開通智識法良意美延訂洋教員至五人之多尤屬不易學生程度頗有可觀者 獎給匾額

復兩江學務處沈觀察桐論甯蘇分設省學會書

辱承惠教仰見執事厯懷學界力圖公益之盛心學會應設於省垣弟等初見未嘗不同嗣以滬瀆縮江海之衝士夫往來鱗集輻輳一二留心學務之子大半就事於茲交換智識莫此爲便而弟等經營實業月必以事數至更可就近照料以是乃有設立上海之議但尊憲以設在省垣可使官紳聯絡一氣所見極卓可否卽由尊處集議設一江甯學務省會於蘇垣更依例設一蘇州學務省會如是推至各府州縣皆名分會而以滬會爲聯絡之樞紐似尤脈洛貫通既無此疆彼界之嫌亦免複閣重臺之誚下風逃聽實願贊成至云學堂專歸紳辦則尊意似有誤會弟等本謂學務處應有一紳三江師範及高等中學各校歸紳辦其陸軍警察等學堂旣入行政範圍各國從無任民自辦之理況學會之設不過羣合策力以資探討期於公益事易見推行絕無與官爭

權之意簡章第一條開宗明義卽云立案後與京師學部及省學務處直接是將來仰資貴處之事方多閱達如我公而又深明各國教育制度想不以爲非也各地學堂有名無實弟等臆計所及誠有如尊處所調查者非使各府設立師範學校而以嚴重之法干涉之無從入手廓清振發是在大君子矣管見所及此間人士詢謀僉同敬以貢諸左右能早日定議見之施行將來彼此呼應靈便於全省學界所益匪淺不獨滬會蒙其福也維執事實圖利之復請台安

兩江學務處沈觀察桐來書

滬瀆于役飢聆教言分手匆匆式勞寤想歲晚近寒攝衛惟宜學會之舉玉帥已照准批行查學會設在上海固爲聲氣易通起見惟省城應設一總會有事時方可一氣貫注昨在滬已與公等商及務望從速定議弟等在此間向有研究會每逢二七日學務處與各學堂總辦監督會於三江師範學堂專爲研究教育各事宜如學會舉定有人則屆期亦請至會議庶官紳可以融洽不至隔膜官有阻力難辦之事可商之紳紳有權力不及之處可商之官似於學務更有裨益至學堂專歸紳辦固欲

挽回官辦之積弊然卽以江蘇而論大小學堂各處已十餘所官辦誠不盡得力惟紳士中亦驟難得此多數人才只可酌量抽換而目前應辦之事不少非先將學會設在江甯仍多隔閡也至省滬兩處既有學會此外州縣亦應一體設立分會其已設者尤需聯爲一氣方能由本及末循流溯源尊意如以爲可似應一面由尊處定議勸各紳士實力舉行一面由學務處通飭各州縣邀集各紳妥速籌辦惟高明酌之昨學務處調查各員回省言支郡外縣所辦學堂多半有名無實以素不習學務之官責以辦事固知其難然各處欲求熱心教育之紳亦殊不易得弟忝任學務夙夜圖維殊無善策若任其頹廢實所不安欲一一振興安得有此百數十諳練之人佐我不逮此則每一撫膺歎仄萬狀者也公等智周萬彙務望爲大局計爲桑梓計籌一善策見示千萬盼禱

復甯學務處沈觀察桐諭官紳辦學意見書

辱承來書並陳君杭來稿披誦再三中心悵悵益不能已於言也學務者國民公共之事故迭次興學之詔官與紳共其責成夫中國數百年來之所謂紳非皆所謂不准

干預公事者耶（按定例紳士干預罪至革職）惜乎干預兩字界限未曾分明遂至地方應興應革之事賢者輒引避之不遑斤斤自好不賢者或有所憑藉爲挾制地方官之具行政人與社會幾幾如冰炭之不復相入以演成今日之現象善乎陳君之言曰今之言學務者往往是紳非官其實曾受教育明公理之人不盡紳官退爲紳紳出爲官初非異致此論似已顧安得有如許受教育明公理者而爲官更安得有如許受教育明公理者而爲紳耶雖然自興學議起又各處有遊學回國之學生計每府州縣之紳士中不乏一二稍知教育稍明公理之人設遇一地方官長與之反對小之如泰州之事大之如安徽含山縣之事幸泰州凌君素有以自見而含山某學生亦竟得平反然已遭摧折不淺矣尤可異者各處摧折學界之文牘不曰流血即曰革命不曰把持地方即曰莠言亂政甚至以苗沛霖洪秀全相比例其信然也何平日漫無覺察至今而始知之他處吾不必言就一事而論行政人對於社會概可想見夫以阻撓學務之舉動退而爲紳且不可況出而爲官乎故陳君所論爲有普通知識之官與紳言之可也設以有知識之官而遇無知識之紳則必執法以繩之無疑也設以有知識之紳而

過無知識之官閣下將從何而下一轉語耶日本勃興其最初之起點由社會影響所被者爲多蓋社會之性質其發起之始良莠決不能齊然視聽既多較之從前之深閉固拒收效固已不同且天下事有積習數十年受自然淘汰而不以爲意者受人力淘汰而卹焉若驚腦筋震動之餘始羣謀翻然振作之計（如戒煙天足等會皆然）況學界沈痼重以科舉之毒又在政體未改以前社會之不悅於行政人殆無足怪雖然社會之少秩序亦有不能爲之諱者非特如尊示所云中學西學一無根柢也卽在熱心辦事之人或操之太蹙而適以僨事猶御馬者不察馬力之幾何徒作一日千里之想卒至不及五十里或百里而止此則在乎辦事之有經驗已非僅談學理者所能喻至近日各地方官解散社會輒藉口於在事之不得其人（或曰嗜好甚深或曰聲名素劣）此誠不必迴護亦無所用其迴護矣顧社會處立法之地位地方官處執法之地位吾誠不願社會中人留此藉口者受執法人之淘汰然甯蘇兩屬中所謂處執法之地位者其能免於以上藉口者幾何又何以自解於社會也請以此問題而質之陳君又以爲何如也總之社會之解說一日不明卽行政人之疑慮一日不解鄙人有一

極淺近之比例譬如科舉時代其城鄉書院遍設而課士較勤者則科第必盛其僅讀高頭講章除時文八股外一無所課者則獲售者且闕如焉況學堂性質與書院全然不同書院則人人意中皆功名利祿之思想學校則人人意中有生存競爭之思想書院則人人意中有服從依賴之思想學校則人人意中有奮起獨立之思想行政人設以待書院者待學校則學校中人殆無一可滿行政人之意者矣各處風潮迭起實由於解釋之不明積疑生嫌積嫌生釁蓋爲此也同人組織學會不過社會之一部分而學務實爲各社會之母其各處支會設或大純小疵尙望行政人之補救辦事之難得人尤難當互相體察以期仰副官紳並受責成之 詔正不必有所偏畸其間也執事開誠布公學界欣佩非一人之私言惟近來各地方官於設立學會之命意不無誤解之處故不嫌詞費塵之左右倘以爲然可否將以上情節通知所屬庶同舟共濟其有豸乎學會中不少官退爲紳之人設體察情形各社會之舉動實有不滿人意之處賢有司俯賜箴砭亦所甚願但如泰州含山故事是非亦極易分曉誠如來函所云兩爲調人於興學誠無大補是則行政人自有權衡非弟等所敢輕議矣時事艱難啓予如

公故罄貢臆忱不盡縷縷

復兩江學務處論校員學生積習書

逕復者昨奉賜書甚佩偉論中國前途所希望於此輩學子者甚大乃近來學界現象頗知注意衛生觀於各處運動會體育日有進步文校如此武校可知智育一層自當分別階級在國文稍有根柢者循序而進分門以求本其忠愛之忱策其文明之步有國家思想而後成國家學派否則學校如林徒爲他人伸教育權耳否則造就箇人衣食主義耳然衣之食之猶有箇人主義也尙有教授不如法并衣食不能謀者居今日言智育已非目前通行之教育所能畢達其教員程度太淺自愚以愚人者無論也德育爲校中人所均宜注意近來退學風潮環生迭起本會屢加調查由於校員之不能稱職者固多由於學生之太無知識者亦復不少是以正告各處分會乘此暑假之時諄諄演解並錄副登報以廣聞聽適接來諭可謂深得衆心總之學堂退學其因薄弱物細故鼓動風潮者其人格卑劣可想而知實因管理教授不如法而學生要求改良者應俟一學期畢公衆集議以定可否如其可也則固無不留如其否也亦當聽其去如

一。學。期。未。畢。橫。空。生。議。要。約。全。班。則。是。自。誤。學。修。意。存。挾。制。猶。且。囂。囂。然。曰。團。體。曰。自。由。恐。環。球。各。校。無。此。不。守。規。則。之。團。體。無。此。破。壞。秩。序。之。自。由。各。國。有。共。和。之。政。體。無。共。和。之。學。堂。學。生。以。學。律。爲。服。從。猶。軍。人。當。以。軍。律。爲。服。從。也。私。德。不。修。公。德。何。在。分。明。解。晰。誠。如。公。言。茲。將。前。月。本。會。廣。告。書。二。冊。附。呈。台。覽。來。書。又。謂。近。有。糾。合。朋。類。私。立。會。所。似。指。揚。州。廣。陵。學。會。而。言。此。事。曾。經。本。會。電。知。趙。都。轉。嚴。查。核。辦。並。知。照。揚。州。府。縣。學。會。一。體。詳。查。聞。廣。陵。學。會。種。種。之。變。象。一。如。尊。諭。所。云。非。種。必。鋤。害。羣。必。去。無。待。再。思。諸。仗。蓋。籌。肅。此。奉。覆。祇。頌。台。安。

兩江學務處沈觀察桐來書

學校爲國民養成之地教育有轉移風俗之權智育體育固須注意至於德育尤宜薰陶涵養培成德性平日學堂管理教員於學生性質及出游交際果能時時勸誡以身作則勉爲善良則受教者習見習聞必不至踰閑蕩檢逞忿縱欲致貽學界之玷而社會風氣默化潛移更不至有浮薄少年冒託學生競爲無意識之舉動當此過渡時代各處學堂管理員及教員程度未能一致故於學生上課讀書或可勉企

以求完備或略知修改校舍定立規則以謀衛生之益而於公德私德修身倫理國民普通之智識政教之本原則漠然不甚厝意甚且詆爲庸腐迂闊之譚方今各處學生流爲非僻者屢見報章四方騰播而其咎實不當盡歸之於學生凡有教育之責者皆當引爲己咎夫他日政界學界軍界及實業界之人材皆恃今日學生爲儲蓄品根柢不堅枝葉必萎培育不厚成就必卑而中國之前途浸假必爲彼等牽率而誤查東西各國之德育基於青年凡在髫髻之時卽知道義且各具自治精神國家思想至成人以後閱歷世故遂能智識日充德行日定積之厚自流之光其理確不可易中國久闕家庭教育專賴學堂更不能少加玩忽應請貴學會轉告各學堂於修身一科每日上堂教員須切實講授勿得視爲具文並將公私二德分析解釋發明義理且使徵諸實行定爲功過輔此學業漸進文明久之不須法律檢束自能服從命令服從義務各成有用之才而一切弊習澆風不禁自絕否則學堂林立學生颺興徒構成一種複雜性質之社會而教育之能力發達反因之遲滯卽於政治機關亦有影響轉移所在關繫匪輕敝處綜司教育深愧無補風雨如晦雞鳴不已

願與貴學會考察而互勉之至於學會爲綜合智慮研究科學而設具代議政體之模型作地方自治之預備其中人格自當甄擇精嚴近聞有無藉之徒假借標志糾合朋類私立會所冒託學務其會中人大都下流社會椎埋豪猾之儔間有縉紳子弟不肖者亦爲其要結煽惑不時聚集商榷皆舞文攬訟干犯法紀之事甚且附設學堂所收多游惰之民身服操衣橫行市井官長省事警察畏煩往往誤認其爲學界中人不敢拘捕干涉而彼之氣燄益張不但飾非玩法妨害治安且於學堂名譽大有關係證之衆論僉以爲然應並請貴學會知照各處公所調查所屬如有此等學會學堂形迹可疑立即確切查明會同地方官設法解散相機辦理不激不隨仍須禁止挾嫌誣陷致敗公益而釀風潮素仰執事熱心教育彰瘴兼施以上二端皆切近之圖當亦深表同情用資贊助而不以爲瑣細也社會幸甚學界幸甚除分別移行外專此布達敬頌道安

致三江師範學堂李觀察瑞清論各校罷課書

敬啟者競爭學額一事流景半週此風發起於湘閩流及於蘇皖核以文明學校之通

例。母。乃。所。見。之。不。廣。然。湘。人。爭。之。最。早。亦。最。烈。而。外。省。人。無。訾。議。之。者。蘇。人。受。反。動。力。始。迫。爲。此。舉。論。者。則。交。相。訾。議。幾。以。蘇。人。爲。叢。矢。之。集。蓋。蘇。省。以。積。年。之。放。棄。一。旦。受。他。省。之。戟。刺。始。翻。然。變。計。思。將。前。所。放。棄。者。一。一。還。之。固。有。之。地。位。而。羣。議。乃。譁。然。矣。其中亦間有過當之談弟等與同人籌議務求兩得其平本難盡如學生之意辦事之界如此他非所計也近日甯垣退學會於二十三日致電甯學務處聲明此等舉動與同人設立學會宗旨未合日內閱各報及甯垣學生來言則有無名函電從中鼓動深堪詫異除一面登告白於報端以後函件非學會蓋有圖記及有人列名卽與學會無涉概不承認弟等連日發電囑學生上課且弗誤會一面秉公籌商擬就各條卽日繕呈玉帥鑒核茲請馬湘伯先生到甯與各校接洽一切指示南鍼爲幸時事孔棘當勸告諸生務其大者遠者閣下總持學界甯垣人士同聲翕服天下事自有公論不煩阿私所好也專頌台安

復甯垣十七省學會發起人書

十七省學會此間於二十五日得電莫測由來無從寄訊來函始悉一切總之既遜公

會似應先行廣告屆期齊集交通便利之所爲各省所公認然後商訂章程推舉職員方爲正辦茲事體大豈一星期內少數部分之人所能議決若第就在甯諸寓公之意見遂謂組織江蘇成十八省公會謂之旅甯各省學會可也謂爲十八省公會不可也同人創立江蘇學會其宗旨本爲交通學界並無對待外省之成見而他省率惴惴焉視本會爲抵拒外省之具然則商會林立爲交通耶抑爲抵拒耶我不欲加諸人人亦無加諸我時事孔棘外人方協以謀我而我固自狹其範圍何所見之不廣合十八省以自固團體可也合十八省以互相爭競不可也蘇人以積年之放棄受他省之戟刺始翻然改悟蘇人咎又何辭自立之道當務其大者遠者十七省發起何人來電未經署名無從答復拉雜書此以告我蘇省同志卽以告十七省同志諸君子果有熱誠提倡而謀所以交通而研究之者乎敢誦衛大夫之語曰則瑗請前

致蘇省學務處論裁汰乾修書

敬啟者頃接杭州教育會來函稱敝郡紳士某某會充貴省總校對一職某於學務懵無知識在敝省曾不得插足學界迺以夤緣之巧遙領校對月得百金此直與乾修何

異學務處有乾修可謂奇譚異聞我江浙兩省比鄰接壤比於肺腑以敝省所不願有之事甯願貴省有是彼此共謀公益無分畛域故有所知不敢不告等語查乾修一層爲中國習慣之通病現在興學伊始一切書院膏火且爲人所叢詬以爲等於養老恤貧既失 朝廷培養人才之意徒增經濟困難之虞受既傷廉與亦傷惠時艱孔棘來日方長若因仍弗改常此效尤恐指摘者必非一人掛名者不盡外省該會所述各節證以同人聞見所及實不爲無因應請貴處分別整頓凡掛名乾修一律裁汰免爲外省所非笑俾得涓滴以歸公同爲臥薪嘗膽之國民斷無尸祿素餐之學界凡在所屬請飭周知爲此抄函奉聞希酌奪施行

蘇州紳士論浙省存留書院書

竊維今日學界之萌芽較前發達者其原因蓋在廓除阻力也 朝廷停罷科舉士無他途之怵先則皆媮趨學堂故學界阻力之祛莫過於科舉之廢科舉之附屬品則有書院書院者爲科舉之豫備也無科舉則無豫備無豫備則無書院彰彰明矣我蘇若龍門若融齋若紫陽正誼以及種種書院改之裁之後先相望興學入手計

無逾此雖亦纍疑羣毀困難百端而時局所趨非興學無以立國則固人人知之乃或者不達輒以浙省書院爲口實臚名上稟援引要挾轉若振振有辭夫浙省素號文明其鄉先生又皆闡朗洞達當不留此污點貽人口實海內但聞有山長辭聘之佳話未聞有保存書院之故事意者浙中綜理學務諸紳於書院議裁議改煞費苦心尙有一二未及計議留爲徐圖改良張本則巋然靈光用以點綴湖山於學界本無增損初不料他省人士奉爲挾持之具且倡爲浙中有規復書院之風說無論規復與存留都非事實度浙中學界諸君當亦不願留此污點爲全浙學界之疵類影響且及於鄰封也夫印度以迷信宗教而亡與迷信科舉等越南以不知教育而亡高麗以無教育資本而亡中國今日教育資本幾何矣彼挾破壞主義者乃欲并此區區教育資本金日思攘取之以爲腐敗國俗人心之用是爲全國國民之公敵不足與較奈何文明如浙省猶爲人藉口於斯詩云伐柯伐柯其則不遠甚願浙學界畀我好模範不願浙學界予我惡感情斯則我蘇之幸抑亦浙人士之志乎南望師資無窮依賴先甲等爲全體學界障礙起見敢請會長函達浙中綜理學務諸君子起而視

之果有如先甲等所聞者幸早爲之所以風示於同胞不勝大願恭頌台安蘇府紳
董尤先甲陶惟坻曹贊明吳本善同頓首

致署江蘇按察使朱勸興盲啞學堂書

月前在蘇得接塵譚甚善路事牽掣信宿回滬懷所欲陳者未克畢貢於左右深恐道
路傳播訾讐不實旣失下走稱述之本意復沒我公設施之素願敢罄其詞以備採擇
可乎公累世官吾蘇公在蘇又最久十權臬事一攝藩條掌關樞者殆十餘年如一日
也歷任大府倚公如左右手公亦有慷慨任事之風自鈔票案發於報紙中誦公上督
撫稟公子現尙在署並待新任覆按似公之不肯爲舐犢之愛以執國家之法而損數
十年明刑執法之名譽深爲敬佩且聞公訓子亦頗嚴晨起必撫摩公子之頂不許作
時下裝束而卒不能使蘇滬徵逐之場絕公子回翔之踪跡則公之失明爲之也是以
當時卽爲人言勸公捐貲建盲啞學校比在蘇晤止泉前輩以是見問疑謔調侃謔何
敢出此哉生平不爲浮浪輕薄之言矧肯施諸素所敬佩明刑執法之長吏謬爲此說
正以重公耳堯舜之聖不能保其子之不肖中國歷史似此者不勝數卽我朝趙恭

毅。公。正。色。立。朝。而。其。子。鳳。詔。以。賄。敗。於。太。原。府。任。公。諳。習。掌。故。度。亦。熟。聞。此。豈。足。爲。公。病。哉。以。公。之。賢。而。受。失。明。之。累。天。下。知。識。地。位。下。於。公。什。伯。千。萬。倍。者。其。受。累。之。苦。衷。當。更。何。如。盲。啞。學。校。者。東。西。各。國。慈。善。教。育。之。一。端。也。教。盲。識。字。母。習。算。術。教。啞。如。之。入。其。校。者。使。人。油。然。生。愷。惻。慈。祥。之。感。而。歎。教。育。家。之。能。以。人。事。補。天。憾。者。其。功。實。巨。聖。人。復。起。無。以。易。之。中。國。今。日。不。盲。不。啞。之。人。民。尙。未。能。受。同。等。之。教。育。何。論。盲。啞。適。有。感。於。公。子。之。事。而。益。念。公。必。有。抑。抑。於。中。莫。可。如。何。之。痛。故。以。爲。公。設。此。校。正。禹。稷。己。飢。己。溺。之。仁。文。王。視。民。如。傷。之。德。也。美。人。有。痛。其。子。施。丹。福。早。逝。者。捐。家。貲。數。千。萬。建。一。大。學。院。卽。以。其。子。之。名。名。之。至。今。有。聲。於。美。洲。葉。澄。衷。商。也。楊。斯。盛。工。也。以。寒。微。致。富。自。痛。其。少。賤。失。學。葉。捐。數。十。萬。楊。捐。十。數。萬。亟。亟。興。學。世。人。稱。施。丹。福。之。父。賢。耳。稱。葉。楊。賢。耳。未。有。非。之。者。也。然。則。公。之。揚。清。芬。而。啟。後。嗣。者。其。惻。怛。之。忱。縱。不。必。以。禹。稷。周。文。自。例。獨。奈。何。并。葉。澄。衷。楊。斯。盛。而。讓。其。專。美。於。學。界。哉。抑。公。豐。厚。之。名。世。之。所知。也。慈。善。之。感。應。公。之。所。信。也。感。應。之。說。果。有。之。公。施。至。仁。而。公。子。忽。改。行。是。公。捐。家。貲。十。分。之。二。三。而。易。一。能。受。十。分。七。八。付。託。保。存。之。令。子。必。公。之。所。樂。爲。也。卽。感。應。之。

說。果。虛。而。公。之。貲。財。公。自。施。之。享。盲。目。而。不。盲。心。之。明。無。遺。子。多。財。而。益。過。之。失。度。亦。非。公。之。所。不。樂。爲。甚。願。公。之。俯。思。鄙。言。也。敢。佈。區。區。伏。希。垂。鑒。張。謇。頓。首。

復蘇松太道瑞論警察干涉演說書

逕復者前奉大移內開本年二月初八日奉兩江督憲周札開照得立會演說本以闡揚理義化導愚蒙或欲社會之改良或因善舉之集議事經官長之特許言爲國民所樂聞原不在禁例之內第恐持論偏宕屢變失真宗旨不同遂多謬妄以後地方演說人數至十五人以上者除已經官許立案外應派巡長明白事理者臨場監督並將會名會規及開會處所存記備查以綏靖地方安輯民志等因移知敝會酌擬辦法茲以寰球學生會擇期開會復蒙函示前因正在酌議奉覆間適閱報載學部奏定勸學所章程實行宣講條內載各屬地方一律設立宣講所其章程規則統歸勸學所總董經理而受地方官及巡警之監督又云巡警官得派明白事理之巡警員旁聽遇有妨礙治安之演說可使之立時停講與督帥綏靖地方之意正復相同近日地方浮薄少年託名學會爲無意識之演說紛紜生事者時有所聞誠不可不示以一定之規則雖然

竊有說焉。宣講有宣講之資格。監督有監督之資格。旁聽有旁聽之資格。試取近事爲證。則知我中國之事變。甲而不變。乙則甲爲無效。有斷然也。夫宣講之資格。學部定章以師範畢業生及與師範生有同等之學力。品行端方者爲合格。或小學堂教員亦可。而學務總董則選本籍紳衿年三十以外。品行端方。曾出洋游歷。或曾習師範者。派充所定資格。可謂詳且慎矣。而旁聽之資格。僅曰明白事理。然則巡警不出自學堂。所明白者何事理耶。以敝會最近之調查兩事言之。泰州凌生因開會而與張州牧衝突。夫泰州學會官許立案矣。凌充教員且曾出洋游歷矣。其有宣講之資格無疑也。張州牧蒞會之時亦誠居於監督之地位矣。因凌君演說地方學務之腐敗而以爲侵己。斥爲莠言亂政。昌言解散之。此一事也。金壇學會亦官許立案矣。因紳與紳不合。致官與紳亦不合。敝會受學務處調查之委託。派員前往而該邑學會開會行歡迎禮。是日在席演說者爲于生鳳藻。曩年端午帥資遣東洋習師範回國者也。宜有宣講之資格矣。乃該邑胡縣令則遣丁役一人往囑之事。畢胡縣令謂調查員曰。于生演說頗謬。囑者已告我矣。調查員愕然力白其無蓋于生述地方衝突之原因。複雜之本末。亦與泰州凌

生等泰州張牧不可謂不明白事理以官場習慣之優崇一旦受社會之激刺尙不免忿形於色彼所遣者何人也其有旁聽之資格耶然則欲合乎今之監督旁聽之意而爲宣講員者資格當何如耶籌等籌議非有相當之資格而宣講而監督而旁聽是自促干戈於蕭牆之內也雖然以江蘇情形而論濱江海數郡邑風氣較爲開通求合乎學部所定講員之資格或尙不乏人惜乎監督及旁聽之資格未經明定一若地方官卽盡人有監督之資格巡警員卽盡人有旁聽之資格地方官之身經教育及游歷回國者或不少矣巡警開辦未久內地多付闕如僅責以站街彈壓之故事或跛倚焉或戲謔焉或竟爲竊爲拐紛紜錯沓不知所極焉何也未受警學故也以未受警學之人而責其旁聽且授以立時停講之權是使必合資格之講員而受範於絕無資格之巡警得毋北轍而南其轅乎夫東西各國警察官署有稽查結社之令治安有損有解散集會之權其所以能如此者人人受普通之教育而警察有專門之學堂社會之受治於巡警也非受治於巡警受治於公認巡警之法律也中國貿然行之是變甲而不變乙之說也非徒無益抑恐有害然則奈何曰是惟於各省會各商埠速立巡警學堂飭

各州縣選派高等小學卒業或有相當學力之學生入習巡警此項習巡警之學生尤當注意於法學惟教員難得似應遣派出洋或仍如端帥每縣派一二人習師範之例此事應由警部通籌全局作速舉辦將來地方受治於法律奚獨演說一端並先實行州縣赴東洋調查再行履任之舉必嚴核其確實調查方准履任以造就監督之資格然仍慮過渡時代階級不能相接則毋庸由各處勸學所之縣視學官暫爲監察設或演說時宗旨違背准其稟官停止一俟警學得人仍恪遵部章辦理較之授耳目於吏胥得失固大有間此爲目前救急之辦法芻蕘之見是否有當希酌詳督帥察核爲此照覆伏維垂鑒

復蘇松太道瑞協助中國公學書

逕復者前奉大移並附公學章程敬悉該生等建設中國公學以爲養成游學之基熱心宏願誠如大移所云惟經濟困難造端宏大就學者不止一省所需經費非江蘇獨力所能擔任且事屬創始非辦理得人難收效果吾國積弊往往所辦之事是而辦事之人則非致議者不察訾爲無事可辦嘗等於公學之舉非不以爲事之當辦也籌款

一問題得人又一問題現聞四川學生有回籍籌措十萬之說且俟該生等回滬集有的款再行籌議何如先此佈復敬頌升安

蘇松太道瑞照會

爲移請事據上海中國公學學生張邦傑等二百五十人稟稱竊學生等於去年十月以日本文部省取締規則顧全國體不得已相率歸國適逢滬上會審公堂一案風潮甚激學生等因同學齎集日衆數踰千人乃結成團體建設中國公學嚴加自治規則爲將來游學豫備基礎所有公學經費暫時皆由學生等量力認捐約共集款萬餘元凡校中辦事職員均力盡義務不支薪俸勉強支持至於今日此公學創辦之原由也彼時以尙未履新學生等無計圖維遂公推劉棣英馳往南京呈遞公稟當蒙兩江督部堂周批示度地築校集費定章候行學務處上海道察酌會紳妥議等因在案嗣以張殿撰已返通州鄭京卿又因有恙謝客學生等代表無人遂致遲遲商辦久欽熱心教育力任艱難下車以來首設游學招待所嘉惠學生有加無已昨聞熊庶常傳述德意慨允維持尤爲欽感查中國公學設立已經半年學生堅

苦求學咸遵自治規則不敢有軼範圍風聲所播當在精明洞鑒之中惟是經費支絀一簣堪虞且聘有日本學士充當教習薪資既巨年限亦長設或半途卽止不免貽笑東瀛有辱國體況學堂隸屬棠疆近在咫尺成敗興廢其權操之掌握固不獨關係外人之觀聽也學生等默揣將來實深焦灼謹將學堂章程及經費預算表抄呈鈞鑑伏乞提倡成全集紳翕議俾得築校籌款以垂久遠而廣教育等情到道據此除批該生等建設中國公學以爲養成游學之基擔荷匪輕具徵願宏力果所擬章程及自治公約尤屬縝密無遺足補各學校章之不備殊堪嘉尙惟查閱經費豫算表分爲特別常年兩項規模較大卽缺款甚鉅斷非咄嗟所能集事候移商學務總會集紳籌議協力贊成復到核飭知照可也外合應移請爲此合移貴總會請煩查照希集紳籌議見復望切施行

答蘇松太道瑞寰球中國學生會並未開會書

逕復者昨奉來函以寰球中國學生會定期十二日開會集議未便阻止特恐衆論紛紜轉不免有掣肘之處囑爲婉勸各學生遵照南洋大臣札飭仿辦天津警察章程綏

輯地方諄諄誥誥之宗旨隨即函知該會查照辦理茲接該會復函內稱前見禮拜五南方報新聞一則竊以並未知悉爲疑詢之主持此會之李君登輝亦云並未允開會特議顯係有人捏名藉端招搖當於明日登報辯誣以全敝會名譽並乞代達等情查前項開會新聞既係有人捏名除由該會自行查察究係何人招搖以杜弊混外至此案辦法能如來諭力持公理期得其平顧全大局爲學界前途地方治安均無任跂幸合此肅復即頌台安

蘇松太道瑞來書

近因競存公學走讀生邵斌以腳踏車被損起衅串率探捕拘辱教員一案據該公學校長鍾觀誥等暨會審委員同時具稟立即照會租界領袖轉飭工部局迅將違章探捕嚴行查辦一面批飭廨員秉公訊斷並照會俄總領事飭令會審洋員持平辦理誠恐學界中人迫於公憤或有暴動致生枝節隨又函請馬湘伯觀察傳諭諸生靜候商辦在案除再行廨從速集訊秉公商斷並由本道設法持平辦理外惟聞寰球中國學生定期十二日開會集議雖未便阻止特恐衆論紛紜轉不免有掣肘

之處用特奉懇執事婉勸各學生務須遵照南洋大臣諄諄誥誥之宗旨勿稍違背至巡捕違章拘辱教員弟自當力持公理期得其平爭得一分即算一分值此時艱總宜顧全大局爲要尙祈轉告學生熟思而審處之是爲至荷

答蘇松太道瑞論宋際清縱火被押自盡案書

前接大移以振大米店失慎店主宋際清是否有心縱火囑學會查復等情查宋際清米店失慎一案所聞異辭其中原委有非學界中人所能猝行查明之處既荷分移商會該會總董曾紳亦係學會幹事必能遵照各節分別查復蓋商界見聞尤爲切近也至關丞辦事素愜人望與租界關繫所在更在洞鑒之中應如何查明核辦之處出自尊裁專復卽頌台安

蘇松太道瑞照會

爲移查事照得本年二月二十一日夜間美租界北河南路第九百四十七八兩號門牌振大米店失慎捕房疑爲縱火當將店主松江府學廩生宋際清卽宋訪齊又卽宋方泉拘送公廨請究旋由衆鄰周士林等分赴道廨公稟辯誣復有華亭歲貢

生龔其鎬等來轅稟乞矜全宋妻莊氏亦稟求飭釋惟委員關丞以雖非有心縱火形迹實屬可疑稟請核示當以宋訪齊如果貪圖保險銀兩縱火遺害必爲鄰里所不容何以反爲切實聲剖既據查明並非有心縱火應憑供證定讞庶與中西例不相悖謬批飭該委員衡情酌斷具報去後茲閱各日報新聞均登有此案謂宋訪齊已判押西牢三年帶回虹口捕房於二十二日晚間自縊云云深爲駭異無論中西律例均憑供證定讞此案既有四鄰衆供證明失火並非縱火本無重罪可科卽有縱火實據照中例亦應移學查取入學年分先行詳革方能歸案懲辦何得遽判錮禁西牢關丞前次來稟旣曰非有心縱火復又欲照縱火例擬以罪名本道正深怪詫今據報載宋際清若果因判錮西牢自縊則該丞放棄主權罔恤民瘼本道更不能曲爲寬恕也惟報載是否屬實自應澈查以昭鄭重除移商務總會外相應照錄關丞暨歲貢龔其鎬等商人周士林並宋莊氏各稟備文移查爲此合移貴學會請煩查照迅賜秉公密查詳細見復以憑核辦望切施行須至移者

致蘇松太道瑞論妓女半日學堂書

敬啟者昨據務本女塾城東女學蠶桑女校愛國女學等函稱滬妓近設改俗半日學堂章程已見報章其宗旨在改良風俗固屬可嘉而揆諸實際情形於名義既有未安於事尤形窒礙流弊滋多有不得不爲同人告者夫以普及教育言妓女亦猶是人也既離苦海卽許自新如本埠濟良所中之學習工藝等類本無不可今該學堂以半日讀書半日爲妓界限不清卽良賤無別雖泰西文明各國亦無此種辦法此名義上之未安者也讀書所以明恥女學尤重德育今半日讀書半日爲妓試問廉恥何在道德何存雖有良師亦無以善其後此事實上之窒礙者也妓女既入學堂不得謂之曰非學生既學生矣而妓也如故是并妓女學生兩名詞而一之始則誤認妓女爲學生繼且誤認學生爲妓女其害何堪設想學界幼稚明眼者能有幾人卽苦爲分明烏得執途人而語之影響於女學界者尤巨至有援榛苓學堂以爲比例者優伶既可設校倡妓何獨不然此所謂知其一不知其二也士大夫與名優往還世俗不以爲異從未聞大家閨秀與倡妓交往者子弟入戲園觀劇習以爲常而涉足青樓父兄卽引爲大戒就近取譬顯然不同總之妓女既入學堂卽宜脫籍若且學且妓且妓且學勢必有名

無實有損無益。我學界雖無干涉妓女之權而有干涉學生之責。既有學堂之組織不得不顧名思義。縷陳利害。惟希鑒察。乞代陳學院學務處及滬道查核改良等語。敝會以此事影響於學界頗鉅。該校長等所稱各節均係實在情形。除電學院學務處外。合行肅佈。伏希垂鑒。

何太守震彝上學務處書

敬啟者上海妓女創立改俗半日學堂而上海各女學校以爲有關名譽羣起以爭之。夫學堂非不可立而妓女非立學之人而此時又非彼等宜立學校之時代。故各處多設女學而尤以上海爲最發達。今忽有此舉出現則女學界必大受影響。中國民智甫開爲父母及夫者方命其女及婦入學以救不學之弊。一旦有妓女立學事則轉使頑固者有所炯戒。必又不許婦女入學以杜嫌疑而女學萌芽因而摧折。女學基礎因而破壞。當局者辯難不明。旁觀者疑阻日重。又豈止相提並論已哉。其稟中自比於甕戶墮民不知彼等雖處域中儼同化外。自其祖宗以往未邀文澤之霑。故一朝脫籍得以自由。若爲妓女者偶然墮落其中。一經從人則與良家無異。果願

入學誰得而阻撓又誰因其出身樂院而予以特別之苛例乎吾知其必不然矣至於榛苓學堂雖設自伶人似亦不能援以作例上海伶人每歲演劇集資以供學費而所收學生不盡伶人之子弟今改俗學堂能援以作例乎不待辯而知之矣今之興學者每慕泰東西各國之文明不知各國女子雖由學校受相當之教育其後或因貧困流爲妓女有之至於妓女組織學校則環球所未聞亦可謂教育界之怪現象矣彼發起諸人既留心學問自命開通何不擇少年敏達之士而嫁之以後或出外洋或居中土各習普通之學養成有用之才雖善於攻訐者流又何敢深文指摘既知苦海何不早脫沉淪既羨閨門何不亟思湔伐又奚必溷在勾欄廣開橫舍未去裙屐之惡習先遭巾幗之公評應請會商滬道婉詞解散俾中國女學之榮光不致爲細人所摧敗曾將意見徧告此間各女學校長均深公憤悉表同情并屬轉陳鈞聽愚昧之見伏祈采擇施行實爲公益

復潘庶常浩論學務書

敬啟者前誦來書崇論閎議敬佩勿諉學會集議常府武陽錫金江陰五縣僅二十人

左右較之蘇松太不逮遠甚貴邑人士足音蹶然令人作空谷之想學界萌芽所賴合羣勇進圖效桑榆茲送上簡章及職員單各紙請轉致貴邑同人設法組織共謀公益無任翹企此頌台安

潘庶常浩條陳

一州縣宜仿設學會假以特權也州縣辦學之實行在紳不在官此其故人心喻之故就表面言病在官紳之互諉就實地論病在新舊之不融自學務處札各州縣通設學務公所以來以爲提綱挈領學界事皆可認真辦理矣然學務處所札飭者仍此州縣官也州縣官所照會者仍此數紳董也

紳董品類不一而要其經公司款據爲權利者自有

通習未便贅陳

就鄙所聞卽有以玩視公文爲老練前項公所之札竟宣言高閣不理者

有以公款可撥之項巧以相持倒緩用爲急需亦似言之成理者并有謀解散賓興書院各成款使無可資以辦事藉以洩其憤懣之氣者由此以推公所之成立何日卽成立焉亦仍有名無實於學界有何裨益惟由貴總學會提倡頒示章程

其章程或由各處自擬呈核

使各州縣仿立學會同志簽名自會長以次幹事人員皆由票舉

票舉之人不出簽名之外其鄉學會即附城學會中所有一切撥款辦事之權均由學會直接學務處稟遵不受舊紳之制縛不煩官長之干涉所有責成均歸學務處派員查察庶一掃牽掣因循之習

或疑會員票舉限以簽名則不簽名之公正紳董將屏於會外乎不知學會之設宗旨在實行辦事其公正紳董或年邁或高尚或僑寓而仕官使徒附虛名而非任事專責之人則仍無實際也惟其願於干涉肯示箴規者則學會中仍須隨時承受當於章程中詳之

一辦學考成宜有特法也從來辦學官有考成矣而紳之考成則盡子虛也若輩老朽惟知現有之權利安問憑虛之榮辱所言保獎既不足動其懷卽有譴呵亦豈能制其命用此盤踞壟斷玩與疲并於此而有少年後進實心任事者則必爲所反對內則受無款之累外更蒙選事之謗過激烈則傷風化欲和平則誤事功積弊難除學界之關繫尤切惟由貴總學會議定考成之章程咨學務處責成各州縣學會辦學將監督校長等員指名存案除隨時調查外於學堂畢業考試時予

以切實之獎勵則事有專責不至如從前之推諉游移

一學界文告宜籌捷速法也文告遲滯由來久矣專就學界言貽誤正復不小前者南京武備招考定期九月十五日札各處派送學生至敝處奉文則已九月十一日再由縣官出示照會考生遵赴勢已萬不及期由此以推愆誤何限即欲加之整頓而府與縣可相諉也縣與縣可相諉也且有自然之周折無可改除者惟由貴總學會咨詳 督辦憲自後學界文告一以宣著報章便爲確信而甄擇報館或專指或徧登予以札飭限以條例報館既樂於遵行四方亦先可快睹需事之賊也學界之誤於此一字者數年於此矣振動精神破除積弊當有道以處此

一編譯教科書宜訪用人才也教科書之關繫不待言矣京師編譯處所出究未悉其成書何若外間絕少寓目滬上各書局所行之本大都於商務爭權取牟一時之利求其通行善本能饜學界之望者殆未多得我蘇省近復振舉編譯務矣然充其任者非有特才安有特色凡事之歸官辦者多易敷衍現雖不必盡行更置而其中采定握要之員必須破格訪求以稱其職而尤必須先有能識人才之人

而後可以得人才胡文忠所謂人才隨取才者之分量而至也鄙意凡有譯員擬請嚴侯官特舉所知凡有中學各科編纂擬請我公特舉所知合咨學務處延用以收實益先定體例佈示海內以爲程式知夾袋所儲必多英異當仁不讓其學界之倚賴正無盡也

廣告各分會論校員學生積習書

逕啟者本會經同人組織去冬成立於海上暫定簡章申明專事研究學務得失圖學界之進步爲宗旨半載以來苦心殫慮苟有關係社會之公益或壅闕阻撓報告本會必核其是非輕重爲之爬梳抉剔如治病然去瘀生新以冀扶掖文明掃除障礙豈好事哉誠有所不得已也顧學務之得失必歸重於學堂學界之影響尤屬望於學子中國存亡危急所以廢科舉興學校之命意亦曰此輩學生庶幾爲舊邦維新之巨子乎故國家之期望於學生也非猶夫期望科舉以一第爲榮也然科舉時代其所受之教育不完不備誠足爲吾國之大缺憾當其卯角受書飽受塾師拘攣迂苦爲體育之大妨礙亦已人人能言之今者強迫教育尙未行於國中而活潑教育已侈談於衆口夫

活。潑。非。放。縱。之。謂。近者有人至東洋調查謂日本公私各校其對於學生以服從爲訓令其對於中國學生則雜以平等自由諸說意在利我鷓蚌之爭而彼則坐收漁翁之利恫哉言乎而不意中國內地各校學生紛紛退學幾於月有所聞坐此不變是公私各學堂歲糜數千萬金錢而養成無數驕縱悖戾之性質使溺心科舉者轉得有所藉口視學堂爲畏途卽二三熱誠君子孜孜於興學者鑒於驕縱悖戾之覆轍疑爲擲金虛牝而不復肯輕斥其貲財以坐收此惡果嗟乎弱中國者科舉也如今日學堂之現狀其謹守規則者無論彼驕縱悖戾之子以退學也爲自由以全班退學也爲結團體以師長之命令爲專制以不肯服從爲高尚之人格其對於學堂也曰有學生而後有學堂學生乃主人翁其餘皆公僕也其對於校員也曰學生與校員皆平等也甚或有意排斥則曰學生與校員勢不兩立也其全班退學也主動不過三數人其不願退學者必多方迫脅更或退學之後慫全班攝影以示一去不返之意而其實返者如故也此猶就校內言之也近且有官長出示明明事屬政界而學生散學校員不上課矣更或動輒開會狂奔叫囂傳單揭帖不知所止矣此輩心中目中幾幾乎視罷學如罷

市罷工同爲要求抵制唯一無二之計畫不知罷市爲商業所繫貿易一日不通則商情一日震動且米鹽瑣屑不能一日不取之市也至工黨爲外人所注意政府每俯徇其請故罷市罷工之舉往往見於東西各報社會有所要求或有所擊刺不得已而出此急策然各國皆有巡警罷市罷工之時則彈壓亦加嚴危亂或不作中國尙無所謂工黨惟罷市一端爲數千年來社會之習慣又巡警未辦罷市而後必有暴動近來各埠通商外人踵趾相錯愜以此敢交涉有識之士亦相戒以罷市爲無意識之舉動利於莠民而不利於商人試問罷學爲何如事乎學生自求學與他人無與學生退學則自放棄其學於他人亦何與譬如商夥自辭其店主彼主者斷不至因其夥徒之去而停閉其店此義甚明且甲校退學矣而乙校丙校如故也更不比罷市之有所震動更不比罷工之牽率政府然則以罷學爲要求亦絕無可達之目的而徒自損其學生之資格誤學修之程期墮學界之名譽無支持數日之團體無三人以上承認之主人翁充類至義之盡則今日爲退學之學生他日身爲校員而學生亦退學必曰夫子未出於正而謬種流傳不可究詰視科舉時代考生聚衆有干禁令者相去幾何敢一言正

告之曰罷學。者實科舉時代罷考之習慣。非夫罷市罷工之比例也。今國家廢科舉諸生亦恥言科舉而偏留此習慣之污點。官立學堂退學矣。公立私立亦退學在籍學生退學矣。出洋學生亦退學。詢其故則或飲食細微也。試問中國舊歷史中飯蔬飲水之大聖斷齋畫粥之名臣求學之時苦心志餓體膚尙百倍於今日之學生也。卽日本各校廚饌亦極儉嗇。裹飯沃羹東游學子類能道之不聞有違言也。以飲食而起衅可醜也。若夫校員有命令而不從。已處罰而故抗。則又大反乎從前飽受塾師拘攣迂苦之故習。意欲破壞一切。非惟不肯服從。應盡之義務。且以無意識之舉動。強師長以所難稍不遂意。則動以全班退學相脅。揆厥原因。大抵前數年間學校風氣未開。官長以興學爲考成。其招學生之來也。則禮數加優（如不收學費及月獎銀洋）及聞學生之散也。則神色若沮。在總握樞機者。又未審辦學之方法及散學之處置。加以官場濫用之名詞。動曰辦理不善。致闖茸州縣。詬學堂如教堂。謂其妨礙考成也。學生以爲官長且莫我何而驕縱悖戾之性質。乃從此釀成矣。於是今日退學。明日退學。甚至一學生而前後退學。凡數次退學之時。脅動全班幼稚學齡顛蹶。追隨尙不知退學爲何事。而亦

步亦趨者敢再一言正告曰此之謂非種此之謂敗羣方今學校如林公立私立者固論是非而不論考成卽官立學堂亦駸駸日有進步退學之風潮屢憎於人亦未必足爲脅動之具在學生自損名譽自誤學修將來各校嚴守定章相戒不收此種學生恐有求學而已悔其晚者越南亡人之慘至今尙不能脫科舉之鞫偶有閱新聞紙者則科以重罪吾國勢已岌岌朝野上下臥薪嘗膽尙恐不及而猶幸科舉已廢舉國皆知興學諸生思之設再留此驕縱悖戾之污點恐無人敢再興學卽無時可再求學不自淪於越南亡人之慘不止也夫弱中國者科舉也如學堂之現狀以若所爲奚啻弱中國而已耶而誰之責也雖然以上所言諸生中必有難者曰學生爲求學來也以細微而散學無意識之舉動耳吾輩本勿爲設糜無數之公費私費而校員之所教不足給學生之所學我輩甯能怙怙倪倪俯首而聽其腐敗乎是說也亦習聞之矣以本會所得之報告校員容有不稱職而不足以服學生者雖然權量輕重之間其稱職與否亦致有別矣如某縣公立小學之校員讀琛如探也讀塹如斬也不知王陽明爲何代人物以童汪琦爲一姓一名其以告者過乎設如所云其不能稱職無疑矣而他校尙有

讀熊爲態以遼金元爲一人姓名者則舊時村學究或尙不至此聞者必疑此言爲已甚也然某報載東京中國留學生與日本某博士筆談博士詢中國歷史至史記前後漢書留學生瞠目不能答曰甯有是耶傳爲笑柄又聞近日留東學生東教習以其中文不甚明通仍先授以普通中文此輩學生回國一旦身爲教員其不至如以上所報告者幾希大盜不操戈矛校員如此罪尤甚於殺人也而流毒必先種於小學蓋小學幼稚讀若某則若某矣無所謂衝突也此其咎在管理學校者尸之雖不退學而亦當慎擇教員者此一說也又某師範講員引東洋歷史與古書多出入學生輒斷斷置辯又某講員歷史講義詞意不甚融洽(有云帝堯之晚年有大洪水)聞者譁然夫引證歧異舊時學者本有校勘之學今非其時平心而論中國歷史自有古書爲證東洋書籍可採者甚多食肉不食馬肝未爲不知味且彼邦漢學家視中國書籍寶之斤斤以中國歷史而必援引東洋晚出之書抑何慎也至詞句之疵偶一有之原不足爲病但既身任師範校員討論潤色之功自不可少學生似不必刻以相繩致有經師難求之慮此又一說也蓋中國興學伊始身受完全教育本無其人在高等程度各校當存數

學相長之心爲智識互換之地既非侈語詞章則講義之微疵宜略更非專心攷據則瑕疵之指索無庸苟有一門之長即可相觀而善至於校員及學生自無不當注重於德育公德私德之解說宜明大德小德之出入宜謹學生之顯犯規則者固爲定章所不容乃近日之校員或任教員或任管理有誘婦女入校住宿者（如報載定海教員事）有挾妓入校或於校所相近覓屋棲宿者有校員延全校學生在妓寮置酒者庶務校役紛紛效尤充其放任主義所謂管理所謂教育幾幾乎無不仰承學生之意旨名曰公僕實則衆僕本實先撥誰之過歟或於休息之日爲言動之自由如必吹毛求疵亦近於挾嫌報怨（如湘省長善小學某校長冶游爲學生窘辱事）但校員既負有矜式之責卽應嚴自治之方口實有資卽咎由自取惟箇人私德而合衆以干涉之此則前所論驕縱悖戾之性質仍不能爲學生寬者也總之校員如不稱職自應由主持校事之人預爲慎擇除學問淺陋如以上報告者毋庸置議外倘事可改良而暫不滿學生之希望似可俟一學期畢由學生質諸校員或直接管理人確指不滿希望之處以要求改良倘仍不滿意學生可於下一學期另就他學庶學修可以無曠名譽亦

以保全雖然學生之所謂希望果爲學問前途之希望乎吾願聞之否則無事不有希望無時不有希望亦難乎爲其校員矣吾尤願各學生之父兄恫知今日求學之難而殷殷然詔其子訓其弟也本會以散學風潮於學界影響非淺故研究得失如此敬以告分會諸君子乘此暑假之時懇切講演俾莘莘學子共體本會辦事之苦心期望之深意文明進步庶有豸乎

奉天提學使張來書

總學會諸公鑒月前讀 貴總會致各分會書深切著明發人深省於教員之不勝任學生之不守法縷陳弊害非閱歷有得不能爲是言雖然教員不勝任則於義當辭之學生不率教於法當退之而近日學界之特別情形乃有辭之而不能退之而不果者則又爲學界之一大危機而貴總會之所指陳未及於此斯亦一漏義矣查各國學界從無未入學堂或入學堂而未經畢業輒得任教授管理之事者學界之用人蓋亦其難其慎我國則地方官紳但知興辦學堂爲急務提倡學務爲美名教授管理諸員需之既多而求之甚急則有不暇審擇輕於一試之心又於學務會

無。研。究。經。驗。之。實。則。亦。以。爲。可。以。不。必。審。擇。而。不。妨。姑。以。一。試。者。於。是。徇。私。偏。任。游。揚。請。託。既。無。不。行。矣。而。其。身。任。教。員。者。大。抵。數。種。一。曾。出。外。洋。游。而。未。學。二。三。月。速。成。四。月。速。成。三。略。涉。譯。籍。剿。說。報。章。是。三。者。有。一。於。此。則。自。命。既。已。甚。高。而。引。重。亦。無。所。不。至。如。是。則。其。眞。實。本。領。所。憑。藉。以。自。存。於。校。員。之。地。位。者。既。不。甚。可。恃。及。擔。任。科。目。承。認。職。務。恆。懼。夫。問。難。之。莫。應。而。衝。突。之。將。興。而。又。以。學。堂。法。律。之。事。極。爲。精。嚴。校。員。所。當。先。自。倡。行。者。未。必。能。本。身。作。則。而。尺。寸。不。渝。更。怵。於。世。俗。之。愛。惡。攻。取。恆。視。多。數。生。徒。之。意。見。言。論。以。爲。轉。移。積。此。種。種。之。原。因。而。學。堂。之。現。象。可。想。矣。夫。求。人。之。恕。我。者。不。能。不。先。恕。人。求。人。之。與。我。結。團。體。者。不。能。不。先。與。人。結。團。體。於。是。課。堂。之。習。問。雖。有。遺。忘。不。敢。督。責。矣。假。休。之。定。限。相。與。逾。溢。而。不。敢。懲。戒。矣。馴。至。學。生。之。作。輟。無。時。進。退。自。由。亦。置。之。於。不。問。法。外。之。要。求。無。不。應。允。而。法。內。之。限。制。無。不。通。融。猶。且。藉。獨。立。自。由。諸。說。之。新。奇。可。喜。而。便。於。自。營。之。私。圖。者。倡。衍。其。旨。以。欺。此。不。識。不。知。之。學。生。而。無。非。以。助。成。其。結。合。之。感。情。而。自。爲。憑。藉。挾。持。之。地。位。取。其。足。以。抵。制。異。己。而。顛。倒。是。非。而。學。堂。之。法。律。不。可。問。矣。課。程。亦。不。可。問。矣。夫。拘。苦。

性。眞。繫。縛。形。骸。之。教。育。誠。非。可。施。之。今。時。然。繁。重。困。難。之。科。學。決。非。縱。任。之。辦。法。可。以。督。率。卽。嚴。毅。強。立。之。國。民。亦。決。非。囂。張。之。學。說。可。以。養。成。此。種。風。氣。以。數。輩。而。延。及。一。方。以。一。方。而。延。及。全。國。浸。淫。傳。染。隱。患。方。深。竊。恐。沿。之。既。久。滋。蔓。難。圖。舉。國。之。所。辦。理。者。似。學。而。非。學。將。其。影。響。所。及。必。使。所。造。就。者。或。似。人。而。非。人。嗚。呼。探。原。而。論。則。道。德。之。墮。落。法。律。之。腐。敗。實。種。此。絕。大。之。原。因。而。將。結。無。窮。之。惡。果。恐。西。人。所。以。立。國。者。我。國。適。以。之。自。危。人。之。不。存。法。將。安。附。是。可。慨。也。無。已。則。先。致。力。於。師。範。學。堂。講。肄。完。備。之。普。通。科。學。而。又。注。重。於。道。德。法。律。以。正。人。心。卽。蒙。小。幼。稚。之。亟。應。興。辦。者。亦。皆。於。養。成。性。質。之。中。再。三。致。意。要。使。爲。道。德。法。律。上。之。國。民。而。後。智。育。體。育。之。施。可。得。而。受。也。不。然。暴。亂。浮。囂。中。於。性。質。謂。可。以。施。教。訓。而。發。達。科。學。有。是。理。哉。孔。子。曰。克。己。復。禮。天。下。歸。仁。若。彼。校。員。以。權。利。競。爭。一。念。之。起。點。而。遺。禍。乃。至。無。極。亦。可。悲。矣。率。布。私。臆。惟。貴。總。會。圖。之。張。鶴。齡。頓。首。

復奉天提學使張論校員學生結團體書

奉來書何言之絕沈痛也執事自湘中來所指陳者自係湘中所目擊然此種風氣殆

如疾病之傳染一發而不可以已雖然如來書所云教員與學生結合團體者其原因亦有數端醉心歐化以共和政體平等主義謂可施之學堂其卒也事事聽學生之任使而要求尙日出而不厭始與學生合者終因不能忍受而仍與學生離此一類也自願學修及品格曾無足加乎人上其來也或借游揚之力或出奔走之途衣食主義患得患失不得不結合學生以樹黨援名爲合羣實排異已此又一類也如前之說教員不知與人結團體之非而猶自以爲公者也。可。恕。也。由。後。之。說。教。員。並。不。以。結。團。體。爲。是。而。但。以。便。其。私。者。也。不。可。恕。也。昔。楚。莊。懼。禍。至。之。無。日。乃。日。討。其。國。人。而。儆。之。讀。來。書。乃。益。惕。然。於。學。界。眉。睫。之。禍。願。與。我。國。人。萬。本。萬。遍。而。思。有。以。湔。除。而。祓。濯。之。也。率。復。不。盡。欲。言。

復日本留學生論取締規則書

誦來書因日廷頒布取締規則以爲辱國相約停課要求而又有簧鼓之徒顛倒是非變本益厲此間傳聞異詞繹報章所載似乎日廷自行取締本國之學校而我國留學生以爲不便夫遠適異國昔人所悲諸君以求學之故負笈海外困心衡慮苟非有大

不便者在何至斷斷爲此無謂之爭執凡事必先計結果之何若而又須知己知彼方操勝算否則輕於發難自以爲惟恐辱國而辱國之原因即基於此願諸君慎之也內渡諸生海上同胞儼妥爲安置可已則已毋勞跋涉也率復惟珍重自愛

江督周札蘇松太道袁文

據江蘇學會張殿撰函稱各省留日學生以爭取締規則罷課回國近來回抵滬上人數漸多擬定辦法數條呈閱 一凡一省歸國學生各舉代表一二人查明各學生姓名籍貫年歲學科官私費用及暫歸永歸者願列紀一表 一代表人留滬共住一處以備與官紳接洽與學生通報其餘均陸續回籍其回籍以資不足者由代表人向同鄉官紳籌措 一代表人應與各學生回籍後各就已學之科再加溫習不可在外荒嬉廢業有損名譽致礙官紳代爲籌辦學校之效力 一官私費用爲將來籌建各校之憑藉官費能否按照一年彙解一處應由官咨商各省私費能否按照一年彙繳一處應由各學生自行酌量歸告父兄報告各駐滬代表人等語本部堂查每省由紳選舉代表一二人照料一切頗爲洽當所有籌辦事宜應由上海

道會同妥辦以免學生日久流寓耗費曠學合行札飭札到該道即便查照傳知各紳查照辦理

馬觀察良上江督稟

良以去臘十四日東渡十九日抵東京晤見留學生知留學生已定於二十五日自行上課當由梅李二道電稟在案查此次退學之因風潮之盛蓋由留學生誤於人言隨聲附和且謂全體公議宜從多數故有停課之舉若道路傳說革命刃傷等事其實無之今年正月十四江蘇留學生開同鄉會良以憲台恩意宣告同鄉同鄉皆深感頌良因詢以東游子弟八千餘人歲費五百有餘萬以此大宗巨款培植人材以希強國之後效試問現在學生中其學業所得之價值果有五百萬否日後歲收之利益能得五百萬否人訾江蘇人做官不求實際豈講新學以強國者亦徒尙空談耶留學生聞良言亦均感悟同日日本大隈伯等開日華學生會蓋爲取締後聯絡起見邀良演說辭不獲遂以學問者宙世之光光與光相照但相輝映無甲乙光界之可分爲演說宗旨然我國學生於日本則不分國界於歐美則不分種界而於

內地則省界府界縣界之見。反不能化。此東西各國所以笑我爲不能合羣也。良在東三月其中非大雨雪必擇要考察東西京大阪神戶橫濱長崎等學校實驗所及實業場其規模雖非一言可盡要可一言蔽之曰善學而已。日本之學學歐美則去其奢靡學中國則去其簡陋無事無學無人不學據其文部省言教育之法必查明戶口乃有根據可以普及。該國人丁四千餘萬而學生歲額至五百萬歲費至五萬萬是可以見其教育之盛矣。尤可貴者其教員皆本國人又皆有教員之才之德間有一二外國人不過相助爲理其教育之權則不予操之。其學校分公立私立立者往往經費不充教員較少形式精神亦較遜其專爲華人所設者則更自鄙以下蓋此等學校注意在博取華人學者學費其教育則非精神之教育也。日本致強自謂一由政治二由水陸軍而其母則在學校學校之母又在師範。方則方範圓則圓爲範不善不可爲陶冶故陶冶國民必以師範爲基礎。近人徒羨日本之地無一區一町無男女學校不知第就學校之形式言但有財力皆能爲之也。惟此有道德有科學之好教員誠不易易欲儲此等教員如求三年之艾苟爲不蓄則終不可得。

苟欲求之今猶未晚是在力行而已良竊回思二十五年前奉檄往日本斯時日本都市田野校舍工廠未嘗如此之完善也二十五年前又嘗奉檄往韓國韓國之求自強未嘗不言變法也然而變其名不變其實變其一不變其二雖自以爲鄭重考求今則日本伊藤侯已爲大韓國統監矣該二國得失則在韓國雖然求新法而無可爲師範之好教員日本則維新之士人人皆崇拜我陽明學派知行合一上下力行此三十年來所以能陶冶全國以成今日之效果也今我國興學講學業者往往以游學人國爲得計是一切師範必取於人良在東時嘗晤日本實業家安田善次郎者與良論興築鐵路之辦法謂明治訖三十二年鐵路料俱從外輸入其輸出之金可想中國鐵路將倍蓰於我料亦倍蓰於我如肯先事多開鐵廠則我此言所贈予中國者不啻萬萬金矣倘中國不求諸己一切皆購於外造路似速其實則速輸出國中之金銀耳由此以觀鐵路材料尙不可求之於外況學問乎游學一道原不可廢然游學者宜學其高等專科比如購物我所未有購之於人可也若普通科學與外國文字一切未講而漫然游學則非計之得也近日日本於東京大學猶設第一

高等學校爲預備科彼非和文和語未嫻也尋常普通未習也其爲此者亦猶高大之屋不能不有高大之基以爲之本然則欲收游學之效必不能不仿設此科矣良亦知近年各省於游學預備皆漸已注意而猶曉曉瀆陳者實以在東所見各省派往之學生日月無定程格無定學科無定苟且分班而已無班可入者亦往往而有其能諳西文者頗少而日本高等專科課本無不用西文者昔重英文今重德文非可不學而能者也以良竊計與其使學生出洋後乃聚各省於一堂拉雜授課不如在國內先聚各省於一堂而嫻習之使一國子弟皆有相扶相助之詣然後各按程度學期分遣出洋學習今各省雖有游學預備然各省分設學堂則教員固不易得儀器亦不易全而課程參差不一其爲影響所關非細今如綜合數省擇適中之地共建一堂則人才財力舉可足川此實目前之急務良所亟欲陳於憲臺者也又良在東聞大隈伯語伊藤侯曰侯有功於大韓統監固宜但一旦有爲大清統監者舍不肖其誰其言如此又我江西南昌教案起東西各報館咸言在支那非用同種同文之日本代操其警察權則歐美人不能高枕由此可知大隈伯等聯絡我學界實

用其陰柔手段爲併吞計故彼國教其學生事事皆講服從如服從義務服從憲法等語皆爲教育之宗旨獨語我學生則平等自由排滿革命之說日相浸灌此非欲鷓蚌我而彼坐收漁人之利其意何居良竊以爲今日之勢宜借游學之風潮合一羣破除省界爲通國出洋學生立一高等預備科使之學有根柢出洋而後不爲浮言所動卽不出洋亦不失爲高等師範科可備我國學堂教員之用蓋高等者新學自有一定課程而於象數理化尤重也良人微言輕本不敢冒昧瀆請然有我憲臺主持於上登高而呼上者嚮應下者影從十有八九可操左券如是而良不言坐令我國子弟失此機會不能研究新學養成才德以爲陶冶國民之模範則良又何敢不言如蒙俯採芻蕘其如何開辦如何籌費當續擬章程稟候核奪

按留學生爭取締之事起紛紛函告近有維持同志會報告刊行不具載但錄相伯先生書一通以見學生所爭當不在彼而在此也編者識

馬觀察良擬江甯省城設立出洋及專門預科說帖

一治國以開學爲先而開學以專門爲要國無專門不獨學業無所歸宿卽實業亦

不能發達民與國何由富強然專門之學亦不能一蹴而幾也擬先仿日本第一高等學校爲帝國大學之預科甄取有普通資格者充之以三年畢業如無普通資格者再補習普通兩年出洋亦可徑送京師大學亦可蓋專門之預備卽出洋之預備亦卽師範之高等而江南士子始有致用之階國家欲用之人材得以儲蓄矣

一豫科之要不外高等普通科學(甲)高等象數學

算法代數幾何分線書學星體圖授幾何剖析幾何微分積

分

(乙)高等理化學兼動物植物學地質礦質學(丙)高等致知學分原言原行

及原物門之原心等原言者探求形上形下諸所以然之術也原行者人已社會公理公法之事也凡倫理律法經濟之綱要胥隸焉(丁)外國文字學兼歷史地理音樂圖繪兵式體操等凡游歐美者須英法德三國文字擇習其二游東洋除東文外亦須擇習其一誠以東洋高尚科學課本皆用西文昔重英文今重德文能兼三國文者亦不少以上甲乙丙丁四條各視所志之專科以定詳畧如工礦建築等科則宜注重甲乙兩科農醫商等科則宜注重乙科政法師範文學等科

則宜注重丙丁兩科

一爲學次第必先文字一年上課之日至少二百日日課四小時一小時識四字是一年可識三千二百字焉有二年後不能看書者既精三國文字之一進學其二年可半年卒業以後二年半則專用西文講習高等普通凡西文科學新書皆可研究

一豫科之建築若建能容千人之校須有六萬金之學舍六十幢三幢能容百人三十幢能容千人餘三十幢作爲試驗室列品室教授室又六萬金之宿舍百二十幢六幢一區區五十人又理化器具標本等至少三萬金共十五萬金凡來學者先繳學費人各每年一百金五年畢業凡五百金以視游學東洋所減倍蓰而本校所收千人之費五年該五十萬金除每年束脩之費六七萬金五年之後可餘十七萬金左右故雖借款爲之亦足以償矣

一建築之事高等學校當主歸併方今人材物力本不充裕分之則愈形困難必主歸併而後置備各科儀器驗習之具庶合高等程度不致因陋就簡視同玩具卽

各科教習亦可以多授生徒而不致有虛糜之弊至論小學校則貴分多分則教育方能普及中學卽宜畧併蓋小學畢業不必人人入中學中學畢業不必人人入高等故高等貴併不貴分也況乎大江以南豈可無一完全高等以爲將來大學之預備應請不分江安省界不定州縣成數專考取精通國文志趣高尚之士以宏造就

一科舉旣停凡國文確有根柢無論已得科舉未得科舉而心志年力願觀新學之全者一省豈無三百人能慰其願則事半功倍盡成有用之才不能慰其願將終身廢棄反受興學之困故興學所宜首及者端在科舉旣廢又無合格學堂可就之人矣已仕者猶開法政學堂以課之未仕者豈不同是國民而忍恣然置之與

一豫科之設在開專科如東洋第一高等學校之上必冠以帝國大學大學所占之地但農科一校已數千畝殆舍江甯省治鐘山之陽後湖之陰無此地大價廉高朗之區加以鐵路所經不難成市日用之物取之裕如事在先立規模而已

一規模之要在定區域孰爲豫科孰爲專科孰爲專科之分科除勘定校基外先多

種樹木非官地者約定收買並於校傍設公家花園園傍留街市住址待價轉售足償花園之費推是法也城北荒地但指定馬路區出花園街市住址等蓋已不難集股而爲之不勞公款有益地方亦化無用爲有用之道也

一學外洋文字既注重求學注重著書口音雖壞無礙於事日本之學者大都如此徐進齋侍郎以四十九歲出洋猶能學英文法文西班牙文故年三十歲上下國文既有根柢者皆可轉學西文其有功於學界視彼注重語言求爲外人所用者相去何啻霄壤擬俟五年豫科之後亦仿建豫科者以建專門校舍並遴選畢業高材生出洋分習專科歸以教授而後可謂事事有專門之學

如游學而仍習舊通何如先肄習再

洋出

江蘇學務總會文牘初編下

甯屬

兩淮運使趙飭各場興學復書

季直先生閣下兩辱損書誦悉種切學務事徧覓各屬求一稍能通曉者竟未可得前任爲金沙毀學因噎廢食遂有通飭之舉今敬聞命已辦通札並告示錄呈台覽州縣茫無頭緒畏干督責惟知牽涉場員以爲分謗而場員避之若浼均闕葺可笑也弟策議此事穎秃唇焦而受動力者絕少發明可見羣情之閉塞而地方不逞之徒又時以爭產索債託名興學以售其奸更致障礙橫生殊爲可恨師範事尤亟謀之教員資格不備則學生之輸灌無由今擬將原有之孝廉堂算學館又梅花安定兩書院各款并計以充開辦之費尙是不敷而本地寒畯多指考課爲養贍計復經詳定以一半之款作尊古學堂獎賞事出無聊亦實無盡如人意之辦法因此師範學堂經費更須另籌現已竭力圖維就梅花書院屋場改造校舍約出月可以動工至各事完備定期開學至速亦當在夏初矣該堂監督經前任詳請以彭學士青藜

任之方君夙號通才經執事品題更徵不謬當敬備顧問也耕茶蔡紳士稟來核辦所設啟秀各堂規制何如公稔悉否稍遲並擬陸續派員分往調查也弟孱軀尙足耐勞惟事繁日拙尙盼有以匡所不逮專此布復餘統後罄

江甯府

江甯府學務公所意見書

一江甯府學堂元甯縣學堂應當各由堂長主持一切不受江南高等監督之節制以免曠弛 一江甯府學堂元甯縣學堂堂長及教務長均應由江甯學務公所公推紳士任職其庶務官應同此例至在本屬地方上所公立之小學堂雖非盡由江甯人士創辦但已在地方上籌撥官款亦應由江甯學務公所隨時稽核 一外五縣之縣學堂均應照元甯改訂之例一律辦理 一府學堂可附收甯屬之外府名額但當於本府名額之外另設若干名不得占本府名額並須與外府訂立互換名額之約以免偏枯卒業後均咨回本籍給予學位 一元甯合設之縣學堂應當分設其縣學堂名額亦應於本縣名額之外酌設本府之外縣名額亦當與外縣訂定

互換名額之約 一甯屬高等中學小學程度亟應劃定合官私爲一律庶異日升階始有定準 一應設調查兼辦事人或由總會派往各府或由各府公推經總會承認 一設立研究會及游學豫備科凡此中畢業者應享充當教員及出洋留學之利益其利益所在專係地方官之籌撥 一江甯府屬七縣應請官費派女學堂畢業生往東洋學習師範 一七縣應多設女子初等小學堂 一除六合已設初級師範外各縣皆擬分設初級師範

江甯府調查員侯孝廉必昌報告書

敬啟者必昌本月二十三日返里到三江師範學堂驚悉本堂學生二十一日得滬上學會中人來電謂諸紳對於學額無效非相率罷課不能進取云云後又得函謂密承會長意旨非蘇生罷課則會長諸紳不能前來云云其時一二人得信遽發傳單傳單上並述副會長有責備不早休業之語通知各學堂之蘇生各處以爲滬上會長之意也遂相率罷業此二十二日事及必昌等到堂到處反覆曉諭始各省悟非滬會之旨然勢難中止遂仍罷課不顧廿四日周制軍命學務處暨各監督命諸

生舉代表人舉所欲言以便商辦又聞發電至學會請諸紳來甯後周督奉旨赴滬遂停議諸生亦以滬上事亟皆解散然仍不上課也二十五日將弁學堂陸軍小學陸師學堂均上課實業學堂亦上課三江師範暨高等則均停課溫習預備大考惟各武學堂管理員責諸生以不服從規則將有懲治之舉諸生惶思遂復會議已上課者仍不上課停課溫習者俟一體上課然後大考定議如此所謂宗旨則曰學額問學額以何爲目的則多茫然不知所對此二十五日傍晚之情形也又各流寓諸公於昨日開十七省大會聞亦有函電至本會約開十八省大會暫定會長聞是陶榘林觀察副會長則爲陸師畢業生必昌職司調查故敢據所聞以告必昌意見學額自學額上課自上課似不宜以罷課爲定學額之補助會長暨諸紳在滬與周督及沈觀察就近商定學額此間似宜來電表明本會宗旨令諸生照常上課此電宜打三江師範學堂諸生處不宜由官場轉飭又十七省開會其內容不知如何表面則謂十八省聯絡以待外人意甚正大本會宜答以願相聯絡惟當謂既爲十八省公會似宜先行廣告由各省舉代表人屆期齊集交通便利之所商訂章程舉職

員興辦事件如不先期廣告第就在甯諸寓公百餘人之意見遂謂聯絡江蘇成十八省大會謂之爲旅甯十七省學會可也謂之爲十八省學會不可也兩事本會回復均宜登報廣告使天下人明知我江蘇人至公無我之宗旨否則謗言四起以直爲曲使我江蘇冒不韙之名而彼虎視眈眈者且自謂文明程度高於我江蘇矣管見所及未知當否伏乞會長暨諸鄉先生公鑒調查部幹事員侯必昌啟

致兩江學務處沈觀察桐論甯府師範書

敬啟者前月杪由通至滬得甯人士書以尊處方有改設師範之議惟因甯屬分并未定上書帥座條陳辦法弟思此事以理言則師範爲教育之母日本培養三十餘年而教員尙不敷用我國茲事方始豈厭其多以勢言則官家財力不足必就地方舊有書院之款以爲挹注甯人以鳳池尊經兩書院素爲府屬士子所肄業因其本有之費以保獨有之益亦似言之成理故欲就原有之款改設府屬師範而更設法籌費就算繪大加擴充以爲甯屬師範自是正辦惟公款亦頗不易籌就目前計之惟有合尊鳳之二萬算繪之六千共二萬六千再請由官籌四千金合成三萬之數以六成辦府屬師

範以四成辦甯屬師範雖甯屬額爲費限所收學生約止可二百上下然益以應收之膳宿費苟辦理有法亦可應付現在甯屬各府州縣初級師範學校已擬一律舉辦省城之甯屬師範但以備各本屬限於額溢及原在省城就近之人入學即額數略少於府屬似尙無礙爲甯人計名似於原有經費短去二千實則甯屬師範內甯人亦尙有應得之額全公益而無私損當亦帖然幸公熟審而圖利之轉陳帥座亦請以此意商之梅觀察敬請起居不具

致梅觀察光遠論甯府師範書

滬上碌碌竟未得一過從敬維起居晏福頃得甯人士書以改設師範斷斷於甯屬府屬之分并聞已陳書帥座第以甯人士所請者傳習所之經費係尊鳳兩書院所改撥而此兩院舊爲甯屬士子所肄業持之有故鳳公主以府屬係於甯屬乃大小相維之義惟甯屬各外府州均須次第建立初級師範甯府八屬似不應無獨立完全之初級師範鄙意合傳習算繪現有之款約二萬六千金若再請官加籌四千併成三萬以六歸府屬四歸甯屬卽甯屬設額略少於府屬亦無不可緣各外府州皆有師範省城之

甯屬止爲拾遺補闕及便於就學之人而設也頃已致書鳳公請爲轉致特更奉商鑒等頓首

上元縣 江甯縣

學務公所公舉上元江甯代表公函

竊敝會前奉貴總會廣告屬各屬學務公所按照資格公舉代表赴滬並先期函知貴總會等因敝會成立在本年六月業蒙兩江學務處憲暨督憲批准在案並蒙兩江學務處飭刊戳記以昭信守今值貴總會屬舉代表之期用特宣布傳單招集城內江甯府屬學界中人按照資格投票公舉除江浦高淳六合句容溧水五縣已經函知各該縣學界公舉外合先函知以便敝邑代表到滬時照章接待爲此函知貴總會請煩查照施行

張汝芹字曾璧江甯舉人鍾英學堂教員 夏仁瑞字藹如江甯舉人地方總董南

洋官報局分纂 竇昀字田來上元舉人三江師範教員兼檢察官 程先甲字一

夔江甯舉人簡字半日學堂總理四區小學幫稽查 顧琪字花崖江甯格致書院

畢業生鍾英學堂學監 黃宗澤字衍長上元舉人南區小學校長

溧水縣 六合縣

學務公所公舉溧水六合代表公函

前奉貴總會屬各屬公舉代表敝會已於元甯兩縣公舉六人函知貴總會除所舉江甯之張夏兩君上元之黃君實有要事未能到會外所開之竇顧程三君業已照章赴滬茲因本江甯府屬之江六句溧高五縣除已由本地照章公舉外又接得六合續舉一人溧水公舉一人公函到會合行轉函以便照章接待爲此函知貴總會請煩查照施行

六合 吳榮萃 六合廩生三江師範教員地方學董 溧水 鄭謙 溧水廩生

地方學董

江浦縣 無

高淳縣 無

揚州府 按揚州府學會章程組織最完備故全錄

揚州學會章程 一定名 本會爲揚州八屬學會聯合而成故名揚州學會 二宗旨 研究本府學務之得失以圖學務之進步約舉大綱如左 甲注重師範 乙推廣小學 丙考求實業 丁提倡尙武精神 三會所 以揚州學務公所爲會所 四會期 甲常會 每年定於正月十六日開會二十日閉會 乙臨時會 一本會有關於學務重要之事須集會員決議者 一各處有關於學務重要之事須請本會協助由勸議地方全體會員贊成 不得以一二人之私見阻撓全體 經本會認可者均得由本會登報通信定期開會 五會費 甲凡會員初入會時均繳入會費銀四元 乙會員每年繳常年會費銀二元均於常會時預繳 六會員 甲代表會員 由各屬學會每期公舉十人 隨後公決擴充赴會爲代表 會員有選舉權被舉權提議權決議權 代表會員之資格 一各屬學會會長 二各學校校長 三各屬紳士熱心學務者 四學界中負有極大聲望者 乙義務會員 志願入會經本屬學會認可者謂之義務會員有提議權被舉權既被舉後有議決權 義務會員之資格 一紳董於學務有關係者 二各學校教員

三中學以上畢業生有優等資格者 四實業家能扶助學務者 丙旅甯會員

本會由旅甯同人發起已有完全之組織今設總部於府城應以省垣爲本會之機關部機關部之職員合於本會代表人之資格者本會一體認爲代表人其餘會員本會一體認爲會員留日職員及會員如旅甯例 丁分部會員 本府人游學他處人數既多成一大部分所翊立之學會本會公認爲分部當開會時來本會入會者資格權限與義務會員同 分部職員會員名冊應隨時報告本會 其會費仍歸分部交納 戊名譽會員 凡外籍紳商於本會有特別之贊成者本會推爲名譽會員有提議權得被舉爲名譽參議員及教育部或經濟部之幹事員被舉爲職員後有決議權 以上均在二十五歲以上無嗜好及廢疾者爲合格 七職員

總理一人 以協理之襄助主持全會學務度支及一切興利除弊事宜 協理每

屬一人 襄助總理主持一切總理有特別事故不能到會由協理公推一人代行

其權 參議每屬二人 評議本會一切事宜由全體公決總理及協理認可後交

會董或幹事部施行 會董每屬二人 執行本會議定各事如因經濟困難亦得

否決參議所議決之事 經濟部幹事長一人幹事員每屬二人 籌畫本會學務之經濟主持出納大綱關於經濟問題之事必經其議決與覆查本部幹事必須身家殷實者 調查部幹事長一人幹事員每屬一人 專任調查教育與經濟之實情報告本會 教育部幹事長一人幹事員無定額約二十人以上 分任檢查編纂關於教科書籍之事 庶務部幹事長一人總持一切庶務招待員每屬一人接待來賓佈置會場一切事宜 書記員一人專司往來書札文牘 會計員一人經收公款核算出納隨時登記 以上書記會計各員須常駐會所酌給薪水受庶務幹事長指揮 八會議與選舉 甲凡會員欲提議事件經參議員之贊成得請總理交全體會員 指有議決權者而言 議決 乙凡事經多數會員兩次否決者本會期內不得復行提議 丙各部幹事凡關於提議本部之事皆得以執行之成績衡量所議之事告諸總理以決其可否 丁凡開會之時常會須全體參議員到會三分之二臨時會須全體參議員到會過二分之一乃得決議 戊本會選舉兼用公同選舉分屬選舉及間接選舉法凡舉總理員均用間接選舉法由各屬舉定

協理後由協理員公推一人爲總理各部舉幹事長亦用此例至分屬各職員俱由分屬選舉惟教育部之幹事員及庶務部之書記員會計員俱由公同選舉以多數爲斷 己凡選舉之員如有資格未能盡合者須全體認可 九懲罰 本會會員如有敗壞公德違背本會宗旨者經多數之指摘本會卽不認爲會員 十附款 此簡章既經公認將來編纂詳細章程不得出此範圍如有應行修改條件俟下期常會提議公決

揚州學會職員

總理 張允顥 協理 方爾咸 江都 桂邦傑 甘泉 汪秉忠 儀徵 賈繼宗 高

郵 王應保 寶應 葉承年 泰州 楊冰 東臺 參議 周樹年 江都 陳懋森 江

都 張鶴第 甘泉 朱 董 甘泉 陳霞章 儀徵 焦汝霖 儀徵 高 哲 高郵

董增儒 高郵 居福濟 寶應 凌文淵 泰州 夏惟默 泰州 錢蔭恩 東臺 袁承

業 東臺 會董 徐兆鼎 江都 凌鴻壽 江都 蔣彭齡 甘泉 湯寅臣 甘泉 鮑

貴藻 儀徵 柳承元 儀徵 董增祿 高郵 孫 鼎 高郵 盧殿虎 寶應 沈 灼

泰州 李毓彬 泰州 夏寅官 東臺 張景官 東臺 經濟部幹事長 汪錫恩 江
 都 經濟部幹事員 王景琦 江都 鍾寶源 江都 林寶麟 甘泉 王應庚 甘泉
 張祖模 儀徵 陳延武 儀徵 周蘊章 高郵 王毓桂 高郵 劉啟彰 寶應 侯
 士衡 泰州 袁德華 泰州 袁桂榮 東臺 丁效忠 東臺 調查部幹事長 葉惟
 善 甘泉 代表范復昌 甘泉 調查部幹事員 王虎榜 江都 范復昌 甘泉 曹
 晋庭 儀徵 張其典 高郵 盧守愚 寶應 蕭斯 泰州 袁牧 東臺 庶務部
 幹事長 周寶鑿 江都 代表蔣彭齡 甘泉 庶務部幹事員 李肇僑 江都 姚
 蔭達 甘泉 劉榮椿 儀徵 宋子元 高郵 朱孫懷 寶應 單毓元 泰州 金 越
 東臺 名譽參議員 何震彝 盧晋恩 教育部名譽贊成員 楊慶霖 汪
 洋 朱懋第 徐允孚 金志鵬 陳善昌 李乃斌 孫傳綺 經濟部名譽贊
 成員 鄭寶慈 李 約 本會總受函所在新勝街華瀛公社 教育部受函所
 在濟源典周君穀人處 調查部受函所在十三灣范宅 經濟部受函所在教場
 街益大錢莊汪君幼儀處

復揚州學務公所請禁私藏軍火書

頃由郵局遞到大示並稟稿具悉一一江北一帶盜案頻聞諸君擬援成案請申禁私藏軍火冀弭隱患具見關懷大局惟此係政界之事似可逕由地方諸君公呈當道核辦學會無干涉之權諸君當能鑒亮也

揚州學會判決仙鎮爭釐興學書

敬啟者仙女鎮因爭撥米釐三成衝突一事奉學務處憲批示令敝所核議兩造奉批後卽來敝所經敝所特派專員調查集府會職員兩次開會秉公解決凌關爲人於學界素負公正之望本年鎮會闔鎮公舉凌君爲理事長府會公舉凌君爲會董凌關諸君以本鎮徵收地方之稅撥辦本鎮學堂理無不合張君朝梁係甘泉人住居灣頭去仙鎮甚遠旣非鎮會公舉之職員其爲仙鎮人士所不歡迎亦情所應有且原稟本副貢楊君兆蓉居首始終未曾出面且楊君非仙鎮之人亦無撥仙鎮地方之稅代仙鎮辦理學堂之權張君初來敝所時自稱係甘泉十三鄉米商公舉爲仙鎮辦理學堂之人始終僅有一孫姓追隨云係米商之弟敝所第一次開會解決

張君迫於公義自認退處仙鎮紳士爲推廣教育起見亦承認張君所辦之鑄傑學堂可與其校長旋君協商留爲第三塾乃延至十日張君終不甘退處又經敝所開第二次會敝所就法律解決張君俯首無言自認退處推旋君爲鑄傑學堂繼起之人旋君亦當場承認與凌君協商辦法復經敝所詢問張君退處是否真實張君對衆宣布自本日始將所辦學堂之事推之旋君退處無權其協商若何皆凌旋爲之主敝所於兩造決無偏倚以名譽論則凌關爲優以地方稅性質論則仙鎮爲主事權理合統一敝所謹將當場判決書錄告呈電伏候察核爲荷

復揚州學會書

逕復者頃接來函並爭釐判決書一通以法律爲裁判文明進步自治基礎均在於是同人傳觀爲之欣慰足徵貴會辦事得人而兩造均輸服於法律之下程度固亦加人一等矣聞揚郡近有廣陵學會頗滋物議曾見報紙貴會有監察之責昨已電請趙都轉傳知貴會一并詳查惡莠亂苗不可不慎希察復高郵董舉人增祿等有函至述州學會頗困難并請就近設法維持爲幸

揚州學務公所查復廣陵學會書

判決仙鎮爭款一事獎飾逾量曷勝媿慙敝所基礎初立諸未完全祇以責任所在未敢放棄然名爲判決無異調停兩間以求平允頗聞張君退有後言難保不舍此而別生枝節維持公論仍在公等廣陵學會係地方流氓之集合體敝所曾致函趙都轉并與蒯觀察論及已蒙札府飭縣查禁嗣若輩變計改名南金學堂旋以持刀犯夜經警察總辦袁君面稟都轉訪拿若輩聞風將南金字樣消滅適有一集成學堂素無學生遂溷身其中以爲護符根株未斷其改行與否不可得知昨集成學堂至敝所報告成立并呈送學生名冊敝所以跡近疑似加以拒絕隨時調查固敝所之責至其妨害治安巧立名目以蔽行政人之耳目實亦事之無可如何也公等俯察苦衷函告當道得以迅速消弭則敝郡學界之光明皆出諸公之賜也至高郵學會若何困難敝所已略有所聞擬派專員往郵察勘情形相機贊助俟有端緒再行報告

揚州學務公所論張紳售穀興學被累書

敬啟者敝郡八屬紳士於去冬稟立學務公所所以羊巷民辦之義倉改建存款外另有陳穀約四千石稟請出陳易錢以兩項款目劃半爲建築公所及附設小學之用半仍存儲爲備荒之用當蒙學務處憲批准在案並奉運批（後遇救荒等事亦歸該學會擔任義捐是純爲民辦之性質）云云查羊巷義倉本屬民辦由育嬰餘款歷年積成創始於儀徵卞頌臣尙書張午橋學士繼之學士故後由其嗣靜生太守經理與官辦義倉性質迥別當累年大稔之後積粟紅腐日益耗少因於二月間減價出售以 朝廷興學之切於地方籌款則近於苛細雜捐何如化無用爲有用近年各州縣以官辦積穀興學者比比皆是敝所於官辦義倉未敢過問僅以歷年民辦辛苦積累者移用半數仍存半爲備荒之用似無不合且奉處憲准行都轉亦深加期許非敝所總理張君一人之私意郡城米貴多由奸商及大戶屯積加以出洋太多米商乘此機會價值飛漲貧民鼓動日前郡城遂有搶米之事當未經搶米之五日前在城紳商已有出鹽義倉之穀此倉爲運司專設在縣城萬壽宮旁開辦平糶之請都轉必欲紳商保以出倉絕無消耗紳商懼未敢承以是遲延數日致有目下之現象在上者

偶然出內之吝夫復何言敝所念平糶之舉爲官爲紳本不分畛域擬於官辦平糶外別設一局以補官力之不足正在設法購米而忽有意外之舉動蓋該倉基地與陳紳重慶私宅相連有餘地一方陳涎之已久數日前卽造爲種種言語謂此次米價昂貴之原因實由公所如不以餘地見贈則當倡言於衆面見都轉責令賠還原穀同人初不之信未幾果有函至張君處張君以該倉稟改公所卽爲八屬公地不敢私允陳因此深恨又聞公所欲建洋樓陳惑於風水之說出頭阻止陳張皆卞尙書之壻本爲至戚敝所同人亦與陳多屬親故勉強聽從改建平房陳終以索地不得爲恨因於都轉前誣巖張君都轉未加詳察遽札兩縣責令張君將出賣之穀限三日賠償張君管理之義倉爲稟改學務公所民辦之義倉與運憲鹽義倉江甘兩縣官倉各不相涉倉穀折價亦奉處憲批准並非擅專學會總理係同人公舉張君品學爲闔郡推重忽受此不白之冤同人咸抱不平敢求諸公電函都轉力爲湔洗俾張君名譽得以恢復再該倉所存半款七千串本爲備荒之用同人公議卽日買米設局平糶勉盡義務決不以反對有人遽爾中止也區區之忱伏希亮察

致兩淮運使趙電

揚州趙運台鑒接揚學公所函稱張紳靜生售穀興學批准有案近因搶米責令賠償學界不平等語張紳鄉望素著辦學熱心此事聞有人藉端搆煽乞賜審察維持以孚衆論謇者

兩淮運使趙復電

學會張殿撰鑒看電悉揚城米貴肇事趕辦平糶公捐倉穀諸紳稟奉學務處售出興學原案聲明如有緩急照數購還平糶如此其急鄉人士責其踐言事在意中並非賠償敝處亦接本城學會公函允以穀價之半購米出糶係爲當務之急竭力贊成卽照錄原函行知府縣照會學會矣原委如此覆候鑒察濱彥江

江都縣

江都學會報告成立書

啟者敝會同人於四月間開第一次常會所有會中簡章皆已公決各項職員悉由公舉幸卽成立惟是基礎方始諸未完全苟非模範之有資竊慮率循之無所素仰

貴總會熱心提倡涵蓋獨多用敢將成立情形修函報告以備查考現在辦事處所即附設於城內磚街揚州學務公所之內如蒙時賜箴言藉以匡其不逮同人幸甚

江都學會章程(畧)

江都學會職員 會長 方爾咸 副會長 周樹年 梁 莢(下畧)

甘泉縣

甘泉學會章程 與江都大致相同加第九條會議規則第十條懲罰第十一附款(均畧)

甘泉學會職員 會長 桂邦傑 副會長 張鶴第 殷 錢(下畧)

留學生請查邵伯鎮造謠毀學書

某等世居甘泉縣之邵伯鎮前奉督憲咨派東洋考察學務嗣蒙公使送入法政大學肄業一時未能回國前月中旬疊接敝鎮同鄉學界公函云稱本鎮兩等學堂從前科學未能完備今年新董接辦極力整頓延聘多員悉心教授所有經費曩日的款只四百元餘刻下萬難敷用經董丁策暨舉人張鶴第向明學務熱心從事因學

款支絀已在兩江學務處稟准量收日緣又經甘泉宋令出示曉諭在案通鎮捐戶止六十四家所收捐錢每日僅共七百文厥數甚微故樂輸者衆閏月初甫經收捐兩日乃有與學堂反對之徐炳昌藉米價騰貴羣情洶洶之時陰嗾余長庚方達五等廣布匿名揭帖明言奉請閏月四日罷市并有爬米行毀學堂之說屆期徐炳昌又密令其爪牙素不安分之成衣匠張春和強迫各鋪一律閉門甘泉宋令聞風到鎮未詢罷市之理由貿然出示云稱禁米出口停止學捐似此牽合混合而學堂之名譽爲之敗壞而學堂之成立勢必無期宋令在鎮雖經拿獲揭帖之人供出主筆者係余方二人主使者係徐炳昌一人而宋令但提余方將徐置之不理嗣又提到徐之爪牙張春和而又不嚴訊殊不可解似此曲庇反對學堂之人而學堂之破壞不堪收拾董理者痛不欲生因囑某等公同扶植云云此原函之大略也某等遠隔重洋無能爲力公懇鼎力維持可否函致各大憲追究主使罷市之人破其反對學堂之計不獨爲學堂去其污點且可爲學堂啟其生機則造幸福於敝鎮爲無涯矣如蒙賜復卽請逕寄日本東京麴町區富士見町法政大學交邱正夔收鄉晚邱正

夔劉世儼劉豫瑤徐庭麟劉德昭龔邁戴汝佳徐庭翼仝頓首

致兩江學務處書

頃據東京留學生邱正夔等公函云云敝總會於此事未經調查然近來搶米毀學各屬時有所聞難保邵伯鎮無此舉動謹將原函抄呈祈卽轉飭宋令秉公持平辦理學界幸甚

儀徵縣

儀徵學會報告成立書

敝會同人於三月十一日起開第一次常會所有會中簡章皆已公決各項職員悉由公舉幸卽成立惟是規模甫創組織愧未完全苟非模範之有資終慮率循之無自素仰貴總會熱心提倡開風氣之先敢將成立情形修函報告現辦事處在揚卽附於磚街府會辦事所在儀卽設於儀徵城內倉巷柳宅如蒙惠錫箴言以匡不逮敝邑幸甚同人幸甚

儀徵學會章程（下畧）

儀徵學會職員 總理 汪秉忠 協理 陳霞章 蔡鍾棻（下畧）

高郵州

高郵紳士公舉代表書

公啓者伏惟諸位鄉台組織江蘇學會爲全省學務機關總部登高一呼萬谷響應某等聞風興起曷禁褻軒報登大會告白命各屬公舉議員茲有敝邑淮海學堂堂長董孝廉增祿品端學粹教育熱心賈孝廉繼宗敦品好學負經濟才前在本邑創立贊化學堂不避勞怨組織有方開校未久名譽大噪現爲淮安府聘充中學堂教員聲望頗著某等會商公舉爲本邑代表謹具公函由兩君親投座右希鑒納焉

高郵學會職員 名譽員（總理全會事宜）董增祿 賈繼宗（下畧）
董增祿等報告權董誣控書

增祿等回郵祇遵大會宗旨傳集學界中人於十二月設立支會宣布章程投票選舉各職員其票多堪被舉者或於地方事并不干預或爲紳士中素稱直道士論洽然所以觸權董之忌者胥伏於此乃會甫成立略建議整頓學務卽被權董多方阻

抑格不能行更目學會爲結黨以稟請改良爲挾制傾動上聽污巖爲名前李牧固受其愚弄令楊牧又意在含糊推權董居心以爲地方既有學務公所卽不容再有學會學會卽公舉管理終不敵權董私舉之人權力之大若如學會所稟公舉以票多爲合格辦事以一年爲任期此風果開恐將來不獨學務爲然他項公事苟援以爲例大非權董之便故學會一日不散權董一日不安已不得顯用其奸反假學生名字陰行其傾陷之謀此二三兩月學生上控之所由來也無論學生爲捏名妄控咎有專歸卽非捏名學律雖未頒行禁令固當遵守何以一而再而三虎兕出柙伊誰之過此管理之急宜斥退已昭然矣管理苟歸公選則權董陰謀不擊自敗同赴大會前舉評議員之賈君繩孫熱心學務卽因權董把持遇事掣肘憂憤填胸嘔血十日遽於三月杪捐軀祿等處此情何以堪學會苟不支持既有負大會之苦心亦無以對死者於地下大局益將不堪繕開節略尙乞垂察應如何移請學務處飭州格外保護維持並查照學會前稟各件如稟辦理之處伏候鈞裁諸希援助不勝迫切待命之至附呈支會章程及各職員清摺並乞察入再郵邑學務公所董事現惟

宋豫立王希堯馬維高三人承任餘均稟退照會合併聲明

致兩江學務處書

逕啟者頃接高郵州學會董舉人增祿等函稱去臘設立高郵支會被權董多方阻抑云云披閱之餘知該會成立業經貴處批示有案學生妄控已非修學時所宜如果捏名須應查究來函所陳困難情形到處事同一律但此等案件如仍交地方官自行查復鮮不迴護前非而學會處評議之地位並無裁判之實權可否即由貴處札飭揚州府知府督同該府學會秉公詳查如果該學會所指之學務董事宋豫立王希堯馬維高三人實有衆望未孚興學不力之處照奏定學章亦應撤換似此聯絡辦理庶官場與社會不致背道而馳而立法與行政有分明融洽之望至此案詳情既據董舉人等稟請有案不另抄呈希查察施行

寶應縣

寶應學務公所章程(略)

寶應紳士介紹入會書

敬啟者日昨敝邑代表人盧王二君返里述及貴會維持學界意美法良誠爲合省之領袖大江南北感佩同深矧若敝邑安宜學堂旣淺且陋何敢以希大雅惟幸得叨庇宇下彌殷景仰之忱伏讀刊示會章內載學務董事及紳士中有關係於學務者自願入會准許作爲會員前次敝邑閣學已舉盧王二君爲代表人而後學等抱愧不才謬襄學務辦理多未合格一切總賴匡扶此呷衣之志出於至誠也茲由本校於同堂中公推劉紹泉君啟章入會緣劉君本充小學堂校長資格尙無不可爲此肅函前來懇祈鑒核施行應繳會費及常費託交劉璞生君鍾琳寄上證券卽請逕交劉君可也轉附呈劉君紹泉履歷一紙專泐敬請道安統惟垂鑒鄉後學朱蓮生吳錫英朱鴻綬仝頓首

王鼎爨請送師範生書

前在學會藉識荊州崇拜靡旣猥以菲材荷承齒錄而又進諸評議之次俾得効一得之愚慚竦殊甚茲竊有瀆者敝邑高等小學歷辦有年惟尋常小學苦無師資殊爲憾事今幸邑侯陳熱心興學就邑中甄錄豫備師範生數人給予學費令其赴滬

肄習速成師範但恐額滿艱於安排惟祈畢力贊成設法咨送俾陳邑侯興學雅意有舉莫廢是則敝邑學界前途一光明線也評議員王鼎彝謹上

寶應學會報告匪徒搶米毀學電

江蘇學會鑒寶應縣十九日匪徒借鬧米擾及城市白日搶擄鮑紳所立思補學堂被毀學生星散事由官長釀變臨時並不彈壓合城紳商由辰至申被搶掠者十二家現匪勢正熾民命倒懸被毀之家慘不忍觀寶應學會

致兩江學務處電

南京學務處鑒寶應學會電十九日匪徒鬧米毀學搶掠多家匪勢正熾等語如果屬實毀學成風斷不容姑息釀禍乞查核嚴辦總學會禱

復寶應學會電

界首轉寶應學會皓電悉已電致甯學務處查核嚴辦仍請詳示總會禱
致兩淮運使趙電

揚州趙運使鑒寶應學會電十九日匪徒鬧米毀學搶掠多家匪勢正熾等語毀學成

風斷不容姑息釀禍乞派委嚴查覈辦總學會禡

兩江學務處復電

總學會禡悉毀學案應嚴懲已稟督電飭查究桐

兩淮運使趙復電

總學會鑒禡電悉已飭派運字旂前哨及瓜洲高鎮臺派來礮船四號一併由揚州府榮守暨楊管帶押隊前往查辦彈壓矣濱漾

興化縣

興化學會章程(略)

興化學會職員 會長 顧詠葵 副會長 成啓運 楊曾綸(下略)

復興化學會因縣示退學書

興化學會諸君鑒來函縣示均收到閱畢不勝駭異禁止滋擾鹽棧此行政官自有之權與學界無涉而學界干預之此不可解者一查閱縣示並未直斥學生爲棍徒而學生全體退學會員紛紛辭職此不可解者二鹽棧自鹽棧學堂自學堂退學辭職獨不

慮人指爲挾制耶此不可解者三本會辦理學務希望於學界之前途甚大若是非未明而爲妨礙他人言論自由之舉動本會轉未便與聞況近來退學相習成風久爲通人所詬病興學良苦求學宜誠若紛紛退學在學界有挾制官長之嫌在學生有自妨課程之慮與本會宗旨大相刺謬已電請甯學務處秉公核辦不能爲諸君分過也此復

致兩江學務處電

南京學務處鑒興化學界函悉是非未明動即退學相習成風深堪浩歎東臺聚衆毀學累及夏紳又成暴動兩事不同不敢有所偏徇乞分別委查持平核辦

揚州學務公所來書

啟者興化罷學一事敝處前奉學務處電飭當卽舉職員徐君兆鼎姚君蔭達陳君霞章前往察看情形相機辦理到興後接晤該處學會諸君始甚激烈繼轉和平因知尊處電致學務處函復該處學會一秉至公無稍假借先有以折服其心故能令敝處同人由調查而收調停之效果也同人往謁張邑尊亦甚願了結因是本尊處

之意旨向學會諸君反復陳說並親往各學堂且勸且誠俱各允洽已於五月初二日公私各學堂一律上課所有調停詳情細節業已縷晰稟復學務處請准分別詳咨銷案矣

泰州

泰州學會初次章程（詳第二次章程均略）

泰州學界報告州官解散學會電

江蘇學務總會泰州學會由旅甯學生公舉凌文淵爲總部總理會蒙學務處批准並總會認可今正初十日在泰開會票舉本會職員既定張州主忽致私函與會員王國謀語多要挾明揭行政人有解散社會之權等語其故因客冬有會外人稟控學堂腐敗恐本會調查豫圖抵制遽於第三日到會演說語多支離復張貼示諭尤屬不經致全會解散而去茲將大略情形電呈細情稟泰州學界公啓

泰州牧張報告撤銷總理字樣電

張季直先生鑒凌文淵創設泰州學會自稱總理已爲邑紳所駭詫以一學會而干

涉行政教育即共和國亦無此政體無此會章滄略有知識不敢阻遏新機亦不容
莠言亂政已電稟學務處撤銷凌文淵字樣另舉高爾庚爲會長合行報告滄

致兩江學務處電

南京學務處沈觀察鑒泰州電張州牧示散學會究因何故請轉飭維持總學會

兩江學務處復電

張殿撰鑒電悉泰州學會事張牧電凌生文淵自稱奉派學會總理邑紳皆不謂然
請撤銷另謀公所及學會等語當查凌生雖稟設學會本處並未派爲總經理經電飭
張牧取齊邑紳公稟由州稟達再行分別辦理旋接泰州學會電謂州官無理但不
署名無從核定餘函達兩江學務處諫

再致兩江學務處電

南京學務處沈觀察鑒泰州學會官紳衝突現經調查中有誤會請公主持公道冀得
兩當毋另立會免再衝突不日至省當爲調停審懇

致兩江學務處沈觀察桐書

泰州學會事前經電請維持嗣奉回電及十六日復書具佩扶植學界之至意嘗覆加調查知此事發起人容有計慮之未周而地方官不無一時之誤會因於二十六日由通州復發一電計邀台鑒查泰州學會發起在省並設旅甯招待所在貴處稟准有案旅甯同學公舉凌文淵爲總理擔承旅甯義務實非自任一俟該州學會成立後卽改省垣所設立者爲旅甯學會其在省垣公舉之總理各職員仍祇居於發起所以今正凌君回里開會凡所公舉正副會長各職員均係該州在籍紳士而旅甯發起人並無被選舉權但未及宣布詳章分明部分凌等又未早將辦理情形白諸州牧此則於辦事界上似欠周匝張州牧因誤會凌君自任爲總理其實凌君對於該州學會既無被選舉權該州正副會長既公舉有人其並非自私自便不煩剖晰但凌君熱心任事力謀公益倘因衝突而浸歸消滅亦足以灰任事之心惟張州牧既然誤會此事又不得不求兩當蹇擬凌君總理請公認爲旅甯之一部似於張牧之誤會既能解釋卽於凌君之名譽亦足保全如此調停似得兩當至於該州學會既已舉有正副會長請飭照舊設立不必另行組織免再衝突可也學界萌芽氣候尙稚裁成之責端在明公凌君

留心時務於中學亦有根柢此次取咎之處則在辦事之未盡周匝至學會之舉本爲謀教育之普及而設其爲辦事性質可知如僅責以研究學理則公舉職員奚爲者是學會之調查經濟亦事所必然興學之詔責成官紳協力實心無分畛域行政人之對於社會鄙意則謂有補救而無解散亦非謂社會之自恃已足也尤當體行政人辦事之苦心否則社會預存一非禮壓制之見以對行政人行政人又預存一聚衆要挾之心以對社會終之行政人尙有去官之一日社會恐無團結之一日鷸蚌相爭須知漁翁之睨其後也因見於近日學界官紳衝突之疊出率貢臆忱不盡縷縷昨已抵滬餘容晤罄

再凌修學甯垣歷有年所近復充商工學校教員本州學會本僅擔任發起即旅甯總理應辦之事亦尙有辭退之意其不肯徒擁虛名已灼然可見合再附聞謦頓首

沈觀察桐復書

承示泰州學會因凌生未早將辦理情形白諸州牧於辦事界上似欠周妥張牧因誤會凌生自任爲總理以致互相齟齬台端擬以凌生總理旅甯之一部分於張牧

之誤會既能解釋即於凌生之名譽亦足保全似此調停誠爲兩當蓋籌碩畫實獲我心謹如尊旨辦理再誦另示凌生總理旅甯應辦之事亦尙有辭退之意查凌生東游日記頗有根柢鄙人前曾批示嘉獎現在辦理學會如凌生之年少劬學任事熱心亦所罕覯尙望大君子策勵而慰留之盈盈一水良覲何時東望喬雲曷勝馳溯手復敬請助安臨穎神往

致

兩江蘇省

學務處請飭查吏目爲學生窘罰書

逕啓者時報載泰州吏目在盧紳家挾妓飲酒爲某校學生前往詰責罰洋二百餘元其事始寢等語閱之曷勝詫異近日官場風氣飲博酣嬉習爲常事 朝廷之禁令既不顧大府之誠諭亦勿悛何獨於吏目而責之吏目所犯者官箴也亦私德也長官罷黜之可也親友規勸之亦可也再不然紳民陳訴之可也學生憑何名義而相率前往羣荒其學修謬一旦詰責何事被詰者何人尙在學生範圍內乎謬二罰洋寢事則侵越法人之評判權謬三此風一開恐湘省學生窘辱長善高等學校監督之事將浸灌於吾蘇而學界狂奔叫囂之習專以邏察搜索爲事結隊而來罰鍰而去尙有人格乎

哉。言。之。可。爲。痛。心。本。會。之。意。甯。聽。官。場。不。自。治。其。屬。吏。而。學。校。不。可。不。自。治。其。學。生。報。紙。所。登。是。否。確。鑿。設。或。傳。聞。失。實。則。不。妨。預。戒。將。來。倫。事。出。有。因。則。自。宜。分。別。懲。處。前。往。之。學。生。固。宜。酌。除。已。收。之。罰。洋。更。應。退。出。希。貴。處。迅。卽。派。員。查。明。核。辦。地。方。幸。甚。學。界。幸。甚。

蘇省學務處復書

敬復者昨奉惠教以報載泰州吏目挾妓飲酒爲學生罰洋一事流弊極多亟應派員查辦等因具見貴學會慮遠防微維持學界之意曷勝敬佩在昔孔氏分科首稱德行禮經垂訓必正嫌疑去猖狂妄行之習而後有嚴密自治之規如果舍業而嬉干越外事流弊又何所不至此檢察學生之舉固不可緩也至官吏挾妓飲酒載在律文大干禁令詎宜踵前代教坊之弊披白門畫舫之緇罔恤官箴貽羞士論尊意雖謂庖人不治防尸祝越俎之嫌弟等亦恐涓涓不塞有江河日下之勢尤應切實查明量予懲處惟泰州係甯藩司管轄學務亦向歸甯學務處攷祭業已函請就近派員詳細查復以憑核辦矣知關盡念先此佈復

兩江學務處復書

前奉函開以時報載泰州吏目挾妓學生藉端詰責罰洋等情當經弟函飭泰州張牧查復茲據復稱查學堂副辦陳農部於前月二十二日借盧紳宅內設筵請客有吏目在座初不知他客有招妓之舉嗣因妓至吏目遂即辭去適私立各學校學生因經費不敷擬商紳董代爲設法知陳紳請各紳董在盧紳家宴會緣與陳紳向未謀面遂邀同中學堂學生偕至盧紳家會商籌款陳紳當即面允代籌洋二百二十元以助學費各學生隨即散去實未向吏目詰責罰洋吏目亦未挾妓飲酒報紙所登羅紳自係盧紳之訛所敍各情未免傳聞失實緣奉垂詢合將查明實在情形肅泐稟復等因據此張牧辦事向來公允此次既查明吏目並未挾妓學生並無罰洋情節自應無庸置議相應函復貴學會查照備案是荷至來函所論防微杜漸語重心長其爲學界慮者至爲深遠欽佩之至湖湘學界爲世詬病甚不願大江南北承此潮流敗壞風氣也

泰州王家樓僧衆毀學電

江蘇學務總會鑒據泰州東鄉王家樓朱葆達等報告該地民立貧民學堂租萬緣菴稟州牧准興工廟僧善慈集僧衆串謀六月廿七夜賄衆百餘手執器械擁進焚毀多件毆傷義務教員蘇恩培謝一同蘇命難保廿九復聚衆將已獲僧心朗劫去並毆傷海安司弓兵三十州尊往勘驗僧衆揚言誓焚毀剏辦人朱葆達等房屋如此暴動於學界大有關係請鼎力維持餘情續函同仁堂泰州學會上

致兩江學務處電

南京學務處鑒接泰州學會電東鄉王家樓貧民學堂廿七夜被僧衆焚掠毆傷蘇謝兩教員蘇命難保等語毀學迭出請查明嚴懲以儆燎原總學會江

兩江學務處復電

江電悉朱葆達案已據方牧電稟勘驗提辦並代陳督帥務飭從嚴究懲桐支泰州王家樓紳士報告僧衆毀學書

敬啓者葆達等自籌經費在泰州東鄉王家樓創辦貧民學堂不收膳學及書籍操衣等費租賃萬緣菴爲校所當與該菴僧善慈商議隨由該僧邀鄰僧能靜與伊胞

叔顧鴻賓作證人承認開辦並議定租金已蒙張州主批准在案動工多日不料善慈爲僧徒海航松月瑞蓮次野等誘逼於六月二十日糾合四五十處廟僧合謀暴動幸達等婉言解散至二十七日晚竟敢賄使匪徒百餘人手執鐵尺手槍等將學堂門撞開焚毀一切物件毆傷義務教員蘇恩培謝一同二十九日又嗾使數百人將已獲兇僧心朗劫去并毆傷海安司弓兵三十日方州主親勸時兇僧百餘人仍團結各匪在奶奶山廟揚言誓焚毀創辦人住宅現在蘇恩培生命難保達等家室已遷避各處方州主雖已提辦然兇僧等盤踞各廟并不避匿州差亦未捕一人似此情形恐非飭差提究一言所能了事不獨達等所辦之學堂將歸消滅竊恐已經借用廟宇亦將效尤而滋事匪從此暴動無忌學界前途岌岌可危爲此公請貴總會鼎力維持則秦邑幸甚學界幸甚朱葆達王培芸等敬上

泰州馬家莊報告州書煽衆毀學電

江蘇總學會鑒州書洪國仁等煽衆毀學賄州反對除據情電懇兩江學務憲飭限彈壓懇再移府派委查辦候賜電示泰州馬家莊初等小學堂長王森公叩

致揚州府榮並學務公所書

敬啟者頃接泰州馬家莊初等小學堂長王森電稱州書洪國仁等煽衆毀學等情查泰州自官紳衝突以來學界現象可想若如來電毀學成風已非嚴辦不可案關州書煽禍尤難姑容應請貴_所派員查_復以維學務而儆刁風肅此奉聞敬請台安

泰州學會報告第二次組織成立書

逕啟者泰州學會由旅甯諸同人於上年冬月在省發起當於今春年假時開會選舉各職員已定奈來賓演說前州尊張不無誤會致組織未克完全幸賴總會熱心疊次函致學務處得以保全仰見嘉惠敝會之至意今值暑假旅甯及游學諸同人回里復由會長以次各職員及全體會員於六月十六日舉行第二次大會公決詳章於六月十六日開會十八日閉會所有已舉之正會長高君爾庚因病辭退已舉之副會長盧君福保現已公舉爲正會長補舉副會長葉君承年以外各職員除前此舉定外又補舉若干員計共職員四十五名除稟報本州憲及學務處外理合佈告並附呈泰州學會各職員銜名並公決詳章旅甯學會章程省垣招待所章程各

一通寄呈台電再學務公所必與學會聯絡一氣方有裨益究竟權限若何規則若何總會中定有章程伏希惠教以便遵行

泰州學會第二次章程(畧)

泰州學會第二次舉定職員 正會長 盧福保 副會長 葉承年(下畧)

泰州旅甯學會發起部改良章程

定名 本會爲旅甯泰州學人所組織故名泰州旅甯學會

宗旨 (甲) 篤厚鄉誼 (乙) 砥礪學行 (丙) 改良社會 (丁) 招待

本邑會員

會所 設漢西門城內軍械所後華藏寺後樓

義務 (甲) 對於本邑者如下 一本邑學會係由本會發起與本邑學人共同

組織而成則凡關於全體學界事宜本會應得貢所見聞和衷議決 二勸助本邑

官紳振興改良學校 三本邑學會調查州城及鄉鎮已立之官私學校學科人數

及經費等應寄一分本會存記 四凡省垣各學校值有試期本會書記員先期函

告本邑學會俾嚮學者知期不誤 五本會與本邑學會凡有興辦提議各事均應互相報告亦互有調查之責 乙 對於旅甯者如下 一凡學界軍界實業界已入本會者名爲旅甯會員責在本會親愛輔助糾察匡正其未入本會者本會有勸導之責 二值年暑假期如有旅甯不回者應在本會開設研究所凡有志研究科學者均入會所交換智識 三招待所內設圖書儀器以資研究 四本會招待所專爲招待本邑會員之旅甯者

權限 本會對於本邑凡不關於本邑學務者概不承認

職員 本會職員皆由本會會員投票公舉以一年爲一任如下 正會長一員

副會長一員 參議二員 監察二員 會計二員 書記三員 招待四員 調

查四員

會員 本會會員無限格凡本邑及外籍旅甯與本會宗旨相同遵守章程經本會認可者皆爲會員其有捐助特別捐及襄謀本會公益者推爲名譽贊成員其權同會員

會期 本會每年開大會二次(仲春仲秋臨時擇日)每月開例會一次如有要事隨時得開特別會

規則 (甲) 凡開會前三日由書記報告同人不得無故不到遇有要事須先期

函告書記並將例捐繳出 (乙) 本會會捐儲爲招待所常年經費及他項經費

(開辦經費由發起人特別捐助) 凡入會者應於開大會時繳清否則本會不得認

爲會員 (丙) 凡開會時各會員務須齊集不得逾時不到亦不得先時出席

(丁) 凡入會者應各守詳章規則不得稍違致妨公共名譽

泰州旅甯學會招待所章程(畧)

復泰州學會書

逕復者接來書知貴會經幾許波折始有今日之成立甚善事惟圖之愈艱則維持保守之意亦必益加慎密承詢學會與學務公所之權限查地方辦理學務其起點多在學會學務公所者亦學會組織之一部分本不當歧而二之但現在各處狀況往往主持公所者爲舊日與官長接洽之紳於是學界或不滿其所爲始組織學會而公所之

紳則或從而嫉之種此惡因遂收惡果此近日官與紳齟齬紳與紳又齟齬之大略也故欲定權限須先自開誠布公做起但學部新章提學使所轄祇有省學務公所將來各州縣均設勸學所別無公所名目此又當參酌章程再行辦理者也此復

東臺縣

東臺學會意見書

敬啟者查學務綱要師範一科爲辦學堂者入手第一要義東臺高等小學經敝學會一再催辦於今秋甫得開堂其餘初等小學蒙學並未廣設管理無人教員亦少是師範學堂未容久缺理事員楊冰等亟謀創辦苦心調查僅得公車賓興暨三賢書院各經費約計四千餘金可爲常年經費至開辦經費尙須勸募已具稟學務處存案公舉在籍夏編修寅官爲總理當蒙學務處批准札飭泰分司會同東臺縣夏編修辦理並優予褒獎在案乃本邑文生姚樹勳戈文豹貪戀膏獎捏有多名稟請泰分司將三賢書院改辦尊古學堂外用學堂之名內存書院之實毛分轉藉稟推卸並照會夏編修略言恩都轉前札有鹽務不得干涉學務之諭

中甸接在城會員報告

敝學

會擬據理力爭外惟力量綿薄敢申請江蘇學務總會援照第二章甲條注重師範俯賜援助實惟德便闔邑幸甚不勝禱切之至謹此報告代表人趙鉅樹謹上

提議事件綱要兩條開呈公鑒 一兩淮鹽場地皆濱海距各州縣治僻遠居多必須廣設小學俾以鹽務輔地方官力所不逮乃各場員因奉前任恩都轉札飭略謂興學爲地方官專責該大使無得越俎云云其賢者遂不敢過問愚者益推諉有詞似此恐各場未辦之學堂州縣旣無暇兼顧而已辦之學堂且多意外之虞欲謀教育普及亟宜去此障礙擬請電致新任趙都運仍飭各場未辦者從速興辦已辦者就近保護學界幸甚 一鹽場興學其經濟較縣城百倍困難多有藉助於僧捐寺產者續因縣城派及僧捐則又去此適彼而州縣不免偏重城邑膜視場鎮甚至已定之捐恃爲常年的款而因此遂成無着於鹽場興學實礙進步擬請電致學務處札飭沿海州縣於各場寺觀已定之捐仍應由州縣及場員飭催照繳庶免觀望偏重諸弊東臺柃茶場蔡映辰葉文瀚謹上

學生等留學東瀛愧無進步惟有勤勤勉勉深自刻勵以副鄉先達之望迺同鄉東臺崔恩銜不知自治日事游蕩與泰州韓棠（卽去年騙取馮君等銀洋之韓紹侯時報誤爲韓小侯者是也）互相狼狽前由學生等報告揚州學會當由揚州學會機關部具稟督轅列陳崔韓二人不知自治事實已奉批將崔韓二人官費開除勒令回國崔以事蹟昭著無可粉飾已先期逃歸本籍韓某以狡猾之手段勾結黨羽哀求同鄉並捏用多人之名具稟公使館請公使代爲昭雪公使輕信其言據稟移咨督憲韓某於前日親持公文回國運動（並聞持有調查商務公文果然又將爲商界之害矣）此事如成不獨韓某荒淫無度不復忌憚他人必且轉相效尤恐留學界永無光明之一日貴會素以整頓學界爲己任此事務乞主持將韓某劣蹟略陳於督憲之前使此案終不能翻覆則揚州學界幸甚留學界幸甚

致江督周請斥除留學劣生書

頃接旅甯揚州學會又旅東揚州同鄉會先後來函以留學官費生崔恩銜在外游蕩不知檢束致騰播於日本報紙韓棠復爲朋比飾非實屬罔顧名譽並抄到鈞批一通

知己分別勒回追費具見風示學界自治從嚴之至意欽佩莫名竊查崔恩銜既游蕩有據而韓裳劣跡亦不止一端揚府旅學諸生深慮習染之移人致效鷹鷂之逐更恐鄰封之騰笑有阻箠笈之遊函懇學會代達帥座務請咨照楊欽使順求學之苦心遇害羣而必去時事方亟以後官費學生似應慎擇品類並責成保證人如有此種隳壞名譽之事卽着照原派之費倍罰若本人脫逃惟保證人是問量情節之輕重爲繳費之等差並咨移各省不得收錄此種學生以儆敗類否則該學生等或改名而轉投他省或本省而潛入他校如疾之傳染殆非預爲剷除不可也設過犯尙小或情節可原罰章具在自不必刻以相繩絕初學自新之路此意尤無煩奪之嘵瀆也

夏編修寅官致張殿撰書

弟遭遇不幸家毀學毀變生意外幸以身免奉母遷泰州初三日到省揚郡學會諸君派人調查印成廣告尙有未盡之言然已十得八九矣此事由於地方官貽誤於前又復因循於後近晤玉帥朱方伯沈觀察皆持嚴辦暗中鼓使之入而馬大令僅獲動手者八九人尙訊無實供奈何奈何前讀尊電致學務處仰荷公論無任銘感

東臺縣高等小學及夏紳宅第被毀詳告

(一) 事前之原因

東臺僻處海濱風氣固閉自去年春學會成立設法提倡稍有起色惟積弊既深驟難更始因由學會全體議決公舉在籍紳士夏編修寅官主持一切學務夏紳固熟諳新政素抱熱心祇以鄉里辦事向不易易故家居數載地方公事概不與聞迨經學會迫以大義始肯擔任接辦以來實事求是當經官紳合議當裁者裁當節者節舉一切有名無實之費歸併學務故本邑高等小學稍有可觀各鎮蒙學次第舉辦又將從前學務各公款改辦初級師範學堂已經開工半月方且調查公產實在出息涓滴歸公而地方不逞之徒既無由分公款餘潤則不得不以學堂爲叢怨之府又未便以私意相干則不得不以清流爲集矢之的祇以學務重大無計阻撓辦事認真無題可借蓄私怨於中而時時欲得其間以乘之此學堂被焚紳家被毀之原因也

(二) 當時之情形

閏四月中旬米價騰貴富安場及安豐場先後搶毀米鋪夏紳得信後當於十五日午後會同各董請馬令出示平糶并查本城食米無多暫挪公款派人往鄰近各處買稻接濟十六日清晨突有匪徒因數文錢與米鋪尋開口角遽集數十人衝毀米鋪十餘家馬令卽到局傳諭鄉保並飭差彈壓勢已平息傍晚縣令請夏紳及各董入署議善後事宜夏紳方謂一面催促買稻者速回接濟一面先事安撫俾無知小民勿再爲匪徒所惑正酌議時乘間煽惑之徒乃趁此機會暗布謠言謂米價之貴由於學堂夏某入署擬請加價且請將打米鋪之人一概捉拿辦罪於是愚民無知且疑且懼頃刻之間已集百數十人聚於龍王廟彼時有穿長衫持摺扇者指揮其中飲酒百餘斤呼嘯而出析分三路一奔赴學堂一奔赴夏宅一在中路阻官及水龍不許護救風起潮湧勢如鼎沸此附近居民聞見之情形也夏紳宅在街極西晚九句餘鐘宅門被撞而入幸先有急足來報夏紳奉母及眷屬由後門走避未一分鐘而匪至夏宅藏書物件抄毀一空夏紳之母驚極而暈幸免於難匪徒至三句鐘始去此夏宅被傷僕役目擊之情形也學堂在街極東同時匪分一支手執木棍衝

撞而入毀壞什物不計並縱火焚去自習室二進食堂一進彼時堂內教習學生方將就寢僅以身免此教習學生所遭之情形也

(三) 事後之危險

東臺自經此暴動後遂有種種不可思議之現象其間呼號奔走力任恢復者僅學會中之少數人至餘於學務有關係者類以閉門不出爲主義而素爲學界所不齒之劣生敗類忽徜徉於零磚斷瓦間大笑作快心語狼山鎮曾帶兵數十來以亂事已過毋庸彈壓即回銷差匪徒既狃於石莊泰興毀學諸案以爲此舉不過援例稍試其手段而已橫行街市傲很逾昔（匪徒宣言去年石莊之事都未辦到殺人之罪何畏之有）獨脅從之愚民酒醒悔悟有竄避者此爲本城事後十餘日之現象至各場鎮受此影響更有岌岌不可終日之勢二十日以後安豐初等小學忽有地痞糾集多人擁入堂內上課則環繞講堂退習則圍繞自習室恣意喧嘩任情洩瀆監學教員懲於已事概以甘言相勸抗不納且於人聲鼎沸之中竟有舉高等小學之事大言恫喝者似此光天化日魑魅橫行勢必令已開之學堂盡行罷課將成之

學堂一律停工實心任事者既束手無展布之方陽奉陰違者方藉口爲模稜之說蓋猶不僅爲東臺一邑之關係謠詠一興風靡百里揚屬各州縣情形相同宵小之徒何地蔑有東臺特初作難耳

(四)善後之希望

東臺之案與泰興石莊俱有特異之點泰興石莊之事固難保絕無唆使之入惟泰興因籌款而加捐肇釁者爲納稅之鄉民石莊因興學而改廟起事者爲迷信之愚民自表面觀之容有與學堂反對之理惟東臺之亂黨既非竈丁又非鄉農惟本城一隅之無賴且米價騰貴與學堂何涉與夏紳何涉雖喪心病狂之人亦不應有此誤會此爲有主使煽惑之明證一學堂於去年開辦之初尙有無知小民目學堂爲教堂目學生爲從教者嗣因堂內規則整齊學生出外較尋常人愈加純謹遠近居民翕然稱之至夏紳名譽久爲鄉里所推服於前縣劉令任內鹽垣役夫男女數百人環阻劉令於聚東門外夏紳至力爲開導卽解散而去皆人所共見共聞者今學堂與夏紳何所開罪於民而忽焉疾視若此此爲有主使煽惑之明證二至就當日

之事迹觀之匪分三起同時并發使彼此不及照顧則非烏合之衆漫無條理可比及至學堂有健僕一人升屋而覘之匪衆因急切不能毀門已退至學宮橋上迨聞有人諷以若輩不足與謀乃復返及攻入後執司事一人將毆之或曰誤矣乃舍去至學堂火起後匪衆臨河而觀中有唱軍歌呼體操口令者此可爲有主使煽惑之明證三故對於此案謀善後之策所宜注意者 一僅辦脅從之愚民不能究出主使之入明正典刑則元惡未殲患尤滋甚 一僅責成馬令若不特派明幹之員專理此案則緝捕遲延稍縱卽逝 一定案以後若不將本案始終情節通飭各處則毀學之事將視爲通例而懲戒之律幾目爲具文 一學堂已由馬令認賠夏紳犧牲公益身且不計何有於家但失此巨貲竟置不論不惟貽宵小以口實凡從事新政者罔不寒心矣

淮安府 山陽縣

淮安學會報告成立書

來件謹拜登具仰維持學界扶植自治之苦心欽佩無似敝會自春間草草成立規

制未盡完善近值夏季開全體會重訂規則更舉職員擬卽合力秉公勉盡所事所以恢復從前之名譽者在此所以希圖將來之發達者亦在此爲此鈔錄章程暨職員表恭呈鑒核

淮安學會章程(略)按淮安學務公所章程於去年冬月寄會今春復寄到淮安學會章程並職員單總理未舉協理陳福咸夏間寄到第三次學會章程共十三章六十節職員又易人矣

淮安學會職員 總理 顧震福 協理 于述祖 王聿望 (下略)

江北高等學堂學生論校事積弊書

大江以南學堂林立比較既多改良自易大江以北風氣固塞民智未開雖存學堂之名實少振興之效非有大人先生力挽狂瀾掃除積習恐江北永爲黑黯世界矣生等濫竽江北高等學堂者已非一日坐視積弊層層無可告語現逢 國家大興學務之際先生創開學會之時四顧徬徨責無旁貸敢就本堂腐敗情狀敬爲先生一詳陳之本堂自壬寅創辦科學僅經史英文算術體操五門本年暑假後始添輿

地修身理化圖畫四門生等恭讀 欽定章程圖畫一科皆由自在進於用器本堂
首用器繪數月以來漫無頭緒理化僅講空言并無實驗體操則或作或輟視若贅
疣外國語一科 欽定章程以英俄德法日語爲備尤以英文日文爲要本堂誠難
遍設惟日語似應增添況理財法制又付闕如所缺之科學如此已有之科學復如
彼此教科之宜整頓者也又恭讀 欽定章程高等學額多者五百名至少者必二
百名本堂奏定章程亦設內外班共二百名今在堂者不足七十名名爲高等實中
學之不如此學額之宜整頓者也本堂總辦以淮揚海道兼理以彼十七州縣之案
牘勞形加以鹽驛河防兵備諸要政皆需經理已有日不暇給之勢學堂一切事務
稽查不得不疎卽有留心學務者到任未久卽以調遷三年之中計五易矣將往者
固置若罔聞初來者亦茫無頭緒於是舉教育重典悉委於監督而所謂監督者皆
出自南河同知教育新章半非素諳江南各學堂總辦監督皆選中西兼優者住堂
督率一切是以不嚴而肅此總辦之宜專設者也本堂西文教員舊有四席教英文
算學體操本年暑假後添設圖畫理化二科復以西文教員兼授事旣紛歧語多脫

略生等復以科學精深必各科均有專員方能勝任以一人而兼數事即使是所素諳且難免疏虞之弊況非其素長者哉中文教員率非究心科學之士講義所編致多詳所常畧畧所當詳之處此教員之宜選聘者也其他如正齋專門之必需設立書籍儀器之必需廣購鐘點之不劃一執事員之侵漁種種積習更有不堪縷述者附江北高等學堂調查表

一 設立年月 光緒壬寅年二月奏設初名江北大學堂癸卯正月改名江北高等

學堂 二 學額 初立額八十名 內班四十 外班四十 癸卯擴充增額一百二十名 內班八十 外班四十

共二百名 現僅存六十餘名 三 經費 例支 即常年經費 一萬二千兩 現提帥每月改發錢款一千串計一萬二千串

活支約四五千兩共計每年經費約一萬六七千兩 四 教科 中文 學科 程

度 修身 摘講五種遺規 未完 經 周禮節訓 未完 史 國朝史 未完 輿地

五洲地理 未完 植物 植物學大意 未完 以上各科均由本科教員編纂講

義教授並未頒發各教科書 西文(略) 五教員 輿地楊廷俊 清河廩貢 經

學周銘山 陽廩貢 中文 總教范家祚 壬辰翰林 史學楊養浩 侯官監生 修身 植物

施鴻昭 清河廩生 六職司 監督許秉彝 南河同知 稽查許耆儒 刑部司獄

司事汪洪德 提標千總 掌書范冕 清河拔貢 帳房湯之盤 官醫李福熙

阜甯縣 無

鹽城縣

鹽城學會報告成立書

逕啟者敝邑同志於客秋創立自治學社謀桑梓文明進步會報告貴會列爲附庸
嗣因能力縣薄未能擴張茲值東洋學生季龍圖馬爲瓏等假休歸里重新組織遂
於六月廿六七兩日開特別大會到場者共五百餘人以陳惕菴先生舊恙未痊不
克任事遂公舉陶中翰鴻慶爲總理其餘各部職員亦次第假定擬訂簡章定名爲
鹽城學會特此寄上簡章一份報告貴會存記

鹽城學會章程(略)

鹽城學會職員 總理 陶鴻慶(下略)

清河縣

清河學務公所報告書

憲法實行在即各省府州縣均組織學會學務公所以立地方自治基礎前閱貴會章程至爲完善莫名欽佩敝邑聞風興起久擬集合學界同志立一支會並公舉代表赴貴會以便直接惟須俟敝邑留學游學諸君暑假回里方能成立茲邑侯李公曉墩蒞任以來見學會未立學務散漫遵學務處飭立學務公所章程極力提倡會同紳士先設一學務公所以示地方學務統一之象由此養成師範研究科學改良學堂方針一定逐節方有下手之處現已議定章程選定職員於閏四月初八日會議成立

清河學務公所章程(略)

清河學務公所職員 議長一人 侯舉 教育部幹事五人 王登雲 陳福咸

吳琳中 陳福頤 李荃(下略)

安東縣 無

桃源縣

桃源學會報告成立書

敝邑設立支會振一邑之頽風才力絀薄不自量度已於十一月二十八日開第一次會與會者七十餘人十二月十三日開第二次會與會者二百四十餘人互起演說發明立會宗旨在振興學務並仰承總會提倡先偕同志倡捐若干立師範傳習所一處（在城內王公祠）集義小學堂一處（在城北火神廟）改良蒙塾四處分置縣鎮四門教員由在會人各盡義務收取學生學費均受邑侯孫公認可惟僕等文明程度未能仰窺萬一方針雖定目的易差凡擬辦各項章程但就本地情形酌定俾合於普通人之思想未審合格與否謹奉公函仰祈總會執事裁示倘蒙不棄辱收敝邑支會代稟學務處轉飭桃源縣加意保護俾學界之前途膨脹發達敝邑幸甚

桃源學會章程（略）

桃源評議員張訓導相文報告書

敬啟者敝邑桃源僻處淮北地瘠民貧風氣最爲固蔽去年總會開會時竟無一人

到會者迨經相文函催始據邑人陶懋立潘儒林等來信謂總會簡章寄到縣城時爲學堂董事葛龍田田建瓴所匿遲之又久始知上海有開會之舉因招集學界中人組織支會並設初等小學四所高等小學一所惟葛龍田田建瓴則極力反對百方阻撓以管理學堂之人而有阻撓學會之事若惟恐學會成立將不便於董事之私計也者誠不知其是何居心也云云相文至總會閱陶潘等所寄來之章程雖大致妥洽而未公舉會董爲代表人亦未遵章繳納會費是與總會定章仍多未合也二月初旬相文由清江回縣將就便調查公私各學堂并擬誘導邑人組織完全支會初二日到城即往私設各學堂查看教科教法尙無不合惟無一文經費課本亦無能購買皆由學生手抄講堂設於古廟內湫隘已甚並有與糞坑相連者然困於經濟亦無如何也當即捐資百元以助之并商懇縣尊擬移於合宜之廟內或設法將糞坑除去縣尊已允照辦此後或可改良也至所云葛龍田田建瓴者向爲書院董事改設學堂後即爲學堂管理人田董耽於鴉片不甚理事葛董則奸狡性成惟利是視相文到城時先往見之勸其捐除舊習合羣辦事葛董不置可而去田董

則高臥煙榻呵氣如雲初三日晉謁縣尊方坐定則田葛兩董亦接踵而至相文復於縣尊前開導之如故葛董乃痛罵學會謂所設小學並無其事談次葛董問及官學堂學生欲緩納膳金事蓋因今年增廣學額經費不充乃收膳金每月千文也相文昌言出費讀書爲古今通例納費者留不納費者去此固無容遷就也縣尊亦以爲然即時懸牌示繳不意葛董歸堂直以縣尊本可允緩特以相文之發難而止播告諸生彼之意蓋深恐相文之扶植學會將借學生之力以傾去之也初四日相文至會場學生紛集羣以道路不通無從籌借代求緩繳相要挾相文責以大義斥以卑瑣非學生所應爲諸生相顧無言間有墮淚者蓋堂中不供膳食已數日矣且是時雨雪連綿泥濘深及尺許街上飯店炊煙亦將斷籌借之難覓食之苦誠有如諸生所言者相文惻然憫之告以緩繳決不可爲我爲諸君代墊可耳諸生聞言轉爲感激卽商之殷實鋪戶立條照付乃呈條後葛董復以雜費爲言學生怒之扭其至縣署對質半途而逸晚間忽率十餘人入室搶帳又爲學生瞥見互相毆擊卒將帳目亂紙搶護而去嗣見傾去相文之詭計不行轉以代墊膳金爲有意買弄暗嗾無

賴尋毆幸由學會中人擁送始得登舟脫去至清江後乃聞學生要求縣尊撤退葛董縣尊未允遂相率而散葛董以破敗既亟乃舉張文甫爲董事以代之張固葛董之曠人而耽食鴉片更甚於田董學界前途將愈爲可危矣且相文到滬後接郡城來函知田葛兩董已以學會中人斂錢肥己等語誣控府署誠堪駭異相文所調查學會中人量力捐資則誠有之卽相文亦曾自捐十元以助該會此猶總會之收納會費爲辦事資耳固未嘗徵及會外人分文也如田葛兩董身居局外學會中能令其出分毫之費否乎且田葛兩董辦理學堂亦有年矣所糜之款亦不少矣而書器之儲備何如學生之功課何如此固地方上所當過問者也相文見縣尊時亦諄諄囑託謂堂中如有不合之處當指導兩董責令改良然田董旣終日迷於煙窟葛董則深閉固拒不令攔入其內容固無從知之惟據邑人所述則葛董之罪有不可以擢髮數者寄宿舍以考棚爲之中無間隔不蔽風雨講堂則光線不明空氣不通大爲衛生之害不設浴室不設理髮所出入往來隨便自由所置參考圖書零落散失半爲其私人竊去此葛董盲於管理之罪也課程編定原有奏定章程可循而葛

董則悍然謂各科學全屬無用惟當以讀經讀史爲事所延歷史教習吳某又卑鄙淺陋惟長於叩首請安殆不知學堂爲何物此葛董昧於教科之罪也學生中稍有年少英發非其親族黨者則別立師範班名目限令一年畢業考其課程則又與通堂無異而與師範迥別不過驅令多數學生早年廢學而已邑治去省會略遠郵驛不免稽遲葛董於招考之公文函件又故爲延匿以誤之故蘇甯各學堂徐海兩屬皆有學生而桃源獨無此葛董毒害學生之罪也堂中稽查出入則其岳翁吳裕元也迂腐老悖笑端百出小學管理則其門生屈文祥也狂妄無知未嘗學問甚至齋舍役夫皆其佃戶時來時去借此以爲調劑此葛董位置私人之罪也至於公款之侵蝕詞訟之包攬相文旅外多年未敢遽信然已歷經邑人稟控在案含混糾葛殆不可以一朝清理也以每年消耗三千金關係闔邑之學堂旣已忍令若此矣學會中人仰承 朝廷興學之詔旨悉心提倡以窮鄉寒畯無財無力甘盡義務創立兩等小學爲改良私塾之起點稍有人心者猶當誘掖提攜使之漸推漸廣而葛龍田以總攬學務之人一意仇視必欲破壞之而後快且以學堂文明之地苛索小費橫

行毆打雖經破敗猶復汲引私人爲盤踞把持之計必令此方學子永沈淪於黑闇地獄無復有再見天日之望龍滌禍水流毒何窮且以歛錢肥己污蟻學會於總會之名譽大有關礙相文既有調查之責不敢不據實報告惟事關本籍而又不免有所牽涉義當引嫌迴避相應懇請總會另派妥人調查得實轉達兩江學務處分別辦理或逕請兩江學務處遴委明於學務之員詣縣確查如學會中果有歛錢肥己之人除飭該會斥逐出會外再請地方官嚴行懲辦如田葛兩董所控虛誣則該董之阻撓學務已有確據且該董所辦之學堂有無弊端所舉之替人能否勝任衆論難逃公理具在其應如何懲辦之處固非相文所敢斷言也爲此縷晰敬陳惟總會諸君子垂鑒焉張相文謹啓

致兩江學務處沈觀察桐論桃源學務書

省垣晤教甚懽別來時以爲念抵滬後檢閱學會文牘各處之以成立相告者固多而以新舊衝突來請保護者亦復不免頃適有一事不能不瀆清聽桃源一邑僻在江北風氣閉塞人所共知去年此間總會成立後學界中人頗知響應已經公舉會董設立

分會而本會調查幹事適爲其邑人張訓導相文後因劉延帥之招令辦理淮海徐揚師範學校以便旋里其里之小學向爲董事葛龍田所主持腐敗素著恐其一查而敗露也乃藉端與張尋仇爲先發制人計張去又遷怒學會欲摧敗之聞已在府縣控告謂會董與會員皆係安清會友此事無論虛實似與總會名譽有關張訓導雖係本會調查員而旣爲其鄉里之事所敵者又與爲仇之人似不便再令前往況事已經官敝會尤不便干涉應請貴處委員澈底一究如其實也則本會安得有安清之分會不特會章所不承認亦當由官嚴懲若其不然則誣告律有專條亦未便任其巖學會名譽且聞新令孫君卽係貴處文案將次履任弟等以爲此等風氣閉塞之地幸有通機斷不可聽其阻遏而衝突之起由於辦事者力求其通牟利者利用其塞彼此傾軋遂至交闕此後新令到任應請貴處告以辦理學堂之人可聽學界公舉公舉之前由縣布告定期於公所投票取其得多數者縣公決之蓋所事者學務以選舉權畀之學人則無論所舉者何如而公決之與獨裁迎之與拒其得失固有不侔也卓見以爲何如暇更請以辦法見示無任盼禱專問勛安

沈觀察桐復書

奉書誦悉近日學會稟報成立者頗多如能辦理得法實於學界大有裨益承示桃源學會一節聞之駭詫誠如來書所云無論虛實與總會名譽皆屬有關江北風氣閉塞幸有萌芽斷不可聽其阻遏至辦理學堂之人可聽學界公舉公舉之前由縣佈告定期於公所投票取其得多數者縣公決之以選舉權畀之學人公論自在此即泰西推舉之法行之學界當可少杜流弊來函所云卓識偉論三復之餘殊深欽佩業已函告孫令飭其澈底查究俟得復即奉聞并將此法推行各州縣一體照辦此復

致

兩江學務處
桃源縣孫大令

為撥捐興學書

逕啓者據桃源舉人王聿望等函稱爲地方興學擬提

該邑

金鍼菜花生等捐詎六月

初學務公所數人到衆興鎮演說商民誤會指爲聚衆鬧勒捐致電鎮江商會請

貴縣

保護實屬有關名譽懇即轉達

貴處

仍勸諭商民將此項儘數繳出以充學費等情

查

桃源
貴治源

風氣未盡開通去年張君相文回縣熱心苦志欲稍加整理已爲忌者所窘今

舉人王聿望等擬撥歷年侵蝕之款補助學費地方反對情形可想倘得貴處維持保護或有否者使通之一日爲此介函代達來牘附陳乞俯飭縣核辦爲幸肅請勛安

徐州府 銅山縣

徐州學會章程

一定名 本會設於徐州因地命名無省府縣界之分（此一條與他處異餘畧）

徐州學會職員 總理 祁世倬 協理 韓志正 文元柱（下畧）

徐州學會公舉代表書

徐州於八月十九日初開學會公舉楊君允升爲會長提議公舉會員往各縣勸導及九月初十日復行開會八屬到者百數十人公議稟設學務公所分職任事因與袁觀察意見稍迕遲誤至今原因複雜不及備陳其時曾電懇主持諒邀鈞鑒竊以學界之事至爲繁賾至爲切實非糾合同志互相研究必無進步改良之日楊君允升張君伯英張君佐清趙君品成張君仁普皆熱心教育之士足爲銅山代表此次來與斯會志在請益伏祈賜以南鍼俾不迷於所往歸而勸學庶有遵循肅懇再叩

鈞安

蕭縣

蕭縣學會會董介紹書

敬啓者總會章程每州縣各舉會董一人徐州蕭沛豐碭睢宿六屬去冬開會時未有到者彼時會長宣布代達各縣舉董報告總會茲有蕭縣學會公舉張福清君爲該縣會董并繳入會費常年費共拾陸元至祈察收將入會證券交下以憑轉寄嗣後學務要聞望隨時函示爲荷專泐敬頌進步銅山張伯英謹啓

碭山縣 無

豐縣 無

沛縣 無

邳州 無

宿遷縣

致宿遷縣萬大令書

逕啓者貴治舊有學堂應擴升中學兼傳習師範附設高等小學各節曾據宿邑士紳函來報告敝會詳加調查所指浮濫情形灼然共見自應由賢有司力爲提倡不至以有用之款擲諸無用之地陸舉人等熱心辦事尤應酌予維持至組織學務必設立學會辦公之地應設立公所大江南北所在皆是貴治聞尙缺如盍詢諸邦人謀茲公益尤深跂禱

陸文椿臧增慶致張殿撰論宿遷學務書

敬啓者辦事之難未有以一邑之公款謀一邑之公益而望淺力薄如晚等者也往者請升宿邑學堂阻力橫生迫控學務處以先生力得批准回謁邑宰萬公准予妥議開辦旋於二十五日發起廣告遵總會章程開宿遷學會且蒙萬公親臨舉定會長潘君訓良黃君以霽二人即以黃君爲學務公所總辦以潘君爲學堂校長均已由縣出詳定案矣及閱報章所載總會寄萬公函語益恍然於萬公之所以易與而吾宿學界有一線生機者始終皆先生之惠益令人沒齒不忘不意此事阻力乃有愈出愈奇者固由於本會之寬予資格亦由於憲批之釐革浮濫議裁監堂之束脩

而教官之阻力生議改教習之食費而張樹桐之阻力生議扣公費留學之贍家費而沈新藻之阻力生更如陸承燭之阻力乃袁教官移文到縣訂爲教員而未得者也而留學之沈教習之張亦皆袁教官所保送所薦舉者也阻力愈多則其團結愈固團結愈固遂有三月二十七日開臨時會之衝突先是二十五日招考學生越二日會長特開臨時會研究公所辦法私塾改良各問題所謂沈張陸三人者志在冲散學會以求達其私利之目的於是反對公議干涉學堂諸事而掣其肘與參觀學生一言不合遂相率無賴子弟爲野蠻之暴動而大闕於學堂在若輩素以攻訐爲能向後必有一番破我全局壞人名譽之手段惟是釐革浮濫係照學務處批示總會來函辦理竟致衝突如是如是故不裁浮濫則學堂之經費不敷必裁浮濫則他日之野蠻愈甚委曲求全無調停之善法苟且補苴有難全之大局望淺力薄如晚等者固知不勝此任幾欲浩然歸去回思先生面誨之言凡辦地方事既無人求之出復誰爲挽其去數語覺未死春蠶一絲難斷念寒素之無力則慨然歎慮補救之無術則悄然悲思先生提倡之熱心吾宿學界之沈痼又不覺流涕而興奮袂而起

惟是目前大局殆哉岌岌晚等心不忍去力不能勝近而邑宰以和平爲主遠而學務處又鑒觀不到微我先生更向何處呼籲之而求所以保全之也昔曾參殺人三告而其母去晚等德不如曾參名不出里巷而彼黨忌我而爲殺人之告者恐日益多將終無以求諒於長者之前用敢以不得已之苦衷再塵清聽幸乞派員調查詳其所以爲寓書學務處地方官有以防之宿遷學界幸甚臨書無任惶恐之至敬問起居不宣鄉晚生陸文椿臧增慶頓首上

再致宿遷縣萬大令書

逕啓者前上寸牋計邀台察頃接宿邑學界來函知貴處學會荷毅力主持業經開辦但氣候既稚則疑沮橫生聞有反對諸人相率無賴爲野蠻之舉動以冀遂其破壞之目的設非賢長官保護維持則該會辦事之苦心將終虧於一篲弟等以爲現在無論欲辦何事必歷種種反對衝突破壞之階級而後可期於一成夫及其成也則人人必以此反對衝突破壞爲無意識之舉動且益有以堅任事之心矣如其否也由反對而衝突由衝突而破壞徒以快無意識者之求而大局已不可問非徒學會然非徒一邑

然。執。事。試。問。彼。反。對。衝。突。破。壞。者。何。心。更。質。之。以。社。會。主。義。爲。何。如。事。恐。嘿。然。不。能。贊。一。辭。也。但。辦。事。之。人。或。有。純。疵。互。見。之。處。則。指。導。之。琢。磨。之。如。父。兄。之。於。子。弟。惟。恐。其。不。長。成。不。完。備。則。造。福。地。方。今。何。必。異。於。古。所。云。哉。再。貢。鄙。忱。不。盡。縷。縷。祇。頌。台。安。

睢甯縣 無

海州

復板浦鎮吳鴻年等書

逕復者承示貴鎮興學情形具徵留心教育可慰已將來函各節函請趙都轉酌量維持但學務煩密初基宜慎程度如何配置管理如何得宜自應悉心調查詳加考核來書謂科學仿中等階級宗旨錄舊界成童語意顛預殊無分曉究竟貴處所設北鹺公學若何程度如係中等階級額定幾名幾年卒業必須成竹在胸方足以資應付學界積病往往言事之人多而辦事之人少辦事之人多而解事之人少設言之尙不能了了則來函所稱官場爲問道於盲者不將反唇相譏耶學界琢磨不嫌簡直尙乞以審慎周詳出之至幸至盼

致兩淮運使趙論北鹺公學書

逕啓者頃接海州板浦鎮學界吳鴻年等來函內稱板浦有小學堂三所皆私立者慮教育權力未及周全卽國民義務不無缺憾板浦舊有敦善書院遂集公議改名北鹺公學取便本來之堂院略爲變通準款已有之票垣量加捐助藉以造鹺界一部分之國民亦以輔郡城官學堂之不及惟組織已屆年餘而種果尙無成效雖蒙學務處札催屢被海分司壓阻鴻年等以義務所在不敢以進退維谷致九仞一簣之虧亦未便於官紳交鬩致社會有黨朋之謗請扶助曲成等語竊思興學之 詔責成官紳本無畛域可分自明公履新以後此邦士子喁喁向風學界昌明正在今日該鎮所立北鹺公學自係鹺界一部分造就國民所必有之事惟教育問題須兼經濟果辦理得宜則保護維持實維賢長官是賴應請閣下轉致鄭分轉卽照函述各情扶助曲成俾鹺界學界有挹彼注茲之設施爲大放光明之基礎至學堂程度及一切規則是否合宜已由敝處函知該鎮調查海隅氣候尙稚方春發萌欣欣向榮已屬可喜若得乘機利導則朝披其華夕啟其秀是所虔望於賢士大夫之官斯土者

贛榆縣 無

沐陽縣 無

通州

通州公舉代表書

本屆開會通州公擬以通海五屬學務公所副議長通州第一高等小學校校長孫君寶書號敬民爲代表人肅具公函先期佈達

公舉靜海鄉職員書

再通境迤東一帶 國初舊有海門縣後省爲鄉改名靜海世家故族強半猶存二百年來沿有學額敝公所五屬卽以靜海居一 本年呈送陸軍小學生已荷督院批准撥額一名此次公推會董評議員應請靜海鄉學合舉一員業已舉定潘蔭東張蔭穀二君專函佈達

通海五屬送各校概覽表學務員紳學生總錄書

奉寄通州各校概覽表四十五張學務員紳學生總錄一本請卽檢收備查至前承

寄到報告空白摺轉發各校尙未收齊容卽催收彙寄

張殿撰審正告五屬各學校教員及學務董事文

爲謀一方普及教育之教員而設師範二年以來鄙人心力交瘁所有講習簡易兩科先後畢業各城鄉熱心教育諸君亦已先後建設小學校卽以通州計已五十餘處矣辦法雖各有長短然大輅椎輪初基已立此後惟有隨時改良逐漸進步以求幾於道一風同之盛惟據鄉里來告及鄙人所採訪者輒有未能滿意之事頃與學務公所同人考訂商量改良進步之法明白披瀝爲我師範畢業而擔任教員與夫地方擔任興學之諸君子剴切言之

一學費 五洲萬國除海陸軍及官立之師範學校不收學費外凡公立私立之學校除貧民學堂外無不收學費寄宿費膳費更不必論此不獨爲地方財政計亦爲養成國民公德私德計東西教育家蓋屢言之今通州五屬各城鄉財政大半苦絀既欲普興學校而令辦事人日處憂瘁之境必於擴充之機有所妨礙然學費太重則無力之人其子弟又有不能共學之憾今同人酌定公立私立初等小學校學費有

力者每月六角以十箇月計每年六圓次每月四角每年四圓又次每月兩角每年兩圓按鄉村單級小學校歲支極少約二百五十圓學生按六十名平均計每人三圓可收學費一百八十圓祇須地方及好義之士補助七十圓惟未至五年時補助不止此數盡力擔任所望於熱心教育者矣

一校舍 城廂大鎮制用複級或容寄宿房屋既多費用亦廣此爲四方模範計自不得過於苟簡若鄉落邨鎮僅用單級則大小房屋祇須七八間地基高爽教室窗櫺光線足用便已不惡望障可蘆不必定磚糊窗可紙不必定玻璃連用器具合計一千四五百圓可辦一鄉村單級小學校矣

一教習月俸 五屬之人師範畢業於鄉里皆有應擔之義務且養成師範之資悉出通廠於義亦應酬報惟念諸生貧乏者多是以以前按講習簡易本科各分優等平等定俸多寡等差以六膳資每年三十圓一例從同此外並無別項支給若一校請本科畢業二人數已非細非有大力誰能任之若師範畢業生中具本科優等之價值而願受講習平等之俸資或竟分文不受而盡心教授孳孳不倦者豈徒師範之榮

光抑亦士林之豪傑。倘有其人。乎鄙人馨香祝之。

一教員人格。人格不全。不足得世人之信用。上稽千古。橫覽九州。蓋無不由此者。何況厠身學界者乎。五屬自開辦小學校以來。師範畢業生。擔任教員。頗聞有行止交際不理於人口者。鄙人爲之惕息不安。國者家之所積也。家之興廢。繫於子弟。子弟之終身。繫於初學。學之良窳。繫於教員。教員之行止。交際不理於人口。何能取信於學生之父兄。父兄不信子弟。必且輕易其師。記所謂師嚴而道尊。蓋有深意。鄙人竭十年之力。聚八九萬之資。成此師範。而不能使鄉里盡受師範之益。心竊痛之。諸生將以爲科學之教授。終勝於科舉。教授之舊法。乎修名不立言。教滋訟。科舉界中人將竊笑其後矣。卽以最下乘論。藉教習以資生。江蘇一省各府皆有師範學校矣。畢業之人。朋興而輩作興。學立校者皆將良師。是求設口談公理而行實背之名。列學界而市人得議之。徒抱此師範畢業證書將焉所用。天演淘汰之公理。其不然乎。自今以後。師範每一次畢業。揭諸生科學分數廣告大衆。聽人擇請學務公所不再分派。若因失行爲人指摘而被辭者。公所亦不再薦諸生。須知科學分數者。諸生爲學

生。之。價。值。表。也。爲。教。員。之。價。值。表。在。諸。生。自。審。而。自。定。之。學。務。公。所。之。人。何。忍。以。一。校。數。十。家。子。弟。之。前。途。償。一。二。教。員。救。窮。之。苦。語。乎。願。各。勉。之。

如皋縣

如皋暫舉代表書

逕啓者頃由通海學務公所寄到貴學會舉行第一期常會簡章讀悉一切敝所公議現請上海澄衷學堂總理白孝廉作霖暫爲如皋代表人赴會協議嗣後倘蒙見示卽請直寄敝處學務公所或知照代表人轉告悉聽尊裁

如皋東區掘港場勸學所簡章

一定名 遵部章掘港在如皋縣治東故名爲如皋東區掘港場勸學所 一宗旨
以推廣本地學務籌款舉辦並講習教育研究管理爲宗旨 一辦法 設勸學
員一人遵部章五項辦法切實施行 一職員 遵部章以地方官爲監督因現無
縣視學暫假定總董一人勸學員一人皆由投票公舉 (凡贊成者皆有被舉資
格及選舉之權) 一權限 遵章於學務外不干涉他事 一功過 各員如有

應行獎勵撤退者悉遵部章辦理 一經濟 本所擬設伊始並無經費所有勸學員等暫盡義務俟籌有的款再行開支 一地址 權借求是半日學堂

如皋豐利學會簡章(略)

泰興縣

泰興公舉代表書

九月間初開學會時敝邑曾公推沈澥秋太史楊靜山徵君赴滬代表獲聞讜論歸告同人瞻仰斗山勿諛寤寐十一月中奉到札示得知常會日期適敝邑毀學一案冠蓋往來日無暇晷特函請敬銘振民兩先生兼爲敝邑代表並乞提議敝邑學案備荷維持俾敝邑危而復安學堂廢而復興敝所議長以諸務空集未克躬趨左右一申謝悃且感且慚嗣奉本州公所函屬敝邑公舉評議員會董各一人敝所僉推沈楊兩君兩君謙讓不遑是以遲遲未復茲又奉本州公所函催敝公所竊維總會簡章所定評議員及會董之資格權限非高致超俗者必不能爲末議之參非熱誠任事者必不免爲浮言所動敝邑老成耆舊未爲無人然當風氣開通之初經濟困

難之際欲求有守有爲肯擔任本地義務者實所罕覯沈君雅量楊君俠腸向爲邑人公認爰共推轂俾勉從諸君子後兩君辭不獲已重以台命不敢久稽謹開具職任銜名清單呈候採擇倘亦爲長者所許可乎

海門廳

張殿撰謇對於海門之請問

寒家僑居海門長樂鎮五十八年矣光緒甲午以前凡在僑所施衣施藥造橋修路或率爲常例或獨出己貲皆先子事謇兄弟致力於海門之公益自乙未丙申始蓋先子之命也

先子晚年恆言我有心事七期兒輩他日成之一長樂大河橫河石橋一鎮西石路一社會一鎮廟一義莊一家廟一長房住宅前四事皆地方事也自乙未丁酉二年內謇兄弟次第成之鎮廟除捐助百圓外籌墊九百六十餘圓社會由謇兄弟捐助二百圓餘勸浙江安徽通州人協成約凡用千一百數十圓海門止楊梅汀一人捐助三十圓石橋三凡用一千五百三十餘千石路一百六丈五尺凡用一百六十餘

圓皆出獨力未用本地人一文戊戌社倉成海門人龔姓不慊於監工修廟造倉之董事許聘三糾衆打毀其店屋貨物值一百十八圓嘗任賠償又響應龔姓之無賴人燒燬社倉及嘗兄弟捐助之麥百石稻三十石海門廳訪明責成施姓賠建不能完工嘗兄弟又捐三百圓助其成海門廳捐麥百石嘗兄弟復捐八十八圓購麥以助實倉

海門故無蠶桑之利丙戌秋請地方官諭勸無效戊子合友捐貲購桑秧貸勸無效庚寅請免出口絲繭捐仍無大效壬辰冬與海門廳招商開設繭行癸巳甲午效著前後凡九年丙申釐局復議繭竈捐力爭乃定按烘數計竈以維護之今海門歲出繭值二十萬圓海門故患命案相驗紳士請復道光年間溥善堂督道批准駁於撫不行庚寅爲請於護院黃公嚴檄從紳士請勒限舉辦仍齟齬於書吏苦戰五年而後大定今海門民不至患命案擾累二事除未用地方一文外助田貼費亦百數十千丁酉下沙水災嘗兄弟籌款三千圓捐貲一千圓與蘇人劉燮鈞海門人楊點辦賑兼闢塘蒿河一千二百餘丈引水入蒿枝港甲辰開海界南星鎮河數千丈籌助

三百圓乙巳潮災謇兄弟籌助工賑四千餘圓至三年一屆之青龍港河其所捐助或多或少已是常例不在此列乙未奉 諭旨督辦通海團練通州海門均自捐錢五百千而謇之一身及於僕御未用團練局一文全案具在可以覆按此謇對於海門地方之事實也

海門前苦廩額少海門人劉逢吉秦駕鼇沈燮均屬爲協助力請於學使夏公奏增廩額四名苦學額少甲午爲請於禮部尙書李文正公增學額二名本無拔貢與沈燮均周家祿協力請於學使黃公奏設拔貢額謇之手未爲海門人用去一文此謇對於海門舊學務之事實

甲辰年創長樂鎮公立初等小學校因廟爲之增屋十一間移置偶像修改教室寢室凡用二千六百九十餘圓海門人止楊梅汀助十圓餘皆謇任仍名公立者俾地方知應有擔任教育之義務也共長樂鎮之社倉者凡二十八圩約以四圩一校計共須七校是年呈明地方官謇兄弟次第任建是年海門廳及紳士公同以高等小學校屬爲整頓先是一年已爲派師範速成科生樊璞往東留學考察備海門興學

之用至是學成而歸乃屬以海門高等小學之監理并以通州師範學校監理讓爲海門校長而捐助千圓以資其改良教室乙巳年營張氏私立初等小學校凡屋大小十五間用費二千九百八十餘圓丙午年營妻營張徐私立初等小學校第三凡屋八間用費一千七百餘圓此蹇對於海門新學務之事實

海門之地本由通州劃撥十九沙崇明劃撥十一沙而成海門之舊學額亦由通州劃撥二名而成故考試附於通州海門官紳合議中學仍附通州者本此蹇通人而僑居海門情義均無可辭故今春三月二十日通海五屬會集通州合議中學海門之官紳皆預焉蹇捐助千圓及聞復有人願自辦中學不附通州蹇亦贊成仍許以前助合辦之千圓助之函告海門廳請以自辦中學改報學務處而復書仍申合辦之原約蹇乃與訂通州自營中學一二年內海門果交到建築開辦費如原任一萬六千圓之數卽一切悉如前約否則何時交卽何時附聽海門之自度通州不迎亦不拒此蹇近日對於海門中學之事實

四月初忽聞海門人詬責之詞王徒與且有匿名揭帖種種誣巖業已照例請由地

方官查案傳詰惟念海門人甚多以一王徒與推之必尙有類於王徒與者安能一門到戶說是以條列鄙人對於海門信而有徵之事廣布請問如有一語虛一事誣者請海門人指證願受公責卽所列之事或蒙諒爲不虛不誣而他事有如王徒與所謂推敲剝擊者亦願諸君確鑿指出使鄙人聞過鄙人實受其賜公是公非之理鄙人雖不敢望於王徒與一輩人亦冀海門人猶有明之者僑居之人不止謇一家頗望海門人勿播此種種惡感致自敗可合之羣也

致兩江學務處論海門學務書

逕啓者海門學界向稱窳敗其有待振新固也乃至自號振新者離奇橫決非維無救於窳敗而學界騷然益不可終日一二抱朴之士引身事外爲潔己之計時事至此殆不可爲己先是顧中一唐斗寅楊清華等建議民立師範有贊成之者不半月種種不規則之事禁之不可遂起衝突又因細故挾嫌與教員衝突因不名譽事與警察局大衝突又屢次赴滬運動好事學生到海衝突廳丞欲嚴事淘汰若輩復昌言民立非官所得干涉不受監督此一事也通海五屬合考故中學多主合辦乃海門兩等小學建

設未完之時卽有中學去年地方紳士稟奉督部堂准改爲高等小學校以定等級有案三月間中學之議垂定大致謂先合通後自辦自辦之時將合通之款收回官紳皆認可矣獨民立師範顧中一茅拿塵糾合王徒與等劫持其懦弱者回海開會仍自辦然數月以來毫無把握夫設一中學就極簡陋而言開辦常年非預籌十萬元不可罄海門之貲亦不足以資粉飾況小學尙未完備更從何處選補此一事也顧等既不爲官紳所許可卽借開學會爲名於是董界訟界中人乘機紛起到會者闐溢衙役買豎皆在座妓館煙館主人亦書贊成學會字樣舉沈燮均龔世清二紳爲正副會長沈致函廳署力辭因批斥未准六月龔紳復預會卽獨舉龔爲會長次日龔紳將稟件面呈廳丞丞謂學會宜清人格當剔去沙案積訟之陳廣和等數人此又一事也夫以亂氣。校。奮。之。輩。於。事。實。之。眞。相。社。會。之。確。情。既。豪。勿。研。究。以。民。立。師。範。之。名。詞。遂。謂。可。以。弗。受。官。長。之。監。督。與。紳。耆。之。商。權。民。立。名。詞。之。不。足。又。加。之。以。學。會。近。更。有。人。勦。軍。國。民。教。育。社。民。也。會。也。社。也。皆。取。其。衆。多。之。詞。愈。衆。多。則。疾。病。之。傳。染。愈。廣。亦。愈。不。可。救。查。學。部。新。定。教。育。會。章。程。私。立。學。校。之。不。合。者。由。會。直。接。干。涉。官。立。者。則。陳。請。地。方。官。

吏又云挾私聚衆阻礙行政機關應卽令解散夫中學造端宏大必待官紳合籌明矣逞一時之意氣有破壞而無建設海門一隅胥受影響揣智能均有不敵則又巧爲鼓動以會與社之名詞逞其阻礙之私見揆之部定新章均不在許可之列敝會旣迭接報告不能緘默但學會處評議之地位還以質諸司裁判權者敬頌台安

蘇屬

復旅甯各府學會宗君嘉祿等論蘇州徵兵事書

逕啓者敬電悉論徵兵事誠然但學會宗旨專事研究學務不涉學界外事雖有提倡尙武一條不過注意體操或徵兵之時爲之演說勸導以及歡迎歡送俾人人寶貴軍人之資格學界能事至此已畢至於入伍以後剛純乎軍政界上所管轄未可再爲干涉失學會之宗旨生政界之猜嫌此事曾據會員寶山李君來會報告本會卽爲剖晰界說然軍政關係匪淺故卽由蘇松太三屬紳士組織致函當道並陳意見於京官會登報紙將來必有辦法諸公熱誠敢以奉告此復

蘇松常鎮太五屬京官致

江督蘇撫

論積穀提款辦學書

敬啟者蘇垣學務處議提積穀一事頃接蘇松常鎮太五屬在籍同鄉楊君宗濂等四十五人公函當經撮叙大略電達籤掌諒蒙鑒察連日在京同鄉籌議與楊君等僉表同情用就原函所指各節謹爲大公祖縷晰陳之查隨漕帶徵積穀原爲備荒而設原定大縣限四五萬石小縣限三萬石官紳會辦遵繳有年尙能相安無事蓋冀穀額報滿積儲較豐民力當可稍紓現因興學諸務關係重要就地籌款尤難各屬紳耆迭經公議擬援錫金成案接辦已屬設法變通萬不得已之舉若再將此興辦地方要政有著之款項遽提他用揆厥事理豈得爲平按諸輿論定多反對此其不宜提者一各屬此項積穀按照小縣核計每年帶徵並不見多就每屬之款辦每屬之事各按城鄉分派爲數已極有限尙賴他項公款補苴或紳富能解囊捐助始可略有實際學務處綜持全省學務近來迭奉 明詔興辦學堂該處理宜通盤規畫寬籌的款設法補助俾資提倡即使經費無著而局勢較宏不難另行籌措何可反取各屬區區公款爲其供億此其不宜提者二興辦學堂必從各屬爲起點學生皆籍各州縣倘各屬不能興學則各等學堂皆同虛設而學務處更爲贅疣現幸紳

民公商允洽移用此項積穀爲興學計正當因勢利導豈可自窒生機果使各屬經費過絀所辦學堂必至有名無實況此款祇丁漕項下之一端此外取諸商民者尙多專事取盈於此徒致擾敗各屬學務揆諸設立學務處原意豈不刺謬此其不宜提者三接辦積穀事出紳民自願呈官立案就地地方之款辦地方之事官紳互相維繫輿情所在措手較易今有着者既經提取勢須仍由各屬另行設法藉爲挹注近來物力凋敝豈堪再加搜剔各省學堂籌款抗捐屢經滋事可爲車鑿紳民解體阻格尤多不特興學絕望且恐益增擾累非地方官之幸福此其不宜提者四總之事關五屬公益紳民意見相同從前息借一案就此酌提係經聲明籌款有着本息一併歸還誠因地方公款理宜鄭重必須多留餘地現在興學諸務較之積儲備荒正復均關緊要學務處果爲應急起見總宜與地方紳民公同籌議辦公方足以昭平允近來風氣大開地方自治日漸萌芽情勢迥非昔比各紳民應盡義務不得不據理力爭某等爲桑梓大局起見誼尤難苟安緘默夙稔大公祖無我爲懷羣情悅服必能俯加體察妥籌核辦敢再據情籲懇務乞採納芻蕘五屬紳民同深引領臨顛

曷勝惶悚待命之至陸潤庠陸寶忠顧肇新唐文治吳郁生等同頓首

江督周復京官電

陸鳳石尙書諸公同鑒昨奉豔電敝處查無案據即轉達筱帥查示現准復稱銅元限鑄蘇州師範各學堂月支經費每無的款官紳會商冬漕接收積穀每石捐百文提半歸學務處稍資應付由濮藩護院時批准每歲約三萬餘金不及付款三分之一五屬紳士未悉原委疑爲費紳薪水雜用開支非學堂正用致生爭端昨接諸公豔電已電復從緩再另函詳復惟興學經費支絀異常提學將臨必須從長計議云特電復馥支

蘇撫陳復京官電

陸尙書諸公同鑒豔電悉積穀提款遵示從緩興學經費支絀異常函詳復龍冬按積穀提款事京官往返函電均由任觀察逢辛送會編者識
裘孝廉廷梁致任觀察逢辛論積穀提款辦學書

敬啟者蘇垣學務處擬提積穀一事執事聯合京外官紳力與爭執凡在學界感荷

同深查積穀帶徵一項卽日本地方附加稅斷無輸入省垣興學之理稅有國稅地方稅之分學堂有官立公立私立之別界限不明上下交爭將無已時蘇省各屬奉詔興學均因籌款艱難殊少進步此項穀捐辦成實爲進款大宗學務可冀發達一經省垣提取則爲數有限在他處則縮小將來興學之需在敝邑則敗壞現在已成之局五屬紳士及同鄉京官旣已函電紛馳爲本地力爭此款自宜堅持初議百折不回務達其目的而後已江南紳士懦弱無毅力久爲海內所輕一雪斯言將在此舉此而可以提取則此後凡地方有着之款皆將爲有力者奪取以去後患何可勝言故界限不可不明也姑以日本言之中學堂小學堂及初級師範學堂之費皆取給於地方稅或附加於國稅之中或在國稅之外惟帝國大學高等學校高等師範學校則取給於國稅界限井然不相淆亂蓋普通學校意在教育多數之國民其校數以多爲貴而用費較輕故委之公立就地可以分設不如是則習普通學者不能多也至若高等學堂以上爲少數人才程度旣高力造精深而設規模宏大歲費動輒數十萬非國力不能任此故胥由官立蘇垣所設學堂寥寥無幾不如北洋及

湖北廣東遠甚其中惟高等學堂理宜官立惜其內容尙無高等程度耳此外中小學堂及初級師範官爲提倡之使成立足矣就地方之款辦地方之事必與他郡縣一律方爲公允今乃一切在外銷款內開支則上侵國稅矣近因國稅支絀遂擬提用各屬積穀捐之半則又下侵地方稅矣前後所爲惟意所欲其故由於官立公立之名義未晰也日本全國學堂何一非官所監督而不得謂之官立者費非官出也質言之則費出於國稅者謂之官立出於地方稅者謂之公立出於一二人或數十人組織而成者謂之私立自吾郡言之近方創建中學堂由各縣分任其費而敝邑所設初級師範則出自積穀附加稅雖經費竭蹶未敢上請國帑補助也獨省垣辦法不爾其所設中學堂與各郡同小學堂與各縣同初級師範與敝邑同明明公立學堂之資格旣號爲官立則一切仰給於國庫國庫不繼又將取他府縣之脂膏以供省垣之用揆之公理毋乃不平過甚廷梁之愚以爲此事須由京外官紳合力堅持到底一面運動在京同鄉諸公專摺上陳將官立民立國稅地方稅之界限援日本例一一疏明請 旨飭下蘇省督撫嚴飭各州縣以此項積穀捐各創辦初級師

範學堂一所既上符奏定之章程亦下立普及教育之基礎如此辦法則穀捐一項可以永存本地興學而他項附加稅亦可徐及不致爲官所奪於大局所關匪細推而行之蘇省之幸亦天下之幸也此事京外官紳同心協力必能如願然非執事主持而運動之他人之力不能及此凡在學界歌舞先生之功而崇拜之者累百世而未已芻蕘之言伏維採擇

蘇州府

致蘇撫陳請查侵佔校地書

春風扇煦使節遙臨固知布憲敷和福我吳士海濱逃聽以爲懽忻弟去年聯絡同志在滬設立學會期以邦人見聞互相研究貢之當事聊爲流壤之資其簡章既經官認可矣前據蘇學界報告辦學人員在學堂公地建造私宅其所指蓋卽羅署正振玉叔蘊潛心教育夙與同志似不應有此事因屬調查員汪中書鍾霖覆查人言乃不盡誣謹將元函錄送台端竊思茲事果真不特吾蘇學界在所必爭卽羅署正雅負時譽尤不便以徇默不發遂其偶誤之非似應請公視事後委員會同學務處澈底清查定一

辦法庶足以平蘇人士無窮之怨讟而羅署正且當感大君子愛人以德之盛心宜亦新猷所有事也敬貢芻蕘卽希垂察

蘇府學務公所紳士請查侵佔校地公呈

爲學堂監督有意謀佔校地擅建私宅環請飭勘以彰公道事竊蘇州兩級師範學堂當未將紫陽校士館暫充校地之前奉升撫憲端諭將撫標中營操場改建由舒守體元於光緒三十年十月稟稱界內查有民房桑園等地應飭縣議購並飭中營將演武廳拆去以便興工等因旋有續備軍管帶赫把總遵飭工役將演武廳拆去所有操場地址於十一月十四日一律遷讓申報在案查該操場西至護龍街東至行臺北至大太平巷口凡營內勇丁操練向由西北空地爲進出之路路寬丈餘兩傍栽有樹木迤邐以達演武廳前是以升任撫憲端飭將東北面民房桑園購入係爲劃直界線起見嗣因經費無着暫未起築由師範學堂監督羅署正振玉議將東面作爲學堂公共體操之所西面暫假營用旋於三十一年四月常備軍統領劉道體乾以中營操場爲學堂劃分兩區不敷操練稟奉前護撫效批飭另覓空地在案

既曰不敷操練其西北盡係場址並無無主荒地可知是沿街起至操場一帶空地全爲師範學堂界址均經歷任大憲指明撥定斷不能以尺寸讓人今羅署正竟在該地建造住宅其西北面直至沿街爲止所有演武廳舊基亦佔造在內查公共體操場之後現添設附屬小學舒守所稟之民房桑園尙在其北羅所造屋適與民房桑園毗連就界線而論尤可爲北面全係公地之證據訪聞該地已有盧秉章其人向農務局繳價領照俾羅任意建造查三十一年四月間有師範學堂帳房許受恆至代辦仁二圖圖董張元桂處囑代領地一方張因與許素未認識答以請逕向農務局承領至五月二十日許赴該圖董取結之時始悉領地者爲盧秉章及十月間豎立界石許又與師範學堂帳房李鶴章同到地址張以許李均師範學堂中人詢以是否推廣學堂之用許李答云並非推廣係另建民學云云而盧秉章與張元桂自始至終未見一面其爲設法朦領殆無疑義竊思升任撫憲飭營拆讓演武廳原爲興造學堂之計當時羅亦主張其事何以今日反在廳基上自造住屋西北一帶任意興築致於撥定完全校地大有損礙深負升任撫憲端銳意興學至意現正日

夜趕築罔恤人言一若身爲監督即可將公家指定之區爲廣營私第之所士論洶湧衆情沮抑卽在紳等與羅署正素無恩怨亦難爲之掩飾省會爲觀聽所係在羅署正亦豈能指鹿爲馬欺全省士紳並以上欺大公祖乎此事爲全省人士所不願大公祖下車伊始式煥新猷主持公道紳民同盼爲此聯名具呈伏乞大公祖大人迅賜飭令先行停工檄縣按勘明白無任狡飾尅日遷讓歸公以維學界謹呈蘇府調查員汪中書鍾霖報告侵佔校地書

敬啟者前次報告蘇州師範學堂監督佔造公地一事現悉此案已由省中學務公所總理彭紳等聯名百數十人呈請撫院飭勘押讓矣一切情形俱敘入公呈內另紙奉覽惟此中尙有問題應談判者如盧秉章旣向農務局領照何以圖董始終未見廬一面均由師範學堂帳房許受恆一手經理而盧旣登報代羅辨白謂自造房屋租與羅作住宅另給租金何以師範學堂教員王國維致函總學會又稱羅賃其地自造屋宇至該操場改作學堂基址雖經撥定有案而周圍並無界線亦未載明丈尺何以農務局能憑空分爲官地荒地先由許受恆與之說妥再行飭令圖董補

結似此種種歧異無論羅盧是否一人照法律上正當之裁判諒可切實解決近聞院批有飭學務處議定和平辦法之說然則以主張圈入空地之人卽爲營造私宅之舉路人皆知相視而笑迫不得已聯名具控豈猶有所謂不和平者耶伏讀 諭旨有各學堂師長尤宜辨別義利整躬率屬之語今師範學堂爲全省教員而設爲監督者乃首佔校地自營私宅豈此即學務人員辦法耶省會爲觀聽所繫教育行政上有此重要問題學界上有此墮落私德敗壞公益之舉夫所謂和平者究竟作何辦法務乞迅賜開會提議公決咨請督撫憲秉公照例查辦以慰輿望并使後來辦學堂者毋以我江蘇師範學堂爲口實也幸甚盼甚

羅署正振玉辨明調查員報告登報書

此事在蘇紳本是藉端發難其宗旨則在排去外人蓋緣尙書蒞蘇興學師範學堂任弟不疑而堂中教員及執事員無一蘇人又有蘇紳某屬弟向撫軍爲其介弟求改私費留學爲官費并託運動欲將所輯某報爲學堂教科書兩事均未成故遷怒於弟此弟得罪蘇紳之原因也及去冬弟奉諱蘇紳某者又上書陸中丞請改派師

範監督其稟詞中有云羅某辦理亦未嘗不善又云未便屈留其包辦學堂此稟陸中丞未批而該紳所薦之某太史亦未到堂陸中丞及濮方伯復堅留弟故弟雖去蘇而此堂由江叔海觀察暫代蘇紳益含恨及弟向舍親盧君借地造宅乃開學會借題發揮謂是私佔公地並請張季翁函請陳中丞查辦蘇紳又於各報刊發調查員報告書並上一稟於陳中丞張季翁亦移書於弟諮詢此事弟當作書答之昨得其復書言得復甚慰此事可熟商不須爭執蘇人謂然云云而近來學會諸君曉曉尙如昔故不復緘隱將該會調查書加以駁正並答季公書與其答書並奉呈此中曲直一覽可知而尤可笑者該會調查書言業已查勘確實乃於盧秉章告白出後又改其調查報告則爲一稟以上陳中丞其實稟中譌誤仍復不少如云演武廳亦闌入圍牆之內而該廳實在圍牆之外一再調查仍屬疎誤弟甚惜該會調查之未能得人也現此事陳中丞以地係價賣與稟詞不符若加批駁有傷蘇紳顏面意欲調停了事屬弟不必介意然此事黑白終須判明故陳大畧祈並弟此書刊之貴報以聽社會之批判可也再弟在都時舍親盧君曾登告白言此地乃由渠造宅弟向

之賃屋居住爲弟隱造宅事其實弟借地造宅自問無歉故於致季公書仍從實直書不欲作此無謂之曲筆合併陳明

復羅署正振玉登報辯正書

昨閱中外報登有羅署正辯明江蘇學會調查員報告事一則其界說有須分晰之處

如既稱蘇州學會爲難情形矣又謂辯明江蘇學會調查報告又謂該會調查之未得其人又謂學會諸君嘵嘵如昔是以蘇州學會所爲難者混合於江蘇學會其實此事係蘇州學務公所彭紳等列名亦非蘇州學會也蘇州紳士報告到本會本會即據報告而調查又由調查而報告皆爲應盡之職務本會接到報告後業聞蘇府紳士聯名公呈督撫是此事是非自當聽官場之批判於社會無與也本會又何能贊一辭哉足下原函既稱陳中丞欲調停了事張季翁亦謂可熟商不須爭執曰調停曰熟商皆若有不得已者然足下思之豈僅如來函所云恐傷蘇紳顏面乎至謂蘇紳宗旨在排去外人此言又不意出之足下省界之說一年以來苦心分明已漸漸融化而足下又執此說以鼓吹之然足下替人聞係王旭翁權代足下之言幸而不中蘇紳排外之說不

辯自明。此則關係我全省影響者甚鉅。本會所不敢承認者也。至佔地一案。此間權限止於調查。吾甚願足下之勿負陳中丞張季翁之忠告也。行矣。勉旃。敬昂光采。本會此函重蘇人之名譽。亦重足下之名譽也。希公察爲荷。

蘇府調查員汪中書鍾霖復羅署正辨正書

逕啟者。近見報登有羅署正辨正各節。一則曰。此次難端。聞發自汪甘翁。又曰。屢次登報。詆誚非朋友忠告之道。又曰。汪舍人曾至農務局詰問。責以倒填年月云云。是以全省師範學堂之事。集矢於蘇紳個人。交際上噫。羅叔翁誤矣。此事聯名具控。係蘇州學務公所彭紳等百餘人。並不列名。亦非由學會改其調查報告。別爲一稟。以上陳中丞也。上海總學會據報告而調查。又由調查而報告。此應盡義務。無所謂發難也。此外究有幾次報上係鄙人所登。詆誚之詞。鄙人與羅叔翁素無嫌怨。案已由官判斷。本不必再行爭辨。惟既承將調查報告書逐條駁正。則請復告如下：（一）坐落之說。係因學堂屬吳邑之誤。（二）監督於學堂工程。本應與聞督造。與否無關出入。（三）推廣體場之意。果出自羅江。而兩監督即學務處參議。無所分

別如謂四面空地未嘗有一併圈入之說請檢閱三十年十月分赫把總承拆演武廳之申文此撫院有案不可誣也並見彭紳等公呈（四民間不領價之說是指明西北角之空地不能以西面石坊傍之民房現今給價購拆者相牽混也然同一學堂傍地何以現有之民房尙須拆去而空地反可造屋）（五調查之初動工未半止見在演武廳基上造屋後面圍牆尙未築至沿街是以有橫貫之說所謂緊靠者亦指公共體操場而言）（六練兵既須別覓處所可見全地向歸營用此外並無餘地如盧所領之民荒六畝相近否則劉觀察何必因不敷而欲另覓況劉稟有准羅照會內開等因之語時羅實兼學務處差）（七農務局確已去調查過當時止問其一

大片空地中究何所據而分爲官地民荒彼此卽嘿然分散該局中何必自認作賊羅亦何從與聞該局事耶）以上情節均於正義無關緊要其最爲此案定論者祇須問明羅所造屋之處是否公地領照之盧秉章有無其人二語現在除赫劉公文暨廳基照片可作鐵據外如羅叔翁自稱宅之東面牆外相距數尺有建築遺址高於平地二尺餘磬石猶存者此卽演武廳基然則與演武廳基相距數尺之處請問

是否操場究竟爲公地乎爲私地乎兩旁應否建造民屋況眼睛九百六十隻之函告廳基實在圍牆之內日見初報一但羅叔翁所恃以藉口者有農務局領照然報告之第二日盧秉章卽能登報代羅辨誣何以省紳具控奉批長吳二縣勘查以來事已月餘盧從未到場伸訴竟如圖董張元桂自陳意見書中所稱領照豎界石均由師範學堂帳房許受恆一手經理自始至終未見盧一面祇此兩端事之虛實不辨自明矣鄙人於叔翁造屋之處與演武廳基相距祇有數尺尙未報告誠覺疏誤之處仍多敬承明告助以調查之法俾得該屋之坐落方向活現紙上以供社會之批判曷勝紉感

長洲縣 元和縣 吳縣

長元吳三縣公舉代表書

敝處長元吳三縣已由府會舉定代表赴會屆時務祈公認招待外六縣如即舉定再行函告茲將三縣代表員姓名官階職務開列於後 王同愈 尤先甲 吳本善 章 鈺 陶惟坻 顧念聰 以上六員屆期陸續到會敬請鑒察

靖湖廳 無

崑山縣 新陽縣

崑新學會公舉代表書

貴會舉行第一次常會之期敝處應公舉代表張君方中字惟一興辦學堂卓著成效爲敝兩邑學會會長聲望尤衆所推服徐君夢鷹字季揚研究教育游學日本甫歸得有卒業文憑之二君者與貴會資格相符可以屆時赴會茲謹先期佈告

常熟縣 昭文縣

常昭學務公所公舉代表書

學會成立不勝欣頌照章每縣舉代表二人以上敝兩邑推舉五人資格另紙錄呈屆期各當赴會先此知照 邵松年 俞鍾鑾 蔣元慶 丁祖蔭 蔣鳳梧 常昭學務公所及學會報告在學諸生逞忿情形書

謹肅者敝處學界情形自奉 明詔停止科舉後即由常昭縣尊會同兩邑紳士議定開辦學務公所及師範傳習所事經兩邑尊通詳各憲批准有案本月二十一日

上午九句鐘在石梅官學堂內開辦公所兩邑尊兩學師及公所總理參議各職員均先後蒞止正在商議辦法突有在學諸生五六十人洶湧而入一言不發驟將公所參議蔣君元慶揪髮揪地攢毆受傷并撕毀公服經兩邑尊及常學師竭力勸解猶復咆哮不已逞憤始散當時目擊動手者爲沈朱軾方壽萱狄恩霖趙允綬袁景韶等此等風氣幾與無錫泰興毀學相似若不迅速查究恐本邑學堂皆將波及而辦理學務諸人亦將解體矣現各學堂已一律停課聽候究辦事關緊急用特飛函報告并乞貴會長速卽據情轉達蘇憲派員迅究以弭風潮而全學界幸甚幸甚

致蘇省學務處書

敬啟者頃接常昭學務公所來函稱開辦之日有在學諸生將蔣參議元慶攢毆受傷撕毀公服經兩縣及學官勸解等情查該縣紳士開辦學務公所及師範傳習所既據稱由縣通詳有案何故於開辦之日諸生逞忿攢毆且有縣學各官在座而任意咆哮殊不可解學界萌芽必遭多方摧折然讀書明理之士子尙不顧大體惟斤斤於幾微之膏火爲破壞之舉動來函如果屬實試問該諸生等置煌煌諭旨於何地時事艱

難興學至亟。若仍視學校如科舉。認書院爲學堂。外侮侵尋。恐將來欲再合羣興學。而不可得。遠監印度。近視越南。可爲寒心。可爲痛哭。該邑素號文明。而現象如此。愈見普通知識之消亡。而普通教育之益亟。非官長爲之扶助。則一倡百和。既足以灰任事之心。又何以收興學之效。所有常昭諸生逞忿情形。合抄函送呈貴處。煩即代陳撫部院。迅派員前往會同常昭兩縣。秉公確查。既有縣學各官在場勸解。則見聞必確。應如何量予扶助。以抑刁風之處。伏候台裁。

常昭學界去秋迄今春始末報告書

常昭兩邑向有官立公立高等小學及初等小學二三所。自去秋停止科舉。學界紳士議設學務公所。以期擴充學務。企謀教育之普及。而師範尤爲小學之基礎。爰於八月二十二日集議於常邑。署議以游文校士及賓興租息二千餘千。辦理師範傳習所。又以典捐項下一千四百餘千。津貼公立儒英思文三學堂之不足。業由邑侯主席公衆決議。此常昭兩邑初議辦理學務之情形也。師範傳習所業經由縣詳報。各憲正擬舉辦。間忽有校士舊生糾衆設立城南公學會。擅開明倫堂演說電稟各

憲誣控邑紳反抗學界名爲改辦師範學堂實爲保全校士起見而師範傳習所之前議竟至延擱三月未能實行此阻撓辦理師範之情形也常昭學務公所既經各憲批准於十一月二十一日在石梅官學內至山堂開辦正值邑尊蒞止士紳齊集之時突有校士舊生數十人（城南公學會）一言不發竟將公所參議蔣元慶撕毀衣冠揪地攢毆經邑尊喝阻不理逞忿始散公所局面至於掃地當經全體職員具訴蘇學務處不及派員查辦而舊生輩聳動巨紳（龐）強爲干預迫縣敷衍了案具稟詳銷此鬩鬧常昭學務公所之情形也自經鬩鬧公所後舊生氣餒益復鷓張惟舊議師範傳習所勢難中輟由公所總理主任開辦留京諸紳同時電縣亦將辦理師範責成公所而舊生反抗愈力又復聳動巨紳遽將校士賓興及各學堂津貼款項一併佔奪借辦理師範學堂之名爲位置鬩鬧諸生之地此巨紳佔奪地方公款擾亂公所事權之情形也自佔奪公款復延不開辦常昭學會同人素知某巨紳從前辦理官學有名無實而師範一項尤爲養成教員地步斷不可苟且從事以致謬種流傳貽誤後學同人有鑒於此不忍放棄義務爰特捐集私款二千金延請日本

師範畢業諸君借地官學另辦師範傳習所尅期成立於三月初一日開校現有學生六十人此常昭學會辦理師範傳習所之情形也自同人發起傳習所開辦一月後某巨紳既佔公款恐遭攻擊遂敷衍招考於四月初三日開辦校中圖書器械一無所有借聘官學教員一二人并無管理每日課程僅有國文歷史地理圖畫體操三小時反缺教育博物理化諸科實不知教育本原所在（開校數日體操圖畫俱以衝突輟課）此固無待調查卽知敷衍塞責植黨營私此巨紳辦理師範學堂虛糜公款之情形也常昭學會公啟

常昭會員論辦學人員當由選舉之意見書

自科舉停後各處學堂漸多教育所及風氣足以轉移萬一辦理不善其流毒社會亦正不小吾國存亡興廢之機殆將以學堂之良楛以爲衡近來蘇垣學堂尙多不滿人意之處而內地州縣之對於學務往往是非不明橫生意見以故頑紳劣董反得把持公款動輒阻撓而苦心興學者不爲人諒賢者無所勸不肖者無所懲則人亦何爲而不灰心也推原其故由於學務處不盡得人遇事顛預無形之中貽害甚

大蓋學務處爲主持全省學務之機關而辦事如此欲收良果不亦難乎今提學使將次蒞蘇論者謂蘇省學務振興有日雖然竊以爲學務之興當恃衆人不當恃一人當收效於永久不當責望於眉睫查提學使行政機關全在省垣學務公所故公所與學務處實爲全省之總匯而提學使總其成公所得人則一省之學務興公所不得人則一省之學務廢至若議長議紳課員省縣視學等員皆佐提學使參畫學務尤宜慎選賢能故公所職員用官吏不如用士紳由官札派不如由衆公推此其利害當爲識者所共見學界所共認毋俟晚輩之贅述晚輩爲學界前途幸福計擬請貴學會提議此事召集各州縣議董議員開特別會行正式投票選舉法舉定後即由貴學會先行知照提學使仍照學部奏定章程分別奏派延請札派各項照章辦理如此既不違背定章又能允洽輿情想提學使亦無不樂從也至職員當選資格及辦事權限自當謹遵定章辦理此事關於學界甚大固不僅爲紳權消長進退之機也貴學會主持學務力圖公益事關全省學務敢請從速核奪辦理無任感盼抑此次若果舉行選舉事關重大應否由貴學會先期咨呈南洋大臣立案亦乞裁

酌施行曾樸宗嘉祿徐念慈張繼良丁祖蔭朱積熙蔣鳳梧同拜啟

吳江縣 震澤縣

江震學會公舉代表書

十六日舉行大會各地須舉代表員名到會做處早經舉定託蘇屬學會開單彙報貴會頃得蘇屬學會書記員來函云未經報出因特遵會規補書公函開列江震兩邑代表員名呈覽 鄭慈穀 金懋基 黃元吉 曹纘明

江震學會論選舉省學務公所職員之意見書

自科舉既停人人日言興學凡官立公立民立高等中小學堂之建設書不絕於報章揆厥現象不可不謂日起有功然或經費不充苟簡因循者有之形式徒具教科不完者有之學制互異自爲風氣者有之欲求進化改良要當因地制宜籌集經費先使教育溥及次謀統系貫串近聞學部 奏請裁撤學政別設提學使統轄全省學務并裁改省學務處爲學務公所設議長議紳課長課員等職方將賴辦事官紳通力合作廣施勸導誘掖之方徐收劃一整齊之效甚盛甚盛惟是事不詳慮於始

則改制亦屬具文職非妙選於初則庶司幾同虛設查章提學使無出省考察之權而有在省督率之任其寄耳目者議長以下課長省視學諸司爲尤要或奏派或札派是必於地方確有愛情而又深諳學制庶足以通上下之情而收參畫匡贊之能審若是則省學務公所各職員宜用士紳而不當用官吏士紳宜由公推選舉不當僅由督撫提學之臆見奏派札派蓋奏派札派必由公推選舉而後定何以言之前此科舉時代所謂學務等官亦嘗有主試矣學政矣府則有教授州則有學正縣則有教諭訓導矣然僅就文藝一方面言之實能倡開風氣鼓舞羣倫者即主試學政吾見亦罕至於教授以下日惟昕於贊見之肥瘠從未聞進諸生而一策其程課之勤惰也無他官非其土處非其鄉清議不足持其後愛情無以繫其心卽有諳悉學制者亦將隨俗浮沈放棄職任顧或者曰科舉時代姑弗論近此學堂時代不當省設學務處耶有總理有會辦有參議亦旣官紳參任矣然事由督撫奏派札派不採輿論不由公舉往往有徇情濫竽徒糜薪水了無建白者其賢於科舉時代無幾也今苟乘 朝廷厲行新政之時舉嬰媢骹跛之故習一掃而廓清之由客觀而主

觀由形式而精神則此後學務公所之建設自議長以下各職員應由京外官紳學界代表公舉學識通明之士紳於教育有經驗者上其名於提學提學覆按悉準然後詳請督撫奏派札派其或士紳不足兼及官吏亦當公推合例要以不背學部定章爲斷應請貴學會會商蘇省同鄉京官應如何召集各屬學界代表開行正式選舉法一面卽以此意達諸提學使請其承認俾官紳共同組織學務庶教育問題日起有功闔省幸甚學界幸甚江震學會同人謹啟

江震學會預籌勸學所經濟之意見書

江震兩邑地方瘠貧風氣僻塞一城十三鎮水國紆迴聲勢隔閼三四年前城中開辦高等小學其餘各鎮之踵設者不過二三處近年以來 朝廷厲行新政迭奉詔旨廣開學堂各鎮始均稍建設然或絀於經費限於僻陋教科不完學制不一所在而是苟欲大加改良勢必確籌補助兩邑學務公所去歲十一月雖經同人組織業早成立呈請以書院賓興年息所入作爲常年經費綜計不過七百餘緡以言補助殊難措施重以舊董則延緩不繳官吏復意存膜視成立至今朏逾半載而書院

賓興等款尙有未全清釐者現奉 部章將改縣學務公所爲勸學所分區興學事
貴實行校所應增正復不少非籌有大宗之基本金一時難資挹注伏查本年四月
蘇府學會會長王勝之先生曾會同九邑紳士呈請以積穀款項生息興學當奉院
批仰蘇學務處會同藩司稽核妥議詳復察奪卽准處復吳江震澤兩邑存積穀錢
四萬七千八百餘千崑山新陽兩邑存積穀錢五萬三千四百四十餘千每年息錢
各有四五千串以之補助學費當可敷用糶變積穀似可從緩等因惟是江震積穀
分儲城鎮約有十餘處江存倉穀據報四千五百十八石九斗三升七合震存倉穀
據報三千六百四十一石五斗六升舊董開支養穀經費其耗糜較他邑爲尤甚不
糶積穀則四千串之息能分潤學界者無幾況此項積穀自兵燹後存儲以來己丑
水災戊戌米貴荒政平糶從未用及徒爾陳因取飽雀鼠但使穀本尙存值此輪舶
火車四達交通設遇荒歉不愁無米可糶縷晰情形彙具覆呈旋奉院飭平糶由縣
照會經董自奉照會各鎮經董悉數糶變於商家並無平糶之事惟城中則略留薯
放又率糶碎糶者無人可知積穀備荒徒供糜耗全無實際現屆糶變殆盡之時此

後養穀可省虛耗宜卽援照三首縣例將此項穀款儘數撥息歸入學務公所以備將來遵改勸學所後支配興學之用合無俟提學使蒞任之時呈請核准提撥再兩邑穀本存款商務公司曾撥借江邑錢一萬六千四百十五千四百文震邑錢二萬一千四百三十五千九百九十三文蘇經綸兩廠費商承租期內應拔還之六期尙未領到又有廿六年分前吳江縣知縣宗能述清文案內兩次提借穀本錢四千九百零二千一百廿六文銀三千五百八十六兩一錢事距七年至今分毫未還以後此兩項俟領到後亦宜撥息歸學斯則釐剔糜耗肥私之款爲轉輸文明之用如蒙鑒察提議兩邑學界幸甚江震學會同人謹上

江震高等小學經濟困難說略

江震兩邑城內只有高等小學一區係兩邑合辦所有常年經費仰給於各鎮之絲綢米三項捐款由鎮董總收包解前此兩年蒂欠已多至今歲上學期竟有七八鎮之米捐從未解過其餘解不及半者有之解至六七成者有之其全清者十三鎮中只有一鎮查江震學堂其始向各鎮籌捐原係統籌分辦認有定額年來各鎮紛紛

建設小學捐項留半解半苟能將解半之數應期解清每歲所入尙可得三千緡而弱經辦原可支持無如欠解之數日鉅一日官吏意存瞻徇經董任催罔應準此現象殆岌岌勢恐解散即使勉強開學而以經費支絀之故意存遷就一教員而兼五六科教育既無精神教科復不完備以兩邑合辦之高等小學至於教科不完改良無從豈非怪事惟是改良非難清欠捐爲難欲清欠捐不得不撤退欠項最鉅之經董而兩縣徇情斷不肯辦刻下開學在即而前此學堂經理以事無可爲業經辭職接替尙未有人能否俟提學使蒞任呈請委員查辦清釐積欠撤退欠捐最鉅之經董庶經濟不虞竭蹶學務可望振興先此臚陳大概敬候鑒裁江震學會同人再啟

松江府 華亭縣 婁縣

華婁學界公舉代表書

敝郡華婁學務公所尙未成立茲由各學堂公舉代表二人一陳君憲章一沈君宗祉均係明於學務熱心任事爲衆望所孚特此公佈

奉賢縣

奉賢縣移送孫壽昌到會考察學務文

據學務公所總理朱家駒等稟稱前奉憲行設立公所業經開辦在案但學務公事繁重開創伊始應興應革改良之事甚多奉境僻處海隅風氣初開非直接省學會處互相報告學界恐難臻美備爲特公舉代表人職附生孫壽昌熱心教育願入省會考求學術懇請備文申送等情到縣據此知縣伏查奉邑僻處海濱道路紆折凡關學務事宜鮮有通問非有熱心教育明通學務之員附入省會隨時考查報告殊無以新學術茲該員孫壽昌願入省會考察報告擔任義務理合具文申送仰祈憲台鑒核俯賜收入任令考查俾奉邑學務有所進步實爲公便

奉賢學務公所簡章(畧)

奉賢學務公所職員 總理 朱家駒 協理汪桂馨 兼財政 孫熾昌(下畧)

金山縣

金山各學堂公舉代表書

敝縣金山學務公所未設謹由各學堂集議公舉黃君公續名繼曾爲敝縣代表黃君鄉望素孚近歲捐資興學堂派游學其提倡學務不遺餘力吾邑學界得放一線光明者黃君之力居多其平生行誼適合貴會代表人之資格且黃君現居海上尤爲諸君所易悉而赴會亦較便爲敢出具公函先期佈達

致蘇松太道瑞辨明沈嘉樹等被誣書

逕啟者頃接金山縣紳士黃繼曾吳治恭等函稱正月間在金山呂巷鎮善羣小學發起學會到者五十餘人因一時未暇擔任擬俟暑假再行定議詎三月間忽聞道轅據詹誠馬翊清許凝蔣光楣等四人控金山縣呂巷鎮文生沈嘉樹葉秉常馬駸李鳳翔等開壇設會唆訟通匪等情由道憲札縣查報惟沈嘉樹葉秉常皆熱心任事袁升道任內稟改拓湖學堂又組織善羣小學葉現擔任實枚小學總教沈亦在滬肄習理化經此意外非特學會無成立之望目前善羣小學亦已停課學界頗爲震動繼曾治恭忝在江蘇學會評議目睹本邑危險情形可否請函致道憲陳明原委等語隨又接晤金山學界中人所述大畧相同並稱在尊轅原控之四人內蔣光楣已病故多年詹誠

則不知何許人而此事之原因則係沈葉諸人曾經控匪有案羣不逞之徒啣之甚深適沈葉諸人正月間亦赴會集議該鎮風氣錮塞不知社會爲何事一見設會便曰開壇以爲必干厲禁可以下之石而快其報復之私也不知鄙人去冬在滬與諸同人設立江蘇學務總會之命意定章本須各縣設立分會無非爲教育普及起見以輔官立之不足在文明各國設會自由此等主義原非可語諸蚩蚩者氓使之盡曉然學界氣候極稚設發軔伊始而破壞於二三挾忿營私者之手前途至可危險且控告僅有四人尙有一二不盡不實則控者可知尊處批縣澈查自係正當辦法惟事關興學集會而縣中僅借手胥役以一紙官符爲查究之地非特無以免學界之嘖有煩言彼胥役者亦曾知興學爲何如事集會又何如事乎鄙人嘗嘆中國親民之官以不能親民之故往往而擾民皆此類也既據該鎮報告未便緘默此邦人士頗感松郡戚太守之亮直爲能親民也可否請將此案札府查辦如果原控四人實有捏名情事務須將主謀之人從嚴示儆以挽頹風其上控原因是否控匪積嫌所致虛實均應澈究至於學會爲組織學務之要點聞該邑至今尙無學務公所所有學校數處即係擬設金山學會

之黃吳諸人歷次經辦仍請飭縣曉諭學界於應辦之事共圖公益勿生疑沮並將現行之差票撤銷以免紛擾是否有當乞酌核施行除將該紳等送來節略三扣送呈台鑒外肅此專頌台安

蘇松太道瑞復書

昨展惠函並附下金山學會節略名單拜悉一一此事前據詹誠等具稟以沈生嘉樹等有開壇立會歛錢通匪等事當以所稟是否屬實行縣查報茲據金邑紳士黃繼曾等及松屬舉人雷璠等分別稟剖前來始悉詹誠等所控各節盡屬子虛且稟內列名之詹誠既屬查無其人而蔣光楣則又物故多年其爲假捏傾害又毫無疑義此事弟初不之信而虛實似不能不查是以飭縣查明情形具報乃金山縣並未密加訪察輒付之無知之胥役可歎可恨現已函致戚守切實查辦合抄去稿奉復卽祈閣下轉致黃紳等將學務應辦一切照常經理勿生疑阻爲荷

致蘇省學務處報告金山設立勸學所書

敬啓者據金山縣黃紳繼曾等函稱金山學會於暑假之暇正擬開辦第二次常會適

部章有改設勸學所之舉但原章並無公舉職員明文竊思學界事務非大眾決議不足以昭公允特於六月十二日開會明倫堂請學師監場公舉職員辦理勸學所事務所舉總協理悉孚人望擬卽以總理高舉人煌爲勸學所總董以符部章除稟府縣立案外另附公呈一扣章程名單共三扣希轉達學務處查核以便將來移交新任提學使按部定章程核示等語查勸學所章程亟應舉辦該縣士紳及時改良洵足以風示學界茲將公呈各件轉達卽請貴處先爲存案其餘未盡事宜由該所另行呈報可也肅請台安

金山勸學所簡章

第一章 總綱 第一條 遵照部章參酌地方情形由本邑學務公會籌設勸學所以期合邑學務之發達 第二條 本所總董一人卽以學務公會公舉之總理任之隨稟地方官詳請札派爲縣視學主持本所一切事宜 第三條 本所謹遵部章有籌款興學責任特設經濟員一人核計出入款項 第四條 本所爲各學區造具表冊及其餘應辦文件特設文案員一人專司公牘函件 第二章 學區

第一條 本邑學區卽以學務公會所分之六鄉爲綱領中鄉九區東鄉三區南鄉七區東南鄉七區西鄉四區北鄉三區共三十三區 第二條 每區勸學員卽以學務公會之各鄉議員任之由總董稟請地方官劄派 第三章 籌款 第一條 凡地方公款前經學務處撥歸興學之需者其應收應領統由總董聯合勸學員悉心經理 第二條 凡各鄉公產公款及一切閒雜款項應撥歸學務者由各鄉勸學員報告總董參酌辦理 第三條 學務出入各款由本所造具表冊彙報本地方官一面榜示各區以昭核實 第四章 廣學 第一條 本所爲普及教育起見擇本邑適中之地先行組織小學師範講習所設監督一人主之 第二條 本所擬隨地隨時組織宣講所閱報所以開風氣 附則 其餘未盡事宜悉依部頒勸學所定章隨時參酌辦理本所暫設朱涇鎮藏書閣

金山學務公會勸學所職員 總理 高煌 協理 陳貽芬 (下略)

川沙廳

楊斯盛到會頌詞

江蘇學務總會文牘

初編下

一百十七

我中國自強之計首在興學現值經濟困難之際尤賴實業界扶助楊君景春捐產興學數至十萬之多實爲我江蘇學界生色本會深表歡迎之意敬致頌詞學界萬歲實業界萬歲

黃炎培代答謝詞

斯盛此舉不過於浦東故鄉略盡一分子之義務方自憾財力微薄弗能爲如願之規畫乃承雅意揄揚且愧且奮惟有竭盡綿力切實興辦務求一二效果以答諸公責望之盛心斯盛謹謝謹祝江蘇學務總會萬歲中國萬歲

楊斯盛復書

辱荷賜書猥欲以區區荆學之愚忱代達當道諸公高惠未之敢忘第茲事草創一切組織都未停妥是以地方官長亦未稟報一俟稍有端緒便當遵命開呈節略先此佈復

上海縣

上海學務公會草章

一定名 本會爲上海合邑學務圖謀公益籌設公所先立議會故名上海合邑學務公會 二宗旨 聯合城鄉經畫學務以期地方教育之普及而完善 以多培師範爲普及之根本以廣興初等小學爲普及之實際 講求實業以期補學務之缺點研究體育以期補教科之缺點 檢察課本注重修身注重鄉土以期普通教科之統一 三會員 凡合於後開資格四項之一者皆可到會簽名作爲會員

(甲) 地方學堂之經理董事與其教員管理員之籍隸本邑者 (乙) 有興學

責任之各鄉局董及爲各鄉局總匯之同仁輔元堂董 (丙) 本邑科貢廩增附

(丁) 本邑人在中學堂以上畢業者 凡地方學堂之教員管理員不隸本籍

者皆可爲贊助會員 凡合於會員資格而出仕及游學在外者皆可爲通信會員

四職員 城廂按舊時保甲局界分爲八學區 (中城) (南城) (西城) (東城) (十六舖) (廿三舖) (西門外城) (北城) 四鄉按從前團練局界分爲二十一學區 (閩河) (潯河) (江境) (北橋) (馬橋) (曹行) (塘灣) (諸翟) (陸行) (三林) (虹橋) (法華) (新涇) (江橋) (洋涇) (陸行) (高行) (楊廟) (塘橋) (引翔港)

(塘橋) 租界又爲一學區合成三十學區每學區各按到會人數於會員五

人中舉議員一人過半數得如一學區內會員不及五人亦得舉一人 議員中公
舉會長一人副會長一人 凡會長副會長議員均一年一舉 凡贊助會員經議
員之推舉即為贊助議員 五會期 每年正月七月開學之前開大會各一次全
體會員公議學務 大會之前一日開議員會預擬提議改良事件贊助議員與議
大會之後一日開議員會決行城鄉學務事宜贊助議員不與 每年四月八月
開議員會各一次贊助議員與議 有特別事得開臨時會會長主之 六會所
學宮明倫堂為全體會所 學宮洒掃局為議員會所 學務公所為平時通信所
公所未設以前暫以敬業學堂為通信所 七會務 凡地方學堂無論官立公立
民立本會皆有調查規畫之責任 凡學堂之隸於商部隸於南洋及客籍紳商所
立西人教會所立者雖非地方學堂但既坐落本邑即於地方教育極有影響關係
故本會亦有聯絡匡弼之責任由會長推舉專員一任考驗功課一任調查辦法均
須周歷城鄉一年兩次其俸薪及舟車之費於學務公所開支 議員於其本學區
學務有分擔調查規畫之責任 凡地方公款撥歸學務者如何分撥必由議會公

決 凡公費資送出洋者選派何人必由議會公決 每大會後必將半年內學務要略報告於通信會員 八會費 於學務公所開支不收會員會費 按上海學務公所草章已具分配學區之模形餘亦斟酌煩簡照錄之以備採擇編者識 上海各學堂一覽表

名目 設立人 所在地 學生數 管理人

專門類

商部 高等實業學堂 官立 徐家匯 三百餘人 總理楊士琦

中等商業學堂 商學公會 成都路廣仁堂隔壁 七十人 監督胡爾霖

兵工學堂 製造局附設 廣方言館改 八十人 監督黃受謙

兵工小學堂 同上 工藝學堂改 四十人 同上

警務學堂 工程局 小南門內 二百人 經理李鍾珏

師範類

龍門師範學校 蘇松太道立 龍門書院改 百廿人 監督沈恩孚

江蘇學務總會文牘 初編下

一百二十二

上海第一師 學務公所附屬

七鋪半經園 五十人 監督項文瑞 舍監姚明燦

上海第二師 同上

七鋪龍門精舍 五十人 監督項文瑞 舍監凌樹齋

上海第三師 同上

藥珠書院 五十人 監督項文瑞 舍監葛尙質

體操遊戲傳習所 教育研究會附設

劉二十二鋪 三十六人 會長袁希濤 教員徐傳霖

廣明師範講習所 楊斯盛

新馬路 三十人 總理黃炎培 嚴保誠

速成小學師範傳習所 商務印書館

美租界文昌里 六十人 總理虞輝祖

理科講習所 科學儀器館

四馬路惠福里 八十人 校長鍾觀誥

理化速成科 教育器械館

老拉坡橋貽德里 六十人 校長鍾觀誥

三林師範傳習所 三林學堂附設

浦東三林塘 十四人 經理趙履田 秦錫福

中學類

南洋中學 王氏家塾改

大東門內 二百八十人 校長王植善

上海民立中學堂 蘇氏

硝皮弄蘇宅 百二十人 校長蘇本鈞

健行公學 公立

西門外 百人 幹事朱葆康

澄衷學堂

葉成忠

虹口塘山路

三百人

總教白作霖

競存公學

崇海同鄉會

老拉坡橋
均安里

六十人

黃毓桂

競業中學堂

商學會附設

俞家弄

七十七人

總理吳治恭

震旦學院

華紳張
西士崔頌才等

徐家匯教堂

八十四人

幹事夏曰瓊

尙志學校

蘇錫衡

老拉坡橋
延昌里

九十七人

經理方 皋

小學類

敬業學堂

上海縣立

敬業書院改

百八十五人

校長葉景濤
駐董劉汝魯

養正兩等學堂

官紳公立

縣西天
竺僧寺

六十八人

經理蘇本銑

梅溪高等小學堂

張煥綸
趙友濂

梅溪弄

百十六人

校長張煥符

西成小學堂

西城本學
區公立

莊家橋
南民房

百四人

經理姚明輝

南城小學堂

民立

談家弄王宅

四十人

經理王燮功

東明小學堂

民立

曲尺灣
業公所

四十人

經理鍾浩志

北城淪智學堂

民立

盧家弄

四十人

校董金齊聲

道前小學堂 南洋中學附屬 東街仁和里 七十人 校長王植善

貞元小學堂 同上 縣東節孝祠後廳 四十人 校長王植善

初級小學堂 製造局附屬 礮隊營 百二十人 經理李鍾珏

頭鋪兩等小學堂 范氏私塾 火腿弄范宅 四十人 經理范熙瑞

二鋪執中學堂 李氏私塾 唐家弄李宅 四十人 教員李景星

北三鋪正誼學堂 本鋪公立 硝皮弄顧宅 六十人 校董顧鴻達 朱啓新

七鋪公立小學堂 同上 虹橋南同善堂 五十二人 校董汪錫增

九鋪啓秀學堂 民立 和尙浜竹林庵 四十人 校董王銓達

十六鋪小學堂 王氏私塾 大東門外宅 三十五人 教員王遵善

二十鋪小學堂 公立 城西南隅一粟庵 二十人 教員劉燮鼎

二十三鋪小學堂 本鋪公立 蘆席街海潮庵 五十人 總理張剛

龍門師範附屬小學堂 廿二鋪公立 愍忠祠 七十五人 辦事楊葆恆

羣務小學堂 義務小學堂 公立 十九鋪 六十人 會長王納善

滬學會附屬
義務小學校

公立

小南門外
曹家灣

四十六人

管理朱葆康

商學會附屬
義務小學堂

大東門內
麻袋公所

六十人

校長尤惜陰

商學會附屬第
二義務小學堂

大東門外
送子庵改

三十人

經理王倫

崇正南官塾

蘇松大道立

藥珠書院

二十人

教員陸耀庠

崇正東官塾

同上

地藏庵

二十人

教員張祖蔭

崇正西官塾

同上

學宮

二十人

教員沈希椿

崇正北官塾

同上

青蓮菴

二十人

教員潘錫魁

崇正西南官塾

同上

大南門外
高昌廟

二十人

教員曹焯

崇正東南官塾

同上

小南門外
茅山殿

二十人

教員徐步青

同仁輔元小學堂

同仁輔元堂附設

同仁輔元堂

二十人

教員林祖潤

利濟學堂

民立

南倉大
街順宅

八十人

校董顧藩

普通兩等小學堂

私立

九鋪廣福
寺東房

四十八人

經理謝源深

時化小學堂

祁祖塗

南三鋪陳
忠愍公祠

四十人

教員李廷翰
陸詠堂

育賢蒙學校

徐氏私塾

南城徐宅

三十人

教員徐企文

日新學校

金氏私塾

梅家弄
金宅

三十六人

教員金潤章

啓蒙學堂

張氏私塾

穿星街張宅

二十四人

教員張毅

同義學堂

鎮江幫公立

西門外
江公所

衣業小學堂

本業

天燈弄
本公所

業董林曾賚

花業公學

本業

董家渡

校董程鼎

華實小學堂

水菓業公立

小東門內
本公所

四十人

經理李維浩

榛苓學堂

梨園業公立

東馬橋
本公所

四十人

教員張元炯

國民小學堂

民立

梅家弄

七人

經理張錫霖

初級小學堂

民立

喬家弄

五十人

代表范熙庸

民立幼童學校

民立

西門外
後面梅林山路

曾澤新

幼稚舍

務本女塾附設

西門外
生里

三十六人

經理吳馨

以上中鄉

廣明高等小學校 楊斯盛

新馬路 六十人 經理黃炎培

商務書館小學校 商務印書館

文昌里 英租界大馬路德裕里 六十人 嚴保誠

崇實小學校 崇實商學會

英租界大馬路德裕里 六十人 監院史家修

三育尋常高等小學校 黃慶瀾

派克路梅福里 四十四人 總理黃慶瀾

國民學舍

珊家園 李鍾珏

金業小學校 金業

英界益湯弄 五十餘人 總理龔傑

文明小學校

福州路胡家宅 董瑞椿

飛虹小學校 公立

美界文昌閣 四十人 校長汪錫增

滬濱兩等小學校

南泥城外墳山路德慶里 經理姚伯欣

繩正學堂 胡維志

益湯弄東甯波路

養才小學校 倪學寬

盆湯弄橋北德安里 五十四人 總理倪學寬

寰球中國學生會附屬小學校

李登輝

白克路五號 十二人 經理李登輝

振華學校

中國基督徒公立

老拉坡橋信昌里 六十人 經理方皋

引溪蒙學堂 厚仁堂附設 本堂 四十人 經理王增祺

下海浦蒙學堂 民立 四十人 同上

養蒙學塾 仁濟堂附設 六馬路 四十六人 監院范熙瑞 校董陳作霖

虹口蒙學堂 三官堂 二十五人 經理王銓運

廣肇學堂 廣東人公立 甯波路 百二十五人 監院

以上北鄉

養正官塾 縣立 法華寺 十六人 教員唐祖滋

贊育學堂 果育堂設立 法華贊育堂 十六人 教員黃熾

縱溪公立小學校 公立 法華積穀倉 三十人 經理李鴻翥

縱溪東蒙小學校 公立 三十人 同上

正蒙學堂 公立 法華 三十六人 經理朱贊

安國小學堂 公立 虹橋安國寺 二十八人 經理王豐玉

蒲溪小學堂 民立 王氏家祠 學生_{八十六} 經理王萃馨

新涇小學堂

關帝廟

二十八人

經理沈寶寅
教員千程鵬

江橋小學堂

城隍廟

四十六人

教員徐世達
金士林

諸翟小學堂

經理沈宗懋

以上西鄉

震修學堂

官民公立

楊家渡斗
姆堂改

八十人

普育堂堂董
葉佳棠經理

棠蔭學堂

韓氏捐立

三官堂鎮南

經理楊保恆

寶仁學堂

縣立

洋涇鎮

二十四人

教員潘亮臣

洋涇學堂

商捐設立

洋涇鎮

三十人

經理劉擷雲

中西養蒙學堂

同上

爛泥渡

二十人

教員蔡友瀾

都川小學堂

縣立

陸行城隍廟

二十人

教員潘浚川

三修小學堂

縣立

陸行城隍廟

三十人

教員奚念修

求志小學堂

公立

張素橋朱宅

三十人

經理汪錫昌

東蒙鄉校

官民公立

高行鎮

三十人

經理汪錫昌

高橋界南小學堂 公立

高橋界南

以上東鄉

滬南公學

三等公學 改
盛宣懷立

西門外
桂墅里

五十人

總理陳韻琴

明強學堂

官立

曹河涇鎮

十六人

經理唐錫瑞

育才學堂

民立

同上

三十六人

經理吳嘉賢

毓秀學堂

公立

曹家橋鎮

三十人

經理曹壽恭
姜渭漁

為湖東屬作
新蒙學社

公立

塘灣鎮

二十一人

經理錢周晉
昌椒

為湖東屬日
新蒙學社

公立

同上

二十人

經理錢楊德
圻椒

以上南鄉

三林學堂

官立

三林書院改

六十六人

經理趙履福
秦錫田

筠溪小學堂

三林學堂附屬

三林中市

二十四人

同上

懿德小學堂

同上

三林南市

三十八人

創辦沈元吉

長壽小學堂

同上

陳行東南
秦公祠

三十人

經理秦錫齡

貞固小學堂 縣立

三林西市 四十五人 經理朱孔長

仁菴小學堂 縣立

陳行市 三十四人 經理胡祖德

黃二小學堂 民立

三林東南黃三圖三官堂 五十人 經理喬棠

崇福蒙學堂 民立

五圖崇福道院 二十四人 經理朱孔長

筠西小學堂 民立

方二圖龐家宅 四十五人 經理龐久諧

銘新小學堂 民立

二一四圖天一圖保 四十人 經理湯學釗

成材小學堂

二五圖保 三十人

浦左二十九圖小學堂

民立

塘口孫宅 三十五人 教員孫夔龍

競新小學堂 民立

塘口徐宅 二十二二人 教員徐紹秉

題橋小學堂 民立

二八圖喬頭市 三十人 經理秦錫田

養智小學堂 民立

楊思市 四十人 經理周希廉

以上東南鄉

強恕學堂 官立

馬橋吳會書院改 六十人 經理周鉞

務敏學堂 官紳公立

閱行積
穀倉改

三十人 經理顧言

閔行初等學堂 縣立

三十四人 教員張承桂

竹溪學堂 民立

十六保
四十二圖

二十八人 經理黃申錫

鶯湖蒙學堂 公立

蔣氏祠堂

二十人 經理蔣慶和

荷溪小學堂 民立

金氏祠堂

四十四人 經理馬軼羣

強蒙小學堂 民立

沙岡口

二十八人 經理朱賡詔
沈日章

馬橋初等小學堂 強恕學堂附設

本鎮城隍
廟西廳

二十四人 經理蔣清鏡

西材小學堂 公立

張氏祠堂

二十人 經理張益謙
秀

新智小學堂 民立

沙脊西
三餘堂

二十六人 經理張之翰
綱

啟蒙小學堂 民立

牛橋王宅

二十四人 經理王傳乾
沈澄清

北橋初等小學堂 公立

北橋大寺

三十二人 經理朱洞演
黃金照

問字小學堂 民立

閔行鎮

二十人 教員馬恩培

振新小學堂 民立

同上

十六人 經理陳爻吉

尙志學堂

民立

同上

十四人

教員吳志本

正本學堂

民立

同上

二十四人

教員包飛鳳

浦濱學堂

民立

同上

十二人

教員劉淇

竹蔭學堂

民立

同上

二十四人

教員張承桂

橫瀝學堂

民立

同上

同上

教員陸鍾祥

俞塘小學堂

民立

俞塘鎮

三十人

經理王錫珍

雙溪蒙學社

公立

錢家宅

二十人

教員錢樹奎

鶯湖東塾

民立

丁家宅

二十人

教員丁光弼

以上西南鄉

女學類

務本女塾

吳馨

西門外
生里

二百人

總理吳馨

城東女學社

楊士熙

城外竹
街楊宅

八十人

經理楊士熙

宗孟女學

貞女朱陳氏

大南門桑園

培好女學

西門內沈宅

經理潘錫魁

輔強女學

大東門內
內曹宅

二十人

經理凌紀勳

競化女學

大南門內

經理尤秉彝

女子蠶業學校

城南桂墅里

四十四人

經理史家脩

天足會女學堂

白克路永年里對門

百二十人

總理章蘭

女子中西醫學院

派克路

三十人

經理李鍾珏

育賢女工學堂

新租界

同

育賢女蒙學

愛而勤路
福壽里

三十人

同

啓秀中西
工藝女塾

愛而勤路
福壽里

八十人

總理徐婉珊

愛國女學校

拉坡橋北
和康里

八十八人

經理徐子虬

正本女學堂

陳行市

十五人

創辦孔祥里

潤鴻女學堂

三林鎮

二十人

經理趙履福

隴西女塾

閔行李宅

二十人

經理李祖佑

強華女塾

民立

馬橋鎮

二十人

經理耿光觀

右各學堂表今夏唐學政來滬考察時曾由本會調查一次後見寰球學報所載一覽表則又加詳晰姑先據此纂入至內地調查各校本會另有調查專門普通兩部擔任編輯非書記所有事也編者識

南匯縣

南匯學界公舉代表書

敬啟者敝邑學務不甚發達除縣學堂外初等小學校鄉鎮僅有十所茲舉顧君等四位爲代表屆時當趨前聆教 顧忠宣 奚世幹 馬文堯 朱祥紱

青浦縣

青浦學界公舉代表書

敝處現有兩等學堂三所蒙學堂二十一所聞江蘇學會之成立不勝欣幸公舉張君毓英爲代表人張君現主申報館筆政於學務夙所關心嗣後學會開會卽由張君到會會議前書恩促未及書明住址恐有遺落特再報告

常州府

蘇省學務處批常州府學務公所稟

察閱來稟意非不善不如是無以收統一學科之效摺開各條似八邑共同事業由八邑共同擔任此外仍邑自爲計而八邑又各有經濟協理參與其間流弊較少事屬可行但公所以學務爲主既有總理經濟之紳必應有總理教育之紳方爲完備一則專司建置一則專務鈎稽庶幾相與有成否則但裒集而無設施則財壅而怨叢有設施而不裒集則力竭而功潰二者皆非學界之幸應令趕行公舉總理教育之紳以主持學務此外在所辦事職員亦應由公衆選舉以免藉口（下略）

盛孝廉平章籌設甯垣常府公學草議

宗旨 於招待之中寓餉遺之意約有二原因（甲）現行章程招考尙無定期求學省垣者不得不躡居以待浪擲有用之歲月於長年逆旅中可惜孰甚議設常府公學以招待來學以免零星散處學業日荒爲宗旨（乙）學有定程必須層遞而上常郡中小學堂未辦畢業來省求學者或中文雖優無科學之預備多難合格議

設常府公學以豫備進省垣各校之普通學科爲宗旨 辦法 略分二部 (甲) 經濟部分通常特別兩項 通常捐凡常府同鄉於甯垣軍學兩界有月俸者照進百抽五例按月捐助 特別捐卽創辦捐亦由同鄉集腋而成 (乙) 教育部分分管理教育兩項 管理部請常住員一人或二人(兼任教科一二門)略支薪水

教育部由各學堂之常府教習學生分擔義務只略酬夫馬費不支薪水

查鄂垣三
江旅學開

辦時半由各學堂學生出擔義務所認鐘點經呈明學務處

以上辦法於艱難困苦之中爲藍縷草創之地將來

籌有的款卽當改變辦法爲完全之學堂 校所 常府於甯垣一方面毫無根據地與他省旅學有現成房屋可資利用者不同惟有租賃民屋先行開辦若夫擇地興築以謀久遠俟諸異日 規略 本爲苦學界一切皆從刻苦入手今略定規例如左 (一)義務教習所認定之授課時間當一律簽約以半年爲一學期在學期內不得作輟以保存名譽 (二)以講堂爲自修室 (三)教習學生同起居自修時則監護之於講堂寢時則調護之於寢室 (四)就學生之程度分班教授務以適當爲主無定限 (五)高等班兩年畢業尋常班三年畢業選科兩年畢業豫備

科一年畢業 (六)未屆畢業期限有進省學之資格者如逢招考本堂許隨時錄送 (七)擇學生程度優者每班定領班生兩人 (八)學生以次值日 (九)立日記簿歸值日生按日登記 (十)立記事簿每星期六執事人會議一次每月第四星期六執事學生共議一次與日記簿對核立時修改 (十一)立寢室值日生所有寢室講舍清潔事務歸其承值 (十二)年齡十二歲以上二十五歲以下 (十三)學科甯簡略不求完全大約修身國文東西文算數理科圖畫音樂體操數門適於應用而止 (十四)學額暫定八十名 (十五)應役用司閽一人雜務一人 (十六)不收學費每月繳膳零費三元半 公約 凡在堂學生他日畢業或升送他校之後皆有效力本公學之義務 餘則 此草議業經常府同人許可俟校所賃定後即當開辦並議訂詳細規則宣告同人

甯垣常府學會初訂章程(略)

武進縣 陽湖縣

武陽學會報告書

武陽學會於十月十四日成立嗣後續開大會二次會中約分評議幹事監察三部幹事部又分經濟教育兩部會中宗旨着眼公字與貴會承接一氣毫不相悖而尤以聯絡城鄉實行教育普及爲第一要義其詳章雖經擬定尙未刷印成冊容後寄呈審定特此佈告

冠英正則繩正驛西四學堂報告招收斥退學生書

啟者閱時報登常州公立小學堂顧祖武呈府縣稿內有外間私立各學堂違背定章招收入校等語查學務綱要內斥退學生不准投考他學堂一條下註明必確係犯有重情及屢戒不悛之敗類斷不宜令混入他學堂云云原係杜絕流弊恐妨害他學堂之秩序起見至他學堂之招收與否固有自主之權故定章並無禁止各學堂招收退學學生之明文也此次武陽公學斥退學生三十餘人之多考其原因甚微卽顧教習斥革學生之牌示亦不過不守規則等名詞並無窮其所往之罪似與犯有重情及敗類之罪有別又閱惲紳祖祁所派學務公所庶務長楊翼之君前往公學調查記亦並無學生犯有重情及敗類之罪爰有熱心士紳念斥退各生連日

在外流離失所情殊可憫公議邀請各學堂設法安插各學堂迫於公誼無可推諉且亦日擊情傷何忍觀此不幸之事故由繩正冠英驛西正則各學堂分考收入若如顧祖武所云本堂秉公辦理反爲學界所不容既云秉公辦理何至復爲學界所不容是非曲直自有公論惟既牽涉各學堂不得不將此事顛末略陳左右學務公所庶務長楊翼之君調查記并以抄呈其中載此事甚詳無煩僕等贅論也學界萌芽現方幼稚通國皆然吾郡尤甚經此摧折其前途更難設想惟諸君子有以教之附楊廷棟君調查記

(顧)今日翼翁何興晚游至此(楊)聞公學有不幸之事總教三月來培植之意付諸流水(顧)自愧菲材致兆此事(楊)過謙今日學界中風潮亦意中事也(顧)初入公學卽預料及此故日作去志(楊)今願聞茲事之由來(顧)初入公學見寄宿規則散漫擬設齋長由學生公舉惟須由教員認可當即選定五人各齋長因每有爲難之處屢屢告辭予勉以不可畏難各生唯唯四月中學生擬設球會因公款無多令學生集款自設并先捐洋叁元以爲之創一日閱齋長上英文課時作球會預

算表教習責之記一大過開除齋長之名餘四齋長皆辭職云恐將來犯過被革不如早辭予告以閱生犯過開除與生等不涉生等極守規則各安心可也各生受教而退明日集全堂學生重舉一齋長以補其缺得最多數者爲方姓駿童斷難承認又多數舉蔣生（按未開除各生言最多數者爲蔣生教習以爲蔣生係外籍故重舉方童因教員不承認蔣生故也）蔣生爲外班不便爲齋長諸生以前無命令爲詞予以蔣生係外籍告之諸生云先生素以四萬萬同胞須團結若一人相訓今何以忽分縣界乎予曉以各處因分省界縣界而生枝節今不如防其漸也各生辯之不已教員遂公憤下一命令曰不願爲齋長者一律開除（按當時各執一詞者爲學生舉蔣生而教員不承認也並無不願爲齋長之說總教曾云不願爲齋長者昨夜已有其說楊言昨夜總教曉以大義各生受教而退選舉時並未重提何以有此命令總教不能答外間之言則爲所下命令爲定欲舉蔣生者一律開除於情事方合）卽散會齋長既未舉定予即委任之日本地方議員由選舉餘外則由天皇委任至晚卽招閱生來語以在講堂如此辯論使予何以下場今教員公憤將各齋長

一律開除初九早有三十四學生向監督告假監督答以須俟總教之命各生不願而出（按據在堂各生言當時開除齋長之信各生未明其罪又惜各齋長之去也而各教員盛怒難回擬往求王邑尊轉旋立一簿簽名願往三十四人告假者卽爲此也）各教員以各生不待允許羣相出門因卽懸牌各生不守規則不聽訓令無故告假恃衆要求逐名開除此係各教員公憤全體一致（按此牌有不合者數端一過於急切二不分首從人數太多三查奏定章程上三語罪不致開除下四字恃衆要求四字爲確乃必不已要求也王邑尊當衆宣布初九各生到署求爲轉圜雖告假不合規則其咎小回堂不上課其咎大嗚呼孰知各生出門後卽懸牌開除雖九叩首以求上課而不得也）各生往陽湖時有聽差隨往歸言各生詆予不勝總教之任各生歸時有洋洋得意之狀（按學生歸時已見懸牌開除尙有何意可得）各生云不守規則等十六字請總教詮釋之各生俱不出堂使聽差催之不聽因與合堂教習同往催之各生云總教由府縣公請學生之去亦須得府縣一言各生擬謁府尊面稟各教員以各生旣須謁府堂中亦須備文咨照府縣（按一再迫逐實

嫌過甚幸有陽湖邑尊招呼客店爲之安插否則令其露宿乎各生願求府縣亦是
有理但未知公學權限進出大批學生應否知照府縣會商）語至此徐錫同問教
習曾否辱罵學生（顧）並無此事學生則辱罵教習萬分不堪且有言予跛足丐者
（按學生云教習辱罵學生教習云學生辱罵教習學生中且有指明蔣教習者）蔣
教習溫文之士必不出此不如予之言語偶有粗率處然在爭存二年未嘗罵人語
至此楊請顧招未出堂之年長學生到書廳共話請教習治正各生所述與總教習
之言同其畧異者已見於前惟辱罵一事則云既未聞教習罵學生亦未聞學生罵
教習惟有一學生忘其姓名曾辱罵儲教習或因此誤會

以上言語十分可據辱罵一層師生互訐而中間人則謂俱無其事據法理論祇可
將此言取消綜前所聞下一判斷教習與學生皆非選舉時所下命令不合公道初
九懸牌太急開除人數太多（王邑尊曾勸顧稍減其數顧以各教員公憤不能減
辭之又云公祖能假以全權則事無不可爲此顧自言也）數端皆教習之非至辦
理不善尤爲總教之公罪告假不俟允許不聲明緣由至縣人數太多皆學生之非

至辨論時有無不合不得而知閱生一人之私過及語侵總教者之私過不在此內蓋開除後感情既損頗難判斷好在辱罵一節已取消也楊徐亦言懸牌太急人數太多隨筆記述挂漏不免增損一語而雜以私見者有如天日詩曰人之多言亦可畏也傳曰不去慶父魯難未已敢與左右論之

溪山正則冠英繩正布業半日各學堂報告粹化女學情形書

方今時事日非列強環伺欲圖挽救非汲汲於教育不可而教育之基礎尤非女學不爲功敝郡風氣漸開女子向學者日衆顧僅有爭存公立女學校一所學級學齡均偏重小學而年稍長者仍相率奔走於蘇滬甯錫諸地其以道遠費絀輿向隅之歎者尤實繁有徒同人有鑒於此爰聯絡諸紳糾集同志勉籌經費添辦粹化女學一處寬其年限詳其科目所以救女界之缺乏冀教育之普及也經營匝月略有端倪學生之報名者日形踴躍竟有八十餘人之多遂定期三月初十日行開學式是日賓朋盈坐秩序井然開會演說羣樂贊成繼於十六日上課以科目繁重經濟困乏敝郡女界中勝任者既不多覲而遠聘又薄於貲不得不由同人暫盡義務以補

其缺此亦姑仿蘇滬甯錫各女學之例非同人之所創也不料具呈^{蘇甯}學務處立案忽奉蘇學務處批示有礙難立案云云同人不悉由來殊深詫異見批中有前撫憲陸札開嚴行諭禁等語後經調查始知敝郡惲紳祖祁先期通函蘇撫故有此意外之舉學務公所職員非僅惲紳一人函中有某等字樣問之他職員多未預知亦殊可怪女學經此風潮人心惶惑學生中竟有十餘人不到者未幾又奉甯學務處批有如牘立案等語惲紳見此批後又在敝郡商會對大衆宣布甯滬女學有種種污穢歷史以爲男教員萬不能用語多荒謬且屬子虛同人實不忍筆述以毀人名譽并云粹化母恃甯批而無恐也同人欲從惲言則無以維持女學此中斟酌頗費躊躇竊維貴會提倡全省學務久爲海內所欽仰敝郡如此情形殊礙文明之進步惟希秉公評議示我方針不勝迫切待命之至

按此事後經甯學務處批查立案矣編者識

師範傳習所報告朦稟被誣書

生等自入傳習所後師生相契幾及一年月之二十三日忽傳有布業半日學堂于

定一等捏詞朦稟省學務處及府邑憲謂四月九日武陽公學有斥退學生多名之事五月二日師範傳習所有師生衝突罷課之事就近舉常州學務公所庶務長楊廷棟爲兩校總理便可隨機剖別臨時化解云云夫傳習所向有憚紳用康爲總理或不滿其意而欲添舉一總理生等本可置之不問不應無中生有謂有罷課情事汚衊我武陽傳習所全體名譽遂公議於廿五日午後三句鐘開談話會於傳習所集同學互相質問有無罷課情事均謂罷課者必有曲直之事如果曲在學生教習可據情上達官長若其曲在教習學生亦斷不肯隱忍吞聲且罷課後之開課

本所於十

八日放暑假

又誰爲調人而始得相安無事正商議剖晰間突有冠英學堂教習莊伯俞

率領該學堂教員挺身闖入口稱彼已調查得實生等同聲與辯伯俞遂辭窮而退查于定一素列商界恃充商會坐辦與發起布業半日學堂奔走於商會總理憚紳祖祁之門依勢作威干涉詞訟商學兩界同憤切齒莊伯俞卽莊茗夫之子去歲父子曾充稽查員以其月吞體操教員楊君禾生月脩五元

楊君係莊氏父子介紹本所月支十五元送交莊氏

過付莊氏卽從中乾沒五元及檢本所年終中銷始共知之

及辦冠英學堂專事收括無主基地並勒罰伍劉兩

姓漏糧事同爲人所齒冷

伍姓漏糧一分罰洋五百元
劉姓漏糧四分罰洋叁百元

所以莊茗夫於去冬糾合五

六少數之人在公學串舉其爲武陽公學總教又故意自舉代表舉定後卽日當衆宣言謂自此集權中央可以有所作爲矣學界聞之譁然堅拒不肯承認當時竟有兩學堂爲之停課莊氏知人心不附遂並傳習所稽查而辭之然莊氏之心積怨於是甚深矣自此茗夫父子日奔走於學務公所顛倒黑白捕風捉影以爲報復之地閱日報所登常州訪員辭職告白卽在學界風潮之際明眼者當自知之可無待生等縷述矣最可奇者師範學堂爲小學堂之母所以各路熱心興學者都先注意於此常州委爲府城不能舉辦師範學堂已無顏以對錫金兩邑莊伯俞旣厠身學界不顧地方公益偏欲架詞誣讒一碩果僅存之傳習所殊不知其命意所在且楊廷棟係常州學務公所管理八邑庶務之員其事繁責重已可概見而于定一等今舉爲武陽公學及傳習所兩校總理非獨顧此失彼不易隨機剖別臨時化解卽令楊廷棟自問恐亦無此才力不能當此三大重任也貴會爲合省學務總匯之區生等爲全體名譽所關用特據實奉聞並懇激查以便昭雪祇請助安

復師範傳習所書

昨接公函內稱半日冠英正則繩正驛西各校朦稟省學務處及府縣謂四月九日武陽公學有斥退學生之事五月二日師範傳習所所有師生衝突罷課之事擬舉常府學務公所庶務長楊廷棟爲總理惟師範傳習所並未有罷課之事實爲污蟻全體名譽懇查昭雪等情查傳習所罷課與否一經調查自易昭雪至於應否添請總理及楊君能否當此重任向來辦理學堂其延請各員無與學生預謀之理公立之校則自當謀之於衆既須添請總理必該校內容有應力圖改良之處亦無非爲學生求學計也聞該校開辦至今幾費五千元平時聽講之人往往多不如額無任稽查之職者又聞每月獎洋數亦不資仍前膏火花紅之故習諸君試思之人必不自治而後他人得而代治之此天演之公例也然受治於人之不足恥不自治而又不願受治於人則終於不治之足恥設傳習所內容有如以上所云爲諸君計毋甯滴除既往相率發憤勿爲先腐之物而召後生之蟲此亦我輩勸學之苦衷也至莊氏父子據來書所不滿意者與本事無干現在各處學生動囂囂然曰團體曰自由究之非團體也烏合而已其解散

可。立。待。非。自。由。也。破。壞。秩。序。而。已。侵。犯。人。之。自。由。其。不。能。自。由。也。亦。可。立。待。諸。君。來。函。但。爲。昭。雪。名。譽。可。也。因。而。干。涉。延。請。總。理。之。事。諸。君。試。再。思。之。尙。在。師。範。生。權。限。以。內。乎。他。人。之。短。長。更。不。必。論。矣。本。會。迭。接。常。府。前。後。報。告。如。粹。化。如。公。學。如。師。範。傳。習。所。各。種。情。形。已。見。一。斑。擬。由。本。會。專。員。前。往。調。查。務。使。辦。學。者。人。人。以。興。學。爲。急。入。學。者。人。人。以。求。學。爲。先。有。公。是。非。而。不。計。私。是。非。論。大。是。非。而。不。及。小。是。非。此。則。本。會。對。於。同。人。之。忠。告。也。此。覆。

再復師範傳習所書

前書甫復又續接兩函此事既擬專員調查本可無須續復乃來書詞意若疑有少數人先入之言致多誤會此則不得不再事正告以盡勸學之誼查此次半日冠英等校稟請楊廷棟辦學何以未謀之各校何以又有所謂運動何以列名稟中之人忽而摘除地方興學誠應詢謀僉同協力組織方爲正當果如所言固未免疎漏來書前後所最不滿意者惟莊氏父子然所述之歷史是否確鑿以前本會未據有人報告即何得謂聽其獨冒不韙又安知本會此次調查後無所規正此應正告者一日本維新三十

年學制歲有改良卽上海一隅辦學堂者亦時存急起直追之意現在中校及師範學校均擬添設法制經濟兩科卽本會會員亦於會所下半年附設法政講習所而聽講之人各校監督及教員居多數章程已登載蓋時局方亟科舉時代所習者固無一而可恃憲法萌芽校中應早爲之備合力組織尙恐不及他人偶有短長非不樂道實不暇道也來書謂傳習所章程楊廷棟所手定者必待楊改良乎已顯有拒楊之意願本會會員中類多識楊曾在東京早稻田法政畢業將來內地如設法政講習所則講員如楊者已不多覩卽師範傳習所應否添此一科諸生如亟於求學甯肯以訕訕之聲音顏色拒人千里哉至月獎歲費不貲而貴所同學生擬上書許太尊請裁此項以格於楊廷棟手定章程遂爾中止具見諸君洞明學務良深佩慰善學費所以表明來者之志願若不納學費而尙有月獎則志願之標準恐有毫釐千里之差無怪乎如來書所云因事缺課者日有其人因病缺課者又日有其人似亦記實之談矣而又轉一語曰諸公試再思之能禁在所諸生不請假乎則還問諸生之志願何在以八十人之額而來書所稱到或四五十人而學界報告則謂僅十餘人卽曰四五十人亦費倍而功

半也諸君既籌及月獎之當裁亦籌及學費之當納乎此間法政每日講三小時亦納學費此外可知此應正告者二此皆與本事有關係者也若以本會前次責難學生以烏合爲團體此非一人之私言乃來書竟以爭滬甯路事之問題謂至今何默默於現在蘇省鐵路組織之情事全然不知又引圖書公司事爲不願受治於人之證多方辨詰此事是否足爲貴校之比例無容細剖總之發言權視乎發言之資格各國通制年若干程度若干始有會議選舉及被選舉權言論自由之利甚願諸君善享之也否則一鬩之市人人得言論人人得自由嗚呼此所以釀中國之現象而法政講習所之設愈應亟亟也程教習講授時聽者踴躍本會亦諗知之鼓鐘則聲聞凡事皆然不待諸君言也貴處學界紛競已甚不嫌詞費而縷縷若此陽湖張筱浦提學來滬縱論學務曰道德缺乏法律隳壞者決不足以言學務又曰法與非法祇分一線提學固貴邑中之洞曉學務者所願諸君致意於一線之間兢兢以自治同爲我學界之干城則幸甚再此次來書諸生未曾列名聞諸生中尙有不甚贊成者設再書來恕不作復

蘇省學務處照會

爲照會事照得常州府武陽公學學生散學起衅及師範傳習所學生衝突罷課一案學界風潮至今未靖據該處各學堂經董稟請派員調查並公舉楊廷棟爲兩處總理等情前來當以楊廷棟前經本處派赴江陰充當蒙學師範教員嗣又准兩江學務處咨請派委調查淮海一路學堂是該生於學務情形自係熟手惟總理有管理全體學生考核各科教員之責武陽公學甫經肇衅此後維持約束良非易事究竟該生能否勝任衆情是否允洽批府督縣會紳查明酌核辦理又清涼寺僧託名興學勾引外人迭據該處士紳稟奉撫憲批處飭府確查詳辦並奉札准學部行查到處業經先後轉飭遵照各在案今尙未據復到夙諗貴學會辦事實心調查確當合將文卷檢齊開單照送爲此照會貴學會煩爲查照希卽飭派妥員前往次第確切調查據實復處以憑核辦並祈將原卷移還歸檔至常州府中學堂前據該府申報於上年九月十二日開工建築現在曾否工竣經費如何籌定能否卽日開辦並希一併查示足紉公誼望切施行

逕復者前據常州師範傳習所來函以布業冠英等校誣稟污讖乞查昭雪等情正擬專員調查間又接 貴處照會內開常州府武陽公學學生散學起衅及師範傳習所學生衝突罷課一案學界風潮至今未靖據該處各學堂經董稟請派員調查並公舉楊廷棟爲兩處總理等情該生於學務情形自係熟手惟總理有管理全體學生考核各科教員之責武陽公學甫經肇衅此後維持約束良非易事究竟該生能否勝任衆情是否允洽批府督縣會紳查明酌核辦理又清涼寺僧託名興學勾引外人迭據該處士紳稟奉 撫憲批處飭府確查詳辦並奉札准 學部行查到處業經先後轉飭遵照各在案今尙未據復到夙諭貴學會辦事實心調查確當合將文卷檢齊開單照送爲此照會貴學會即派委員前往次第確切調查據實復處以憑核辦並祈將原卷移還歸檔至常州府中學堂前據該府申報上年九月十二日開工建築現在曾否工竣經費如何籌定能否即日開辦並希一并查示望切施行等因查上開各節師範傳習所爲一事武陽公學爲一事清涼寺僧學爲一事常州府中學爲一事該處學界紛呶敝會屢接報告今又承 貴處之委託卽囑 敝會調查員內閣中書澄衷學堂監督

白作霖束裝前往月初歲事回滬另有報告書一通附呈 台覽用再綜核報告情形及調查員面述各節爲 貴處縷析陳之

一師範傳習所 查常州向無師範學校許守涖任後設師範講習所於武陽公校之東先賢祠內所定小學章程有津貼一條教習津貼以學生按月平均總分數之多寡爲準自一元至五元不等又傳習所章程下午五點鐘聽講九點鐘散預備晚膳一餐不收膳費惟不得來去無常致無進益等語揆訂章初意自係鼓舞私塾體恤寒峻起見但學堂獎賞已有裁撤明文何況津貼至於膳費更無不收之理此項糜費歲頗不貲教員歲修究係晚間鐘點無多以及幫稽查名目似應分別裁併蓋既非完全師範則經費不能一概從撙節以上情形即無各校攻訐亦應在改良之列至於布業冠英等校所稟各節據調查報告僅係師生辯論停課此種情形所在皆有必指爲衝突罷課則予人以難堪而適滋口實此辦事之不可無經驗也至於莊紳鼎彝及其子俞辦理冠英小學校整頓舊有公款經費較他校爲優然亦頗以此招怨又現在傳習所教習程璋前在冠英時因事與莊紳父子齟齬去年莊紳本爲

傳習所總稽查莊辭職程繼其後意見不免參差適五月間請派楊廷棟爲總理稟
內冠英亦廁名其間程遂疑莊有意排己此外如西郊爭存各校又以稟請楊廷棟
之事未與合謀亦疑莊有所私并疑莊豫與楊廷棟密商互舉積疑生嫌積嫌生隙
學界紛呶非一朝一夕之故平心而論布業各校之稟請楊廷棟本兼總理公學於
師範教習初無所損楊廷棟辦理學務本係熟手誠如來文所云因疑莊之故而又
疑楊此次武陽師範教員對調查員言莊以私人之意干涉師範我等卽亦指摘其
私以爲報復所謂衆情未洽者如此甲起乙攻宜武陽學界之迄無甯歲也程教習
璋以博物圖畫見譽於時近更旁究他種科目可謂好學深思其理科講義雖間有
可議敝會同人見之以爲自修至此良不易也至於楊教員同穗之歷史講義詞句
之疵敝會更不借此爲挑剔但學問之道無窮身爲教員者宜如何虛心討論必自
號於衆貪多以侈博強辯以飾非則人之伺隙而攻者將益力應請 貴處飭府傳
知各教員但盡己之長勿道人之短如程楊諸人僅延爲各科教習未始不可至綜
理校務向有總董名目則布業各校稟請總理主持亦係正辦有益於傳習所無損

於各教習應請 飭府迅卽酌度情形分別延訂惟就常州情形而論總以亟辦完全師範爲第一要義而法政講習所亦應酌設武陽學界於楊廷棟旣非實在之反對可否卽懇 尊處劄派楊廷棟前往常州襄辦一切以資熟手抑另行選派之處伏候 台裁

一武陽公學 查公學風潮迭經 貴處飭府縣查復有案無庸辭贅校長顧祖武本訂一學期合同現在暑假將滿亟應延定一人以便及時開校顧祖武去年辦理爭存學校刻實勤苦人多躓之但短於肆應如所上條陳內載斥退學生之原因實出自學監顧柏年之唆使然則何爲而受人之唆使乎顧柏年以常州公費派往東洋回來即延爲學監月修頗豐獨常州派往之四師範生須盡義務如公學之算學徐教習亦其一也顧柏年以此頗不滿於常州學界之口然顧祖武教授勤懇而辦事才具實亦不宜於公學冠英等校稟請總理亦非無見但小學定章亦無總理名目猶之師範傳習所亦不應有總教名目也亦乞 貴處飭武陽兩縣照章辦理校長主持一切教務庶務皆受責成卽帳目出入亦有稽核預算之責庶不至如顧祖武

條陳中所指帳房屠瑜各種劣跡是否確鑿不在此次調查範圍之內應并請 飭
縣詳查分別撤換以免口實

一清涼寺僧學 查清涼寺十餘年前一片瓦礫僧人清海募建房舍幾百餘間信教
自由授者既係樂輸受者亦爲無罪但該僧名譽頗減調查報告中所稱公正士紳
亦無敢謂其確守清規也但必指爲奸淫邪盜則該僧尙無被控之據惟今年接待
日僧伊藤賢道一事邑人大譁稟請上官驅逐異口同聲查伊藤劣跡近已敗露於
杭爲日領事勒令回國並三年不准來華從前常州紳士之袒僧者尙曰伊藤不過
到常游歷清海遇之厚故伊藤函託郡守保護此何事耶此何地耶而日僧憑空干
涉非許守婉拒之殆矣乃近日常州紳士復有電致學部語多袒護寺僧混淆黑白
其電尾列名爲劉翊宸潘鳴球等赴滬公叩等字樣查劉紳年已九旬萬無赴滬之
理調查員至常以詰潘潘答不知蓋潘紳早儼以知縣赴官河南曾有報告到會諒
無左袒寺僧之理昨更登報自行聲明矣以學部之電而尙敢捏名相習作僞伊於
胡底且常州亦有電局而必赴滬何耶應由該府縣嚴切查懲以息刁詐姑息容隱

適以養奸。總之清涼寺僅辦僧學其宗旨所在尙不過自固藩籬藉爲抵制浙江近日設立佛教總公所人尙以此譏之然照浙江章程係民小學僧小學又貧民工藝院同時並辦清海既稟部有案設立學堂若專辦僧學則此中教授與尋常迥不相侔勢必以聘請教習爲問題前之日僧去而後之日僧復來將終啓紛爭釀成交涉應請 貴處飭府縣嚴飭該寺僧先具不准請日僧爲教習亦不准招待外人切結所辦學堂卽援浙江近案先立民小學堂由地方官紳督察辦理該寺僧旣可得擬辦學堂之美名卽應受公衆保護之利益僧學一層暫毋庸議而一切反對袒護皆可以息矣

一常州府中學 查中學堂於三十一年九月間開工以次調查報告教室容積光氣尙稱合度儀器各項亦陸續購置約九月底可以落成明正當可開辦茲僅取到估計用費及經費所出清單一摺抄呈 台覽此項巨工自係憚紳力任籌款得以集事悠悠之口亦頗有惡而不知其美者但常郡掌經濟權者尙無榜示亦無徵信錄因疑生謗是在任事者之有以改良耳

其餘詳細情形另具調查報告書一册統希察核卽迅飭府縣酌辦並詳請撫部院分別咨部暨移知兩江學務處備案所有移到文卷計三十六件一并附繳乞點查歸檔盼切施行此復

調查員白中書作霖至常州調查事件清單及報告書

一師範傳習所是否有衝突罷課之事若何緣起 一冠英學堂莊氏父子爲師範生指摘各節似乎事不干己抑真有不滿人望之處 一傳習所校員人名及歲修之數常年開支總數若干 一傳習所月獎銀洋之數 一師範生之額數究竟此一學期內實到幾何成績若何 一師範教員有無不稱職之處何以一人而能兼八種科目此種科目是否身受教育抑係自修何年卒業又何以有此時間及能力完全擔任又有歷史講義爲人所指摘者確否 以上據傳習所報告並學務處照會應行調查之事

學務處照會附調查三件 一武陽公學延請總理之事 一清涼寺僧勾引日僧之緣起與辦僧學之現象及邑紳所指爲奸淫邪盜有無實在案據 一中學堂建築情

形經費若干何時可開辦

作霖承總學會之命兼蘇學務處之委託以常州學務紛呶不已屬往調查於二十四日偕同總會書記袁意先首途二十六晨抵常州卽寓袁宅所見官紳如府尊及兩邑令外有憚心耘觀察喬梓憚北生太守潘霞青大令楊秉荃孝廉周甘蓀副貢與各學堂代表暨教員三十日事畢更往清涼寺一觀以初一日午後八時返至上海夫調查者謂觀察其各種情形證以事實而期得其真相者也於評議裁判之事故非所及茲將所得情形條列如下

一師範傳習所是否有衝突退學之事若何緣起

去年師範傳習所初設任總稽查者爲莊苔夫今年莊辭職後卽以總教習程瑤笙兼總稽查而以王坤厚輔之(王爲去年傳習所之學生)稽查之職乃係按月督同查課人分期赴指定各學堂(卽各師範生所教之私塾由官給牌作爲學堂者)考查分數定爲等次給以獎物莊任稽查時多係當時明記分數程今年則改爲暗記五月初二日當上物理課時有師範生(記是名錢丙堯者)詰問此等暗記分數是

憑何法請宣示等別以便記入下等者可以知所不及而圖改進或取法上等者而奉爲導師程疑其不嫌於己因與反復辨明明記分數之弊且云若問何人可列上等則汝曹中尙無其人因檢論教授管理形式及教室中陳設與學生觀念審美種種有關如書畫花草等供設之類語冗而長遂至下一時圖畫課亦未講授雖當日語氣輕重若何事後無從探實然據大段情形而論（其情形訪之師範生及他學界中人與傳習所紳董所言大致皆同）似尙未至十分激烈故謂其停課辯論則有之而言其衝突罷課則過甚也

一冠英學堂莊氏父子爲師範生指摘各節似乎事不干己抑真有不滿人望之處師範生之指摘莊氏誠屬事不干已然彼等僉謂冠英係一公立學堂無統轄傳習所之地位既以私人之意干涉師範生則我等卽亦指摘其私以爲報復（據師範教員及師範生說）至論滿人望與否則人字界說太寬滿望不滿望無從憑斷蓋常州學界黨派紛歧往往一人而甲以爲是者乙以爲非丙有怨詞者丁則加痛詆甚有出入兩說之間者未易憑輿論以爲衡也

一傳習所校員人名及歲脩之數常年開支總數若干

監督院董 惲用康 不支月薪

總教兼圖書博物教育 程 璋 月脩六十元

歷史輿地教員 楊同穗 廿四元

算術教員 汪夢甲 十八元

體操教員 楊 成 十八元

稽查初等小學課程 程 璋 總教兼任

幫稽查 王坤厚 三十元

會計庶務 陳振翹 八元

書記 金振邦 五元

以上人名及月脩之數

開支去年自九月初十至十二月終共支洋銀二千九百十元一角一分然泰半爲開辦時修改房舍購置器具之費今年用帳除添置教科用具及操服等一百六元七角

五分外二月共支二百八十四元三月共支二百八十九元二角（以後清摺尙未有此總數內每月伙食油火約八十八元另司事聽差伙食十五元）

以上開支大略

一 傳習所月獎洋銀之數

依傳習所章程按月查課給以獎物以學堂用品爲限查去年年終獎銀及書籍開支共約三百七十元聞今年亦改獎洋銀且按季給發但查三月帳內初未有此款又章程中有津貼一項以所教學生按月平均總分數之多寡爲準差爲上中下三等上等等得五元中三元下一元此項獎勵係因改良私塾鼓舞教員起見似與尋常書院月獎之舊尙不相同聞許太守言今春本擬裁減曾經照會學務公所紳董迄今未議復

又查常年入款止有典捐及豆錢業捐年共二千四百千文以供傳習所常年開支尙屬不敷去年挪用中學建築項下普濟堂無主荒田之款貳千千文今春由府撥串捐歸還之

一師範生之額數究竟此一學期內實到幾何成績若何

額定四十處指定小學堂之教習四十人爲正額其餘旁聽爲附額此時已暑假但憑到冊上之戳記爲憑則每日有五十餘人詢問其值差則言每日晚膳八桌每桌或六人或七人似尙不至虛造但不知其聽講人數與晚膳人數有出入否非經目擊無從證明也至論成績則調查員之意以爲此名師範傳習所實則卽係私塾改良所其成績良否不在師範生之答問論文而當在其所教學生之何若惜時值暑假無從周歷各塾而參觀之故不能妄下臆說

一師範教員有無不稱職之處何以一人而能兼八種科目此種科目是否身受教員抑係自修何年卒業又何以有此時間及能力完全擔任又有歷史講義爲人所指摘者確否

稱職與否言人人殊然論其教授博物畫圖兩科則官紳學界皆謂可勝一人兼八科乃統前後各學期以自夸者實則一學期中此等科目與他科目無此時間能全行分配也（有學期課程表附呈）至云身受教育與何年卒業則其人既非留學生

吾國從前安得有此種學堂似亦可不查而得總之師範傳習所教員之約本係一學期今無論其人勝任與否或戀棧與否而操縱仍在常郡人士與其地方官竊以爲非調查之要點也植物講義取到一分略一繙閱大致尙合（中略）又歷史講義帝堯晚年有大洪水云云誠不免詞句之疵但近來講員往往喜引東籍其實擇言固貴雅馴觀人惟其大者亦並不必持以相繩也

一 武陽公學延請總理之事

前此總教習顧祖武關約雖未滿期已決計自退（此據學界中人說）而許太守則言（訂約本以一學期爲限下學期延請與否本屬未定）至布業半日學堂等所舉之楊廷棟有數學堂起而與之反對其意并非不滿於楊但以列名諸學堂未與其聯合故不表同情若師範生之詰難則以稟中有衝突罷課一語乃起反動於舉總理之事無關於承認楊與否更無涉頃聞楊已將學務公所一席辭退不再來常是假定者已遠引而繼起尙無人也（顧祖武有整頓公小學條陳帶呈）

一 清涼寺僧勾引日僧之緣起與辦僧學之現像及邑紳所指爲奸淫邪盜有無實在

案據

勾引日僧之事無可指名則其緣起自無從考得蓋日僧之來雖形迹可疑而清涼寺僧則絕不承認謂其到常乃持領事信至天甯寺者天甯寺更送至清涼寺使之接待因去年有名川上幾道者亦日僧至常時係天甯寺僧接待故今年伊藤來欲清涼寺接待蓋此寺與彼寺均費之意即興僧學蓄意亦在前年不始於今日也（此據僧語學界中亦有人同在座聞之者）至論其辦學之現象則擬命名爲釋氏公立初等小學堂其課程表分儒釋兩大綱儒書中有國文讀本釋書中則經典也以外有算學歷史地理體操等科而唱歌則改爲唱念想係合唱歌念經爲一科者（惟又有高等科及師範實業等名目編制殊不合法想係不甚明學校制度人爲之代定）據僧人云教習釋書請僧人儒書及他科請學界中人已稟地方官具結不聘外國人爲教習監督則當請地方紳士爲之詢其教室何在則引觀寺旁諸屋本前此放戒齋僧之室及客堂等尙足敷用亦有隙地可作操場當屬以作教室恐光線不足須將窗戶修改其校具則生徒用几案六十副已經製就係仿武陽公學

之式尙稱合用若邑紳所指爲奸淫邪盜訪之邑人皆言劣行素著而苦於不能指實且有不便指實之處但謂其確守清規則紳士中初無其人檢查案卷止有與潘姓爭地濬井一案亦係控人而非被控鄙意卽該僧奸淫邪盜已非目前之事近旣歛迹亦可許其自新今之重要關鍵止在以嚴重手段干涉其設立學堂監察其勾引外人與否他事固可不必牽混也

一 中學堂建築情形經費若干何時可開辦

建築情形於二十九日閱看半日教室容積光氣尙稱合度浴室廁所須俟大工畢後方造故無從看養息所尙適宜惟雨中體操處恐第二年即不敷用然四圍有地可以增拓於大體無妨也購置各項則儀器係託留東學生會內承辦中式校具係本地木匠承造學務公所蔡春生經手西式校具則上海求新廠定製者（以上據惲禹九說）全校舍約九月底可以落成大約明年正月必可開辦估計用費及經費所出取得清單一摺并校地房屋圖附呈不具錄

調查員錄報告旣畢乃於對於常郡生一感情則教育無統一之機關而獨立任事之

難其人也以表面而論學務公所及武陽學會未嘗不有其名詞矣實則公所不過爲中學之籌款局而惲紳專筭經濟部於教育事謝不過問（據惲紳自言）學會則有數學堂不承認者主持無人現亦將近消滅以故一事之起涉及學界則交訐互鬩始出於意見之參差終且置正事於不論而徒以口舌筆墨爭勝故調查員有一言不能不正告於常人士者則以事言若欲謀前者之破壞必先豫備後者之建設以人言則以甲之不軌而推翻之必有乙之鑿望而能繼續故論現勢誠不可不大加改革但於鄉土有人望而能占優勢諸公既皆飄然遠引此力謀改革者其資望又不足以鑿人人之心甲起乙攻無論其辦事如何而立足已先不能有一日穩是紛呶安有已時也目前治標之法惟有聽地方官擇聘有聲望善應付之人暫行主持而郡人同心協刀破除舊嫌蠲棄私見以謀公益俟機關成立豫備有人目的乃可徐達徒爲意氣之爭治絲而棼無裨事實且益之亂也邦人君子其有意乎

旅甯武陽學會存案稟并批

兩江學生高等學生實業學生水陸師學生等具稟爲公訂同鄉學會簡章呈請鑒

核准予立案事竊維甯垣學堂林立外府州縣士子來省肄業與充當各學堂教習執事者每縣多或百人少亦數十人平時謹守校規不輕出外非設立學會無以聯絡鄉情互換智識所以前此鎮揚通泰設立學會荷蒙批准在案仰見提倡人羣進化之盛意無量企佩生等籍隸常州府武進陽湖兩縣在甯垣肄業有年近今風氣日開于于而來者日益踵接約計在文武大小各校者漸近百人人數既多必有斟酌劃一之規方能保全名譽而砥礪學業爰公擬同鄉學會簡章一通宣告同人以昭慎守暫假陽羨周孝侯讀書臺故址開舉月會以後力量擴充當照章實力推行以期補助教育之所不及常府學會成立後卽附屬於府學會爲江蘇總會之支部是否有當伏候裁示遵行公便上稟附呈章程一通(略)

批稟摺均悉諸生就甯垣設立武陽同鄉學會以聯鄉誼而勵學業知所先務嘉慰良深所訂簡章宗旨正大規則嚴明而普通預備學堂及自治章程尤徵灼見應准如稟立案仰卽公舉職員照章實行以期成效俟學部議定學會章程頒行後再行遵照釐正可也此批

留歐武陽學生來書

逕啟者地方自治爲異日祖國盛強之基礎而教育則地方自治中之主要事業故簡而言之亦可曰教育之盛衰關係於中國前途之存亡除高等專門學校每由國立廣義亦曰教育狹義當曰儲材外其餘如中小學校足當教育二字之專名者無所謂培養人材止當曰教育子弟故雖有府縣官監督名曰官立實公立也此類學堂大半改自書院書院者正我國舊日公立之建築絕無與於官產某等之言此非主張與官中爭名義也中小學堂固爲地方自治中之公有事業然得地方賢長官臨贊而獎策之爲之名譽之監督亦西方各國之恆例某等之言此正欲望鄉里之士大夫自任爲義務知中小學校有公立無所謂官立至於公立與私立不過建設人多少數之幟別非監理法上對待之名詞均之皆地方紳士之任務而已故祖國前途之教育不興非政府之闕失亦非有司之罪過一皆地方紳士之恥今中國變通教育法伊始凡明通公溥之士辛苦艱難經一二人數十人私立之學堂往往賢名昭著乃府縣公立之學堂有司既視爲具文紳士亦動染官習絕少地方自治之

精神更無教育子弟之觀念。有司曰：國家缺人才，故改書院爲學堂也。紳士亦曰：改書院爲學堂，將爲人材升庸之戶牖也。蓋亦如曩者視先師之廟社，不過數十百秀才。一郡邑少數人之禮堂而已。雖公立學堂經費亦類多支絀，然稍可擴張規模爲地方倡率，力終優於數人之私建。況中小校準戶口以爲建設，有若中國之郡縣，卽每一小邑亦當有數十百所。此數十百所皆應公立。若私立之校，不過恃爲少數之補助，非眞私塾改良，遂可終古。則由城市而鄉村，隨在需本土紳士因公產而改築之集公款而創爲之城市。一二書院所改之學堂，不過於城市耳。目昭彰之地，先爲之倡，非卽以竟一縣一郡教育之任務。如一二書院之改築，標其名爲某縣小學某府中學，卽已竟一縣一郡教育之任務。如向者先師之廟社，不過數十百少數秀才。出其中則不完不具，不官不紳，僅有形式毫無精神，猶之可也。病在無人材而已。若知城市之一二縣小學府中學，不過居於全境中小校之同等，將欲樹之模楷以爲推廣，則宜何如？各見以良心稍盡其死力，以造全境子弟之幸福矣。今日府縣學堂皆有一二迂謬頑劣之紳士把持其中，竊經理學堂之名義，儼若學堂，仍卽爲向。

者。盤踞。要地。侵蝕。公款。爲。城紳。特設。之。席位。於是。鄉僻。之。經董。亦。尤。而。效。之。踞。公。產。如。故。仇。新政。如。故。黠。者。或。且。虛。立。學。堂。名。目。因。以。爲。利。某。等。以。爲。若。任。其。遷。流。科。舉。時。代。尚。有。四。書。五。經。成。一。組。織。於。蒙。館。故。雖。村。童。牧。豎。亦。因。之。畧。解。書。數。今。則。蒙。館。之。組。織。已。墮。學。堂。之。觀。感。未。漬。商。工。老。農。之。子。幾。自。疑。而。今。而。後。讀。書。真。無。與。於。彼。事。此。之。造。禍。將。至。於。無。子。弟。無。子。弟。則。無。人。民。在。勢。力。上。當。先。滅。國。在。比。較。上。漸。且。滅。種。然。則。今。日。之。地。方。教。育。豈。可。虛。而。與。之。委。蛇。任。一。二。不。相。宜。之。紳。士。玩。誤。其。間。貴。會。之。天。職。即。以。地。方。之。紳。士。監。督。自。治。之。教。育。清。議。之。所。自。出。忠。告。因。而。多。效。故。某。等。而。欲。角。權。力。爭。把。持。爲。百。步。五。十。步。之。舉。動。有。所。控。訴。控。訴。於。學。務。處。可。矣。某。等。身。居。海。外。心。在。祖。鄉。欲。以。憂。心。如。焚。之。痛。而。盡。責。備。賢。者。之。義。則。呼。籲。於。貴。會。而。得。諸。公。之。論。定。以。致。其。詰。問。則。貴。會。正。地。方。自。治。機。關。中。最。相。當。之。法。廷。而。合。某。等。之。控。訴。也。某。等。所。謂。不。相。宜。之。紳。士。玩。誤。地。方。之。教。育。若。吾。郡。惲。公。祖。祁。正。此。中。之。一。人。惲。公。之。箇。人。私。德。某。等。不。敢。求。備。固。亦。儼。然。具。鄉。先。生。之。資。格。且。有。愛。國。之。熱。誠。或。與。前。所。謂。迂。謬。頑。劣。者。相。去。有。間。惟。彼。習。染。於。三。十。年。前。之。紳。士。者。至。深。故。一。

切嗜權。徇情塗飾。敷衍。凡閉關時代。紳士應有之權利。無不盡享。紳士相傳之家法。無不備有。雖憚公矯矯。頗知自拔。無如年力限之動。卽與時勢成一不相宜之角度。而彼亦深有所覺察。故憚公鄉先生之士流也。出任吾郡教育無端自遜。僅任財權。不任教務。蓋亦自知尺有所或短。然任財任教。皆不過壁畫教育之主要。布置教育之主動。所謂任教其人。非卽躬親督課。則教務之布置。正恃有財權之驅遣。何不專之於一人。而必以區區有限之財。勞擾於別一人。倘集財之力。非憚公莫任。登高之呼。則憚公其賢勞。乃又不然。財教之增減。曾不與於憚公之進退。然則所謂有事爲榮。以教育之重務。而憚公不與。將有簡驩之疑。故強以一席位置之歟。此皆近時明哲篤厚之士大夫。欲消磨新舊之衝突。勉爲此不得已之調停。此種位置。眞迂謬頑劣者所必爭。而樂受憚公何人身爲士流。乃亦自出諸口。止任財權。不任教務。甘受此不惡而嚴之處。辦歟。當不然矣。或者曰。上文之所推解。皆過於迂曲。願得財權者之用意。直截痛快言之。一以掣教務之肘。一以專財權之利。如是而已。無復有餘蘊。然或言雖未足信之於某等。而憚公自有財政以來。行事之迹。幾不出於或者之家。

寥兩短言然此則某等仍未欲有所直斥所敢注意者貴會之會長其正爲季直張先生副卽惲公試問吾郡之財力雖絀而地方居樞要略過於通州通州學堂建設皆後皆名滿海內若常州之武陽公學其瘦瘠可憐之情狀幾與各省之山郡僻縣同一荒苦至常州之青年貼費而習師範於通州則以教育現象之優劣定其人之賢否雖百口何以自解故曰惲公爲不相宜之紳士而玩誤地方教育其言至公也某等要求貴會卽明致忠告勸惲公速讓賢者路又某等卽以信鄉先生之誠論定惲公謂惲公之出任財權爲獨當其難惲公之不任教務爲自知其短則寄語惲公以惲公之名德優游養望正堪矜式於鄉里今之正人君子自問不相宜之時勢定當閉門息迹娛典籍而弄兒孫委國事於後死故今日日本尙有居高樓不截髮之老人正不妨各行其是不失爲高尚之人物山高水長其風可欽若欲於環球公認之定理惟以己不相習之細故或代割焉使驢不成其爲驢馬不成其爲馬或掣肘焉使墮壞旣已墮壞而建設者無從建設則旣爲宿德之所見鄙復必爲後進者之所公惡殊可惜也嗟乎今之鄉先生某等盡略其短獨求其長則彼深夜所自信而

且見信於彼之故舊者則以己身橫插其間可以箝異論而息邪說故持此論者不惟紳也而官亦居其多數新政之不新不舊非驢非馬一出於欺飾敷衍皆操此爲護符然曾不思十年前持此論者通國皆如公輩何以致禮義廉恥四維皆隳令國事潰敗以有今日則可知己之所操以箝息人者其具爲至不良又異論邪說屏息至絕如道咸間之墨卷亦可云純平正雅何以洪楊突起幾滅宗社則操如此無效之具一德一心用於昔日者尙止有慙德而乃於今之新學何者雅聲何者邪說何者異論何者公理舉不相習者仍欲以道咸墨卷繩墨後進削人之足而納公等之屨以絕不經驗之單方代斲傷手之血誠徒出而爲阻滯所以躁妄者必指公等爲頑而長厚者亦歎公等爲愚矣夫亦不可以己乎且異論邪說何代蔑有一以四維之張弛爲兩極之消長無論人各有身家性命豈肯於州郡深密之地自招刑捕不測之險況興學救亡正求己亂苟上不行逼亂之政下必無好亂之人常州私立各學堂皆憚公太息以爲不獲受彼之箝息當爲異論邪說之所叢然何以異論邪說未聞沓興僅爭傳爲某校學課良某校精神完而於憚公箝息之武陽公學反留

貽腐敗兩大字又惲公之共事則季直張先生也今日之學部則爲嚴侍郎也之數公者皆不以道咸墨卷之精神爲箝息卽以真理之放任爲箝息何以皆不箝而息止聞主張所及教務振興異說不作然則公輩已矣不習學務實有其事箝息異論實無其具徒爲教育之蠹害而已然惲公不習洋務夷然去官不明新學力辭教務皆有足多者今若能自知亦不宜於財權又力辭以風世則各省有若惲公者皆聞風退隱各得相宜者以自代卽以教育一端而論當郡有起色縣有進步爲地方紳士之主持不必待政府有司之焦勞不數年而通國教育之精神以完以固則民間旣實造就其子弟而國家復一面造就人材安有不盛強之國乎某等非專進忠言於惲公也實並貢鄙見於退讓同善之賢父兄不文不詞謹乞亮恕並叩道安武陽留歐學生公啟

按右書先寄海上各報館狄君楚卿送會閱看未幾他報亦登出今纂入茲編以告一般社會再留東武陽學生謝祖元等十人來函武陽評議員先後來函皆指斥邑中近事惟善人能受盡言不備錄編者識

無錫縣 金匱縣

錫金學界公舉代表書

日前奉到貴會簡章遵卽於本月初七日邀集錫金兩邑紳董及各學堂教習在學務公所開臨時大會按照貴會所定入會資格投票公舉錫金兩邑代表人四名茲將姓名另紙開呈 裘廷梁 俞復 丁寶書 蔡文森

江陰縣

章庶常際治復書

前日接讀尊札及簡章十分敬已分致各學堂公所亦已榜示至靖江十分已交內閣陳君美棠矣專復

南菁高等學堂自治簡章(畧)

宜興縣 荆溪縣

宜荆學會公舉代表書

敝縣前上寸緘並呈會章當蒙察存大會提倡全界亟應遵舉代表附議淹滯至今

良深慚歉上月敝郡開議府學務公所之後宜荆兩邑之公所亦同時成立公推敝鄉前川東道任逢辛觀察爲總理主持全務並請爲滬上之代表人茲因敝會儲鑄農來滬合肅公緘攜呈大鑒以便註冊到會此後常會開議卽希隨時函招俾資聯絡幸甚幸甚

宜荆同舟學會章程(畧)

靖江縣

靖江青年學會報告書

竊維天演家言物競天擇物競者競以人乎將競以學天擇者擇其學乎尤擇其羣是以學問之進退又恆視羣之大小我靖小縣也籍隸江南僻處江北風氣不開爲一府之殿觀數年來我國上下咸知不羣之不足以生存故各處創設社會不遺餘力而我靖自封故徑闕無所聞推厥原因要由二三父老抱閉關主義不知羣之爲何物致青年在外內顧如一盤散沙不可收拾德新等覩此情形良深慨慮爰於暑假歸來糾集同志設一青年學會以聯絡情誼交換智識力求自治共謀公益爲宗

旨并定於冬夏兩期附立研究會互相磋磨以倫理道德爲要素總期在會之人人增智識人人守範圍檢束身心不致稍流於逸樂考之東西各國德育皆端於青年而近世通儒尤提倡學會爲社會之母此青年學會之所由名也但德新等學淺年輕種種事端多未涉歷爰於本月初九日開正式會時仍公舉開通端謹父老主持其間庶典型共存瞻仰新舊得以調和不致蹈金壇泰州之覆轍也謹將假定章程一册姓名錄一册郵呈鈞鑒叩准訓示立案不勝待命之至盛德新張援等謹上
靖江青年學會簡章(略)

靖江青年學會職員

正會長盛德新 副會長張 援

(下略)

復靖江青年學會書

敬復者展誦來書深佩諸青年組織之盛意章程亦尙妥洽會中主持仍延年長有聲望者更於社會現象支配得宜惟本處係總會則各州縣所設者似均應稱爲分會庶

有聯屬一氣之意社會辦事不用白稟以後請改用說帖或信件可也

靖江學會來書

敬啟者十七日接奉訓示並蒙過獎大君子總攬學務以普及爲主不棄德新等之雅意溢於言表來諭云本處係總會則各州縣所設者似均應稱爲分會庶有聯屬一氣之意於此更見大君子大公爲懷曲意贊成雖泰西合羣家之斯賓塞爾何多遜焉德新等謹感盛意願將青年學會作爲分會想大君子必深爲許納不我遐棄也

鎮江府 丹徒縣

鎮江學會簡章(略)

茅訓導謙請擴充鎮江蒙學堂說帖

謙 鎮江人應當言鎮江學事鎮江蒙學爲謙所發起又當言鎮江蒙學事竊謂學以普及爲貴尤以普及蒙學爲先蒙學爲未頒章程以前 上諭之名詞卽今章程中之初等小學是也在日本爲單級小學吾國近日仿行其教課凡四一修身二國

文三算學四體操鎮江城南蒙學堂創於五年以前其時未設體操名目但有國文算學亦無修身之名詞但講解四書經書切示立身行己之本而國文則以識字造句爲先算學則以商家珠算入手蓋蒙學堂爲造就士農工商兵五者之基礎識字明算尤五者之必需如飲食日用之不可一刻離泰東西各國之富強由於人人皆識字明算也吾國向來教法童子入塾皆讀大學中庸進而論語孟子再進而五經而字義不解字面不識尋常魚蔬之簿記有入塾十年而不能書者且塾師例不明算則是所教者但能爲考試之學操士之業而已其爲農工商兵胥無教也今欲力矯前弊非多設單級學堂不可非大加整頓擴充舊有之單級學堂不可鎮江城南蒙學堂本以書算爲基學生八十名五年以來能簿計出作商業者已數十人今年九月江甯測繪學堂招考以中文明白算學合格爲主其閱算學卷者爲東洋教習算學程度以能爲代數二次方程式者爲合格鎮江城南挑來學生六人皆入上選此其明效也惟是學堂旣以單級爲基鎮江之學堂又以城南爲有效則城南之愈不可不整頓擴充也明矣整頓以校舍爲先擴充以經費爲重城南之校舍本爲機

業公所後爲前府所設化莠之地最後由府請之省憲改爲學堂此公所舊屋前進三間兩廂爲昔日兼管化莠之保甲委員所住立有租帖在府有案月租二元後竟不出又其前進空地由該委員搭蓋草屋半邊爲繫囚之所夫敲扑喧囂固足以擾教課之心志而囚役在前學生終日出入穢惡薰蒸語聲猥惡皆非所以成就童子之方而況校舍不關學生又不能增也此宜請收回此項房地爲整頓校舍是其一也其宜擴充者則爲經費一項城南蒙學教習三人有脩而無膳學生不取學費兼與以珠盤粉板紙張仿本與抄書之本歲籌用款六百餘元可謂減省已極其費鎮江綢業衆人擔任三分之二謙一人擔任三分之一府署撥有公款每月四元如斯而已而前府開辦府中學堂於各業尙未勸捐先於綢業每年勸有千餘金之款准其每年扣去城南蒙學堂用款每年三百六十元其後由 端帥莅蘇撥有的款及生息之款現在鎮江府學堂每年入款約以萬計於是各業遂不勸捐而綢業收捐仍如故也竊謂鎮江土產僅織江綢年來亦頗淡泊且城內不過數家較之城外商埠錢土糖油各業萬萬不敵而已出捐如此今府學堂款項旣足該綢業所捐府學

堂之款應當發還俾其自教子弟當不止扣留少數也城南蒙學堂在城之中心其公所既爲綢機業之屋其學生亦多該業之人謙以一老教官現在考試既停少此入款竭蹶一身何能兼顧且學堂經費恃此寒儒亦非久計也擬請由貴會爲代商請鎮江府飭令委員移讓屋宇撥回綢業歲捐全款擴充城南蒙學堂雖爲數仍復無多而業已幾乎加倍則學額必可增加一倍且府縣學堂現在學生亦頗多自城南升入者是擴充蒙學仍爲府縣學堂之基也而所成就者爲士爲兵由小學而入專門他日或爲農工商就使不能專門習業而既已識字明算爲商工之夥爲耕作之儔自有謀生之具是此項蒙學堂有萬不能不擴充整頓者矣以上所請協助鎮江城南蒙學事件謹臚呈大略伏維

會長大人鑒核施行是幸

復兩江學務處延訂中學監督書

敬復者十九日奉大移以鎮江中學堂內容腐敗馬紳良曾保薦趙舉人徵禾取予不苟辦事認真堪勝監督之任業已札府遵照嗣據鎮江府承守復稱據中學堂學生張

恩昭等二十八人聯名稟留楊監督邦彥究竟該府中學堂內容是否腐敗楊趙兩員品學孰優移交敝會查復核辦等情當將移開各節交敝會鎮屬評議並訪之輿論楊邦彥屢爲三江師範學校所聘又屢辭監督之任學校擇師無與學生籌商之理攀轅臥轍官場以去思爲美談楊監督旣辭職在前則學生挽留彌覺去而益永彊而後可轉恐行與願違趙舉人辦事實心前鎮江府王守遇之頗厚其品學固可想見鎮屬評議亦謂趙於整頓二字尤覺相宜用敢據情奉復希察核爲荷

致常鎮道陶爲元壇宮地址書

敬啟者頃據鎮江馬紳良等公函以元壇宮地址與浙人爭執此事詳細顛末業經馬紳等公呈在案敝會未經調查未敢臆度惟馬紳熱心辦事久爲學界同人所欽仰苟非理直氣壯斷不肯與聞爲特函懇閣下就近與馬紳商酌俾鎮郡士紳翕然心服非特學界幸也此佈

京口駐防

京口學界公舉代表書

聞之世界競進必本合羣孤往冥行雖勤不遠萬衆齊足進步必疾側聞諸先生創江蘇學會於上海集萬有不齊之心志而整齊之聚前日腐敗之積習而廓清之立自治之基礎輔 國家所不及胥於此會是賴我同人於二日前始得印刷章程一紙讀之竊額手稱慶急集學界諸人用投票法公舉雲君路旭君朝二人爲全京口人之代表前赴斯會伏維認可使得與會員之列幸甚幸甚邇者種族競爭始於歐美被於東亞講明於日本遂大明於我中國之學界於是別白異族之見大別之爲蒙古爲高加索爲馬來爲亞美利加等細辨之遂爲滿爲漢昌言排之不遺餘力竊以爲此固人心之變遷實亦天演之公例何則我 國之初豐沛舊臣魁碩樸忠佐我 聖祖 高宗芟夷大難以張國勢福國民者一代稱盛迨宴安旣久世族窳惰沿及道光中葉及咸同之際英法之攻紅巾之亂折鼎覆餗相望於冊近世西力東漸士夫競言歐化以救危亡我滿人中專門巨子洞明外交如福澤諭吉伊藤博文者未見其人也望之不得則相怨怨之不已則相疾惡以致於傾排我輩不自進步是自處於受排之地非他人能排之也即使人不相排而當此歐風美雨競爭

劇烈之際苟仍抱其自大自是自驕自惰之故習寤睡不醒則大局既受其禍而此數十萬人之降爲輿臺泣於路隅者更不待言此吾輩每念及此未嘗不魂悸魄動繼以流涕也竊以爲驕泰之習惟學可以洗之窳惰之氣惟學可以振之滿漢之界種族之競爭惟學可以化之弭之至於學問齊一知識大同則我二十一行省之人將互相搏結以禦外侮之不暇何至復生畛域之見乎京口風氣樸塞去年同人公創學堂一區經費既絀規模未具大中丞端公聞而憫之爲左右提挈籌畫定款命王君宗炎來綜其事王君推誠殫力與我同人日夕研究以蘄進步中小學堂次第設立而教師非出於師範則固陋未免學徒不本於蒙養則程度未齊教授管理缺點極多茲幸得與於學會願諸先生輸我以知識振我之精神一切聯合調查之詳章悉以告我代表人俾其率循以爲改良之地是切企禱不盡之辭由代表人敷陳不及觀縷

京口駐防學會章程略

京口駐防學會職員 會長茅謙 副會長玉興 桂芳 下略

丹陽縣

丹陽學會報告書

丹陽風氣自囿爾時恩迫未獲派員觀光幸馬湘伯先生惓念梓桑出爲代表今春鎮江學會又告成立鈞等乃始聯合學界同人開會集議公舉職員暫定章程若干條稟請地方官及甯蘇兩學務處立案蒙批准復公推湘伯先生爲會長并蒙允許會中一切略具雛形鈞等誠懼才力不勝貽羞大雅伏冀先生不棄有以匡正而教導之則丹陽幸甚鈞等幸甚臨書不勝主臣瞻望之至章程一並附呈賜書卽寄丹陽學會是荷孫國鈞林兆昂趙瑞豫同頓首

丹陽學會簡章(略)

丹陽學會職員 會長馬良 副會長魏有聲 總理孫國鈞 協理林兆昂 趙

瑞豫(下略)

復丹陽學會書

辱來書並簡章一紙具悉組織苦衷甚善甚善湘伯先生深明教育翕然同聲貴會擬

設伊始一切得所商榷良慶得人尙希照章次第實行或隨時改良之處乞公裁爲幸
金壇縣

金壇學會簡章(略)

金壇學會職員 總理虞植基 協理王家幹 于文燁(下略)

鎮屬評議員徐君高年金壇學界衝突情形說帖

金壇官立高等小學一所蒙學兩所均係湯繼瑞承辦于茲三載湯董即兼總校並監督各職不諳學務教科腐敗屢經邑人呈控今正湯董告退稟請唐宗師派瞿校長充總校舊日腐敗漸次改從定章而湯董仍兼監督瞿總校礙於一面未能大加改良蓋高等小學中惟瞿總校與中文曹教習品學爲士林所欽佩此外輿地潘教習圖繪虞教習一無學問英文萬教習係入教堂匯文書院者行止爲士林所不齒均爲湯董之至戚密友任用私人以致人不信服學生不得多初定二十額今增正副共六十四名開學之日僅十餘人嗣以瞿總校聲望所動增至四十餘人仍未足額湯董以蒙學生濫升充數至蒙學堂中學生尤爲無定一時升高等一時招收每

一所不滿十人且壇邑學堂經費常年入不敷出全在聯絡各士紳通盤籌畫湯董把持一切不許他人過問在湯董搜括無遺怨聲載道而於經費依然無補以致堂中空諸所有應備書籍一概闕如此學堂情形也至於開辦至今之帳目無從查考今正湯董用黃紙謄錄一大頁糊帖宮牆在湯董卽此爲徵信錄試問誰能執算而立於牆下稽核其帳耶且其帳中開有節敬年敬月費隨封各名目不知送於何人者學務公所初係虞光表等仿錫金章程稟請勅設爲整頓學務起見湯董始則阻撓繼知勢所必行又恐虞光表等有礙獨攬之權乃托節費爲詞附設於師範公學今更名爲師範學堂此爲其姪汝賢徒陳允中壻謝維申等所辦皆聽湯董所用於是學界一切事務遂爲湯董等三五人所把持借詞節費附公所於公學使歸權於若姪若壻若徒而掃棄一邑各士人卒以公所非附設體裁仍另設於考棚提調處胡令詳稱賢者數人卽湯董與若姪若壻若徒三五人耳其餘悉擯斥矣胡令稟詳憑湯董一面其信從至此亦自有故也以地方之欸興地方之學教育地方子弟在士紳爲切己之事有司一官傳舍迫於憲飭惟求可以敷衍故胡令稱湯董之辦理爲發達極

點實則承官意旨但事敷衍因卽誣士人之叅預爲阻撓敗壞實則一切報罷便於專制一事經多人叅議決非具文可以塞責始則無機可乘末由附砌茲以支學會初成卽借此羅織觀其稟尾另由主持照會湯董遴選士紳辦理云云可見湯董素爲其所用必仍歸柄於湯而後惟其所爲且聲明王某等不准干預其用意可知矣致金壇縣胡大令調查學務書

都門一別倏忽十餘年其間人事變遷今昔異狀遙想政躬和美令聞休敷以爲頌祝弟去年在滬糾合同志設立學務總會元期聯絡內地各處多設支會以收聲應氣求之益頃接蘇學務處照會以貴治學會諸人與台端小有衝突斷斷齒論各執一詞屬爲派人調查復辦弟思學會之設本所以輔官不逮并非與官爲難以法理上分際言之公所處者行政之地位學會乃立法之一部凡所擬議皆當受成於官非對待與抵抗之說也公謂此中不肖者多賢者寥寥無幾以人類之不齊誠如尊見然播揚淘汰長官自有權衡似此一筆抹煞能保人無不平鳴耶至欲以學務公所代學會則併立法行政於一權萬無此種辦法且公所舉之湯總董果足以饜邑人之望與有此願謀

公益之心弟相隔既遙無從得實但詢之貴邑一二過此者亦復人言不一弟意此等事可聽邑人自謀之而我公但立於監察之地位法宜合一邑之學人由公擇期定地令其公舉官但酌定選舉之數而必預定被舉之人果其人爲衆心所歸則被舉自占多數公固不能以一手揜之若其不然則選舉者未必全屬敗類不肖者亦安得濫廁其間爲湯爲王固亦毋煩厯慮也茲屬敝總會調查員袁大令觀瀾前來一切辦法可與面酌俟貴處畧有端倪敝處始能咨復事關公益且於本總會名譽職務在在有關願執事實慎圖之

復蘇省學務處書

逕復者前准貴處照會以金壇縣胡令稟稱各節囑爲調查咨復再行核辦等因隨即由本會調查員袁孝廉希濤前往確查明晰茲據回滬報告核其情節一由於辦事人經驗較淺一由於地方官解釋未明正擬據實函復間又接金壇縣胡令移文內開奉貴處批該縣學務經董湯繼瑞等擬設崇正學會應准照行惟會長會員應秉公推舉毋稍徇濫仍將舉定員紳姓名通報查攷一面報明江蘇總學會遇事和衷商辦可也

等因移會前來披繹之餘具見貴處提倡學務不分畛域之至意惟此事既申貴處照會調查則現在該邑學務之內容用人之當否自當以調查所目擊者爲是非之衡較之士紳兩造之互訐宰官一面之文詞均爲親切而可據除將調查報告書另摺抄呈外敢撮叙大意爲貴處陳之查胡縣令原稟各節大致不外既有學務公所即可不必再設學會此一說也即設學會亦須由縣主持此一說也必總董湯繼瑞遴選公正士紳另議學會章程不准已設學會之王貫等干預又一說也而且入會之人非中西學兼通不可又一說也夫湯繼瑞其人即學務公所之總董胡縣令意中以爲祇設一學務公所即祇應承認一學務總董之湯繼瑞不應於學務公所以外再有學會即不應於湯繼瑞以外再有王貫等一千人是胡縣令於學務公所與學會之界說未暇分明即湯繼瑞及王貫等之優劣亦未暇分明又恐上臺之仍批設學會也故復設一詞以難之曰入會之人非中西學兼通不可而忘其所稱之學務總董湯繼瑞非特西學無所知即中學亦不過爾爾也如胡縣令所定入會之資格蓋非徒敝會同人或遜謝不敏即貴處遴選通人恐當之者亦十不得一二未識胡縣令自揣何如也敝會平心

調查湯繼瑞其人居鄉尙無劣跡惟歷任宰官頗有倚賴之處趨承奔走不無徼長自任學務總董管理法教授法種種不合名譽轉減且所任之總董已非公推居是邦者亦未聞有公衆選舉之事一旦有王貫等十餘人欲以社會主義離之而獨立取嚮所習服從主義摧拉而變革之無論王貫等所設之學會尙未完全即使萬能之夫欲和平而轉圜之吾未見其能勝任也且湯繼瑞等原稟中亦振振有詞矣曰斂錢植黨也曰糾衆聯盟也夫聚徒立會本朝鑒前明之覆轍懸爲厲禁久之其名乃爲奸宄豪猾所竊士夫相戒動色以立會非美名然而明之亡不亡於社會而亡於不辨社會之黑白今者五洲交通社會主義日漸發達日本法規以關於學術之社團爲法人而保護之其所謂町村學校組合即學會也胡縣令稟中泛稱爲東西洋學會似亦未一研究學會之性質於是欲別設一學會爲學務公所之附屬品而意中信仰者又非湯繼瑞莫屬更懸一中西兼通之資格爲拒人千里之計而忘其信仰者爲何如人種種原因由於不解立法行政之界說誤認學會爲官長對待之一羣於是植黨聯盟之口頭禪不覺傾筐倒篋而出其實入會有費所以表來者之志願無論何等社會皆有之

卽中國各處商會入會亦有收費者。至於曰黨曰衆曰盟如其爲鞏護國家而設。卽日本黨派其對於國家各有密切之關係。雖有何害如其僅便私圖不利此合羣之舉。動則中國數百年來固曾懸此厲禁矣。雖無亦何益。胡縣令旣稱非中西兼通不能入會。其設會宗旨中乎西乎吾不得而知矣。至湯繼瑞等設立崇正學會之命。意援引泰西各國天學地學會等名目亦具見留心時務。顧湯旣知泰西設會皆從事實學矣。則彼所設之學會亦應標列一專門名詞。如天學地學可也。泛而名之曰崇正何也。是與適所稱之西制已不相符而與敝會之宗旨尤不相合。蓋敝會簡章以研究學務爲宗旨。意主於開通風氣普及教育。若研究學理只屬學會之一部分。故各處支會並不另立名詞。旣貴處批准有案。敝處亦當承認爲研究學理之會。至王貫等所設之學會甫經組織本未成立。十餘人中程度固有不齊。大致亦無甚舊惡居今日而論人才苟有足以備吾國之干城者。卽使其材或不完不備。然大者爲榱小者爲桷。毋甯稱物而平施之。聖門有縲紲之士。強齊錄幽囚之臣。此等舊歷史合之近世。曾文正原才之論。視今日行政人之斷斷於社會者。又何如胡縣令服古素深。又何必異於今所云也。並希

貴處飭屬知照同爲振興學務起見多一社會卽多一競爭學問之思想卽多一顧全名譽之思想較之深閉固拒收效固已不同且考察政治使節方新立憲萌芽惟社會是賴賢有司退食之暇於憲法各編取閱一二必有恨聞吾說之已晚者而又奚噍噍爲也爲此照覆

調查員袁孝廉希濤報告金壇學務情形書

一官立各校情形

官立高等小學係金沙書院改建紳董湯繼瑞經辦前年冬開學三月初九日上午九點餘鐘往觀該校學生向免繳費且定二十人給予膳資現有三十八人分爲兩班頭班課堂生徒十餘人教師以陪客故未上堂所設教師案上排列鉛皮大筆架并硃墨大鉛硯如訟庭公案之式另一課堂學生四五人教師亦未上堂餘俱散在寄宿舍所定課程表排列鐘點不明晰閱之不盡解另紙抄附後校舍甚整齊然無體操場詢之稱於課堂前磚砌之天井習之

校長瞿君係南菁高等學堂學生由學院選派來校然又由縣照會湯紳爲監督

與湯紳談教育一切極爲隔膜瞿校長及教員曹君均略談并示所用教科書此二君外間名譽頗好

初級師範學堂借設文昌宮初九初十上午兩次往觀有簡易科師範生十餘人據云尚有十餘人每日下午來習英文算學各一點鐘索觀功課表較爲明晰惟以一年畢業之簡易科而課外國文又有專習英算學之學生皆與師範辦法不合似應另設補習科不與簡易師範牽混庶免歧誤

又觀附屬小學則生徒十人圍坐方桌概沿私塾舊式教科書及教授用品亦未改良詢知總教葉君亦由學院選派每日擔任算學兩點此外教科由陳君允中等擔任經費不及千緡除葉總教餽送脩金外義務居多陳君著有羣學通詮於舊學新學均有門徑并聞力任籌濟經費其人洵足佩重惟於師範及小學校之規律未經實在體驗致不無隔膜處

官立初等小學兩處一在倉聖祠學生十三人一在八蜡廟學生十四人此兩校除體操算學以一教員兼授外每校延一教員皆未諳教授法者就所摘授之本詢問頭班

兒童并根鬚莖等字均不識壁間黏有功課鐘刻單然校中并無報時鐘表

一學會情形

學會設於虞氏宅初九下午往觀有招待員及會員十餘人接待門懸金壇學務總會牌內設閱報等所調閱會簿計會員簽名者九十餘人又所記演說甚少均屬無關得失詢閱會章則但依總會部目舉職員三十餘人其詳細會章尙未議定云須俟總會發出照行縣稟王家幹潘志王貫虞光表于中林于文輝段炳元于徵韓元佐虞向榮虞煥徐之鋒張鳳池韋鐘霖楊立本等平日包攬詞訟被控被提又或嗜好甚深植黨營私等語查十五人中會長虞君植基不在其列此外會中幹事居多惟據虞君光表來晤面稱伊與楊立本二人均未入會係縣尊誤列其間且伊除前年公稟總書侵佔學宮牆一案列名外從未預聞他事云云又據潘君志面稱此次縣父母官稟斥十五人之劣蹟不免誤指但天下無不是的父母自不可過與爲難等語

初十日開會城鄉到者百餘人謂是歡迎會濤謝之但往旁聽并告衆以目前官紳未能浹洽則諸君不過盡分內應盡之義務而合邑公會則另俟組織妥善云云並囑撤

去總會字樣

湯繼瑞等稟設崇正學會由縣詳奉批准按其會章係學務公所附設之研究會故不收會費雖非聯絡城鄉開通風氣之一邑公會但得諳悉學理之人主持其間即一部分之研究將來亦有裨益也

一私立學校及合邑學務情形

觀于氏私立普通兩等小學計高等初等學生各三十人除免費二十人外月繳學費以一元半元爲別校中布置尙有條緒教授亦能如法惟校舍未悉合衛生以賃屋故不易改良又教科較繁囑依蘇學務處暫定小學堂章程爲宜

在城各校如上所列外并詢訪鄉間各校據西鄉某紳述伊家私立學校之情狀細按之與城內初級小學等蓋由無合格教員可請之故此外鄉校在去年報有數處今年間有停閉者蓋由無經費可籌之故

通邑教育公費連高等初等各小學師範學堂等統計不及三千元困絀如此宜乎教育萌芽難於茁達也

一訪晤官紳所述情形

署縣胡大令晤告金壇紳士多好訐訟湯紳經理學務有年今諸人必欲排去以爲快彼等品類實至不齊借學會以相招搖云云當答以總會會長意本恐品類夾雜有礙學會名譽故請重集通邑學界公同選舉而官居監察之地位果爲衆望所歸自能被舉不致倒置是非胡大令意預選之人宜鄭重答凡係被控理屈未結案者及凡應削去人格衆論所摒者皆不應與會其餘通邑學界皆可預選舉胡大令意終遲疑謂處弟地位惟當聽候上憲批示

就儒學顧廣文詢問情形并就接晤各紳談論察看情形則似湯董及王家幹潘志諸人非有聲名優劣之判別而由微有意見之齟齬此外互有毀譽亦難指實又詢知學務公所之組織與松太各郡大異其總協理不由公舉而由官委任

去年畢業回國之留學日本速成師範生馮君泰現住溧陽于君鳳藻現與其族叔于君組織私立普通兩等小學皆未預官立公立教育之事于君極熱心尤他人所不及以上各條係調查所得之大概情形也然揣官紳衝突之原似係有人播弄其間地方

官爲所聳動故縣詳各憲有卑邑士紳不肖者多賢者寥寥無幾之語不然胡大令非不勤幹何致并未入會之虞光表楊立本而強鍛鍊之也

竊就管見論之湯紳未必有劣迹如他人所指摘者但不明教育實難諱飾且高等小學既有校長照章卽不應另有監督名目此管見所及一也崇正學會係學務公所附設之研究會於教科科學將來自當有益但目前學務尙形窒塞必須有聯絡城鄉開通風氣之合邑公會庶能日漸起色尤須就合邑學界公同推舉視其多數使爲會中職員不使一部分之人爲之庶不再蹈以前互相指摘之弊此管見所及二也其尤要者學務公所總協理及各紳董關係教育行政責任頗大蘇松太屬各邑均係合邑公舉似宜亟行仿辦視被舉最多者任之庶人不能再以庇護劣董譏縣官亦不能以迎合有司刺紳董杜絕爭訐此爲最要且其人旣爲衆所推舉則一切城鄉設學籌款亦較易於浹洽此管見所及三也教育以師範爲根本金壇官立公立各校設備未盡合法由無實習師範者參預之故卽如初級師範學堂實僅一未完備之傳習所然陳君熱心可佩苟令出洋游學或考察數月於教育必有影響又馮于兩君畢業回國亦宜

令參預官立公立各校之教育庶收造車合轍之效此管見所及四也惟現在各邑分設學會與本總會一氣聯絡固求開通風氣振興學務然流弊亦不可不防仍應照總會簡章嚴定入會資格以副興學

諭旨官紳共受責成之至意不致或貽流弊此管見所及五也除第五節本總會已有簡章仍隨時查攷外其第一至第四各節請本總會職員提議決定以憑咨復蘇學務處

金壇高等官小學堂鐘點功課

星一

八點鐘

讀經講經

十點鐘

中國文學

一點鐘

地理

三點鐘

格致

五點鐘

體操

星二

八點鐘

讀經講經

十點鐘

中國文學

一點鐘

圖畫

三點鐘

算學

五點鐘

修身

星三

八點鐘

讀經講經

十點鐘

中國文學

一點鐘

考地理

三點鐘

歷史

五點鐘

體操

星五

八點鐘

讀經講經

十點鐘

中國文學

一點鐘

考格致

三點鐘

考歷史

五點鐘

考體操

星四

八點鐘

讀經講經

十點鐘

中國文學

一點鐘

圖畫

三點鐘

算學

五點鐘

考修身

星六

八點鐘

考經學

十點鐘

考算學

下午

作中文一篇

以上所定課程尚缺中國文學三點鐘應於星六下午作中文一篇交卷後准其在

堂游散

每日晚上兼授英文惟星六晚准其免習以示體恤

各科課法 經 詩經由監督逐日自編講義登堂講授 中國文學 頭班淺顯古

文由正中文教習上堂講授 二班虛字造句由副中文教習上堂講授 歷史 商

務印書館歷史教科書由中文正教員按課上堂講授並按課另編講義 修身 四

書要義由中文正教員上堂講授並按課另編講義 算學 由瞿教員自編講義登

堂指授 地理 格致同前 圖畫 毛筆習畫由圖畫教習繪圖登堂講授 並演說各物之

性體操 柔輦由體操教習到場指授 英文 係小學堂隨意科不得佔正科鐘

點由英文教習於晚膳後七點鐘登堂教授

以上各科學除算學格致地理由總教自行承認外其餘各科教員每至月終皆一律彙呈總教以定平均分數榜示於堂

兩江學務處照會

照會事案照本處詳復遵飭查明金壇縣學會官紳齟齬情形一案並乞核示祇遵

由茲奉署督部堂周批開如詳辦理仰卽轉飭遵照繳等因到處奉此除轉飭外相應抄詳照會爲此照會貴總會請煩查照施行

摘錄兩江學務處詳文

茲據周令用成查明回省抄黏案據並該縣胡令遵飭聲敘先後稟復前來當以舉人王貫等原設學會品類不齊因之官紳互有齟齬該縣所指諸人被控有案查係並非虛誣現王貫幕遊遠出潘志年老龍鍾所設之會旣已撤銷其餘諸人均應毋庸置議學董湯繼瑞平日操守尙好江蘇總學會亦經查得該董向無劣迹應仍留爲學務公所董事再選正紳相助爲理由地方官隨時監察督率以收實效惟公所與學會係屬兩事該董旣在公所辦事卽不便兼攝學會庶分權限其請設之崇正學會亦卽毋庸置議應飭該縣另集士紳秉公推舉期於品望咸孚事理通達足以研究公益爲合格至胡令到任數月辦理學務尙知認真並請免予置議

溧陽縣

溧陽學務公所暫定章程(略)

致蘇省學務處論溧陽顧儒學設立學會書

敬啟者前接溧陽縣顧儒學懋熙函稱組織學會等情來書詞句頗難明瞭既無學會章程又無會員名姓但稱熙與王君葆澂曹君承憲承同人公舉爲會長詳細情形由縣申報並公函上海狄君楚卿代表一切等語查顧儒學函稱各節於開會秩序殊未研究隨將原函知照狄君覆稱文旣不通其人可知狄君籍隸溧邑適其里中士子因事來滬細詢情形則顧儒學所設之學會僅少數人之營私植黨而曹尤不滿於人口正礙函詢溧陽縣令間適接劉縣令式宸來函亦僅稱溧邑學界意見紛爭乞總會調停於顧儒學之學會未及一字竊思學會關繫教育斷不容自便自私之輩藉設會名目互樹黨援此次溧邑學會毫無組織卽自謂業已成立已屬可異乃至一紙文詞亦多扞格儒官本分必曰文理尙優今殊不然則其人可知其事又可知敝會方以他人捏造爲疑且劉縣令函又未指明贊成其內容益可想見茲將顧儒學來函錄呈亮察并請飭劉縣令隨時曉諭學界按照學部奏定教育會新章期於組織盡善意見胥融顧儒學所立學會與新章亦多未符暫毋庸議至曹王二人鄉望如何並望飭查以昭

覈實而免藉口合此肅陳

復溧陽縣劉大令書

逕復者奉來書所以調護學界者甚至過渡時代此種階級本不能無但目前敝處接顧儒學來函已有公舉會長三人等事既無學會章程又無會員名姓而函中語氣支離敝會疑非顧儒學本意亦非顧儒學手筆查學部新定教育會章程各縣應有分會俟敝會遲日錄寄各處俾鄉里縉紳士子皆可遵章辦理至來函稱鄙人爲觀察一介庸愚安得辦此主臣而已再正在函復間接士團體育會來牘大致謂阻撓辦學等情夫徵兵一事也學會又一事也用其所長而棄其所短亦奚不可近日溧邑學界訐曹者甚至敝會但就文理觀之似乎顧曹諸人辦事少秩序但貴治學界究竟程度知識有足統攝一方者否處今之世凡辦一事本無人人而悅之之理但必須其人於道德法律稍知研究或流弊尙少顧教諭之用照會此次來牘之用紅白稟施之社會均屬不必而牘中又備斥陳訓導有培植野蠻人物罪惡大矣等語是官借學會以攻官紳借學會以攻紳法律墮落適足爲植黨營私之證查學部新定教育會章程第十三

條如干涉教育範圍以外之事又會員時起爭端均應卽令解散等語希貴縣查照新章辦理可也除函知學務處外用再佈聞

太倉州 鎮洋縣

太鎮學會公舉代表書

承寄簡章業經收悉十六日正式會期敝會同人公舉會長蔣君伯言會員錢君履
樛錢君誦三爲代表均有入會資格屆日一准到會爲此先行佈告

鎮洋劉河學界公舉代表書

謹啟者本月十六日至二十日貴會開第一期常會提議各處學務暨商訂貴會細
章敝學會特邀鄰境嘉定學務公所學董廖星石君世經會同本會發起會員前北
洋大學學生洪伯賢君錫範屆時到會代表伏望認許與議是所至盼

太屬學務公會簡章(略)

崇明縣

崇明會員王樹聲等報告學務情形書

逕啟者崇邑興辦學務近日情形非常艱阻理合報告謹將大略開列於左 一本
邑縣學堂開辦四年向借民房居住教授管理一切俱從簡略樹聲等適承其乏從
鄉先生之後議悉力改良稟詳學務處並規畫修建改書院爲校舍期成一完全之
學堂以表率閭邑其經費會同馮紳誦清等稟詳酌借賓興公車本款九千六百串
暫行移用另變賣學田五十萬步彌補此款以裕學費乃賓興董事施詒孫計圖把
持公款令伊子補經另創一城東小學復煽動黨羽徐欽安顧友鈞等捏名朦控百
計阻撓聲勢洶洶不遺餘力昌言欲以野蠻舉動加諸各學董陰以遂其侵吞公款
之私此修建校舍艱阻之情形也 一師範傳習所議從明歲遵飭設立本月十六
日招考已由邑侯遍示各鄉冀立教育普及之根源乃施補經等從中阻撓不以爲
開化反以爲植黨簧鼓羣盲布滿揭貼捏造憲批以誤報名來學之耳目（有同人
郵稟大憲奉批不准開辦永遠停止等語）此設立師範傳習所艱阻之情形也
一蒙小堂自科舉停止各私塾教員驟失所恃乖巧者於是爭創學堂以爲得計邑
城周不過四五里學生祇二百多名而設學已有六處所收學生大小不齊多寡不

等教員職員識科學二字者寥寥無幾現在羣向學董要素經費動以六七百千爲辭不應則攻擊之無已而公款拮据毫不知顧就中以施補經爲最甚校中教習徐欽安係著名訟棍吳毓林係下第老童腐敗情形言之可歎名爲興學實則買利此統一小學辦法艱阻之情形也樹聲等公同商議竊以爲阻力不去敝邑學務決無起色擬懇鼎力速電撫帥派員查辦將施補經把持公款阻撓學務破壞師範腐敗小學各情形一律澈究以維大局合邑學界幸甚林可培王樹聲嚴師孟徐繼高仝啟

王參議清穆復總會書

奉讀手示敬悉敝邑會員報告各節確是實在情形惟時屆年底弟意擬令邑中紳士先行會議辦法如不能安定俟明正再請總會評斷想執事亦以爲然也此復
崇明會員王樹聲等二次報告學務情形書

竊崇邑孤懸巨浸面積六千方里戶口八十餘萬乃揚子江之門戶國家海陸軍力所不及之區外侮孔亟時局艱危非地方自治不足以圖存非教育普及不足以自

治方今學務萌芽伊始辱在地方紳士宜如何破除舊習協力同心以謀進化乃數月以來阻力橫生謗書沓至困難情形莫可名狀推其原因不能不歸過於馮太史誦清誦清領袖學務擁其名不事事者數年矣去冬學務公所成立太史爲總理張紳應穀爲協理樹聲等以鄉人忝列其中已招頑固者之嫉忌其時學務殷繁每有建白輒阻遏之不行如造就師範也改良縣學也推廣鄉校也經累次之磋商邑尊楊侯與王京卿之悉力主持僅乃達其目的計創立師範傳習所者一添設各鄉小學者九而縣學堂校舍亦得修葺竣工稍稍合格惟籌款一層多所鯁阻例如朱姓助公之產十數頃羣議改撥學堂官紳士子均已允洽而太史以私交力阻竟作罷論其後誦清遨遊滬上居無定所協理張紳又赴申就館壹是旣無可會商而公事又萬難延擱不辦則爲玩延。遽辦則爲僭越。當將爲難情形呈縣請示經縣主以儘行辦理見復。由是誦清銜恨益甚而奔走形勢頑固之徒得以乘機播弄廩生龔鈞邑中之虎而冠者也以豪訟聞於時夙爲馮所倚任時惠安沙學田召變龔鈞等商之誦清計圖壟斷先行投案承買陰使戶書短價估計洋一萬一千一百餘元嗣公

所奉文覆估加足洋一萬四千餘元若輩憾甚乃聳誦清出與爲難先是誦清自滬歸家同人當將覆估情形專函請示未有覆音旋卽赴滬延至月餘縣中催覆甚急同人等權宜從事仍以總理領銜此皆確有證據在案夫公田增一文之價卽學堂受一分之益何損於誦清而竟以是申明捏復百計吹求多方誣陷值新舊縣主更代之期喉龔鈞等朦稟撫轅暨學務處此理之不可解者也查龔鈞等原控大致謂樹聲兼操財政浪費公款可培繼高兼教數處多得重脩等語惟是財政一項工程用度係富紳嚴君師孟經理學堂經費係舊時專董經手繳署由署經放公所不過綜核大綱並無出納之柄有案可稽惟師範傳習所歲支錢二千串左右有豫算表呈署按季領用亦係司事何祉嘉經手並非樹聲兼管教育一門可培繼高有畢業服務分頭任教定章所宜師範官學兩處每星期二十小時歲支洋三百八十元未爲過分至若平生制行於名節未敢或墮此固鄉里所周知而留日同學諸君所深悉者要之樹聲等於家鄉義務勦盡半年自維上可以質天日下可以告國民所惜者誦清以桑梓巨紳不能共濟艱難顧全大局乃貌是神非陰相排斥前途進化阻

礙匪輕是用縷述大略敬以質諸文明學界之君子是非曲直以俟公判不敢固也
貴會主持公道倘能派員調查苟其確有弊端願坐相當之咎否則平反而昭雪之
幸甚幸甚謹啟

致崇明縣魏大令書

逕啟者迭接貴治學務公所王紳樹聲等來函並清摺一件預算表一紙所指陳各節
證以敵會聞見所及不爲無因既據稱省學務處批縣查覆茲將原來清摺及預算表
附察興學匪易得人尤難所賴賢有司激揚至當庶任事者不至灰心害羣者知所斂
跡此則敵會同人區區之意也

致蘇省學務處請飭縣維持學務書

逕啟者月初至崇明察視分紗廠據勵志學堂經董施君徵霄等面稱創學籌款被城
紳阻撓各節崇邑學界紛呶日甚王君樹聲等既被誣於前施君等又被撓於後自非
飭縣分別維持保護不足以堅任事之心施君信望爲一鄉所重敢將來稟一扣附呈
鑒核希卽飭縣如稟酌辦可也

再致蘇學務處請嚴懲毀學書

敬再啟者正繕函間又接崇明二條暨河沈翥鴻等來函以暑假內於附近天后廟設研究會本月初一日賭徒糾黨入廟焚毀物件稟縣請究蒙准未果賭徒連夜鳴鑼聲稱欲焚毀沈宅沈於初二日稟縣請捕縣尊因循又未果下午鑼聲迭起賭黨數十人蠶湧入沈宅搗毀門窗器具細軟皆被劫掠沈紳同二子暨鄰佑救護亦受重傷當夜詣縣門閉不得報初三日始蒙履勘初四至初六日縣尊作壽並無辦法迫請維持等語此案疑竇甚多沈翥鴻所辦學堂係何校名是否係借天后廟致觸賭徒之怒賭徒數十人係何名姓均未聲敘借廟設校是否先稟縣有案但無論如何起釁鑼聲經一晝夜該縣竟不設法彈壓致釀焚掠巨案果如所言實索解不得敝學會前爲崇邑學界紛呶致函該縣令亦一字未復照學部現定教育會章程私立學堂有不合者由會直接規勸官立學堂則陳明本地方官吏案關吏治得失非草野所敢輕議伏維亮察

嘉定縣

嘉定學會公舉代表書

讀貴會暫定簡章茲援代表人資格一項之例舉會長黃世祚爲代表人屆期赴會
此佈

嘉定會董廖君世經聲明北上辭任書

謹啟者世經現以北上本邑學務總董之職業經辭退所任會董茲由同人公推本
邑學務董事潘君元善擔任特此佈告

寶山縣

寶山學會公舉代表書

敝學會於本月十四日就事務所邀集會員公推四人到會代表敝縣學務事宜即
希台照被推四人如下 王鍾琦 李維勳 朱庭祿 朱世增

江蘇學務總會文牘補編

海門龔世清諸君來書

逕啟者本年三月間通州提議創辦中學時海門二三紳董之與會者遽主附通之說歸而知不洽輿情於是有四月十二日之集議卒以主附通者百不二三取於多之決定業經五月二十三日由廳尊照會籌捐自辦在案茲閱七月十四日報有貴會致兩江學務處函稱海門學界腐敗各情民立師範一事自辦中學一事組織學會一事奉讀之餘惶悚無似但爲學界前途起見不佞等烏可以不辨除民立師範爲學界之一部不足掣動全局學會爲初次組織草章尙須改良均無庸置議外謹將海門欲自辦中學之原因一一陳之通海均直隸布政司權限當不相蒙前之五屬合考乃聽去取於學使非聽管轄於鄰封有可以自辦中學之定例有可以自辦中學之能力以人情言誰肯寄人籬下此因爭教育權而不願附通者一也海境截長補短東西一百四十里南北三十六里當得五千四十方里里約二十戶當得十萬八百戶稍弱附通歲占學額十二名僅與數千戶之靜海鄉等苦樂眞若天淵以

人情言誰不望學界之發達享進身稍易之利益者此因學額少而不願附通者又一也通海本分南屬以海合通又不能任相當之財政則居附庸之地位自無職權之可言以人情言誰能不泄邇而不忘遠者設任事者意有偏畸則黑白一任顛倒告籲無門爭回已晚此因慮後事之糜爛而不願附通者又一也更有觀於遠事而不願附通者查海門新漲之地實卽靜海舊坍之地廳志載其沿革甚詳故海門初立學時請將有額無地之靜海鄉學額十名撥歸海門而通州某大紳從中阻阨是以部議僅撥竈額二名後竭百餘年之經營糜十數萬之支費逐漸增廣至邇年始足十名海門人士之躑躅名場正坐此故懲前毖後非有特別不可殫詰之心地者均竭力擔任贊成此不願附通之遠因且有鑒於近事而不願附通者通州師範章程所收海門學生本有定額而當開辦後除與總理有舊之一二人外鮮被錄取非有沈紳變均爭之甚力則定額恐亦虛懸據此以觀中學附通稍顧大局者未有心爲之寒此不愿附通之近因總之通海向不聯絡如蒙鄰朋忠告之誼出其所長規我所短方且感謝不遑若眈眈焉以強權侵我權限夫豈情理之平誠有如廳尊

照會所稱察看情形博參羣論強合通州意見既歧恐不足以持久者貴會所稱迭接報告不知此由外來之調查抑由內地之布達由外來耶烏足以知海門事實之真相社會之確情遽謂罄海門之資不足籌十萬元之數由內地耶則爲反對人有意破敗之言於事實之真相社會之確情相去益遠況海門自辦中學並非毫無把握也卽參觀蘇滬松各處中學以例海門建築費約需三萬餘元常年費歲約七千元已可切實舉辦海門歷辦學額及籌餉紳富各捐皆在二三萬上下現在廳尊諭籌建築費捐集亦已過半而未捐區段尙有十之六七如無人隱爲之阻則官紳聯絡勸募非難亦何至有破壞而無建設又況江蘇各屬興辦學堂有串票捐米糧捐猪隻煙酒等捐各種土貨捐若海門參酌仿行歲得何止巨萬以之酌提中學常年費似亦綽綽有餘而貴會函稱建築常年非十萬元不可罄海門之資不足以資粉飾是海門永無自辦之日矣而猶曲爲之詞曰先附通後自辦者何耶貴會居高明之地執評議之權一言九鼎明知非敝邑士紳之口舌所能爭然而學界前途長此阻阨地方自治之權亦從此失矣桑梓所關不能緘嘿知我罪我惟各執事裁之手

此奉白敬請台安龔世清楊清鑣茅仲元陳大綸等同啓
復海門龔世清諸君書

敬復者昨日敝會接未署月日訊見示海門與通州合營中學本由五屬官紳集商公訂自自辦中學之說起鄙人卽認贊成來訊紛綸似已可省今據訊錄告梁廳尊卽作爲撤銷前議海門不合於通州之證由廳詳省定案此請大安張謇頓首

再通州師範本學期增設測繪特班爲各本地測繪輿圖之用量地平面廣輪之數爲名額多少之數後年亦擬增設警察學校并海門合計此可表明鄙人無畛域之見今海門旣自營中學此二事是否合通卽請徑復通州學務公所又公所原案名通海五屬今是否一并分晰祈并示復

張殿撰謇在通州師範學校簡易科卒業演說

今日是簡易科生卒業卒業之後要去各小學校擔當教員之事在校諸生有同學之情卽有相與考察研究匡正夾持之義今爲諸生說一中國世界極光明極偉大之叫化子此叫化子名武訓山東堂邑縣人十歲左右父母俱死窮無所依乞食爲活見人

家與他同年歲的上學學生便感傷自己失了父母的孤苦發一個大教育志願當時世界看得教育最大者書院其次義學他就日間乞食於四鄉乞得之錢日日積存非雨雪不能行乞必不用以買食後又買麻於夜間積之棲一古廟既所積至數十千則求存於信實可靠之鋪戶聽人予息而又積之久乃人人知此叫化子之篤實憐之信之所得之錢較他叫化者多如是者蓋三十餘年本息積至一萬餘千存錢漸多時乃求一有鄉望可靠之董事存之說明要立義學的志願以是地方上人格外敬他人或勸其娶妻成家武曰不可無妻則我生平所乞之錢我得專主有妻則有子妻子衣食須分我之錢我卽不能專主不能成我之事達我之志願人或讓屋以處之亦不願終身鶉衣百結棲止古廟而已五十歲後以其所積之數訪之存錢之董事可造兩義學乃先在堂邑柳林集買地特造繼至館陶見僧人了澄在楊莊設一義學助貲三百千後至臨清又立一義學地方卽以其名名之曰武訓義學廣延教師教隣近貧家子弟武仍乞食乞食之時訪問學中教師盡心否學生用功否立品否知某學生某時不用功某事不立品則至學跪於此學生之前而泣知某教師不盡心則至學跪於此教師

之前而泣由是學生感之教師感之皆有效光緒二十二年卒年五十九庚子以後

上諭令各省興辦學校地方官即將其義學改爲小學仍名曰武訓山東巡撫爲之
奏聞於朝小學爲照一像刻石庀於小學視之仍鶉衣百結之叫化子也偉矣哉天
下無一類人中不可出絕大人物曾子曰人能宏道非道宏人若武訓者可謂能宏道
可當絕大人物以常情論士大夫小發跡變易其素守一叫化子發財卽窮奢極欲蕩
盡其貲而復爲叫化子亦道德上之責備所不及叫化子者古今中外所看爲最鄙夷
之人也以常理論叫化子能有數百千數千之蓄積買田置宅娶妻生子安居樂業
卽不興學或勸其出錢以助地方之興學而叫化子或願出或不願出人亦不能以責
備平常富戶者責之更不能以責備涼血之士大夫者責之叫化子者古今中外人目
中最易寬恕之人也山東者畿南之大省卽以本朝論名人不少大富極貴小富小貴
之人更不可數紀武訓一至微極賤之匹夫耳一念顛誠遂在中國自造出極偉大極
光明之世界論其仁則大仁論其智則大智論其廉則大廉論其勇則大勇論其信則
大信種種美德皆其一念之顛誠造之論其品地非特浮雲朝露之大富極貴人不能

望。卽。世。所。謂。名。人。亦。不。能。與。之。方。駕。而。並。軌。爲。其。所。處。極。低。極。苦。成。就。極。高。極。卓。孔。子。言。欲。立。立。人。欲。達。達。人。言。有。教。無。類。墨。子。言。兼。愛。言。尙。同。若。武。訓。者。眞。知。孔。墨。之。意。行。孔。墨。之。道。者。矣。盡。天。下。之。人。無。論。如。何。窮。盡。天。下。之。事。無。論。如。何。難。必。無。過。於。叫。化。子。必。無。過。於。叫。化。子。之。興。學。而。武。訓。竟。以。一。叫。化。子。化。爲。天。際。眞。人。卓。立。於。萬。物。之。表。是。則。六。洲。萬。國。之。教。育。者。皆。當。崇。奉。者。也。走。之。自。問。萬。萬。不。及。更。不。必。說。走。勉。之。諸。生。勉。之。心。目。夢。寐。中。當。常。懸。一。叫。化。子。武。訓。

張殿撰饒正告通五屬辦學諸君文

悲夫痛哉以自命興學之人而阻學也自 朝廷有不入祀典之廟宇准酌量改辦學堂之詔而各省寺院有引外人爲保護者矣有鼓煽愚民聚衆毀學者矣風聲所播凡寺院之稍有營殖與夫鄉民之故步自封者方洵洵疑懼而地方營私自利與夫意氣顛恣之紳智慮邪淺漫無閱歷之士相高口耳之游談抹煞社會之習慣皇皇興學冒昧發端馴至一發不可收拾如近日川港毀學之案其尤甚者矣方

詔旨準以不入祀典之廟酌改學堂南洋大臣覆奏有如僧人獨自苦行募建及地方

勝蹟所關與夫鄉民歲時報賽之所均予存留不得輒改之條辦事人於此等事例絕未留心上者徒憑勢力推翻彼教下者直漲脈價興爲無意識之舉動耳不知卽以彼教論信教自由乃人人固有之權利歐美各國教堂林立日本佛教崇信之盛且過吾華彼名法學家智慮非不逮於諸君何以不胥予改革也論者不察又或引通州師範學校爲比例此尤於當時情事不合通州師範學校者前明千佛寺之廢址也寺故有殿三進每進五間光緒二十七年前殿燬於火止賸後二進及旁院傾圮過半不蔽風雨之老屋而已一僧癡煙如鬼窮棲如丐典賣門窗階石及銅神像爲活絕無一人過問鄙人因地介冢寂之間風景殊勝計畫就之爲之贖回所典之什物收回所失之田畝歸於別寺未以分毫溷我學校復爲此如鬼如丐之僧覓一相當之廟安置而資遣之一切大定然後從事興作今全校中惟禮堂因其後殿改建爲樓未移故處自此以外甯有一舍一堂仍其舊料者校有冊籍人有耳目可考而知也紛紛稱引毋乃戾乎

朝廷今方預備立憲憲政之要首在教育普及學校建設方將按戶而計以州境計初等小學當得二三百所鄙人深願興學諸君內維公理外體恆情毅力經營苦心勸

導。勿。眩。哲。學。一。節。之。賸。語。勿。傷。鄉。土。四。面。之。感。情。風。氣。既。開。信。從。自。衆。疑。阻。既。去。助。力。自。來。否。則。甲。方。以。興。學。而。滋。闕。乙。又。以。興。學。而。破。家。鄉。愚。無。知。魂。靈。寄。於。無。賴。之。徒。無。稽。之。口。一。旦。禍。發。官。爲。大。局。不。能。不。有。所。懲。創。由。是。覆。產。被。刑。者。又。復。相。續。積。嫌。愈。深。復。作。愈。厲。當。時。既。不。免。有。城。殃。池。及。之。人。易。地。即。不。免。有。懲。羹。吹。虀。之。事。是。則。學。不。阻。於。真。愚。而。實。阻。於。假。智。願。自。命。興。學。者。之。無。爲。假。智。也。鄙。人。謹。爲。一。州。九。頓。首。而。請。張。殿。撰。書。正。告。通。五。屬。各。小。學。校。教。員。

過渡時代之始籌教育廣及固難籌廣及教育之財政尤難我州學界中人知之者當十八九矣師範之設於今四年初因科舉未停士多觀望故豫定本校本科生畢業就聘月俸三十圓平等二十四圓簡易科月俸優等二十圓平等十六圓講習科優等十二圓平等十圓準之日本市町村學校教員積資之俸亦略相等惟以甫畢業之生當之此爲優異耳意在鼓舞諸生就學彼時觀念則然頃者 朝廷 明詔天下豫備立憲則地方自治之宜亟小學建設之宜廣鄉里智識之不開用度籌畫之支絀種種方面皆費籌畫而當此憲政萌芽之初益迫人羣進化之望不得不變易前說重爲學界

諸君言之蓋城鎮繁盛之區與鄉僻貧瘠之處籌費難易迥不相侔故欲圖教育之普及非從多設單級小學下手無更善之辦法此等單級小學校舍或酌借廟宇或用土牆蘆障覆草大小七間亦須五六百圓常人一時感義或尙能爲至若常年支用取資於學費者既不足又無他項可籌必責鄉人歲捐百數十圓非獨竭忠盡歡不可持久亦慮有人藉詞強迫別生事端由是推之教習月俸過重豈非窒礙興學之一端乎既非鄙人創辦師範之初心當亦非諸生擔任教育熱心求學之素志擬自光緒三十三年起除繁盛鄉鎮或非繁盛鄉鎮各校經費足敷支配開支各教習月俸經辦人願仍照原定數目外其係鄉僻之區物力艱窘已立將立各校開支教習月俸至多不得過十圓至少不得過六圓核計每校招生五六十人每人學費二圓至三圓通盤核計略足相當設有短絀必係小數可由地方設法酌量津貼似尙易於措手辦學人不畏難而後教育可廣教員有公心而後辦學人無所爲難本校現方教授單級教法一二年內畢業派赴各處當能實行增拓諸君勉乎哉

私塾改良總會書記員報告兩年會事概略

國何由強民何由富何以禦外侮何以治內亂皆曰非人材不可人材何由得皆曰非教育不可 朝廷頒明詔興學堂示民以趨向之途然兩年以前科舉未廢官立公立私立學堂均寥落如晨星鄉僻之區頑固之士淺見寡聞墨守舊法不知更變有志之士觀教育之未能普及輒咄嗟興歎於是上海沈君戟儀創議設立私塾改良會就向有之私塾而釐正之明定課程指示教法諄諄勸導切實調查首捐私財以作開辦之費旋即勸集同志共籌款項爲可大可久之計集衆人之心思謀地方之公益用費不多輕而易舉兩年之中會務日益擴充其會章亦日有進步

以上本會發起原因

此會起點甚小而推行甚速見效亦極捷光緒三十年甲辰六月首先試辦於川沙之龔鎮是年十一月蘇州私塾改良社成立官紳學商諸界均樂贊成公推彭紳頌田爲領袖董事沈君戟儀爲會長又舉陳君星昭李君君磐等十人爲幹事按月會考各私塾學生於蘇城之元妙觀每次到者不下三百餘人秩序整肅精神奮發於是遐邇聞風咸知嚮慕諸同志又公議設立師範講習所俾私塾教員晝則專心授課夜則補習科學概免束脩來者不拒蘇城教育之風爲之一振

以上記蘇州設會

自蘇州私塾改良社之效顯著於是近自蘇松太各屬遠至贛浙閩諸省均有照章仿辦者滬上紳商學界聞之大爲歎動以爲此法實可立普及教育之基礎爰與該會發起人沈君商議設立私塾改良總會於上海以上海便於交通堪爲各省各邑分會之總機關也沈君以爲不有居者誰任教科不有行者誰開風氣中國辦學堂者已不乏人而遊歷勸學者尙未之前聞今若遊歷各邑廣設私塾改良會以提倡勸學之風教施所及將無涯涘誠中心所樂爲遂毅然辭蘇州高等學堂教員之職而專任辦理私塾改良總會之事光緒三十一年乙巳五月起草定章程試辦兩月至七月內總會發起人李君雲書王君省三張君讓三姚君子讓等商定總會辦法聘請幹事書記會計等員租賃會所購備器用大局略定九月內各會員投票公舉李君平書陳君潤夫會君少卿李君雲書席君子佩王君一亭爲董事主裁會中要務此外各會員及贊成員數十人均有監督會務參議會章之權此總會成立之大略情形也

以上記上海總會成立

總會辦法專以遊歷各邑調查學務情形演說改良方法誘掖私塾教員爲大綱而以勸戒洋煙不纏足興實業地方自治諸要事爲旁支乙巳五月至十二月遊歷蘇松太

三屬自名都大城以至僻陋鎮集到處開會演說官紳學商處處歡迎其議有端緒設立分會者約計四十餘處沈君及書記員每出行一次輒經二旬或三旬之久夏則酷日炎威冬則風霜雨雪飢寒交迫皆所不顧東西南北不遑暇處至若已成立之各分會則約期代往考課口講指畫手不停批不厭不倦各邑子弟實獲改良會之益者不可勝數

以上記總會
太各屬勸設分會
在蘇松

光緒三十二年丙午正月卽就總會內設立滬上私塾改良會廣招城內外及英法美租界之私塾教員入會並設師範講習所聘教員五人請寶山李君仲言爲教務長從者甚衆滬上雖風氣早開學堂林立而地廣人稠私塾之數仍不少減守舊之習未能盡除自此會擴張於是風聲所及城內外租界等處之塾師漸知激勵改變方針會中以來者日衆乃借仁濟善堂爲會考處月集一次六月內大考發給獎賞會董會員齊集一堂並請來賓演說是日私塾教員之得獎者二十二人學生之得獎者一百三十餘人絃歌雍和規則謹嚴進退有序各會員與來賓幾不知私塾與公學之別云

以上
記總

會改良本埠私塾及設
立師範講習所情形

乙巳之冬季江甯初等小學堂總辦何頌圻觀察上條陳於江督周玉帥請通飭各屬州縣一律仿行私塾改良會玉帥深以爲然卽行文通飭各州縣一律仿辦會長沈君以勞玉初主政廉惠卿部郎之介紹晉謁玉帥於金陵帥節大爲褒許丙午之春兩江學務處司道札委沈君至甯屬各府縣勸辦私塾改良會沈君先至甯鎮淮揚四屬勸辦分會多處又以勞玉初主政及陳潤夫觀察之函託至浙江之嘉興桐鄉等處調查私塾開會演說並考察課程所至之處影響頗大

以上記江北及浙西勸設分會情形

江北學風尙未大開民氣異常犷悍且地瘠民貧學堂萬難徧設辦私塾改良會以補學堂之不足最爲相宜到處演說勸導以開通社會習俗之錮蔽尤屬緊要海州許九香觀察沈雨辰太史徐州段少滄觀察淮安張君蔚西揚州張君雲門等爰與會長沈君熟商設立總會支部於江北由淮揚徐海四屬合籌經費以備遊歷勸學及調查考課之需沈君允之現正妥議章程大致在預籌常久經費聘請演講員書記員常川駐紮江北周行各府縣及大村鎮會同本地官紳切實辦理注重貧民教育加以調查實業農工並勸富教兼施本會各會員願效其微力而尤望江北賢士大夫之熱心提倡

相與有成以達其目的也

右略述本會自甲辰年發起以至丙午上學期兩年內辦事情形其詳細辦法及各分會之成效另有刊就章程及本會雜誌當會送奉鑒正無庸贅述惟勸學一事尙屬創舉本會各同志學識才力自慚不足深懼不克當此大任惟祈總學會諸君有以教之幸甚幸甚

江蘇學務總會文牘

補編



江蘇學務總會會員姓名錄

江甯府

金 鼎峙生

黃宗澤衍長

侯必昌莘生

竇 昀田來

鄭寶慈幼巖以上元

鄧邦述孝先

程先甲一夔

顧 琪花岩

張曾璧汝芹

夏仁瑞藹如以上甯

鄭 謙鳴之深水

孫錫恩疊波

姜崇恩懷少

吳榮萃拔其

王乃屏展爲以上六合

揚州府

梁 炎慕韓

周樹年穀人

方爾咸澤山以上江都

朱 董紹珊

蔣彭齡紹錢以上甘泉

汪秉忠彝伯

陳霞章孝起

張允顛靜生以上儀徵

董增祿伯芙

賈繼宗繩孫以上高郵

盧守愚墨庵

王鼎彝楷珊

劉鍾琳樸生

劉啟彰紹泉以上寶應

徐德培篤甫

顧詠葵聽秋以上興化

凌文淵植支泰州

趙鉦樹少楓

葉文瀚曉竺

蔡映辰少嵐以上東台

淮安府

顧震福竹侯

周 鈞衡甫

周 珩佩蒼

于述祖亦彭

郝嵩壽荷舫

以上山陽

陳玉澍惕庵

陶鴻慶

以上鹽城

陳福咸夔生

以上清河

張相文蔚西

陶懋立卓如

以上桃源

徐州府

楊允升迪生

武從心矩臣

趙品成逸齋

張佐清翊庭

張仁普宏軒

張伯英少溥

以上銅山

陳士髦彥甫

竇毓盃雲蛟

以上邳州

張福清筱峯

蕭縣

海州

陶緒曾仲餘

張福年習耕

丁錫福嚮卿

以上海州

許鼎霖久香

贛榆

通州

張 謇季直

白作霖振民

孫寶書敬民

劉桂馨一山

以上通州

張蔭穀庶亭

潘蔭東保之

以上靜海

張 藩樹屏

沙元炳健庵

以上皋如

楊體仁靜山

泰興

海門廳

沈燮均

樊璞民一

施恩溥雨亭

龔翼之芭生

蘇州府

章鈺式之

彭福孫頌田

陸基雨庵以上長洲

王同愈勝之

郝鼎元勳伯

龔傑子英

蔡俊鏞雲笙

范禕子美

陶惟坻小沚

劉中和育才以上元和

尤先甲鼎孚

吳本善訥士

顧彥聰聰生

高人俊載之

沈恩孚信卿

董瑞椿懋堂

汪鍾霖甘卿

單鎮束笙

包公毅朗蓀以上吳縣

徐夢鷹季揚崑山

王頌文沂仲

張方中惟一

陳定祥渭士

姚德鳳威伯以上新陽

曾樸孟樸

丁祖蔭芝孫

朱積熙遠生

蔣元慶志範

蔣鳳梧韶九

邵松年伯英

張繼良雙南

翁順孫寅丞

周文驥履康

季亮時務之以上常熟

徐念慈

俞鍾鑾金門

周起鵬筮頤以上昭文

鄭慈穀式如

金懋基松岑以上吳江

曹纘明旅生

黃元吉紹成

曹吳銓藹人以上震澤

葛繩森友梅以上靖湖

松江府

陳憲章菊生

雷奮繼興

吳前楣伯庚以上華亭

沈宗祉景賢

邱曾瑩以上婁縣

顧騮仲開

吳治恭晉尙

黃繼曾公續

高燮時若

高煌望之以上金山

姚文枏子讓

李鍾珏平書

顧言丹泉

王維祺季貞

吳馨懷久

蘇本炎筠尙

楊保恆月如

楊白民伯民

穆湘瑤抒齋

林祖潛康侯

曾鑄少卿

祁祖濠冕庭

姚明輝孟塤

葉醴雯景澐

毛經疇之伋

陶明源月湘以上上海

夏瑞芳粹方

張毓英繼齋

席裕福子佩

宋璆庭衡

葉理焯景瑳以上青浦

黃炎培忍之

沈亮燦戟儀

楊斯盛錦春

黃琮平齋以上川沙

孫熾昌邢伯

孫壽昌惺叔

孫寔昌友蘧以上奉賢

朱祥紱子灝

徐承德適時以上南匯

常州府

屠 寄敬山 沈同芳友卿 惲用康北生 蔣維喬竹莊

周仁撰甘蓀武以上進 惲祖祁莘耘 劉樹屏葆良 嚴保誠練如

唐 演易庵 潘鳴球霞青 楊 擇秉荃 惲毓昌禹九

史 剛子儻陽以上湖 周廷弼舜卿 丁寶書芸軒 錢以振琳叔

蔡文森松如 胡爾霖雨人 張雲錦炳華無以上錫 裘廷梁葆良

俞 復仲還 楊壽楣翰西 高汝琳映川金以上匱 繆荃孫筱珊

何震彝暢威 吳增元聽臚 周 楨贊宸 周廷侃濱臣

周廷佐襄宸 周祖望景風江以上陰 任錫汾逢辛 儲南強鑄農

朱楚善湘帆 潘 浩養伯宜以上興 吳之安福康 周學源組園

曹啟驥栖享荆以上溪

鎮江府

姚燕賡錫康 茅 謙子貞 吳兆曾寄塵丹徒以上 馬 良湘伯丹陽

徐高年鶴君金壇 狄葆賢楚卿 沈宗邵仲韜 狄葆豐南士溧以上陽

雲 路振青

旭 朝蔭桐 以上京防

太倉州

錢福葆復孫

管 圻封千 以上太倉

蔣汝坊伯言

錢溯灝樸儒

錢綏槃履樛

錢詩棣桶三

洪錫範伯言 以上鎮洋

潘元善性初

黃世祚虞孫

許 貴稚梅

項松齡如松

夏曰璈琅雲

黃守恆許臣

廖世經星石

夏清貽頌來

印有聲雋澄

錢 江鏡漪

甘成霖雨蒼 以上嘉定

袁觀瀾希濤

李維勳仲言

朱庭祿星六

王鍾琦醉雲

朱世增淵士

黃炳辰星階

錢衡璋禮南 以上寶山

王清穆丹揆

嚴師孟亞鄒

徐繼高燕庭

王樹聲穫百

林可培友蘭

蔡日暄霽峯 以上崇明

以上共計二百三十二人

跋

江蘇學務總會組織成立將一載所治事至鉅未能隨時報告於學界今屆期年會長季直先生延同郡沈友卿太史及震彝香集文牘詳定體例編輯爲書以資教育家之參考檢校告戴迺詮次意見書於後方曰學所以御世變會所以謀公益也吾國文藝優美學術高尚在世界早居最勝之地位今則大地交通新智呈露歐化東漸莫可阻遏如駿馬之下坂巨川之趨壑吾國適承其衝客觀之激刺甚深主體之侵尋愈亟凡兵工農商各挾所長各出所學以事拓殖而肆憑凌故朝野上下競言教育以救敝而爭存溯自甲午以來徧歷種種困難始獲此近時之效果若江蘇則控帶江海之流域財賦充羨人文清嘉風氣之開亦號稱東南諸部分之先進往歲士大夫之賢雋者以上海爲甯蘇二屬集合之中心點組織學會爲預備地方自治之基礎卽先以倡導教育爲要務由此遐邇觀感賡續踵興鼓振發揚各具規制而總會自得完全統治之權此亦占中國近世社會及教育歷史上之特色也已一年之中各屬學務官紳齟齬則操苦心以調停之民學墮突則運實力以震懾之經費支絀則籌良法以補助之科目

殺亂則循定章以釐飭之以及先事之經營臨事之因應已事之匡救皆視人情地宜爲準不蹈躁卞詭隨之習所以是非立辨洪纖悉理是皆會長綜覈友卿布置同人審查之力居多震彝居滬半歲承會長命佐治會事適丁機牙錯雜竿牘填委之時則亦少少參末議焉非敢言贊畫也大抵時流之立論多嚴於事外之責備昧於局中之勢情不知會中爲全省總機關部其治事但析其曲直別其輕重較其緩急集議判決而執行之當其時固不遑工趨避務遷就計毀譽也至於千慮一得大純小疵則上智通人猶且不免彼無意識者并疑會中希望立法之名譽侵越行政之權限是何不卽社會之狀況教育之現象精密視察之當可斂氣平心不復爲引繩批根之語矣乃者憲政決行已頒 明詔會中近設法政講習所當試行地方自治以立議會之模範全省教育卽遵學部新制重加組織以謀文化之普及今雖甄錄寸帙固與江蘇學務有倡導之功亦一時得失之林也吾故曰非學不足以御世變非會不足以謀公益世有達者其審此辭旨而瀏覽焉丙午七月江陰何震彝撰

光緒三十二年歲次丙午八月初版



著錄者 武進沈同芳

編纂者 江陰何震彝

校對者 鎮洋汪泰符
揚州劉香圃

印刷所 商務印書館

發行處 上海各書局

總發行所

上海新聞醬園一街
江蘇總學會

定價大洋壹元

上海图书馆藏书



A541 212 0012 49818

